

# DAEMONVRGIA

THEOLOGICE EXPENSA,

SEV

DE POTESTATE DAEMONVM  
IN REBVS HVMANIS,

DEQVE

POTESTATE IN DAEMONES

A

CHRISTO ECCLESIAE

RELICTA.



---

M DCC LXXVI.



7440 D116

*[Faint, illegible text]*

*[Faint, illegible text]*

*[Faint, illegible text]*

# DAEMONVRGIA

THEOLOGICE EXPENSA,

SEV

DE POTESTATE DAEMONVM  
IN REBVS HVMANIS,


DEQVE

POTESTATE IN DAEMONES

A

CHRISTO ECCLESIAE

RELICTA.



---

M DCC LXXVI.




Ἐκελεύσθημεν λέγειν , καὶ μὴ εἰσενέγκης ἡμᾶς εἰς πειρασμὸν , ἀλλὰ ῥῦσαι ἡμᾶς ἀπὸ  
τῆς πειρασμῶ. Πολλὰ μὲν γὰρ ἡμῖν ἐκ διαβολικῆς ἐνεργείας προσγίνεται λυπηρά. κ. τ. λ.

Dicere docemur : *Et ne nos inducas in tentationem, sed libera nos a malo.* Multa namque nobis ex diaboli opera accedunt tristitia &c. S. IOAN. *Chrysostomus* Serm. in orationem Dominicam.







## PRÆFATIO.

**I**nde , quod in sublimissimo religionis negotio uebili ac corruptæ rationi nostræ nimium fuerit indultum, accidit, ut nunquam magis fides labasceret, quam novissimis his temporibus, quibus quam maxime in discutienda veritate religionis est elaboratum.

Idem de dæmonurgia dici potest, de qua passim libelli prodeunt in utramque partem, lingua etiam vernacula; unde ignari ac hebetes facile in transuersum aguntur, credulitateque



P R Æ F A T I O.

nimia aut incredulitate abducuntur vel ad superstitionem, vel ad Scepticismum.

Fateor me ægre ad hanc tractandam adductum esse materiam, veritum, ne superstitiosis opinionibus, ausibusque irreligiosis patrocinari viderer vel invitus, a quibus paullatim defuevit hodie vulgus etiam credulum; mundus vero proximis sæculis veluti fascinatus fuit, anilibusque fabulis, ac deliris imaginationibus suis ita dementatus, ut ubique insectari se lemures & spectra in animum induxerit, spiritusque defunctorum hominum undique vagari, & humanum genus persequi somniarit: cuius credulitatis vix ullum apud veteres habetur vestigium; nec superest ibi hodie gentium, ubi vana desiit persuasio. Cessant fumigare rogi ad exterminium miserarum personarum, quas propria exagitavit phantasia,  
hyste-

P R Æ F A T I O.

hystericaque passio; nihil iam divitiarum, præterquam si hebetudo cum perversitate, & desperatione mentis coniuncta in transversum egerit, a paupere speratur diabolo, nihil ab eo opis vel auxilii petitur, qui mendax ab initio nil nisi humanum exitium, nil nisi præstigias, fraudes, & dolos molitur impostor, ac irreconciliabilis hostis.

Sed vel hinc cautos nos præstare debemus divino moniti oraculo, funestisque inde a proto-parentibus nostris exemplis, atque auctoritate omni retro ætate gravissimorum virorum ac primævæ præsertim Ecclesiæ Patrum; quorum innumera quidem adduximus testimonia, ut tamen multo adhuc plura recenseri potuissent, adeo eorum scripta sunt referta salutari-  
bus monitis ac præceptis; ut periculosum perinde sit & temerarium refragari, ac omnia ea

P R Æ F A T I O.

perfrieta negare fronte, quæ crassis nostris non percipimus sensibus, nec corporali obtutu, aut humano assequimur captu perceptioneque.

Ob oculos pono ipso in ingressu uno veluti conspectu Syllabum huius commentarii, cui in fine iunguntur omnia ea scripturæ sacræ loca, ad quæ in ipsa tractatione provocavi, atque ex SS. Patrum sententia sum interpreta- tus ad mentem usumque constantem Ecclesiæ, cuius iudicio committo, quidquid est argu- menti.







## SYLLABUS

### DE DÆMONURGIA, ET RELICTA CONTRA EAM A CHRISTO IN SUA ECCLESIA POTESTATE.

#### CAPUT I.

*De Energumenis, variis modis ac malis  
artibus, quibus ad tentandum, infestandum, fal-  
lendumque genus humanum utuntur  
cacodæmones.*

**P**resentis tractationis occasio. 1. Instigante diabolo collapsum genus humanum in primis parentibus. 2. Antiquior de dæmonibus doctrina, etiam apud gentiles. 3. In sacris scripturis exempla dæmonurgiæ. 4. Exemplum Christi. 5. Principes mundi huius, & rectores tenebrarum harum. 6. Quomodo diabolus eiectus est foras: 7. Quomodo ligatus? 8. Solvendus novissimis temporibus: 9. Hostis semper formidandus: 10. Ad luctam relictus. 11. An malus cuique homini adhæreat genius? 12. Humani generis hostes, caro, mundus & dæmon; 13. A cuius insidiis nemo securus est, 14. Ut tamen in nostra sit potestate: 15. Quocum semper pugnandum. 16. Traditus satanæ iuxta apostolum, ipsique angelus satanæ datus, qui eum colaphizet. 17. Sic ad bonorum profectum sunt dæmonum insultus, 18. In quantum Deus permittit. 19. Unde & in oratione dominica liberari a malo petimus. 20. Dæmon, caro, mundus hostes coniurati. 21. Omnes infestationibus diaboli obnoxii, etiam boni, 22. Et religiosi homines, 23. Quique cum primis pietati sanctitatisque student; 24. In extremo præcipue

mortis agone. 25. Diabolus an, aut quomodo omnium malorum causa? 26. Quomodo in animum sese infinuet, cogitationesque nostras; 27. Phantasiamque & passiones moveat, 28. Atque ad vitia inclinet, 29. Et a bono ad malum trahat. 30. Variis modis corporaliter infestati homines, 31. Et obsessi; 32. Infantes, 33. Adulti Christiani 34. Misere agitati. 35. Energumeni a Clero, sacris, ipsoque baptismo quare & quomodo arcebantur? 36. Quomodo in corpus agant dæmones? 37. Diabolica phantasmata, spectra. 38. Diabolus transfigurans se in angelum lucis. 39. Loca a dæmonibus infestata. 40. Dæmones aeræ potestates. 41. An meteora producere possint? 42. Deo permittente corporis valetudinem vitiant morbis aliisque malis; 43. Verbera, vulnera infixerunt; 44. Ac mortem ipsam. 45. Magia quidem soluta per Christum, iuxta SS. Patres; 46. Eiusque fallacia demonstrata, 47. Ac impia superstitio. 48. Strigum ludibria, 49. Somnia, 50. Phantasticæ metamorphoses. 51. An dæmones meris nobis illudent præstigiis? 52. Maleficia in corpore humano & alibi; 53. Philtra; 54. Fascinationes, 55. Imprecationes, 56. Incantationes, ligaturæ, phylacteria, 57. Necromantia, 58. Divinationes, observationes vanæ, 59. Sortilegia, 60. Incaustum prorsus ad thesauros eruendos: 61. Cum diabolus nocere tantum intendat impia superstitione; 62. A qua tantopere cavendum. 63. Ne tamen in alterum incredulitatis extremum prolabamur.

CAP.



## CAPUT II.

*De exorcismorum in Ecclesia virtute, variisque excludendi daemones ac eorum infestationes modis.*


I.

**D**e dæmonurgia communis SS. Patrum sententia.

2. Potestas eiiciendi dæmones iuxta Evangelium, 3. Testimoniis a primis Ecclesiæ sæculis demonstrata. 4. Exorcismi. 5. Exorcistæ. 6. Promiscuus a primis sæculis exorcizandi usus fidelium. 7. Statæ exorcismorum formulæ. 8. Varia disciplina circa SS. Eucharistiam contra dæmonurgiam. 9. Exorcismus in nomine Dei, 10. In nomine Christi Domini, 11. Et Salvatoris IESU, 12. Crucifixi. 13. Crucis signo pelluntur dæmones, 14. Phantasmata fugantur, 15. Explosæ magicæ præstigiæ. 16. Crucis munimen in confessione christiana, 17. In tentationibus variis. 18. Frequens S. Crucis usus privatus & publicus in Ecclesia. 19. Exorcismus aquæ, 20. Cum sale;

pulvere, oleo. 21. Unctio olei. 22. Campanæ. 23. Thymiamata, ac diversarum rerum exorcismi, 24. Eulogia; 25. Sufflatio, insputatio. 26. Verberibus pulsi dæmones, 27. Aut increpando, 28. Cum indignatione iusta; 29. Soloque imperio, 30. Contactu, 31. Impositione manuum; 32. Sola etiam præsentia Sanctorum, aut rerum ad eos pertinentium; 33. Ad Sanctorum lipsana, 34. Angelorum custodia, 35. Deique genitricis MARIE tutela; 36. Per sancta Evangelia, 37. Orationem, 38. Cum ieiunio & eleemosyna: 39. Humilitate item ac reliquo virtutum agmine. 40. Remota tristitia ac pavore animi, 41. Cum armatura autem fidei iuxta apostolum, 42. Dum eius monitu resistimus fortes in fide: 43. Procul amandata omni incredulitate: 44. Ne fiant novissima hominis illius peiora prioribus; 45. Cuius gloriosus esse debuerat in Christo, devicto hoste, triumphus. 46. Circumspecta, abiectis circa dæmonas erroribus, cautio; 47. Vigilantia item cum certa in Christum fiducia.





DE  
**DÆMONURGIA**  
 ET RELICTA CONTRA EAM  
 A  
**CHRISTO IN SUA ECCLESIA**  
**POTESTATE.**

---

**CAPUT I.**

*De Energumenis , variisque modis, ac malis artibus,  
 quibus ad tentandum , infestandum , fallendumque genus humanum  
 utuntur cacodamones.*

**I.**

**T**antis hodie motibus dæmonurgia agitur , ut e re sit , doctri- Occasio o-  
 nam Ecclesiæ in sacra liturgia perpetuo assertam ex sacra scri- peris.  
 ptura & traditione constanti sanctorum Patrum ob oculos po-  
 nere.

II. Ac quidem de diaboli summis conatibus atque malevolentia erga Instigante  
 genus humanum a Deo conditum nullus dubio locus esse potest, utpote diabolo col-  
 qui in ipsum Deum , superbum & rebellem se exhibuit. „ Qualis enim lapsus ge-  
 (sunt S. AMBROSII verba in Psalm. 118. T. II. p. 603.) adversum servulos nus huma-  
 Dei potest superbus esse , qui adversus Deum se exaltat, & dicit : num in *In cæ- primis pa-  
*lum ascendam : super sidera cæli ponam sedem meam ; sedebo in monte ex-* rentibus  
*celso, super montes altos, qui sunt ab Aquilone : ascendam super nubes,**

¶ *ero similis Altissimo.* Quid igitur mirum, si gravare homines possit, qui pervicaci spiritu nec Deo cedit? Prima statim veteris Testamenti pagina exponit deplorandum illum, nobisque pariter funestum, primorum parentum nostrorum lapsum, astu ac invidia antiqui serpentis decepta matre

T. V. Bibl. nostra EVA. „Lividus ille criminator (ut cum S. ZENONE *Veronensi* lib. I. PP. edit. Tr. 12. de Spiritu S. loquar) qui, quod sensim serpat, serpentis nomen Venet. pag. accepit, detestabili accensus invidia, eum, qui per se non valebat, aliena 125-

forma blanditus per mulierem, transgressionem præcepti Dei persuadendo miserabiliter iugulavit: & exinde hæreditaria conditione confectum, uniformiter interibat omne genus humanum.“ Sic enimvero diro huic hosti obnoxii facti, a Christo quidem liberati sumus, ut tamen ab eius astutia & insidiis tanto minus tutos nos præstemus, quo magis earum sumus incurii.

2. Cor. XI. Timeo autem, inquit apostolus, ne sicut serpens HEVAM seduxit astutia sua, ita corrumpantur sensus vestri & excidant a simplicitate, quæ est in Christo. Id quod sciolis hodie accidit illis, qui susque deque habita doctrina scripturæ & traditionis, fascinantur ab ipso illo *sophista mortis* (apposite S. GREGORIUS *Nazianzenus* diabolum compellat in carmine CXCIH.

T. VI. pag. de bello quod movent demones, quod legitur in novissima Bibliotheca PP. 403. quæ prodit *Venetiis*) ut diabolus ante tempus rebus humanis excludant tantum opinione sua, non vero fide & virtute Christi, ut præscribit liturgia. Aliter omnino ORIGENES in illo ipso opere, quo creationem mundi, qualis a MOYSE describitur, non esse ad litteram accipiendam statuit, sciscit, peculiare caput secundum lib. III. de Principiis, inscriptum de contra-

T. I. Opp. riis potestatibus ita exorsus: „Videndum nunc est secundum scripturas, quomodo contrariæ virtutes, vel ipse diabolus reluctantur humano generi provocantes & instigantes ad peccatum. Et primo quidem in *Genesi* serpens EVAM seduxisse scribitur: de quo in Ascensione MOYSI, cuius libelli meminit in epistola sua apostolus IUDAS, MICHAEL archangelus cum diabolo disputans de corpore MOYSI, ait a diabolo inspiratum serpentem causam extitisse prævaricationis ADÆ & EVÆ.“

Antiquior de dæmoni- III. Pergit ORIGENES post apocryphum illum librum, græce ἀνάληψις seu ἀνάστασις Μωϋσεως inscriptum, veteris & novi Test. accumulare testimonia in eam etiam sententiam, quam alibi astruit, ex angelorum cum mulieribus coitu, demones natos, ut rem exprimit S. IUSTINUS M. S. IRENÆUS vero *Temporibus NOE*, inquit, iuste diluvium inducens (induxit Deus) uti extingueret pessimum genus eorum, qui tunc erant hominum, qui iam fructificare Deo non poterant, cum angeli transgressores commixti fuissent eis. Lib. IV. contra her. c. Add. nota in eundem locum, MILLESII item ad S. CYRILLI *Hierosolym.* 36. p. 279. Catech.



Catech. II. demum P. A. August. TOUTTE'E differt. III. c. 5. De Doctrina p. 22. edit. Oxon. p. CLXIV.  
S. CYRILLI : ubi magno numero loca scriptorum quatuor priorum ecclesiæ sæculorum citat, qui cum diabolus ab initio & ante hominis peccatum lapsus esse fateantur ; dæmones ex bonis angelis paullo ante diluvium duntaxat factos , & amore mulierum corruptos, felicitatem status sui amisisse docent.

Hæc autem eo tantum a me afferuntur, ut pateat, sicubi apud scriptores Iudaicos IOSEPHUM, PHILONEM, MAIMONIDEM dæmonibus qualiscunque demum naturæ tribuuntur malignitates, ex sententia vero veterum philosophorum PYTHAGORÆ, PLATONIS &c. atque secundum superstitionem gentilium vox δαίμων, δαιμόνιον, vaga quadam notione accipitur, id sanæ de dæmonurgia doctrinæ necquicquam adversari. Confuderint gentiles dæmones ac Heroas suos seu semideos, ipsosque deos ; eorum sub schemate cacodæmones cultos ab eis fuisse scriptura & SS. Patres uno ore fatentur. PYTHAGORÆ fuit sententia, teste DIOGENE Laertio, totum æra plenum esse animis, eosque & dæmones, & Heroas existimari, atque ab his hominibus immitti somnia, & signa, atque morbos, neque solum hominibus, verum & pecudibus ac iumentis reliquis : tum etiam ad hos referri lustrationes, & expiationes, divinationem omnem & vaticinia, & cætera id genus. Multa eam in rem B. THEODORETUS sermone de angelis, diis, dæmonibus ex philosophis colligit, PORPHYRIO imprimis, pessimos dæmones sibi deos fecisse, magicasque imposturas ab eis perdoctos, sacrificiis illos aliisque ritibus coluisse. Facit huc eiusdem Sermo VII. de Sacrificiis, tum X. de veris & falsis Oraculis. De dæmonibus prope exordium sic effatur : „Relicta enim, quam sortiti fuerant, statione, & mitissimum creatoris fugientes dominatum, tyrannidem rapuerunt, divinumque nomen involantes, Deos se se ipsi appellarunt, & divinum sibi cultum ut tribuerent, stultis hominibus persuaserunt. Deinde ut arreptam tyrannidem confirmarent, futura etiam se nosse, ac prædicare gloriati sunt, faciles captu homines hac potissimum ratione in fraudem impellentes. Quamobrem fallaciæ officinas ubique terrarum erexerunt, & divinatorias præstigias excogitarunt, eorumque, qui ex farina, ex pectore, ex mortuis vaticinantur, & Castaliæ fontem &c. Fuisse vero (pergit) hæc oracula malignorum dæmonum, qui Dei sibi nomen usurparant, satis magno est argumento taciturnitas, qua nunc premuntur. Etenim postquam Salvator noster in carne apparuit, fugam arripuerunt, qui hos dolos hominibus invexerant, divini luminis splendorem ferre non valentes.“

Citat deinde PLUTARCHI de Oraculis, quæ defecerunt librum : passimque sancti Patres adveniente Christo amissam virtutem dominatumque in orbe



*Comment.  
in Esaiam  
lib. I. orat.  
IV. T. II.  
Opp. p. 103.*

*T. V. Bibl.  
PP. ed. Ven.  
p. 35.*

humano gentilibus obiiciunt. „ Priusquam enim (ut verbis utar S. CYRILLI Alexandrini) Verbum caro factum esset, ille dæmon, ille exitialis, ille draco, ille defector orbem terrarum occupabat, & creatura præ creatore & conditore adorabatur: at ubi factus est homo unigenitum Dei Verbum, omnis terra maiestate eius repleta est.“ *Iulius Firmicus MATERNUS de errore profanarum religionum*, a quo ipse ad religionem christianam conversus, commentarium hunc CONSTANTIO & CONSTANTII Augg. inscripsit, huc oraculum *Isaiæ* XXVII. de interfecto dracone interpretatus: „ Mihi credite (ait) nihil prætermisit diabolus, quod hominem miserum aut debilitaret, aut perderet: ideo se se in omnes formas multiplici diversitate convertit; ideo se diversi generis calliditate composuit, ut variis ac multiplicibus fraudibus homines irretitos interimeret. Sacra sua perditus carnifex, pro nefas, per lignum semper renovari disposuit: ut quia sciebat ita fore, ut ligno crucis affixa vita hominis perpetuæ immortalitatis compagine stringeretur, ideo perituros homines ex ligni imitatione deciperet &c.“

*In sacris  
scripturis  
exempla  
demonur-  
giæ.*

*De potentia  
q. 6. art. 5.  
ad 8.  
P. I. q. 89.  
& alibi.*

*1. Reg. 28, 9.*

*T. III. Conc.  
ed. Labb.  
p. 47.*

IV. Accipitur huc etiam virga MOYSIS, qua in *Ægypto* portenta iussu Dei patravit, suisque præstigiis magi sunt æmulati. Ad rem ipsam vero, dum arte dæmonica factum est, perinde est, sive illusiones ac offuciæ tantum fuerint ex parte magorum, sive magorum virgæ revera conversæ fuerint in serpentes, ut post S. AUGUSTINUM S. THOMAS rem explicat; alibi etiam de pythonissa SAULI SAMUELEM repræsentante agens; frustra que eam ob rem ORIGENI in 1. Reg. XXVIII. EUSTATIUS *Antiochenus* dicam scripsit singulari *de Engastrimytho* disputatione. Quin imo inde, quod mulier SAULEM erasisse magos & ariolos de terra dicat, palam fit, inter ipsos *Iudæos*, quo tempore cultum veri Dei sunt secuti, fuisse, qui artibus magicis essent dediti. Ne quid de IOSIA rege dicam, qui, ut 3. Reg. XXIII. 24. laudatur, pythones & ariolos, aruspices item cum ceteris abominationibus gentium tulit, *incantationibus* (rem verbis S. CYRILLI *Alex.* in libro de recta in D. N. I. Ch. fide, inter acta Concilii *Ephesini* relato, exprimo) & falsis divinationibus omnibus e medio sublatis ac inanibus dæmoniacæ imposturæ ludibriis profligatis, regnum apprime nobilitatum summaque apud veteres ac recentiores omnes, qui ea, quibus divina mens oblectatur, colere didicerunt, laude & admiratione dignum reliquit. S. GREGORIUS in illud *Iob* II. 7. *Circuivi terram, & perambulavi eam*: „ Ab ADAM quippe (inquit) ad adventum Domini omnes post se gentium nationes traxit. Circuivit terram & perambulavit: quia per corda gentium iniquitatis suæ vestigia impressit. Cadens enim a sublimibus humanas mentes iure possedit,

possedit, quia in culpæ suæ vinculo volentes adstrinxit: tantoque latius in mundo vagatus est, quanto a reatu quisque illius liber per omnia inventus non est. Cui quasi ex potestate mundum circuisse est, nullum hominem qui sibi plene resisteret, invenisse." Ideo mox de Iob dicitur, *quod non sit ei similis in terra.*

Facit ad præsens argumentum cumprimis Iobī historia, quidquid etiam in ea parabolicum esse videatur prosopopœicumque, aut absonum in locutione Dei cum diabolo, quod S. GREGORIUS, & ante eum EUSEBIUS *de incorporeali & invisibili Deo* (postquam etiam illud Zachar. III. quo diabolus IESU summo sacerdoti assistisse narratur, *ut adversaretur ei*, exposuerat) apte his verbis explicat: „Nec enim illud putemus, sicut & putamus, quia & in Iob libro diabolus aderat ante conspectum Dei, & locutio erat Dei cum diabolo ex æqualitate. *Et dixit Dominus, & dixit diabolus & interrogavit Dominus diabolum unde venisti?* Sed hæc ad auditionem vestram velut composita inducuntur. Totum autem illud est, quomodo Iob quidem erat vir irreprehensibilis, diabolus autem invidus. Ad huiusmodi & Deus defensor horum permisit diabolum ante conspectum suum. Sed hoc ita est. Vidit diabolus immaculatum: properavit imponere maculam. Quæcumque enim motiones erant diaboli adversum Iob, hæc per sermones contexuntur in scriptura; utpote sic dicebat diabolus ad semetipsum: si non timerem Deum, tangerem omnia, quæ habet Iob: abstulit ab eo Deus timorem, & non prohibuit. Contexitur iam compositio libri. Dixit diabolus, & dixit Deus. Hoc est, voluit diabolus, & non prohibuit Deus. Cur autem non prohibuit? quia non invidebat Deus athletæ coronam.“

V. Faceffant, qui Dei sanctitati non satis convenire existimant, ut tentare permittat homines etiam sanctos, Deoque charos, qualis erat Iob, cui, ipso Deo testimonium perhibente, *non erat similis in terra, homo simplex, & rectus, ac timens Deum, & recedens a malo.* Et siquidem hoc Iobī exemplum appositum satis non videatur, maius prostat ipsius Christi IESU filii Dei, qui ductus est a Spiritu, sancto utique, in desertum, ut tentaretur a diabolo, ad nostrum scilicet exemplum & præsidium: ut nos ad pugnam cum adversario excitaret, atque pro nobis ipse triumpharet de hoste, & qui in primo ADAM vicerat, in secundo vinceretur; neque a nobis alienum existimemus impugnari a diabolo, qui Christum hominem existimans, seu, an filius Dei esset, experiri cupiens, repetita pugna est aggressus. „Nam (sunt S. LEONIS P. verba) a quo dolos



tis suæ fraude tentare? Viderat superbiam suam baptizati Domini IESU humilitate calcatam: intellexerat quadraginta dierum ieiunio omnem cupiditatem carnis exclusam, & tamen non desperavit de artibus suæ malitiæ spiritualis improbitas, tantumque sibi de naturæ nostræ mutabilitate promisit, ut quem verum experiebatur hominem, præsumeret posse fieri peccatorem. Si ergo ab ipso Domino & Salvatore nostro deceptionum suarum diabolus non revocavit insidias: quanto magis fragilitatem nostram impugnare præsumit, quos exinde vehementiore odio & invidia sæviore persequitur, ex quo ei in baptismo renunciavimus, & ab illa, cui dominabatur, origine, in novam creaturam divina regeneratione transivimus.

Nolim hic eam disceptare controversiam, quomodo assumpserit diabolus Christum in sanctam civitatem, statueritque super pinnaculum templi, an per aërem, ut bonus angelus HABACUC crinibus arreptum a *Iudæa* in *Aff. 3, 39. Babylonem* in veteri testamento, in novo autem PHILIPPUM diaconum cellerrime transtulit *Azotum*; an eo modo, quo apud eundem MATTHÆUM *Matth. 17. & LUCAM IESUS PETRUM & IACOBUM & IOANNEM* assumpsisse & duxisse *Luc. 9, 28.* in montem dicitur.

Ubi quod sequitur, ad rem probe notandum, consummata omni tentatione diabolus recessisse ab illo usque ad tempus. Quem in locum S. AMBROSIIUS commentans „Prope omnium (inquit) criminum fontes hæc tria genera demonstrantur esse vitiorum. Neque enim consummatam omnem tentationem scriptura dixisset; nisi in his tribus esset omnium materia delictorum, quorum semina in ipsa origine sunt cavenda.“ Id vero, quod additur, in iugi cum diabolo conflictu nos animare, ac vigiles reddere debet. „Vides ergo (pergit paullo post S. Pater) ipsum diabolum non esse in studio pertinacem, cedere solere veræ virtuti. Et si invidere non desinat, tamen instare formidat, quia frequentius refugit triumphari. Audito itaque Dei nomine recessit, inquit, usque ad tempus; postea enim non tentaturus, sed aperte pugnaturus advenit.“ Nempe alios ad persequendum, crucifigendumque Christum Domini instigaturus, cuius rei exemplum, iam morti tradito Christo, addit ORIGENES citato paullo ante loco: „Per contrariam vero (inquit) diaboli virtutem memoriæ Pontificum & Scribarum putandum est suggestum illud, quod venientes ad PILATUM dixerunt: Domine recordati sumus, quomodo seductor ille dixit, dum adhuc viveret, quia post tertiam diem resurgam. Sed & IUDAS, quod de prodicione Domini Salvatoris cogitavit, non fuit a sola mentis eius malitia veniens. Testata est enim scriptura, quia diabolus iam misisset in cor eius, ut traderet eum. Propter quod & SALOMON recte præcepit, dicens: Cum diligentia serva cor

n. 35.  
T. II. Opp.  
p. 835.

n. 36.  
T. I. Opp.  
p. 241.

cor tuum. Et PAULUS apostolus ait: *Amplius debemus intendere his, quæ audivimus, ne forte effluamus.* Et cum dicit: *Nolite locum dare diabolo,* ostendens per hoc, quia certo opere, vel certa quadam desidia animi locus diabolo datur, ut si semel ingressus fuerit cor nostrum, aut obtineat nos, aut certe vel polluat animam, si non penitus obtinere potuerit, cum ignita sua iacula iactat in nos: quibus aliquando quidem in altum descendente vulnere fauciamur, aliquando vero tantummodo inflammamur. Raro certe & paucis quibusdam hæc eius ignita iacula restinguuntur, ita ut locum vulneris non inveniant, id est, cum quis munitissimo & validissimo scuto fidei fuerit obtectus: *Quia non est nobis colluctatio adversus carnem & sanguinem, sed adversus principatus & potestates, adversus mundi rectores tenebrarum harum, adversus spiritalia nequitiae in cælestibus:* ita oportet intelligi, quod dixit, *nobis:* id est, mihi PAULO, & vobis *Ephesiis*, & quibuscumque non est colluctatio cum carne & sanguine. His enim certamen est adversus principatus & potestates, adversus mundi huius rectores tenebrarum, non sicut erat *Corinthis*, quibus certamen adhuc adversus carnem & sanguinem erat, quos tentatio non apprehenderat nisi humana. At in agone christiano quis adeo perfectus sit, ut, sicut Christum, non audeat satanas aggredi tentatione carnis, seu interna, sed externa tantum. Ex athletic Christi fortissimus erat PAULUS, cui tamen adhuc datus est stimulus carnis, angelus satanæ, qui eum colaphizet. Sice contra intelligitur illud Christi: *Venit princeps mundi huius, & in me non habet quidquam.*

VI. Alibi equidem dixit Christus, nunc principem huius mundi eiciendum foras, quin tamen nos contra eius insidias reddiderit securos, ut ex apostolo modo audivimus, esse nobis colluctationem *adversus principes & potestates, adversus mundi rectores tenebrarum harum.* Eiusque fidelis comes in apostolatu S. BARNABAS similiter nos in sua epistola monet: *Cum sint ergo dies nequissimi, & contrarius habeat huius sæculi potestatem, debemus attendentes inquirere æquitates Domini.* Et S. IGNATIUS M. qui in epistola ad *Ephesios* n. 19. dicit principem huius sæculi latuisse *MARIÆ* virginitatem, *Philadelphenos* hortatur: *Fugite igitur malas artes, & insidias principis huius sæculi; nequando sententia ipsius oppressi, in caritate languetis.* S. IRENÆUS in libris contra hæreses multis persequitur deliria hæreticorum, qui antesignano SIMONE mago post mortem tamen apostolorum catervatim proruperunt, uni Creatori cæli & terræ varios Eonas, ac demiurgos opposcentes. Inter hos quidem celebrior post alios MARCION medium inter Deum invisibilem, creatoremque mundi visibilem iustum, diabolo maligno tribuit locum iuxta TERTULLIANUM, qui *munditenentem,*



p. 484.

ac focias potestates *munditenentes* ex mente *Marcionitarum* vocat lib. V. c. 18. S. PAULI vindicans *Ephes.* VI. 12. modo citatum locum, quem præ oculis habens TERTULLIANUS: „Sed (ait) adversus munditenentes luctatio si nobis, o quanti iam dii creatores! cur enim non & hoc vindicem, unum munditenentem nominari debuisse, si creatorem significabat, cuius esset, quas præmisit potestates? Porro cum supra quidem induere nos iubeat armaturam, in qua stemus ad machinationes diaboli? Iam ostendit diaboli esse, quæ diabolo subiungit, potestates & munditenentes tenebrarum istarum, quæ & nos diabolo deputamus.“

Lib. I. de

princ. c. 5.

T. II. Opp.

p. 246.

Dubitat equidem ORIGENES, an princeps huius mundi diabolus sit, sive quis alius; sed id eo modo intelligi potest, quo S. CHRYSOSTOMUS singulari homilia disputat *adversus eos, qui dicunt, demones gubernare res humanas* &c. non quod non præsent malitiæ humanæ, omnique conatu incumbant ad vias Domini rectas subvertendas, homines in tentatio-

Hom. I. T.

I. Opp. p. 73.

nem inducendo: „lactante animas satana (ut cum S. MACARIO loquar) & cribrante cribro, hoc est, rebus terrenis, omne genus humanum peccato obnoxium a tempore lapsus ADÆ, qui transgressus mandatum in principis malitiæ potestatem venit. Qua ille accepta perpetuis fraudum & perturbationum cogitationibus cribrat, & collidit cribro terræ omnes filios huius sæculi. Quemadmodum enim in cribro triticum a cribrante alliditur, & in eo agitatum continue convertitur: sic princeps malitiæ terrenis rebus detinet homines, iisque eos agitat, conturbat ac commovet, & ut allidantur cogitationibus vanis, cupiditatibus turpibus, ac vinculis terrenis & mundanis, efficit, absque ulla intermissione captivans, perturbans, & inescans omne genus ADÆ peccato obnoxium: quemadmodum Dominus apostolis futuram principis nequitiae adversus eos insurrectionem prædixit:

Luc. 22, 31.

*Expetivit satanas vos ad cribrandum sicut triticum* &c.“ Idem in libro de *Patientia & Discretionem* c. 3. quomodo diabolus princeps huius mundi ef-

T. II. Opp.

p. 72.

fectus sit, in eandem declarat sententiam: „Cum decepisset (inquit) ADAM inimicus, & sic eum Domino suo subiugasset, eripuit ei, quam prius habebat, potestatem, ita princeps huius sæculi declaratus est. Princeps siquidem huius sæculi, & dominus omnium visibilium homo ab initio fuerat a Deo constitutus. Non enim ipsi prævalere ignis poterat, non eum aqua demergere, non illi fera nocere, non suum in eius membra venenum noxium quodvis animal diffundere. Ex quo autem deceptioni succubuit, prodidit deceptoris principatum suum. Propter quam causam magi & præstigiatores, per adversariam efficaciam mira Deo sic permittente operantur, venenatis dominantes bestiis, ignemque, &, aquas sine noxa subeuntes,

ut

ut IANNES & MAMBRES adversarii Mosis: ut SIMON principi apostolorum PETRO se se ausus est opponere.“

Aliam huius principatus causam & originem prodit S. GAUDENTIUS *Brixienfis*: „Diabolus huius mundi princeps usurpatione dicitur, non natura. Etenim seducens humanum genus, ut derelicto Deo ipsum satanam per simulacra coleret manufacta, principatum violenter tenuit, & exercuit tyrannidem in tantum, ut venientem verum principem suum non recognosceret mundus, ipsius quippe diaboli præstigiis obcæcatus. *Nam in hoc mundo erat Christus*, ut evangelista testatur, & *mundus per ipsum factus est*, & *mundus eum non cognovit*. *In propria venit, & sui non receperunt eum*. Passus est ergo Dominus se huius mundi iudicio iudicari, ad hunc hostem generis humani præcipitandum, sive expellendum.“ S. AUGUSTINUS Enarrat. in psal. CXLI. sic explicat, quis ille mundus sit, cuius rectores sint dæmones, ut palam fiat, quomodo etiamnum sint principes mundi, & rectores tenebrarum harum: „Cælum & terra mundus dicitur, & homines mali mundus. Quare & isti mundus? Quia diligunt mundum: & ideo tenebræ, quia impii. Ideoque iam ex ipso numero credentibus multis, quid dicit apostolus? *Fuistis aliquando tenebræ, nunc autem lux in Domino*. Antequam essetis ergo lux, cum tenebræ essetis, attendite, quem rectorem habuistis. Quem rectorem habent iniqui, nisi diabolum, quomodo pii & fideles rectorem habent Christum. Ergo diabolum & angelos eius rectores mundi appellavit, id est rectores dilectorum mundi, rectores peccatorum, quod est tenebrarum harum: ipsos habemus inimicos, a quibus debemus deprecari Dominum, ut eruamur.“ Et paullo post: „Non mundus, qui factus est per IESUM, ab illis principibus & potestatibus tenebrarum regitur; sed mundus, qui non cognovit IESUM, id est dilectores mundi, peccatores, iniqui, superbi & infideles. Unde mundus peccatores? Quia diligunt mundum, & diligendo inhabitant mundum: quomodo domus dicitur, & fabrica, & inhabitantes.“ Non igitur absolutum tenent principatum, aut vi nostri dominantur: „Non quod hoc sint, quod dicuntur (ut cum ELIA *Cretensi* loquar) sed quia nos sponte nostra, dum nos ipsos eis subiicimus, principes nostros eos constituimus, quamvis alioquin a Domino Christo eos conculcandi potestatem acceperimus. *Ecce enim, inquit, dedi vobis potestatem calcandi super serpentes & scorpiones*.“

T. IV. Opp.  
p. 1585. seq.

T. IV. pag.  
1585.

Comment.  
in orat. I.  
S. Gregorii  
Naz.

VII. Est vero hic *Luc. X. 19.* locus: *Ecce dedi vobis potestatem calcandi super serpentes & scorpiones, & super omnem virtutem inimici, & nihil vobis nocebit*: ut palam sit, de illo serpente antiquo rem potissimum esse,

B

qui



**T. V. Bibl.** qui etiamnum grassatur ab origine mundi. Apud S. IACOBUM *Nisibenum*  
**PP. p. LI.** ferm. VI. de *Devotis* ita locus redditur ex *Armenico*: *Ecce do vobis potestatem calcandi omnes virtutes inimici.* „ Et manifestum faciunt scripturæ (pergit S. Pater) quod sint ei exercitus & nequitiae ministri; quibus sicuti adversus Iob potestatem ei fecit Deus, ut pugnaret; ita nunc eos dimittit ad currendum per hunc mundum, & bellum eius gerendum: tamen nequaquam bellat palam, quia data est potestas contra eum tempore adventus Domini nostri; sed rapiendo rapit, & furando furatur. “ S. CYRILLUS *Hierosol.* Catech. III. de baptismo Christi in *Iordane* n. 1. p. 45. „ Draco (inquit) iuxta Iobum in aquis erat, qui *Iordanem* ore suo recipiebat. Cum igitur confringenda forent capita draconis, descendens in aqua alligavit fortem, ut acciperet potestatem calcandi super serpentes & scorpiones. Nempe *proiectus est draco ille magnus, serpens antiquus, qui vocatur diabolus & satanas, qui seducit universum orbem: & proiectus est in terram, & angeli eius cum illo missi sunt. Et audiivi vocem magnam in cælo dicentem: Nunc facta est salus & virtus, & regnum Dei nostri, & potestas Christi eius: quia proiectus est accusator fratrum nostrorum, qui accusabat illos ante conspectum Dei nostri die ac nocte.* Hæc IOANNES in *Apocalypsi*, qui brevius rem colligit 1. Epist. III. 8. *In hoc apparuit filius Dei, ut dissolvat opera diaboli.* Et PAULUS gratias vult agere *Colossenses* Deo **Colos. 1, 12.** Patri, qui eripuit nos de potestate tenebrarum, & transtulit in regnum filii **13** dilectionis suæ . . . Et exspolians principatus & potestates traduxit **2, 15.** *conspicer, palam triumphans illos in semetipso.* Ne vero videamur nos tantum otiosos spectatores esse debere, *Ephesios* hortatur: *Induite vos armaturam Dei, ut possitis stare adversus insidias diaboli.* Et mox *In omnibus*, inquit, *sumentes scutum fidei, in quo possitis omnia tela nequissimi ignea extinguere.* Quem utrumque apostoli locum copulans S. ZENO *Veronensis* ad Neophytos post baptismum de *duodecim signis* sc. Zodiaci: „ Is enim (commentatur) infelicibus nonnunquam immittit *Capricornum* vultu deformem, & per cornu exilioris labra liventia spumantibus venis ebulliens palpitante ruina captivi tota miserabiliter per membra defævit. Alios amantes, alios furiosos, alios homicidas, alios adulteros, alios sacrilegos, alios avaritia efficit cæcos. Longum est ire per singula: varias atque innumerabiles nocendi artes habet, sed has omnes salutare profluens amne non magnopere (*magno opere*) noster *aquarius* delere consuevit. “ Ad baptismi nimirum virtutem refert, postquam diabolo renunciavimus, & Christo nomen dedimus, qui devicit diabolum: „ Quid igitur stans (ait CYRILLUS *Hierosol.* Catech. I. *Myſtag.*) dixit vestrum unusquisque? *Abrenuncio tibi satana: tibi maligno ac dirissimo tyranno.* Non amplius ais, vim tuam formido,



formido : hanc enim dissolvit Christus, sanguinis & carnis mecum particeps factus ; ut per hæc mortem morte aboleret, ut ne perpetuo obnoxius essem servituti. *Abrenuntio tibi* callido & vaferrimo serpenti. *Abrenuntio tibi*, qui insidiator es, & omnem simulatione amicitiae iniquitatem peperisti, priusque nostris parentibus defectionem inspirasti. *Abrenuntio tibi satana*, cuiusvis improbitatis & auctori & administro." Hinc sancti Patres studiose tempora ante & post Christum, & personas seu homines a Christo alienos, vel ei per baptismum deditos distinguunt, quando de operationibus illusionibusque dæmoniacis est quæstio.

Auctor Quæstionum & Respons. ad orthodoxos inter opera S. IUSTINI *Append. 7.* ad hanc quæst. LXXXI. „ Si seductio omnis Christi præsentia sublata est, *472.* quomodo per eos, qui ventriloqui dicuntur, dæmones loquuntur? Quomodo autem non vilem & aspernabilem efficiunt religionem christianam, cum in corporibus Christianorum & seductionis edunt opera, & divinationis proferunt responsa? *Resp.* Si secundum scripturæ dictum : *Nondum omnia ei subiecta sunt*, donec abrogaverit omnem principatum & potestatem; manifestum est, nondum sublatam esse omnem dæmonum potestatem; sed qui in Christum credunt, in his omnis dæmonum sublata est seductio : qui autem nondum in Christum credunt, in his dæmones seductionem operantur. Ac præstigiæ, quibus ventriloqui utuntur, ut loquantur & agant divinationis opera & responsa, non sunt vera corpora, sed illudunt dæmones oculis spectantium, ut quæ non sunt corpora, ea tanquam corpora videant." De quibus omnibus, circa ea etiam, quæ Christianos ipsos attinent, atque in quæstione quidem ponuntur, in responsione autem non attinguntur, singillatim, quid senserint SS. Patres, paullo post exponemus : tum genuinus etiam S. IUSTINUS in Apolog. & dialogo cum TRYPHONE contra gentiles & Iudæos religionis christianæ veritatem ex hac Christi contra dæmones victoria potestateque in Ecclesia relicta evincit, iuxta id Christi Domini effatum : *Nunc iudicium est mundi : nunc princeps* *Ioan. 12, 31.* *huius mundi eiicietur foras.*

S. GAUDENTIUS *Brix.* hic singularem vim notat in textu *græco* ferm. singulari in hunc locum : „ Sive (inquit) expelletur foras, ut in *græcis* exemplaribus legimus. Erat enim passio Christi expugnatio futura diaboli." Et paullo post : „ Significanter plane in *Græco* positum est *ἐκκληθήσεται ἔξω*, id est *eiicietur*, five *expelletur foras*; ut etiam de animis credentium iam coelestibus, tanquam de cœlis, nosceretur esse pellendus ; ut scilicet expulso eo, Christus Dominus regnaret in nobis. Quapropter adiecit : *Et ego si exaltatus fuero a terra, omnia traham ad meipsum.*" S. AUGUSTINUS in hunc locum *T. III. P. II.* commentans *Opp. p. 641.* Tract. LII. in IOAN. quæstionem movet : „ Numquid de cor-

dibus patriarcharum & prophetarum, veterumque iustorum non eiectus est foras? (respondetque:) Eiectus est plane. Quomodo ergo dictum est, *nunc eiicietur foras*? Quomodo putamus, nisi quia tunc, quod in hominibus paucissimis factum est, nunc in multis magnisque populis iam mox futurum esse prædictum est. Sed quomodo ex fidelium cordibus sit eiectus audiamus, quid teneat ad propositum; „Quid ergo (ait) quispiam, quia diabolus de credentium cordibus eiicietur foras, iam fidelium neminem tentat? Imo vero tentare non cessat. Sed aliud est intrinsecus regnare, aliud forinsecus oppugnare: nam & munitissimam civitatem aliquando hostis oppugnat, nec expugnat. Et si aliqua tela eius missa perveniunt, admonet apostolus, unde non lædant, commemorat lorica & scutum fidei. Et si aliquando vulnerat, adest qui sanat. Quia sicut pugnantibus dictum est, *Hæc scribo vobis, ut non peccetis*; ita, qui vulnerantur, quod sequitur audiunt, *Et si quis peccaverit, advocatum habemus apud Patrem IESUM Christum iustum, ipse est propitiatio peccatorum nostrorum*. Quid enim oramus cum dicimus: *Dimitte nobis debita nostra*, nisi ut vulnera nostra sanentur? Et quid aliud petimus cum dicimus: *Ne nos inferas in tentationem*; nisi ut ille qui insidiatur, vel certat extrinsecus, nulla irrumpat ex parte, nulla nos fraude, nulla nos possit virtute superare? Quantaslibet tamen adversum nos erigat machinas, quando non tenet locum cordis, ubi fides habitat, eiectus est foras. Sed nisi Dominus custodierit civitatem, in vanum vigilabit, qui custodit. Nolite ergo de vobis ipsis præsumere, si non vultis foras eiectum diabolum iterum revocare.“

Quomodo  
ligatus.

VIII. Superest iam alius, quo passim novissimis temporibus maxime abutuntur, locus in *Apocalypsi* IOANNIS XX. videntis angelum descendentem de cælo, habentem clavem abyssi, & catenam magnam in manu sua, & apprehendit draconem, serpentem antiquum, qui est diabolus & satanas, & ligavit eum per annos mille: & misit eum in abyssum, & clausit, & signavit super illum, ut non seducat amplius gentes, donec consummentur mille anni: & post hæc oportet illum solvi modico tempore. Hunc locum præ oculis habens S. IRENÆUS vicem diabolo redditam declarat ob hominem olim in suam redactum potestatem: „Quoniam enim (inquit) in initio homini suavitati transgredi præceptum factoris, ideo eum habuit in sua potestate. Potestas autem eius est transgressio, & apostasia, & his colligavit hominem; per hominem ipsum iterum oportebat victum eum contrario colligari iisdem vinculis, quibus alligavit hominem, ut homo solutus revertatur ad suum Dominum, illi vincula relinquens, per quem ipse fuerat

Lib. V. con-  
tra hæres. c.  
21. p. 319.



fuerat alligatus, id est, transgressionem. Illius enim colligatio solutio facta est hominis, quoniam *non potest aliquis introire in domum fortis, & vasa eius diripere, nisi primum ipsum fortem alligaverit.* Contraria ergo in sermone eius qui omnia fecit, Dei, traducens eum Dominus & subiiciens per præceptum; (præceptum autem Dei lex) fugitivum eum homo eius, & legis transgressorem, & apostatam Dei ostendens postea iam Verbum constanter eum colligavit, quasi suum fugitivum, & diripuit eius vasa, id est, eos, qui ab eo detinebantur, homines, quibus ipse iniuste utebatur. Et captivus quidem ductus est iuste is, qui hominem iniuste captivum duxerat; qui autem ante captivus ductus fuerat homo, extractus est a possessoris potestate, secundum misericordiam Dei Patris: qui miseratus est plasmati suo, & dedit salutem ei per Verbum, id est, Christum, redintegrans: ut experimento discat homo quoniam non a semetipso, sed donatione Dei accipit incorruptelam.

Sed quod ad priorem locum Christi apud IOANNEM diximus, hic etiam est rememorandum, otiosis nobis hæc non dici; certam autem in Christo manere de hoste victoriam, si strenue contra eum in acie steterimus; atque in vanum abire eius terriculamenta: quæ cum ex sacris paginis libro imprimis IOB exposuisset S. ANTONIUS (ipse haud raro expertus) in sermone, quem in eius vita descripsit S. ATHANASIUS: „Sed ne has quidem (pergit) eius phantasias oportet nos, qui fideles sumus, reformidare: nec eius attendere vocibus. Mentitur quippe, nihiloque prorsus veri loquitur. Nam licet talia & tam multa audacter locutus sit, quasi draco a Salvatore hamo tractus est; & quasi iumentum, capistrum naribus accepit; ac velut fugitivus nares annulo vinctas habet, & labia armilla perforata, ligatusque est a Domino tanquam passer, ut illudatur a nobis. Positi autem sunt cum ipse, tum focii dæmones, quasi scorpiones & serpentes, ut conculcentur a nobis Christianis. Cuius rei argumentum illud est, quod nos iam vitæ instituto ipsi adversario utamur. Nam qui minatus fuerat se exsiccaturum mare, & orbem terrarum comprehensurum, is iam non valet exercitationem vestram impedire, sed neque me contra se loquentem cohibere.“

Dabitur deinceps occasio mentem ipsius S. ATHANASII explicandi circa hanc accisam diaboli potestatem; siquidem ipsi desides non sumus, atque concessis nobis aversus eum armis auxiliisque strenue & intrepide utamur. „Sed hæc nos ipsos dicere convenit (ut cum S. CYRILLO *Alexandrino* lo-  
T. II. pag. 230. seq.  
 quar lib. II. in ISAIAM) & velut acclamare satanæ exigenti & urgenti, idque acriter. Oppugnat enim cuiusque mentem, eam ab optimis & honestis studiis, pietatis inquam & iustitiæ avertens, & vi quocunque lubet vel-



ut auferens: & ceu rigidus quispiam exactor peccati assiduitatem & diligentiam requirens a singulis. Sed contrivit Deus iugum peccatorum, illud abiiciens, nosque magis suoipsum iugo supponens, & verberans gentem plaga insanabili. Quæ est autem, vel ubi prorsus est hæc gens dæmoniorum, quæ in abyssum ire iussit, & poenas illas quidem graves infligit? Clamabant siquidem ac dicebant: *Ab quid nobis & tibi, IESU Nazarene? Venisti huc ante tempus perdere nos?* Et postea lib. III. in illud Luc. X. *Ecce dedi vobis potestatem calcandi super serpentes &c.* Calatus est enim (inquit) draco apostata, & super aspidem & basiliscum incedimus, qui in auxilio altissimi habitare volumus, esseque in umbraculo Dei coelestis, Christi videlicet. *Vides, quomodo & a quibus teneatur vinculis Salvatoris colligatus dæmon, ut nempe penes nos sit, eum sic continere, ne nobis noceat, & a bono cohibeat.*

Matth. 12,  
26.

o. 27.

T. VII. p.  
447.

Atque hac ratione secundum effatum Christi fortis ille a nobis alligatur, quo nos per Christum fortiores sumus. Protulit Christus non tam parabolam, quam verissimam rem ac historiam, cum a *Phariseis* argueretur, quod in *Beelzebub* principe dæmoniorum eiiceret dæmonia, ut non solum retunderet blasphemiam, sed etiam se se ad destruendum regnum diaboli advenisse. manifeste ostenderet plena in diabolum potestate, quam etiam suis discipulis dederat, ac post se reliquit. Unde dicit: *Si ego in Beelzebub eiicio dæmonia, filii vestri in quo eiiciunt? Ideo ipsi iudices vestri erunt. Si autem in Spiritu Dei eiicio dæmonia, igitur pervenit in vos regnum Dei. Aut quomodo potest quisquam intrare in domum fortis, & vasa eius diripere, nisi prius alligaverit fortem, & tunc domum illius diripiet?* „Vide argumenti consequentiam, ac vim (uti rem declarat S. CHRYSOSTOMUS in hunc locum) quod non possit *satan* *satanam* eiicere, ex præcedentibus liquet; quod autem non omnino possit quis illum eiicere, nisi primum superarit, apud omnes in confesso est. Quid igitur ex his conficitur? Quod prius dictum, sed longe validius. Tantum abest, inquit, ut adiutore utar diabolo, ut eum etiam impugnem & vinciam, cuius rei signum est, quod vasa eius diripiam. Vide quomodo contrarium quam illi supra statuere conabantur, demonstratur. Illi enim ostendere volebant, ipsum non vi propria dæmones eiicere; ille vero demonstrat, se non modo dæmones, sed illorum principem ligatum vi detinere, illumque priorem propria potestate vicisse, quod a rebus gestis comprobatur. Nam si hic princeps est, cæterique subditi, quomodo illo non victo, nec cedente, hi diriperentur? Hic vero videtur mihi prophetia esse quod dicitur. Neque enim modo dæmones vasa diaboli sunt, sed etiam homines, qui secundum ipsum operantur. Palam est igitur hic dici,  
eum

cum non dæmones solum eiicere, sed etiam errorem ex toto orbe eliminatum esse, diabolique præstigias soluturum, & omnia, quæ illius sunt inutilia redditurum. Neque dixit rapiet, sed diripiet, declarans, illud cum potestate factum esse. Fortem autem illum appellat, non quod natura talis sit. Absit, sed priorem significans tyrannidem ex negligentia nostra stabilitam. Alligavit igitur Christus diabolum, sicut destruxit peccatum, ut non iam contrito serpentis antiqui capite regnet, atque in Christo peccatorum nostrorum veniam consequamur: quæ cum nos quotidie accumulamus renati per Christum, quomodo diabolus in malitia sua obfirmatus quiescet, deiectus licet suo dominatu, quem quam amplum ante Christum tenuerint, res gestæ loquuntur, paucis vero *Iob XLI. 24.* explicatur: *Non est super terram potestas, quæ comparetur ei, qui factus est, ut nullum timeret.*

Aliter se vero iam res eius post Christum habent, postquam eius vis est fracta, ac direpta vasa, ita ut facillime a nobis superetur, fortioribus nobis redditis; ut quemadmodum ille antea talis esset, ut nullum timeret, ita nunc tam imbecillis sit, ut a nullo merito timeatur: ad hoc tantum relictus, ut a nobis illuderetur, vincereturque, quod quibus armis, quam facile fiat, postea explicabimus. Ideo enim (inquit S. CHRYSOSTOMUS contra Ignaviam Hom. III.) illum hic esse sivit, ut te fortiorem redderet, ut splendidiorum athletam faceret, ut maiora forent certamina. Si quis igitur dicat, cur diabolum reliquit Deus? Hæc illi responde, quia iis, qui vigilant, & sibi attendunt, non modo nihil nocet, sed etiam utilis est, non arbitrio suo, quod malum est, sed illorum fortitudine, qui eius malitia, ut par est, utuntur. Siquidem & cum Iobo confligit, non ut illum clariorem redderet, sed ut supplantaret: ideoque malus est, quod tali sit proposito ac voluntate: attamen nihil iustum læsit; sed hic potius lucrum ex tali pugna reportavit, ut iam ostendimus: atque dæmon nequitiam, iustus vero fortitudinem exhibuit. At multos supplantat, inquires: ob illorum scilicet infirmitatem, non autem virtute sua, ut iam pluribus demonstratum est. S. AUGUSTINUS de iustis ac electis per Christum in novo testamento verba faciens: „Non moveat (inquit) quod sæpe diabolus seducit etiam illos, qui iam regenerati in Christo, vias ingrediuntur Dei. *Novit enim Dominus, qui sunt eius: ex his in æternam damnationem neminem ille seducit.* Sic enim novit eos Dominus, ut Deus, quem nihil latet etiam futurorum; non ut homo, qui hominem ad præsens videt (si tamen videt, cuius cor non videt) qualis autem postea sit futurus, ne se ipsum videt. Ad hoc ergo ligatus est diabolus & inclusus in abyssu, ut iam non seducat gentes, ex quibus constat ecclesia, quas antea seductas tenebat,

T. II. p. 269.

Lib. XX. de  
Civ. Dei c.  
7. T. VII.  
p. 582.



tenebat, antequam esset ecclesia. Nec enim dictum est, ut non seduceret aliquem, sed *ut non seduceret*, inquit, *iam gentes*, in quibus ecclesiam procul dubio voluit intelligi: *donec fniantur*, inquit, *mille anni*, id est, aut quod remanet de sexto die, qui constat ex mille annis: aut omnes anni, quibus deinceps hoc sæculum peragendum est.“ Sequitur mox singulare caput VIII. *de alligatione, & solutione diaboli*. Ex quo auctor de promissionibus & prædictionibus Dei inter opera S. PROSPERI post Partem III. c. 4. *de diabolo ligato, & misso in abyssum* hanc notabilem adducit sententiam verbis paullulum immutatis: „Quantæ autem virtutis, ut ait beatæ memoriæ AUGUSTINUS, pollebunt tunc Sancti, qui luctaturi sunt cum diabolo soluto, cum quo ligato tantis periculis dimicatur.“

Solvendus  
novissimis  
temporibus.  
T. I. Opp. p.  
1115.

IX. Id vero nostris magis congruere temporibus, quod S. GREGORIUS M. lib. XXXIV. in Iob de suis dixit, ipsa mundi senescentis conditio comprobatur: „Extrema mundi atrocius tentaturus aggreditur: quia tanto fit ferventior ad sævitiam, quanto se viciniorem sentit ad pœnam.“ Idem apud Iob XXIX. in ultima sui parte sermonis, ultimum tempus ecclesiæ designari ratus est: „Quando (inquit) adversarios suos, id est carnales quosque, vel hæreticos atque gentiles, quos nunc studet sapientiæ auctoritate comprimere, effrenata iactantia elatos cogitur irrisa tolerare. Unde in hoc quoque sermone dicitur: *Nunc autem derident me iuniores tempore, quorum non dignabar patres ponere cum canibus gregis mei*. Et ipsa ordinis ratio exposcit, ut per verba beati Iob ultima extremi sanctæ ecclesiæ designentur dies, quando persecutione crescente, apertas hæreticorum voces tolerare compellitur, cum motus cordis sui, quos nunc intra cogitationum sinus contegunt, tunc in voce manifestati erroris aperiunt. Nunc enim, sicut per IOANNEM dicitur, draco in abyssu clausus tenetur, quia diabolica malitia in eorum subdolis cordibus occultatur. Sed sicut illic dictum est, educetur draco de puteo abyssi: quia quod modo præ timore tegitur, tunc contra ecclesiam publice de iniquorum cordibus omne serpentinum virus aperitur.“ Non procul ab his absumus temporibus, quando palam ac passim religio superstitio, irreligiositas autem ac ipsa in Deum impietas religio prudentum habetur: dæmonque, quo remotior creditur a rebus humanis & abstrusior, eo licentius periculosiusque grassatur, ac insidiarum incurios incredulosque irretit.

Apoc. 20, 3.

Hostis semper formidandus.  
Ser. XVIII.  
p. 182.

X. S. GAUDENTIUS *Brixienfis* de toto illo tempore, quod a Christo ad consummationem sæculi intercedit, locutus „Festinat (ait) novis artibus variisque tentationum generibus supplantare homines, a quorum dominatu

in



in fine sæculi submovendum se penitus esse cognoscit. Nam post adventum Christi duplicato contra homines furore succenditur, sciens, quia modicum tempus habet, sicut scriptum de illo est. "IOANNE nempe in *Apocal.* <sup>12.</sup> audiente vocem magnam in cœlo dicentem.. *Va terra, & mari, quia descendit diabolus ad vos, habens iram magnam, sciens, quod modicum tempus habet.* Accipiuntur hæc de temporibus persecutionum primis ac novissimis avolante ecclesia in desertum in locum suum, ubi alitur per tempus & tempora, & <sup>v. 14.</sup> dimidium temporis a facie serpentis. Palam S. IUSTINUS mox in exordio <sup>pag. 82.</sup> utriusque apologiæ, quas pro Christianis ad ANTONINUM Pium & senatum Romanum misit, pravis dæmonibus tribuit persecutionem ecclesiæ: „Qui (senatum Rom. compellat) nobis offensi sunt, ac huiusmodi iudices in sua potestate & cultui suo addictos habent, eos, utpote dæmoniis agitados magistratus, ad necem nobis inferendam incitant.“ Et in illa ad impera- <sup>pag. 46.</sup> torem paullo post initium: „Quid hæc igitur (inquit) sibi volunt? Erga nos, qui nihil mali facturos, nec impia illa opinaturos pollicemur, non iudicia examinatis, sed affectu a ratione alieno, ac malorum dæmonum flagello agitati, animadvertere indicta causa parvi pendetis:“ Eadem hæc iterum iterumque ingeminat; ad rem autem cumprimis facit, quod postea de excitatione a dæmonibus SIMONE & MENANDRO hæreticis in medium affert: <sup>n. 56. p. 77.</sup> „Satis autem (ait) pravis dæmonibus non fuit, antequam Christus apparuisset, filios illos inducere, qui ex Iove geniti inducantur; sed postquam ille prodiit, atque inter homines versatus est, cum, & quomodo a prophetis prænuntiatus esset, didicissent, ac illum in omni hominum genere credi & exspectari cognoscerent, rursus, ut iam demonstravimus, alios immiserunt SIMONEM & MENANDRUM Samaritanos, qui magicis miraculis editis multos deceperunt, atque etiamnum deceptos tenent. Nam cum apud vos in regia urbe Roma, ut iam dixi, imperante CLAUDIO Cæsare, SIMON verfaretur, & sacrum senatum & populum Romanum ita admiratione perculsit, ut Deus existimaretur, & statua velut alii, qui a vobis coluntur Dii, donaretur. Quapropter oramus ut & sacrum senatum & populum Romanum una vobiscum huius nostri supplicis libelli cognitores adsciscatis, ut si quis eius doctrina implicatus sit, veritate cognita, errorem possit effugere: & statuem, si ita vobis placet, deiicite. Neque enim nullam esse ad impiorum supplicium conflagrationem persuadere possunt: quemadmodum nec perficere potuerunt, ut Christi adventus lateret; verum id unum moliri possunt, ut qui præter rationem vivunt, & flagitiose in pravis institutis nutriti sunt, & opinionum amatores sunt, occidant nos & oderint.“

Videtur hic etiam gentiles philosophos indigitare. Ac CLEMENS quidem *Alexandrinus* notat eos lib. VI. *Stromatum*, qui dicunt philosophiam esse profectam a diabolo. „Quomodo autem (subdit) in barbara philosophia, ita etiam in *græca* feminata sunt zizania: ab ipso vero agricola zizaniorum: unde etiam & quæ sunt apud nos, exortæ sunt hærefes pariter cum bono tritico & genitali.“ Manifeste Christus de zizaniorum agricola inimicus autem, inquit, *qui seminavit ea, est diabolus*. Et alibi: *Qui autem secus viam, hi sunt, qui audiunt: deinde venit diabolus, & tollit verbum de corde eorum, ne credentes salvi fiant*. Apte hic interpreteris eos, per quos sectas, schismata, seu dissidia feminat in Ecclesia dæmon, cui nihil magis convenit, quam discordias inter domesticos etiam fidei ferere. „Quoniam invidia diaboli (ut cum S. AMBROSIO ad Augg. GRATIANUM, VALENTINIANUM & THEODOSIUM ep. 12. scribente loquar) nunquam quiescere solet, inter ipsos Catholicos audimus crebras dissensiones esse, impacatamque discordiam.“ Univerſim vero idem enarratione in psalm. XXXVIII. n. 6. „Non ergo dubites (inquit) quando aliqui tibi molesti sunt volenti fervare iustitiam, ministros esse illius nequissimi peccatoris, qui omnium auctor est flagitiorum.“ Et eius discipulus S. AUGUSTINUS de Catechizandis rudibus: „Hæc tene fixa in corde tuo, & invoca Deum, cui credis, ut tueatur te adversus tentationes diaboli: & esto cautus, nisi tibi aliunde hostis ille subrepat, qui ad solatium malevolentissimum damnationis suæ, cum quibus damnetur, requirit. Non enim per eos solos, qui christianum nomen oderunt, & dolent eo nomine occupatum esse orbem terrarum, & adhuc simulacris & dæmoniorum curiositatibus servire desiderant, audet ille tentare Christianos: sed etiam per eos, quos paullo ante commemoravimus, de unitate ecclesiæ, velut putata vite, præcisos, qui hæretici vel schismatici dicuntur, conatur etiam id quidem interdum. Sed tamen id etiam aliquando conatur & per *Iudaos* tentare atque seducere. Sed maxime cavendum est, ne per homines, qui sunt in ipsa catholica ecclesia, quos velut paleam usque ad tempus ventilationis suæ sustinet, unusquisque tentetur & decipiatur.“ Et paullo post ita concludit librum: „Tu ita credens ista, cave tentationes (quia diabolus quærit, qui secum pereant) ut non solum per eos, qui extra ecclesiam sunt, sive pagani, sive *Iudæi*, sive hæretici, non te hostis ille seducat; sed etiam quos in ipsa ecclesia catholica male viventes, aut immoderatos voluptatibus ventris & gutturis, aut impudicos, aut vanis curiositatibus vel illicitis deditos, sive spectaculorum, sive remediorum, aut divinationum diabolicarum, sive in pompa & typho avaritiæ atque superbiæ, sive in aliqua vita, quam lex damnat & punnit, non eos imiteris: sed potius coniungaris bonis, quos inventurus es facile,

pag. 467. seq.

Matth. 13.

39.

Luc. 8, 12.

T. III. Opp.

p. 851.

T. II. p. 147.

Add. eiusd.

liber de pa-

radiso c. 12.

T. I. p. 194.

seq.

T. VI. Opp.

p. 292.

p. 295.



facile, si & tu talis fueris, ut simul colatis & diligatis Deum gratis: quia totum præmium nostrum ipse erit, ut in illa vita, bonitate eius & pulchritudine perfruamur."

Addam haud absimilia S. LEONIS ad Christianos monita: „In hac autem dilectissimi, misericordia Dei, cuius erga nos magnitudinem explicare non valemus, multa sollicitudine præcavendum est Christianis, ne diabolicis iterum capiantur insidiis, & eisdem rursus, quibus renuntiaverunt, erroribus implicentur. Non enim desinit hostis antiquus, transfigurans se in angelum lucis, deceptionum laqueos ubique prætere, &, ut quoquo modo fidem credentium corrumpat, instare. Novit, cui adhibeat æstus cupiditatis, cui illecebras gulæ ingerat, cui apponat incitamenta luxuriæ, cui infundat virus invidiæ. Novit, quem mærore conturbet, quem gaudio fallat, quem metu opprimat, quem admiratione seducat. Omnium discutit consuetudines, ventilat curas, scrutatur affectus: & sibi causas quærit nocendi, ubi quemque viderit studiosius occupari. Habet enim multos ex eis, quos tenacius obligavit, aptos suis artibus, quorum ad alios decipiendos & ingeniis utatur & linguis. Per istos remedia ægritudinum, indicia futurorum, placationes dæmonum, & depulsiones promittuntur umbrarum. Adduntur & illi, qui totam humanæ vitæ conditionem de stellarum pendere effectibus mentiuntur, & quod est aut divinæ voluntatis aut nostræ, indeclinabilem dicunt esse fatorum. Quæ tamen ut cumulatus noceant, spondent posse mutari, si illis quæ adversantur, syderibus supplicetur. Unde commentum impium sua ratione destruitur: quia si prædicta non permanent, non sunt fata metuenda; si permanent, non sunt astra veneranda." Ex sententia S. GREGORII M. ab illis verbis capitis quadragesimi *Iob* v. 10. *Ecce Behemoth, quem feci tecum &c.* „Fidelis famulo cunctas hostis callidi machinationes insinuat (Deus) omne quod opprimendo rapit, omne quod insidiando circumvolat, omne quod minando terret, omne quod suadendo blanditur, omne quod desperando frangit, omne quod promittendo decipit."

*Ser. XXVI.  
In nativ.  
D. VII.*

*Lib.  
XXXIII.  
in Iob T. I.  
p. 1055.*

XI. Quis enimvero sibi ab infinitis tentationum huiusmodi tendiculis Ad luctam fatis caveat, quæ & diversitate & assiduitate sua magis sunt periculosæ, nisi relictus. sola in Deum fiducia, qui nobis ad luctam hostem hunc irreconciliabilem permittit quidem, „Sed quia misericors Deus (idem S. pastor nos iam *L. XXIV.* ex apostolo *1 Cor. X. 13.* fuerat solatus) probari nos permittit tentationibus, non reprobari, sicut scriptum est: *Fidelis autem Deus, qui non patitur vos tentari supra id, quod potestis, sed faciet cum tentatione etiam proventum, ut possitis sustinere:* citius nobis consolationis ope succur-



pag. 122.

T. II. p. 835.

rit, & surgentes tentationum stimulos mitigat, impugnantesque se cogitationum motus interna pace tranquillat. Moxque anima immensam de spe coelesti lætitiā percipit, dum devictum malum respicit, quod toleravit, ut iure de hoc tentato liberatoque homine dici debeat: *Videbit faciem eius in iubilo: & liberavit animam suam, ne pergeret in interitum, sed vivens lucem videret.* S. CYRILLUS Hierosol. Catech. VIII. de Omnipotentia, Deum ex tolerantia pati diabolū cum dixisset, „Principium enim est (addit) formationis Domini; factus, ut illudatur non ab ipso, indignus est enim, sed ab angelis, qui ab ipso sunt facti. Vivere vero ei indulgit duabus de causis: ut & ipse maiori verecundia afficiatur superatus, & homines coronis illustrentur. O sapientiæ plenam providentiam Dei! quæ pravā illam voluntatem ad fidelium salutis instrumentum assumit. Ut enim inimica fratrum IOSEPHI voluntate ad executionem consiliorum suorum usus est; fratremque ab eis ex odio venundari sinens inde occasionem cepit, eum, quem volebat, regem constituendi: sic diabolo luctari concessit, ut coronarentur ii, qui vincerent, & ut adepta victoria, ille quidem uti ab inferioribus devictus maiori dedecore cooperiretur; homines vero insigniter nobilitarentur, eo, qui archangelus olim fuisset, triumphato. “ Et S. AMBROSIIUS lib. IV. in LUCAM: „Vides (inquit) magnificentiam christiani viri, qui certat cum rectoribus mundi: & licet constitutus in terris, adversus spiritalia nequitiae, quæ sunt in coelestibus, animi virtute decernit. Non enim de terrenis contendimus, ut dimicemus in terra: sed spiritalibus propositis præmiis, de regno Dei & Christi hæreditate necesse est spiritalia prius impedimenta superentur. Corona proposita est, subeunda certamina sunt. Nemo potest, nisi vicerit, coronari: nemo potest vincere, nisi ante certaverit. Ipsius quoque coronæ maior est fructus, ubi maior est labor: *Arcta enim & angusta est via, quæ ducit ad vitam . . . lata vero & spatiosa, quæ ducit ad mortem.* Et ideo tentationem neutiquam timere debemus: est enim causa victoriæ, materia triumphorum.”

Ser. XXV.

bz Natio.

D. V. p. 23.

Sic equidem grave est ac molestum in hac misera vita, semper contra hostem salutis nostræ in acie stare ac dimicare; sed certum nobis adest strenue decertantibus divinum præsidium, certa, utut cruenta persæpe videatur & difficilis ac anceps victoria. „Scimus quidem (nos ad pugnam animat S. LEO) quod sicut IOANNES apostolus dicit, *Totus mundus in malo ligno positus est*: & insidiante diabolo & angelis eius, in hoc innumeris tentationibus laboratur, ut hominem ad superna nitentem, aut adversa terreant, aut secunda corrumpant: sed maior est, qui in nobis est, quam qui adversum nos est: & pacem cum Deo habentibus, ac semper Patri toto corde

corde dicentibus, *Fiat voluntas tua*, nulla prævalere certamina, nulli possunt nocere conflictus. Accusantes enim nosmetipsos confessionibus nostris, & consensum animi carnis concupiscentiis denegantes, inimicitias quidem adversum nos eius, qui peccati auctor est, commovemus: sed inexpugnabilem cum Deo pacem, gratiæ ipsius serviendo, firmamus, ut regi nostro non solum obedientia, sed etiam iudicio copulemur. Quoniam si in eadem sententia sumus, si, quod vult, volumus, & quod improbat, improbamus, ipse iam pro nobis omnia bella conficiet, ipse qui dedit velle, donabit & posse, ut simus cooperatores operum eius, & propheticum illud cum fidei exultatione dicamus: *Dominus illuminatio mea, & salus mea, quem timebo? Dominus protector vitæ meæ, a quo trepidabo?*

Quis vero de Deo optimo maximo nostri tam amante dubitet, eum sapientia sua, omnia, si nos haud desimus, bene vertere? S. CHRYSOSTOMUS in libro *ad eos, qui scandalizati sunt ob adversitates* &c. varias accumulans cap. 12. quæstiones, „Cur hæreses permittantur, qua de causa diabolus, qua de causa dæmones, cur homines improbi, & qui multos supplantant: & quod omnium est istorum caput, cur adveniat antichristus, qui tanta pollet ad decipiendum potentia, ut dixerit Christus eum tanta præstiturum, ut in errorem inducantur, si fieri potest, etiam electi:“ Subdit: „At enim ista quærenda non sunt, sed sunt omnia incomprehensibili Dei sapientiæ committenda.“ Legatur nihilominus eius homilia: *Ad eos, qui obiiciunt, cur e medio sublatus non sit diabolus? & quod humani malitiæ nihil nos lædat, si attendamus* &c. S. MARCI item monachi & eremitæ opusc. IV. de *Baptismo* ab illa interrogatione: *Si liberati sumus in baptismo, quamobrem non perspicimus libertatis aerem, uti vident, qui decertant?* seqq.

T. III. Opp.  
pag. 494.

T. II. Opp.  
p. 260. seq.

T. VIII.  
Bibl. PP.

XII. Suo loco de baptismo tractantes veterum non paucorum Patrum sententiam retulimus, cuique hominum a nativitate sua spiritum adhærere nequam asserentium, qui per baptismum excludatur; sed ut nunc diximus, suo tamen modo ad luctam reliquuntur (veluti etiam in renatis concupiscentia) aut ut divinæ iustitiæ ministri. ORIGENES locum illum versans apostoli: *Omnes sunt administratorii spiritus in ministerium missi propter eos, qui hereditatem capiunt salutis*, illam apud veteres gentiles & philosophos pervagatam opinionem, de qua plura in nota afferuntur testimonia, tangit, *humanam animam statim ab ortu dæmonum ditioni esse subditam.* „Nos (addit) IESUS docuit, ne minimos quidem eorum, qui in ecclesia sunt, contemnendos esse: *quia angeli eorum*, inquit, *semper vident faciem Patris mei, qui in cælis est.* Et propheta: *Castra metabitur angelus Domini*

An malus  
cuique ho-  
mini adhæ-  
reat genius?

Hebr. I, 24.  
L. VIII. con-  
tra Celsum  
n. 31, T. I.  
p. 767.



Lib. 1. in  
caput 2. Iob  
T. 1. pag.  
53.

*in circuitu timentium eum, & eripiet eos.* Itaque ne nos quidem inficiamur, multos esse in terra dæmones; at eos esse, & potestatem in malos habere propter eorum malitiam, contendimus; nihil vero posse in eos, qui induerunt armaturam Dei, & robur acceperunt ad standum adversus insidias diaboli, quique se ad pugnandum cum dæmonibus exercent." Sic S. GREGORIO angeli Dei ad electorum adiutorium, dæmones ad probationem servire dicuntur in illud Iobi II. quo diabolus inter filios Dei adfuisse narratur: „Inter filios Dei (inquit) adfuit, quia etsi ab illis in hac vita laborantibus auxilium pietatis impenditur; iste occultæ eius iustitiæ nesciendo serviens, ministerium exequi reprobationis conatur. Unde bene in libris Regum per prophetam dicitur: *Vidi Dominum sedentem super solium suum: & exercitum cæli a dextris & a sinistris eius, & dictum est: In quo decipiam ACHAB, ut ascendat & cadat in Ramoth Galaath? Et dixit alius ita, & alius aliter. Et egressus est unus & dixit: Ego decipiam ACHAB. Et dictum est: In quo decipies? Qui respondit dicens: Egrediar, & ero spiritus mendax in ore omnium prophetarum eius.* Quid enim solium Domini, nisi angelicas potestates accipimus, quarum mentibus altius præsidens, inferius cuncta disponit? Et quid exercitus cæli, nisi ministrantium angelorum multitudo describitur? Quid est ergo, quod exercitus cæli a dextris & sinistris eius stare perhibetur? Deus enim, qui ita est intra omnia, ut etiam sit extra omnia, nec dextra nec sinistra concluditur. Sed dextra Dei angelorum pars electa, sinistra autem Dei pars angelorum reproba designatur. Non enim ministrant Deo solummodo boni, qui adiuvent; sed etiam mali, qui probent: non solum, qui a culpa redeunt sublevent; sed etiam qui redire nolentes gravent." Ex sententia autem ORIGENIS unicuique duo assistunt angeli, alter iustitiæ, alter iniquitatis. Quod repetit Hom. XIII. & XXXV. in eundem evangelistam. Varia in eandem ac contrariam etiam aliorum sententiam citat SS. Patrum loca COTELERIUS in HERMÆ Pastorem lib. II. Mandat. VI. ubi aperte duo genii cum homine esse dicuntur: *Unus aequitatis, & unus iniquitatis.*

Hom. XII.  
in Lucam.

T. I. Patr.  
apost. p. 93.  
84.

T. I. p. 140.

Ad quem auctorem etiam provocat ORIGENES lib. III. *de Principiis* n. 4. ubi observat cogitationes, quæ de corde nostro procedunt, vel quarumcumque rerum causarumque contemplationem „quod aliquoties ex nobis ipsis procedant, aliquoties a contrariis virtutibus concitentur: interdum etiam a Deo, vel a sanctis angelis immittantur." Quæ singula cum locis sacre scripturæ firmasset, addit: „Sed & Pastoris liber hæc eadem declarat dicens, quod bini angeli singulos quosque hominum comitentur: & si quando bonæ cogitationes cor nostrum ascenderint, a bono angelo suggeri dicit:

fi

si vero contrariæ, mali angeli dicit esse instinctum. Eadem quoque BARNABAS in epistola sua declarat, cum duas vias esse dicit, unam lucis, alteram tenebrarum, quibus & præesse certos quosque angelos dicit: viæ quidem lucis angelos Dei: tenebrarum autem viæ angelos satanæ. Nihil tamen aliud putandum est accidere nobis ex ipsis, quæ cordi nostro suggeruntur bonis vel malis, nisi commotionem solam & incitamentum provocans nos vel ad bona, vel ad mala. Possibile autem nobis est, cum maligna virtus nos cœperit ad malum incitare, abiicere a nobis pravæ suggestiones, & resistere suasionibus pessimis, & nihil prorsus culpabiliter gerere. Et rursum possibile est, ut cum nos divina virtus ad meliora probaverit, non sequamur, liberi arbitrii potestate in utraque nobis servata." HERMÆ vero Pastor, quem etiam CASSIANUS Collat. VIII. c. 17. & Coll. XIII. c. 12. & PROSPER contra Collatorem c. 30. citant, alique a COTELERIO notati, sic respondet interrogatus, quomodo sciri possit, quod duo sunt genii cum homine? „Audi (inquit) & intellige. Æquitatis genius tener est, lenis & verecundus, mansuetus & quietus. Cum ergo in cor tuum ascenderit, continuo loquitur tecum de iustitia, de pudicitia, de castitate, de benignitate, de venia, de caritate, de pietate. Hæc omnia cum ascenderint in cor tuum, scito, quod genius æquitatis tecum est: Huic ergo genio crede, & operibus eius. Accipe nunc & genii iniquitatis opera. Primum amarus, iracundus, & stolidus est; & opera illius perniciose sunt, & everunt servos Dei. Cum ergo in cor tuum ascenderint hæc, intelliges ab operibus eius, hunc esse genium iniquitatis &c." S. BARNABÆ autem *T. I. Patr. Apost. p. 50.* apostoli verba, quæ secundo loco citat ORIGENES in eius epistola, ita habent: „Duæ sunt viæ doctrinæ ac potestatis; una lucis, altera tenebrarum. Differentia vero multa duarum viarum. Uni siquidem præpositi sunt lucis conciliatores, angeli Dei; alteri vero angeli satanæ: ac ille quidem Dominus est a sæculis in sæcula; hic autem princeps temporis iniqui." Prolixius utriusque viæ gressus deinceps prosequitur lucis & tenebrarum, Dei & diaboli ex sententia S. IOANNIS I. epist. *In hoc manifesti sunt filii Dei & filii diaboli. Omnis qui non est iustus, non est ex Deo, & qui non diligit fratrem suum.* Et paullo ante v. 8. *Qui facit peccatum ex diabolo est.* „Nihil enim non diaboli est (ut TERTULLIANUS, qui libro *De Spectaculis* c. 24. *p. 83.* de Anima c. 39. nullum pœne hominem carere dæmone dicit, loquitur) „vel quidquid Dei non est, vel Deo displicet." Et alibi: „Non ergo natura optima sunt ista, quæ a Deo non sunt auctore naturæ. Sic a diabolo esse intelliguntur, ab interpolatore naturæ. Alterius enim esse non possunt, si Dei non sunt: quia æmuli sint necesse est, quæ Dei non sunt. Alius autem præter diabolum & angelos eius, æmulus Dei non est." Sed hæc



pag. LI.

Añ. 5, 3.

Añ. 26, 18.

Lib. III. de  
doct. christ.  
c. 37.

hæc cautius ob *Manichæos* & alios duorum principiorum etiam ante *MANICHÆUM* assertores ab aliis sunt tractata. Unum afferam locum *S. IACOBI Nissibeni* ex *arabicis* sermonibus, editionis *Romanæ* anni 1756. nuper in Bibliothecam veterum Patrum *Venet.* T. V. translatis, quorum sextus de *Devotis* inscriptus totus est de discretione spirituum; ad rem vero sunt, quæ differit n. 14. quomodo Spiritu sancto recedente diabolus intret, veluti de *JUDA* proditore constat *Joan.* XIII. 2. diabolum misisse in cor, ut traderet Christum: & postea v. 26. post bucellam introisse in eum fatanam. *S. IACOBUM* quoque audiamus: *Propterea, charissime, quando Spiritus abit ab homine, qui eum accepit, tunc pugnat diabolus cum illo homine, ut supplantet eum, & penitus separetur ab eo Spiritus sanctus. Nam quamdiu Spiritus est cum homine, timet accedere ad eum. Et vide charissime, quod Dominus noster, qui de illo Spiritu natus est, non fuit tentatus ab illo nequam, donec Spiritus, quem visibiliter accepit in baptismo lavacri, assumpsit & duxit eum in desertum, ut tentaretur a diabolo. Hæc uniuscuiusque cura sit, ubi sentit animam suam ardere Spiritu, & cor suum incidere in sollicitudines huius sæculi; illico sciat, quod Spiritus Dei non est apud ipsum, & caveat, ne supplantetur ab ipso.* Hinc *PETRUS* ad *ANANIAM*: *Cur tentavit, ait, fatanas cor tuum, mentiri te Spiritui sancto.* Et Christus *PAULUM* se mittere dicit ad gentes: ut convertantur a tenebris ad lucem, & de potestate fatanæ ad Deum. Sic *TICHONIUS* cum de *septem regulis* primam posuisset de Domino & corpore eius, septimam addidit de diabolo & eius corpore. Sicut ergo (inquit *S. AUGUSTINUS* in eas regulas) in prima regula, quam vocat de Domino & eius corpore, vigilandum est, ut intelligatur, cum de una eademque persona scriptura loquitur, quid conveniat capiti, quid corpori; sic & in ista novissima, aliquando in diabolum dicitur, quod non in ipso, sed potius in eius corpore possit agnosci, quod habet non solum in eis, qui manifestissime foris sunt, sed in eis etiam, qui cum ad ipsum pertineant, tamen ad tempus miscentur ecclesiæ, donec unusquisque de hæc vita exeat, vel a frumento palea ventilabro ultimo separetur.“

Humani generis hostes  
caro, mundus & dæmon.

XIII. Hinc, ut diximus, errores illi de duobus principiis seu supremis potestatibus, hinc etiam opinio satis olim apud gentiles vulgaris, mundum hunc indignum haberi, qui Dei providentia regatur: „Quia (inquit *S. ATHENAGORAS* Legat. pro Christianis n. 25.) profectæ a contrario dæmoniæ motiones & operationes hos impetus inordinatos excitant, ac homines alium aliter, singulos & universos, privatim & communiter pro ratione materiæ & cognationis cum divinis rebus, intus & exterius movent; propterea nonnulli, quorum non levis existimatio est, nullo ordine hoc

uni-

universum consistere, sed casu temerario agi & ferri censuerunt." Sola autem nobis religio omnis mali originem in primo ADAMO per diabolum pessumdato, ostendit; & in secundo, seu Christo, remedium contra hæc mala aperit, & quomodo expugnari hostes tam interni quam externi, qui sunt caro, mundus, & dæmon, possint ac debeant, ostendit.

li vero, quos perplexos tenet, quod adhuc diabolum in rebus humanis grassari permittat divina providentia, ut etiam *Manichæismum*, atque pugnam inter divina attributa inclament, in seipsos, resque humanas reflectant animum, in quanta mala hostes, intestinus, & externus caro & mundus, diaboli in nostram perniciem socii fœderati & coniurati, Deo permittente, præcipitent. Quemadmodum vero unice nobis salutare est contra hos hostes manifestos, qui intus & foris continuo nos infestant, cautos nos præstare, & ad pugnam instructos, ita etiam, ac multo adhuc magis contra insidiatores occultos ac invisibiles: *Quoniam*, monente D. PAULO, *non est nobis colluctatio adversus carnem & sanguinem; sed adversus principatus & potestates, adversus mundi rectores tenebrarum harum, contra spiritualia nequitie in cælestibus.* Verbum divinum, eiusque fideles interpretes non minus nos ad certamen contra hostes invisibiles dæmones, quam visibiles sensibilesque mundum & carnem provocant, armantque. Christus in parabola zizaniorum agri, *qui filii sunt nequam*, ad originem omnis mali respiciens, *Inimicus autem*, inquit, *qui seminavit ea, diabolus est.* Alibi evangelistæ & apostoli, & ad eorum ductum SS. Patres & Doctores christiani, quando nos imminentium nobis ab inimicis salutis nostræ periculorum ac insidiarum commonefaciunt, frequenter adeo diaboli mentionem iniiciunt, quam mundi & carnis: nunc hunc, nunc illum designantes hostem; alias in nostram perniciem conspirationem omnium & singulorum prodant.

Ephes. 6, 12.

Matth. 13.

Marc. 4.

Luc. 8.

Legi meretur integra S. MACARII *Ægyptiaci* homilia XXI. de duplici, quod Christiano incumbit internum & externum, certamine cum carne & mundo, ac medium quoddam cum diabolo; cuius satellites duo sunt mundus & caro iuxta S. BERNARDUM in ferm. *de Discret. spirituum*, n. 2.3. „Ut dominetur spiritus nequitie spiritui carnis, & spiritui huius mundi. Quisquis ergo (pergit) ex his tribus spiritibus spiritui nostro loquatur, ne credamus ei: quoniam sanguinem sitiunt, non quidem corporum, sed (quod gravius est) animarum. Sed quoniam spiritualis omnium natura est, a sermonibus eorum cognoscemus eos, & quis spiritus sit, qui loquatur, ipsa suggestio declarabit. Semper enim spiritus carnis mollia, spiritus mundi vana, spiritus malitiae semper amara loquitur. Quoties ergo importune (ut assolet) carnalis cogitatio mentem pulsat: verbi gratia cum

T. VII. Bib.

lioth. PP.

p. 86. seq.

Ser. XXIII.

de diversis.

T. III. p.

1131.



de cibo, de potu, de somno, ceterisque similibus ad carnis curam pertinentibus cogitantes, humano quodam modo inardescimus desiderio; certum sit nobis spiritum carnis esse, qui loquitur, & tanquam adversarium repellamus eum, dicentes: *Vade retro satana, quoniam non sapis ea, quæ Dei sunt*: sed magis sapientia sua inimica est Deo. Cum autem non de illecebris carnis, sed de ambitione sæculi, de iactantia & arrogantia ceterisque similibus cogitatio vana versatur in cordibus nostris: spiritus mundi est, qui loquitur, longe perniciosior hostis, & maiori sollicitudine repellendus. Interdum vero satellitibus istis terga vertentibus, princeps ipse habens iram magnam, tanquam leo rugiens insurgit adversus nos; cum videlicet non ad voluptatem carnis, aut sæculi vanitatem, sed ad iram, ad impatientiam, ad invidiam, ad amaritudinem animi provocamur &c. Deinceps quonam modo malignorum illorum spirituum suggestiones abii- cere debeamus ex regula S. BENEDICTI, in qua passim contra malignos spiritus animamur, quamque S. BERNARDUS professus fuerat, potissimum ostendit. „Avertentes (inquit) aures nostras, ne audiamus sanguinem, & sapientiam, quam revelat caro & sanguis: parvulos quoque *Babylonis* cogitatus, scilicet mundanos, ab ipso initio tenentes & allidentes ad petram: ipsum etiam malignum cum tentationibus suis a conspectu cordis nostri abicientes & deducentes ad nihilum.“ Sic ergo alligatur satanas, „Non (ut cum S. AUGUSTINO loquar) quia extra mundum missus est, quomodo quidam hæretici putant: sed foras ab animis eorum, qui cohærent verbo Dei, & non diligunt mundum, cuius ille princeps est.“ Constans hæc semper fuit de tribus humani generis, ac salutis nostræ hostibus theologia: novaque est doctrina, quæ iactatur inaudita ante ætatem nostram (nisi apud eos, quos S. AUGUSTINUS notat) de detruso ante tempus in barathrum diabolo, facta ad incuriosos nos, segnesque contra insidias inimici reddendos. Vid. *Paralip.* de SS. PACHOMIO & THEODORO.

n. 5.

*De agone christ. c. 1. T. VI. pag. 245.*

*Apud Bol- land d. 14. Maii c. 3. n. 24. seq.*

A cuius in- fidiis nemo immunis est.

1. Pet. 5, 8.

*Luc. 22, 31.*

*T. I. p. 434.*

XIV. An frustra a D. PETRO apostolorum principe tam serio & gravi- ter sumus admoniti, id quod ecclesia quotidie nobis in divino officio acclamat: *Sobrii estote & vigilate: quia adversarius vester diabolus tan- quam leo rugiens circuit, quærens quem devoret.* Suo edoctus damno id dicit, a magistro ipse de sua defectione ac sociorum fuga frustra quidem præmoni- tus: *Simon, Simon, ecce satanas expetivit vos, ut cribraret sicut triticum.* Quis igitur tutum se existimet quocunque ex ordine hominum, si ipsa Christi familia labascit. Unde S. CHRYSOSTOMUS potissimum etiam sacerdotibus libro VI. *de Sacerdotio*, salutarem incutit timorem gravissima oratione: „Ac ne putes (inquit) me rem oratione amplificare, neve quia hoc corpo-

re, ceu quodam carcere inclusi, invisibilium nihil prorsus cernere possumus, magna esse ducas ea, quæ a me dicta sunt. Multo hac maiorem & horribiliorem pugnam videres, si caliginosissimam diaboli aciem furiosumque conflictum oculis istis cernere posses. Non enim illic ferrum aut æs, non equi, currus & rotæ, non ignis & tela; non hæc visibilia; sed alia multo his terribiora machinamenta. Adversariis istis nihil opus est thorace, non clypeo, non ensibus & hastis, sed vel solus execrandæ aciei aspectus animam dissolvere possit, nisi admodum generosa fuerit, & præ virtute propria, multa fruatur a Deo providentia." Hæc, ut & reliqua, quæ non minus diserte prosequitur lectu dignissima, illis apprime sunt consentanea, quæ S. ANTONIUS abbas in tota illa perorat oratione, quam S. ATHANASIUS eius vitæ inseruit, seorsim edita in novissima Bibliotheca PP. *Veneta*, quave monachos & eremitas a diaboli insultibus & machinamentis cautos præstare vult, tanto vehementiori aggressu, quo sanctius est institutum, atque adeo contra hostes salutis nostræ fortius. Unde etiam S. BENEDICTUS cap. I. Reg. *de generibus monachorum* secundum genus anachoretarum, id est eremitarum describens, *horum*, inquit, *qui non conversionis fervore novitio, sed monasterii probatione diuturna didicerunt contra diabolum, multorum solatio iam docti pugnare.* Ut adeo nulla sit hominum conditio, a communis hostis humani generis insidiis immunis. *Ex quo enim, sunt MACARII, viri sanctissimi, atque in hac pugna experientissimi verba, per transgressionem primam irrepsit in hominem malitia, liber aditus diabolo datus est ad animam quotidie alloquendam ut homo hominem, & ad eidem suggerenda absurda.* S. GREGORIUS Naz. (ad ea, quæ cognominis Romanus pontifex libris moralium in Iob posterioribus præsertim de satanæ noxiis in homines consiliis copiose differit, digitum solum intendo) carmine CXCI. quod cum aliis novissime in Bibl. PP. *Ven.* prodiit, de bello quod movent dæmones, ad propriam etiam provocat experientiam, ad quam tunc demum animum adverterit, cum se totum Deo dederet, sic orsus:

T. IV. p. 366. seq.

De libertate  
mentis c. 2.  
T. II. Opp.  
p. 182.

T. I. p. 1031.  
seqq.

T. VI. Bibl.  
PP. p. 403.

*Mente collecta in Dei societatem,  
Ut purissimis intimis sensibus purum Dominum  
Venerarer (nam pulchrum est solius mentis sacrificium)  
Nequaquam animadvertissem tortuosæ artificia bestię.  
Certe & prædicasssem, & illud existimasssem.  
Sæpe mihi etiam supervenit nocti similis  
Et rursus lucis sub fraudulenta figura.  
Omnia enim, quæcunque voluerit, efficitur mortis sophista,  
Natus Proteus ad formas dolosas effingendas,*



*Ut aliquem aut per insidias, aut aperte hominem interficiat;*

*Nam deliciae illi sunt mortalium lapsus &c.*

Alia notantur eiusdem carmina iam evulgata, quibus aut ipsum acriter incessit dæmonem, & averfatur, aut eius incurfus & calliditatem deplorat veluti 19. 21. 32. 60. &c. in edit. *Billiana*.

Ut tamen  
in nostra  
sit potestate.

XV. Igitur semper armatus esse quisque debet contra hunc vaferri-  
mum hostem semperque paratus ad pugnam, *qui malignum diabolum*, ut  
suos S. BENEDICTUS in prologo regulæ instruit, *aliqua suadentem sibi, cum*  
*ipsa suasionem sua a conspectibus cordis sui respuens*, deducere ad nihilum  
gestit: & ad Christum allidere, a quo nobis omnis in eum potestas est  
facta, estque penes nos eum respuere, ac repellere. Hinc monet IACO-  
BUS apostolus: *Subditi ergo estote Deo: resistite autem diabolo, & fugiet*  
*a vobis. Resistite fortes in fide: iuxta D. PETRUM: & PAULUM: Nolite*  
*locum dare diabolo.* Qui etiam de illis non desperat, *qui resistunt verita-*  
*ti. Ne quando Deus det illis pœnitentiam ad cognoscendam veritatem, & re-*  
*sipiscant a diaboli laqueis, a quo captivi tenentur ad ipsius voluntatem.* Sic  
enim transfertur homo de tenebris ad lucem, de laqueis diaboli in libertatem  
filiorum Dei; „Uti cessans aliquando homo vivere peccato, & moriens ei  
(ut cum S. IRENÆO loquar) inciperet vivere Deo. Quapropter inimici-  
tiam posuit inter serpentem & mulierem, & semen eius, observantes in-  
vicem: illo quidem cui morderetur planta, & potente calcare caput inimi-  
ci; altero vero mordente & occidente, & interpediente ingressus homi-  
nis, quoadusque venit semen prædestinatum calcare caput eius, quod  
fuit partus MARIÆ, de quo ait propheta: *Super aspidem & basiliscum*  
*ambulabis, & conculcabis leonem & draconem;* significans, quia illud quod  
erigeretur & dilataretur adversus hominem peccatum, & frigidum redde-  
bat eum, evacuaretur cum regnante morte; & conculcaretur ab eo in  
novissimis temporibus insiliens humano generi leo, hoc est, antichristus;  
& draconem illum, serpentem vetustum, alligans & subiiciens potestati  
hominis, qui fuerat victus, ad calcandam omnem eius virtutem.“ Et  
iterum: „Quoniam per hominem traducta est apostasia eius, & exami-  
natio sententiæ eius homo factus est; ad hoc magis magisque semetip-  
sum contrarium constituit homini, invidens vitæ eius, & in sua potestate  
apostatica volens concludere eum. Omnium artifex Verbum Dei per ho-  
minem vincens eum & apostatam ostendens, e contrario subiecit eum ho-  
mini: *Ecce, dicens, do vobis potestatem calcandi super serpentes, & scor-*  
*piones, & super omnem virtutem inimici*, ut quemadmodum dominatus  
est homini per apostasiam, sic iterum per hominem recurrentem ad Deum  
evacuatur apostasia eius.“ Infiniti sunt Christianorum in Dei nomine cum

ad-

adversario strenue certantium triumphum ac trophæa innumera ab omni genere fraudum ac infestationum, quibus nos astu & arte aggreditur, ex quibus non pauca decursu sermonis patefacimus, nunc hoc etiam egregie assertum quidem post multa alia ex laudata iam S. ANTONII abb. oratione apud S. ATHANASIUM ipsius explicabo verbis, quo is suis, quos allocutus est, adiecit animum, ne imbellem iam, si velimus tantum, formidarent hostem, sed fortiter ac intrepide debellarent: „Et quia (inquit) hæc narrando factus sum insipiens, istud quoque accipite, ut tuti & absque formidine degatis: mihi que fidem habete; non mentior quippe. Quodam tempore pulsavit aliquis in monasterio ianuam meam. Tum egressus vidi quemdam procerum ac præaltæ staturæ. Sciscitante me: *Quis tu es? Ego sum, inquit, satanas.* Me rursus interrogante: *Qua de causa hoc ades in loco?* Respondit ille: *Cur me falso accusant monachi, & omnes alii Christiani? cur me horis singulis execrantur?* Cui ego, *Cur molestus illis es?* Non ego, ait, sed illi ipsi sese conturbant, infirmus enim factus sum. *An non legerunt? Inimici defecerunt in finem, & civitates destruxisti.* Nullus mihi superest locus, non telum, non civitas. *Ubique locorum Christiani facti sunt, atque demum monachis repleta est solitudo. Observent ipsi sese, nec me immerito execrentur.* Tum ego Domini gratiam admiratus: *Quamquam mendax semper es, dixi, & veritatem numquam dicis; hoc iam tamen licet invitus vere dixisti; Christus enim veniens te infirmum reddidit, atque deiectum demudavit.* Audito ille Salvatoris nomine, ardoremque eius non ferens, evanidus factus est. Si igitur ipse diabolus se fatetur nihil posse, despiciendus sane a nobis est, cum ille, tum dæmones eius. Inimicus ergo cum canibus suis eiusmodi utitur dolis: nos autem gnari eorum infirmitatis, ipsos contemnere valemus. Quamobrem ne labamur mente, ne timendi causas animo versemus, neque comminiscamur nobis terrores dicendo: Ne dæmon invadens prosterne me: ne sublatum proiciat, vel de repente irruens perterrefaciat. Talia prorsus ne cogitemus; non mœrore quasi perituri afficiamur; sed fidamus magis, & gaudeamus, utpote salutem consequuti: atque animo reputemus, nobiscum esse Dominum, qui dæmones profligavit atque compressit. Cogitemus item, & mente semper volvamus, dum nobiscum Dominus est, nullo nos ab inimicis malo afficiendos esse.“ De S. PACHOMIO vid. Bolland.

pag. 649.

Quibus vero volupe est familiarem illum veluti conventum ac colloquium cum dæmone deridere, nasoque suspendere adunco, eis exemplum ipsius Christi interim opponimus, dum suis locis plura in medium afferimus, quæ in hac S. ANTONII oratione notatu digna ad rem occurrant, quibus præsertim armis cum hoste infernali congrediendum sit, quæ genera-

Paralip. de  
SS. Pachom.  
& Theodo-  
ro abb. ad  
diem 14.  
Maii c. 3.



tim S. CYRILLUS *Hierosol.* in sua procatechesi *illuminandis* succinctim exponit, ut eos ad bellum veluti indicendum per renuntiationem satanæ, gerendumque post baptismum auxiliante Deo victoriose, præparet, detectis infidiis, instructaque acie. „Cæterum (inquit) draco iuxta viam transeuntes observat; cave ne te infidelitate mordeat: tam multos videt, qui salvi fiunt, & *quarit, quem devoret.* Ad patrem spirituum ingrederis, sed per illum draconem transeundum est, Quomodo igitur tu illum pertransibis? Calcea pedes tuos *in præparatione evangelii*, ut etiam si dentem infigat, non lædat tamen. Fidem inhabitantem habe, spem firmam, calceamentum forte, ut per hostem occupato aditu ad Dominum ingrediare. Præpara cor tuum ad recipiendam doctrinam, ad sanctorum mysteriorum participationem. Frequentius ora, ut cœlestibus & immortalibus mysteriis te dignetur Deus, neque die neque nocte cessa: & cum somnus ab oculis tuis recesserit, tunc mens tua orationi vacet. Si quam turpem cogitationem in mentem tuam insilire videris, succurrat tibi cogitatio iudicii, quæ te salutis admoneat. Tuam ad condiscendum cogitationem occupa, ut pravarum rerum oblivionem capiat.“ S. AMBROSIIUS ipsum illum *Luc. IV.* versans accessum diaboli, ut Christum tentaret, *arma nobis Christi* proponit, *quibus*, inquit, *tibi, non sibi, vincit.* Sic ad illa ultimi aggressus verba *Si filius Dei es, mitte te deorsum*, S. Pater scribit: „Vere diabolica vox, quæ mentem hominis de gradu altiore meritorum præcipitare contendit. Quid enim tam proprium diabolo, quam suadere, ut unusquisque se mittat deorsum. Disce ergo & tu diabolum vincere. Agit te spiritus, sequere Spiritum. Non te revocet carnis illecebra, Spiritu plenus disce contemnere voluptates, ieiuna, si vis vincere. Consequens est, ut per hominem diabolus te putet esse tentandum: Christus quasi fortior, facie ad faciem tentatur, tu per hominem. Et illud diaboli verbum est, cum dicit homo: *Fortis es, manduca & bibe, & similis mane.* Noli te tibi credere, non erubescas egere præfidiis, quibus non egebat Christus; & tamen ea non negligebat, ut te doceret, dicens: *Cavete, ne gravetur cor vestrum in vino & crapula.* Non erubuit PAULUS, qui ait: *Sic certo, non ut aera cædens.* Aera quidem non cædebat apostolus; sed potestates aeris verberabat: Sed *castigo*, inquit, *corpus meum, & servituti redigo; ne forte, cum aliis prædicaverim, ipse reprobis inveniar.* Simul infirmitatem, malitiamque designat, quia nemini potest nocere diabolus, nisi ipse se miserit. Nam qui relictis cœlestibus eligit terrena, voluntarium quoddam præcipitium vitæ labentis incurrit.“ Idem de Sacramentis lib. VI. c. 4. in orationem dominicam, qua liberari a malo, quod cum plerisque aliis de diabolo interpretatur, petimus „Potens est autem (inquit) Dominus, qui abstulit

m. 22. p. 12.

T. II. pag. 831.

T. III. pag. 478.

abstulit peccatum vestrum, & delicta vestra donavit, tueri & custodire vos adversus diaboli adversantis insidias; ut non vobis obrepat inimicus, qui culpam generare consueverat. Sed qui Deo se committit, diabolum non timet: *Si enim Deus pro nobis, quis contra nos?* " Iam iniecimus mentionem homiliæ S. CHRYSOSTOMI adversus eos, qui dicunt, *dæmones gubernare res humanas*, cuius ipsemet meminit in altera, quæ mox in nova editione *San-Maurenfi* sequitur *Ad eos, qui obiiciunt, cur e medio sublatus non sit diabolus*, seu de *diabolo tentatore* utrobique ad Iob ab ipsis etiam porcis & armentis Iob, argumento a minori ad maius, nos ad fiduciam in Deum contra maligni hostis insidias & infestationes nos erigens: „Diximus nuper (ait) eum per violentiam non vincere, neque per tyrannidem, neque necessitatem afferendo, nec cogendo: quoniam si ita esset, omnes utique perderet: huiusque rei protulimus argumentum porcos, in quos nihil agere dæmones potuerunt, antequam a Domino permissum esset; armenta Iob & greges: neque enim hæc diabolus ausus est perdere, quousque desuper potestatem accepit. Unum igitur hoc primum didicimus, eum per vim aut necessitatem non vincere. Secundum post illud addidimus, eum quamvis fraudibus vincat, non tamen hac ratione cunctis superiorem evadere, & rursus athletam ipsum in medium protulimus Iob, cui licet mille machinas admovert, non eum tamen hac ratione superavit, sed & victus abscessit.“ Alibi nobis armaturam Dei, quam apostolus *Ephesiis* pandit, suadet homil. IV. sc. in caput primum *Genesis* his verbis: „Ne existimetis (ait) vulgare nobis certamen proponi: non adversus eiusdem generis adversarios nobis certamen, neque ex æquo exercitus noster instructus est. Nos enim, qui corporibus sumus annexi, in acie collocati sumus, ut cum incorporeis virtutibus confligamus. Sed ne timeamus: nam licet inæqualis sit pugna, magna tamen armorum nostrorum virtus est. Subiungit enim hæc, quasi diceret: quoniam novistis hostium naturam, ne animo concidatis, ne torpescatis ad pugnam; sed propter hoc *suscipite armaturam Dei, ut possitis resistere insidiis diaboli*. Multæ enim eius sunt insidiæ, hoc est, viæ, per quas negligentiores supplantare nititur: quas diligenter cognoscere operæ pretium est, ita ut effugiamus eius conatus, & nullum ipsi ingressum permittamus. Quin & linguæ diligens habenda est custodia, & oculi muniendi sunt, & mens purganda, & perpetuo ad pugnam paratos esse convenit, quasi fera aliqua invadat, & lædere conetur. Propter quod cœlestis illa anima, doctor gentium, lingua orbis, nihil non agens pro salute discipulorum, postquam dixit: *Accipite armaturam Dei*; iterum subiicit, & nos undique muniens, & invictos faciens, sic dicit: *State igitur accincti lumbis vestris in veritate,*

T. II. pag.  
261.Eph. 6. 12.  
seq.  
T. IV. pag.  
20.



tim S. CYRILLUS *Hierosol.* in sua procatechesi *illuminandis* succinctim exponit, ut eos ad bellum veluti indicendum per renuntiationem satanæ, gerendumque post baptismum auxiliante Deo victoriose, præparet, detectis infidiis, instructaque acie. „Cæterum (inquit) draco iuxta viam transeuntes observat; cave ne te infidelitate mordeat: tam multos videt, qui salvi fiunt, & *quærit, quem devoret.* Ad patrem spirituum ingrederis, sed per illum draconem transeundum est, Quomodo igitur tu illum pertransibis? Calcea pedes tuos *in præparatione evangelii*, ut etiamsi dentem infigat, non lædat tamen. Fidem inhabitantem habe, spem firmam, calceamentum forte, ut per hostem occupato aditu ad Dominum ingrediare. Præpara cor tuum ad recipiendam doctrinam, ad sanctorum mysteriorum participationem. Frequentius ora, ut coelestibus & immortalibus mysteriis te dignetur Deus, neque die neque nocte cessa: & cum somnus ab oculis tuis recesserit, tunc mens tua orationi vacet. Si quam turpem cogitationem in mentem tuam infilire videris, succurrat tibi cogitatio iudicii, quæ te salutis admoneat. Tuam ad condiscendum cogitationem occupa, ut pravaru reru oblivionem capiat.“ S. AMBROSIIUS ipsum illum *Luc. IV.* versans accessum diaboli, ut Christum tentaret, *arma nobis Christi* proponit, *quibus*, inquit, *tibi, non sibi, vincit.* Sic ad illa ultimi aggressus verba *Si filius Dei es, mitte te deorsum*, S. Pater scribit: „Vere diabolica vox, quæ mentem hominis de gradu altiore meritoru præcipitare contendit. Quid enim tam proprium diabolo, quam suadere, ut unusquisque se mittat deorsum. Disce ergo & tu diabolum vincere. Agit te spiritus, sequere Spiritum. Non te revocet carnis illecebra, Spiritu plenus disce contemnere voluptates, ieiuna, si vis vincere. Consequens est, ut per hominem diabolus te putet esse tentandum: Christus quasi fortior, facie ad faciem tentatur, tu per hominem. Et illud diaboli verbum est, cum dicit homo: *Fortis es, manduca & bibe, & similis mane.* Noli te tibi credere, non erubescas egere præfidiis, quibus non egebat Christus; & tamen ea non negligebat, ut te doceret, dicens: *Cavete, ne gravetur cor vestrum in vino & crapula.* Non erubuit PAULUS, qui ait: *Sic certo, non ut aera cædens.* Aera quidem non cædebat apostolus; sed potestates aeris verberabat: Sed *castigo*, inquit, *corpus meum, & servituti redigo; ne forte, cum aliis prædicaverim, ipse reprobus inveniar.* Simul infirmitatem, malitiamque designat, quia nemini potest nocere diabolus, nisi ipse se miserit. Nam qui relictis coelestibus eligit terrena, voluntarium quoddam præcipitium vitæ labentis incurrit.“ Idem de Sacramentis lib. VI. c. 4. in orationem dominicam, qua liberari a malo, quod cum plerisque aliis de diabolo interpretatur, petimus „Potens est autem (inquit) Dominus, qui abstulit

n. 22. p. 12.

T. II. pag. 831.

T. III. pag. 478.

abstulit peccatum vestrum, & delicta vestra donavit, tueri & custodire vos adversus diaboli adversantis insidias; ut non vobis obrepat inimicus, qui culpam generare consueverat. Sed qui Deo se committit, diabolum non timet: *Si enim Deus pro nobis, quis contra nos?* " Iam iniecimus mentionem homiliæ S. CHRYSOSTOMI adversus eos, qui dicunt, *dæmones gubernare res humanas*, cuius ipsemet meminit in altera, quæ mox in nova editione *San-Maurensi* sequitur *Ad eos, qui obiiciunt, cur e medio sublatus non sit diabolus*, seu de *diabolo tentatore* utrobique ad Iob ab ipsis etiam porcis & armentis Iob, argumento a minori ad maius, nos ad fiduciam in Deum contra maligni hostis insidias & infestationes nos erigens: „Diximus nuper (ait) eum per violentiam non vincere, neque per tyrannidem, neque necessitatem afferendo, nec cogendo: quoniam si ita esset, omnes utique perderet: huiusque rei protulimus argumentum porcos, in quos nihil agere dæmones potuerunt, antequam a Domino permissum esset; armenta Iob & greges: neque enim hæc diabolus ausus est perdere, quousque desuper potestatem accepit. Unum igitur hoc primum didicimus, eum per vim aut necessitatem non vincere. Secundum post illud addidimus, eum quamvis fraudibus vincat, non tamen hac ratione cunctis superiorem evadere, & rursus athletam ipsum in medium protulimus Iob, cui licet mille machinas admoverit, non eum tamen hac ratione superavit, sed & victus abscessit.“ Alibi nobis armaturam Dei, quam apostolus *Ephesiis* pandit, suadet homil. IV. sc. in caput primum *Genesis* his verbis: „Ne existimetis (ait) vulgare nobis certamen proponi: non adversus eiusdem generis adversarios nobis certamen, neque ex æquo exercitus noster instructus est. Nos enim, qui corporibus sumus annexi, in acie collocati sumus, ut cum incorporeis virtutibus confligamus. Sed ne timeamus: nam licet inæqualis sit pugna, magna tamen armorum nostrorum virtus est. Subiungit enim hæc, quasi diceret: quoniam novistis hostium naturam, ne animo concidatis, ne torpescatis ad pugnam; sed propter hoc *suscipite armaturam Dei, ut possitis resistere insidiis diaboli*. Multæ enim eius sunt insidiæ, hoc est, viæ, per quas negligentiores supplantare nititur: quas diligenter cognoscere operæ pretium est, ita ut effugiamus eius conatus, & nullum ipsi ingressum permittamus. Quin & linguæ diligens habenda est custodia, & oculi muniendi sunt, & mens purganda, & perpetuo ad pugnam paratos esse convenit, quasi fera aliqua invadat, & lædere conetur. Propter quod cœlestis illa anima, doctor gentium, lingua orbis, nihil non agens pro salute discipulorum, postquam dixit: *Accipite armaturam Dei*; iterum subiicit, & nos undique muniens, & invictos faciens, sic dicit: *State igitur accincti lumbis vestris in veritate,*

T. II. pag.  
261.Eph. 6, 12.  
seq.  
T. IV. pag.  
20.



& induti thoracem fidei, & calceati pedes vestros in præparatione evangelii  
 pacis. In omnibus assumite scutum fidei, in quo possitis omnia illius ig-  
 nita extinguere, & galeam salutaris accipite, & gladium Spiritus, quod est  
 verbum Dei. Vidisti, quomodo omnium membra munierit; & quasi in  
 prælium egressuros primum zona cingat, quo expeditiores simus ad cur-  
 sum: dein induat nos thorace, ne a iaculis vulneremur, sed & pedes  
 munivit, & undique armavit fide . . . Talibus igitur armis induti, ne hor-  
 reamus pugnam, ne fugiamus congressum, sed neque ignavi simus. Nam  
 sicut nobis vigilantibus, malignus dæmon nunquam armorum nostrorum  
 virtuti prævalebit, si voluerimus irritas facere eius machinationes: sic si  
 desides fuerimus, nulla nobis utilitas erit; quandoquidem inimicus salutis  
 nostræ nunquam dormitat, & omnia quæ salutis nostræ obsunt, operatur.  
 Undique igitur armemus nos ipsos, & a verbis temperemus, & ab ope-  
 ribus abstineamus, quæ nos lædere possunt: & cum abstinencia a cibis, tum  
 aliarum virtutum, tum liberalitatis in pauperes specimen exhibeamus:  
 scientes quanta nobis merces ob curam illis exhibitam reposita sit. Præ-  
 tereo, quæ idem postea in caput XXII. *Genesis* hom. 47. exponit, quomo-  
 do Christus ea, quæ per invidiam diaboli contra salutem nostram facta  
 sunt, in caput illius converterit. S. AUGUSTINUS autem œconomiam Ver-  
 bi incarnati pulchre explicat: Atque, Verbum Dei (inter alia scribit) uni-  
 cus Dei filius diabolum, quem semper sub legibus suis habuit, & habe-  
 bit, homine indutus etiam homini subiugavit: nihil ei extorquens violento  
 dominatu, sed superans eum lege iustitiæ, ut quoniam femina dece-  
 pta, & eiecto per feminam viro omnem prolem primi hominis tanquam  
 peccatricem legibus mortis, malitiosa quidem nocendi cupiditate, sed ta-  
 men iure æquissimo vindicabat, tamdiu potestas eius valeret, donec inter-  
 ficeret iustum, in quo nihil dignum morte posset ostendere, non solum  
 quia sine crimine occisus est, sed etiam quia sine libidine natus: cui sub-  
 iugaverat ille, quos ceperat, ut quidquid inde nasceretur tanquam suæ ar-  
 boris fructus, prava quidem habendi cupiditate, & tamen non iniquo pos-  
 sidendi iure retineret &c. Sic S. PROSPER S. AUGUSTINI discipulus in il-  
 lud Ps. CIII. 26. *Draco iste, quem formasti ad illudendum ei*, commen-  
 tans: „In mari (inquit) magno, ubi sunt repentia, quorum non est nu-  
 merus, ubi animalia pusilla & magna, ubi etiam nostrarum navium com-  
 meatus; ibi est draco, qui de summis in ima deiectus iudicio Dei, ad hoc  
 ex angelo diabolus factus est, ut malitiæ & nequitie ipsius a Sanctis illu-  
 deretur. Qui etsi indefinenter habet nocendi cupiditatem, nemini tamen  
 plus tentationum potest inferre, quam finitur. Atqui secundum aposto-  
 lum fidelis est Deus, qui non permittit nos tentare supra id, quod possu-  
 mus.“

PETRO

pag. 472.

 Lib. III. de  
 lib. arbitr.  
 c. 10. T. I.  
 p. 623.

pag. 225.

PETRO veluti conquerenti apud S. GREGORIUM M. lib. III. Dial. c. 20. *T. II. pag. 328.*  
 laboriosum esse valde atque terribile contra inimici insidias semper inten-  
 dere, & continue quasi in acie stare, respondet S. Doctor: „Laborio-  
 sum non erit, si custodiam nostram non nobis, sed gratiæ supernæ tri-  
 buimus: ita tamen, ut & ipsi, quantum possumus, sub eius protectione  
 vigilemus. Si autem antiquus hostis a mente cœperit expelli, ex divina  
 largitate plerumque agitur, ut non solum iam timeri non debeat, sed ipse  
 etiam bene viventium virtute terreatur.“ Et mox capite sequenti, post-  
 quam narrasset a virgine Deo dicata obsessum liberatum a dæmone, in por-  
 cum intrare permissio, geminum Christi Domini exemplum *Matth. VIII.*  
*31.* commemorat, ac, ut paullo ante S. CHRYSOSTOMUM argumentantem  
 audivimus, concludit in hunc modum p. 329. „Ex qua re etiam hoc  
 colligitur, quod absque concessione omnipotentis Dei nullam malignus  
 spiritus contra hominem potestatem habeat, qui in porcos intrare non po-  
 tuit, nisi permissus. Illi ergo nos necesse est sponte subdi, cui & adversa  
 omnia subiiciuntur invita: ut tanto nostris hostibus potentiores simus,  
 quanto cum auctore omnium unum efficimur per humilitatem.“

S. BERNARDUS in Psalm. *Qui habitat.* ferm. XIII. a nobis magnanimi- *T. III. pag. 866.*  
 mitatem exposcit, „Quam (inquit) rugitus leonis non terreat. *Adversa-*  
*rius vester tanquam leo rugiens,* ait PETRUS. Gratias magno illi leoni  
 de tribu IUDA. Rugire ille potest, ferire non potest. Rugiat quantum  
 vult: tantum non fugiat ovis Christi. Quanta minatur, quanta exaggerat,  
 quanta intentat? Non simus bestię, ut nos prosternat vacuus ille rugi-  
 tus. Sic enim perhibent, qui talia curiosius vestigaverunt, ad rugitum  
 leonis nullam bestiam stare posse, ne eam quidem, quæ adversus ictum eius  
 tota animositate repugnat: & plerumque superat ferientem, quæ non sustinet  
 rugientem. Vere bestia, vere rationis expers, qui tam pusillanimis est,  
 ut solo timore cedat, qui sola futuri exaggeratione laboris victus, ante  
 conflictum, non telo, sed tuba prosternitur. *Nondum restitistis usque ad*  
*sanguinem,* ait strenuus ille dux, qui leonis huius noverat vanum esse  
 rugitum. Et alius quidam: *Resistite,* inquit, *diabolo, & fugiet a vobis.*  
*Iac. IV. 7.*“

XVI. Recte vero HERMÆ Pastor diaboli opera a nobis reformidanda Cum quo  
 esse dicit. „Diabolum autem (inquit mandato VII. *de Deo timendo, &* *semper pu-*  
*dæmone non metuendo.*) ne timeas: timens enim Dominum, dominaberis *gnandum.*  
 illius; quia virtus in illo nulla est. In quo autem virtus non est, is ne *Lib. II.*  
 timendus quidem est: in quo vero virtus gloriosa est, is etiam timendus *Mandat. 7.*  
 est. Omnis enim virtutem habens etiam timendus est. Nam qui virtu- *T. I. p. 94.*  
 tem



tem non habet, ab omnibus contemnitur. Time plane facta diaboli, quoniam maligna sunt: metuens enim Dominum, timebis, & opera diaboli non facies, sed abstinebis ab eis." Sunt vero hæc opera illa diaboli, quibus renunciavimus in baptismo, exclusimusque dæmonem, ut iam supra notavimus veterum sententiam, veluti obsideri hominem ante baptismum a dæmone, sicque CLEMENS Alexand. in libris *Hypotyposeson* dicit per baptismum *spiritus immundos* animæ complicitos fecerni διωλίζεσθαι. Nihilominus vero relinquitur nobis colluctatio iuxta apostolum adversus potestates tenebrarum harum, quemadmodum concupiscentia in renatis, qua ipsa ad nos debellandos utitur dæmon cum ea, utpote opere suo, confortatus, ut recte observat auctor *Gallicus* de exorcismis supplendis post baptismum, si urgente necessitate fuerint prætermitti, a) ac licet dæmon a nobis per baptismum expulsus sit, innumeras nihilominus vias redeundi quærit; imo in tantum restat, quantum remanet vetus homo: quo faciunt, quæ supra de duobus genis homini adhærentibus etiam post baptismum diximus, *cui enim hominum non adhærebit spiritus nequam, ab ipsa etiam ianua nativitatis animas aucupabundus* &c. Quem TERTULLIANI ex libro de Anima locum non de solis gentilium liberis intelligendum esse contextus declarat, ut iam indicavit Ant. van DALE in dissert. de div. Idolol. c. 7. ORIGENI non satis originariæ nostræ labi ac corruptioni attendenti visæ sunt „interdum etiam in hoc existere quædam anteriores corporeæ nativitatis causæ. Interdum vero (pergit) vigilans mens & abiiciens a se, quæ mala sunt, bonorum ad se adiutorium provocat: vel e contrario negligens & ignava, dum minus cauta est, locum dat his spiritibus,

De Princip.  
lib. III. c. 3.  
T. I. p. 145.

a) „Mais la concupiscence demeure, quoi elle n'opprime plus la liberté de faire le bien; & le démon, a qui elle est, parce qu'elle est son ouvrage, la suit où elle se retire. Il possédoit autrefois le cœur, parce qu'elle y regnoit; il en est chassé avec elle, & perd ce qu'elle perd: mais il retient tout ce qu'elle retient. Et qui peut comprendre ce qu'elle conserve dans la volonté, dans l'esprit, dans les sens, & en general dans ce corps de mort, apres meme qu'elle n'est plus maitresse de la liberté? Tout cela reste donc au démon; & cette vie nouvelle, qui commence par le cœur dans les batisés, ne peut se fortifier ni s'étendre, qu'en chassant l'ennemi des lieux les plus proches, qu'en gagnant tous les iours un nouveau terrain, & qu'en forçant l'un apres l'autre

tous les retranchemens, que le démon occupoit." Et paullo post de ceremoniis exorcismi post baptismum supplendis. „Ils ne chasseront pas le démon de leur cœur: il n'y est plus. Mais il en est si voisin, il a tant de chemins pour y arriver, & il y conserve de si dangereuses intelligences; il est si maitre de toute la campagne. C'est a dire de tout ce qui n'est point de la liberté, ou pour le moins il y fait tant de ravages; il s'est si fortifié dans diverses retranchemens, & il y a tant de peril, qu'il n'éteigne un iour l'esprit de grace & de vie, que les exorcismes les plus terribles, & les plus menaçans ne peuvent l'être trop." Abbé DUGUET *diff. theol. & dogmat. I. sur les exorcismes* pag. 125. 126. 133

spiritibus, qui velut latrones ex occulto insidiantes, irruere humanas mentes, cum locum sibi datum per segnitiam viderint, moliuntur, sicut (ait PETRUS apostolus) *quia adversarius noster diabolus tanquam leo rugiens circuit, quærens quem devoret.* Propter quod diu noctuque cor nostrum omni custodia servandum est, & locus non est dandus diabolo, sed omnia agenda sunt, quibus ministri Dei, hi videlicet spiritus, *qui ad ministerium missi sunt eorum, qui ad hæreditatem salutis vocati sunt*, inveniant in nobis locum, & delectentur ingredi hospitium animæ nostræ, & habitantes apud nos consiliis nos regant. Si tamen habitaculum cordis nostri virtutis & sanctitatis cultu invenerint exornatum." Eodem furis exemplo utitur S. HILARIUS in *Matth. XXIV.* „Furem enim esse ostendit diabolum ad detrahenda ex nobis spolia pervigilem, & corporum nostrorum domibus insidiantem: ut ea incuriosis nobis & somno deditis consiliorum suorum atque illecebrarum iaculis perfodiat." Cap. 26. p. 734

Lectur digna est S. MACARII *Ægyptii* homilia XXVI. *de dignitate, præstantia, & facultate, & operationibus immortalis animæ, & qua ratione ea a satana tentetur, & liberationem e tentationibus consequatur &c.* T. VII. Bib. liotb. PP. p. 94 pag. 98. T. I. p. 434 435.  
 sponsio ad hanc interrogationem: *Utrum quiescit interdum satanas, & homo liberatur a bello, aut quamdiu vivit, bello infestatur?* Et ea, ad quæ iam digitum intendimus S. IOANNIS *Chrysostr.* lib. VI. *de Sacerdotio*: ubi postquam ostendisset omni pugna vehementiorem esse diaboli in nos assultum, sic concludit: „In bello autem contra malignum illum, nunquam licet arma ponere, nec somnum capere eum, qui velit semper invulneratus esse. Ex duobus enim unum necessario eligat oportet, ut aut cadat, & pereat armis nudatus; aut armatus stet, vigiletque semper. Nam ille stat perpetuo cum acie sua, nostram segnitiam observans, maiusque studium ad nostram perniciem adhibens, quam nos ad salutem nostram. Ac quod a nobis non videatur, quodque de repente irrumpat, quæ maxime in causa sunt innumerabilium malorum; id certe iis, qui non semper vigilant, magis dubium huius, quam illius belli eventum facit, Hic igitur nos volebat milites Christi ducere? At hoc fuisset diabolo ducem esse: nam cum is, qui debet alios ad bellum instruere, ipsisque imperare omnium imperitissimus, infirmissimusque est, imperitia sua concreditos sibi milites prodens, diabolo magis, quam Christo ducem agit." Stringit hoc eos ex sacerdotio etiam, qui in dæmonologia a doctrina avita sanctorum Patrum secessionem facientes, dum dæmones ab orbe nostro terraqueo remonent, atque iam post Christum ligatos in inferno publice etiam proloquuntur, cæteros, qui a theologorum ore pendere solent, incautos & incurios reddunt contra quotidianas ac innumerabiles dæmo-



num insidias, infestationesque continuas. „Quis enim (ut verbis S. AUGUSTINI utar) pertinens ad Christum, non variis tentationibus agitur, & quotidie agit cum illo diabolus & angeli eius, ut pervertatur qualibet cupiditate, qualibet suggestionem, aut promissione lucri, vel terrore damni, vel promissione vitæ, vel terrore mortis, aut alicuius potentis inimicitii, aut alicuius potentis amicitii? Omnibus modis instat diabolus, quemadmodum deiiciat: & in persecutionibus vivimus, & habemus perpetuos inimicos, diabolum & angelos eius: sed non timeamus. Sic sunt diabolus & angeli eius, quasi milvi; sub illius gallinæ alis sumus, & non nos potest contingere, gallina enim, quæ nos protegit, fortis est. Infirma est propter nos; sed fortis est in se Dominus noster IESUS Christus, ipsa sapientia Dei. Ergo dicit hoc & Ecclesia: *Adglutinata est anima mea post te, me suscepit dextera tua.*“ Cohærent, quæ idem alibi dicit: „Quanto in hæc ima potestatem dæmonum maiorem videmus, tanto tenacius mediatori inhærendum, per quem de imis ad summa conscendimus.“ Add. S. GREGORIUS lib. II. & III. *Moralium in Iob.*

XVII. „Nihil vero (ut cum TERTULLIANO loquar) satanæ in servos Dei vivi licebit, nisi permiserit Dominus, ut aut ipsum destruat per fidem electorum in tentatione victricem, aut homines eius fuisse traducat, qui defecerint ad illum.“ Loquitur de persecutionibus instigante dæmone in Christianos motis, expensa etiam Iobi historia: postea vero aliis exemplis ex scripturis causas varias distinguit, ob quas satanæ potestas in homines concedatur: „Aut enim (ait) ex causa probationis conceditur ei ius tentationis provocato vel provocanti, ut in superioribus: aut ex causa reprobationis traditur ei peccator quasi carnifici in poenam, ut SAUL: *Et abscessit, inquit, Spiritus Domini a SAULE, & concutiebat eum spiritus nequam a Domino, & suffocabat.* Aut ex causa cohibitionis, ut apostolus refert, datum sibi sudem angelum satanæ, ut colaphizetur: nec hanc speciem permitti diabolo in sanctos humiliandos per carnis vexationem, nisi simul ut & virtus tolerantiae scilicet in infirmitate perfici possit. Nam & ipse apostolus PHIGELLUM & HERMOGENEM tradidit satanæ, ut emendentur, ne blasphement.“

1 Cor. 5, 5. Præterit hic exemplum incestuosi *Corinthii*, quem nempe iussit PAULUS tradere huiusmodi satanæ in interitum carnis: ut spiritus salvus sit. Exemplum hoc apostoli inter alios secutum fuisse S. AMBROSIUM in eius vita PAULINUS memorat, in falsarium scilicet servum comitis STILICONIS, antea a dæmonio ab eodem liberatum: „quem cum interrogasset, & deprehendisset auctorem tanti flagitii (ut narrat PAULINUS n. 43.) ait: Oportet

Oportet illum tradi satanæ in interitum carnis, ne talia imposterum audeat admittere. Quem eodem momento, cum adhuc sermo esset in ore sacerdotis, spiritus immundus arreptum discerpere cœpit. Quo viso, non minimo terrore repleti sumus, & admiratione.“ Mirum hinc non est, S. AMBROSIIUM, cum quidem S. PAULI sententiam etiam de corporalibus afflictationibus ex operibus pœnitentiæ cum ORIGENE hom. 24. in *Levit.* BASILIO ad AMPHILOCH. c. 7. & aliis interpretetur, cum illis etiam *græcis* potissimum Patribus CHRYSOSTOMO, THEODORETO, OECUMENIO &c. facere, qui apostolum de sœviendi in eorum corpora, qui traditi sunt satanæ, potestate intellexerunt, quam S. AMBROSIIUS lib. I, de *Pœnitentia* T. III. pag. c. 13. his verbis explicat: „Explanavimus PAULI sententiam, nunc verba<sup>514</sup> ipsa consideremus, qua ratione dixerit, quod tradiderit eum satanæ in interitum carnis: quia tentator noster diabolus est. Nam debilitates membrorum singulis infert, & ægritudines toti solet movere corpori. Denique percussit sanctum IOB ulcere malo a pedibus usque ad caput; quia in potestate acceperat interitum carnis eius, dicente Deo: *Ecce trado tibi eum, tantummodo animam eius custodi.*“ Quod exemplum urgent editores *Sau-Mauriani* ad hunc locum, atque etiam affert S. CHRYSOSTOMUS in homilia de *diabolo tentatore*, ubi eum PAULI locum pluribus explanat; allato quippe apostoli loco: „Ecce etiam (ait) salutis auctor factus est diabolus: tametsi non ex ipsius mente, sed ex artificio apostoli. Nam quem<sup>264</sup> ad nodum medici viperas sumunt, & perniciosi membrorum resectis theriaca medicamenta conficiunt: ita quoque PAULUS fecit; quidquid inerat utile, ex illato a diabolo supplicio sumens, reliquum omisit. Ut enim intelligas, non esse salutis auctorem diabolum, sed illum in id incubuisse, ut hominem perderet ac devoraret, apostolum autem sapientia sua gulam ei fregisse, audi, quid in secunda ad *Corinthios* epistola de eodem fornicatore dicat; *Confirmate in illum caritatem, ne forte abundantiori tristitia absorbeat, qui eiusmodi est, & circumferamur a satana*: præcipiamus ex belluæ faucibus hominem. Tanquam enim carnifice persæpe diabolo usus est apostolus: carnifices autem maleficos quidem puniunt, at non quantum volunt, sed quantum iudices finunt: ea quippe lex est carnificis, ut ad iudicis nutum attendens pœnam inferat. Vides ad quantam ascenderit apostolus dignitatem? qui circumdatus erat corpore, incorporeo tanquam carnifice utebatur, & quod diabolo communis Dominus IOB ita præcipiens ait, *Tange carnem eius, verumtamen animam eius ne tetigeris*, limites mensurasque pœnarum præscribens: ne cum procax & effrænata sit bellua, insolentius impetum faciat: hoc etiam agit apostolus: cum enim tradidisset ei fornicatorem, ait, *In interitum carnis, hoc est, animam eius ne tetigeris.*“



S. CHRYSOSTOMUS hoc loco non aperte corporalem torturam dæmonis declarat, etsi utroque sensu accipi possit, atque diabolus potestate accepta utrumque & animam & corpus infestet: hocque sensu etiam c. 28. S. BERNARDUS in vita S. MALACHIÆ alterum S. PAULI locum adhibet, quod datum sibi stimulum carnis angelum satanæ ipse 2. Cor. XII. 7. dicit, dum maledicum in sanctum antistitem dæmone subito correptum pessimeque habitum narrat. „Et dum insaniret (pergit S. BERNARDUS) vocatus MALACHIAS venit, reperitque maledicum spumantia ora torquentem, horrendis vocibus & motibus terrentem omnia, ac toto corpore agitatum, vix posse teneri a pluribus: & orans pro inimico vir totius perfectionis, exauditus est, sed ex parte. Nam ilico quidem Sancto orante, ille aperuit oculos, & sensum recepit. Relictus est autem ei spiritus Domini malus, qui eum colaphizet, ut discat non blasphemare. Credimus eum vivere usque adhuc & usque ad hæc tempora luere peccatum grande, quod peccavit in Sanctum: certis temporibus tamen ferunt lunaticum esse.“ Hucusque S. BERNARDUS, nihil reticens, quod forte exceptionem ferre posset prodigii; at etiam lunaticus fuisse dicitur *Matth. XVII. 14.* &c. puer, a quo Christus eiecit dæmonium, quem vero curare non potuerant discipuli. Talis tamen non fuerat *Corinthius*, quem PAULUS in carnis interitum ad satisfactionem pœnitentiæ, ut cum S. GREGORIO rem exprimam, satanæ tradidit, & in diem Domini salvum eius spiritum reservavit. „Magna quippe (pergit) arte magisterii ipsi est traditus coactus in pœnam, cui sponte est substratus in culpa: ut qui auctor fuerat ad vitium nequitiae, ipse flagellum fieret disciplinæ.“ Addam, quæ idem paullo post de S. PAULO fermocinatur: „quando illum post tot revelationum sublimia stimulis carnis agitabat *Satan*. Tentatio ergo illa non vorago (inquit) vitiorum, sed custodia meritorum fuit: quia *Leviathan* iste fatigando eum in afflictione contrivit, sed non in culpa capiendo devoravit. Elatos autem in sanctitate viros non amitteret, nisi tentaret. Sancti quippe non essent, qui de sanctitatis gloria superbirent: & tanto sub eius iure caderent, quanto se in suis virtutibus elevarent. Sed miro dispensationis ordine, dum tentantur, humiliantur; dum humiliantur, eius esse non desinunt. Bene ergo maxilla *Behemoth* istius perforata dicitur, quia electos Dei unde conterit, inde amittit: unde tentat, ut perdat, agit inde, ne pereant. Antiquus itaque hostis occultis Dei dispensationibus serviens, Sanctorum animas ad interitum tentat volens, sed ad regnum tentando servat invictus.“

T. II. Opp.  
p. 685.

L. XXXIII.  
in cap. XL.  
Iob. T. I.  
p. 1086.

p. 1092.

XVIII. Sed apostolo PAULO alia longe potior visa est tentatio, *quoniam*, inquit, *non est nobis colluctatio adversus carnem & sanguinem, sed adversus principes & potestates, adversus rectores tenebrarum harum, contra spiritualia nequitiae in caelestibus.* DIDYMU<sup>s</sup> Alexandr. hanc sententiam opposuit illi 1. ad Cor. X. 13. *Tentatio vos non apprehendat, nisi humana.* „Ac si diceret: Nobis, qui celsiore gradu conscendimus, non est lucta adversus sanguinem & carnem (id est, adversus humana) sed adversus superiorum ordinum adversarios.“ Machinas indigitans & obstacula, quæ portæ inferi evangelio opponebant. Unde & ad *Thessalonicenses* scribit, voluisse se semel & iterum venire, *sed impedivit nos satanas.* At prædestinatum evangelii cursum, quidquid contra molitus sit, sistere non potuit, nec, quin eo fortior magnificentiorque surgeret ecclesia, cohibere, & portæ inferi non prævalebunt adversus eam. Universumque par est permissio- nis mali in hoc mundo, & maligni in ecclesia ratio, ut bonis frugique hominibus omnes eius machinationes & mala, quæ infert, ad profectum potius sunt. „Hæc omnia dæmonum opera sunt (inquit ORIGENES contra CELSUM lib. VIII. recensitis variis physicis in orbem a dæmone illatis malis) ceu carnifices iudicio quodam divino potestatem hanc habentium certis temporibus, sive ad convertendos homines, & cohibendos ab effusa vitiorum licentia, sive ad exercendum genus hominum ratione utentium, ut mediis in adversitatibus pietatem constanter colentes, & a virtute non discedentes conspicui fiant ob præstantiam spectatoribus visibilibus & invisibilibus; illi vero contrarii quærentes vitiorum latebras, per calamitates arguantur, quales sint, & ad se redeant per spectatores, ut ita dicam, traducti. Testatur autem psaltes, quod tristiores Dei iudicis sententias exequantur quidem angeli mali, ubi dicit: *Immisit in eos iram furoris sui, furorem & iram, & afflictionem; immissiones per angelos malos.* An autem etiam alia præter hæc faciant dæmones, quando permittitur (semper quidem nocendi cupidi, sed non semper valentes lædere, eo quod prohibeantur) qui potest, examinet divina iudicia, quantum homini licet.“

Sic ad bonorum profectum sunt dæmonum insultus. Ephef. 5, 12. T. VI. Bibl. PP. p. 313. Dydimus in lib. contra Manichæos.

1. Thess. 2, 18.

T. I. p. 765.

At curiosis fatis hoc non est, vellentque scire rationes, cur nocere nobis permittantur, aut saltem nos infestare dæmones? Quibus breviter responderi potest S. AMBROSII verbis eadem pulsati quæstione: „Sed dicit aliquis: Cur hoc a Deo permittitur diabolo? At ego dico, ut boni probentur, improbi puniantur; hæc enim pœna peccati est. Denique lege, quia immittit Dominus febrem, & tremorem, & malos spiritus, & cæcitate, & omnia flagella, iuxta merita peccatorum.“ S. MACARIUS libro 59.  
de

Lib. VI. in Lucam T. II. p. 905. Deuter. 28,



T. VII. T.  
II. Opp. p.  
75.

de patientia & discretione ab hac disquisitione, ab ovo veluti, seductione nimirum nostrorum primorum parentum orsus „Virga est (inquit) disciplinæ & lorum plagas infligens princeps huius sæculi parvulis in spiritu: ipsis quidem, ut prius dictum est, magnam gloriam & abundantiorum honorem per afflictiones & tentationes procurans: ex his enim, ut & ipsi perfecti evadant, oritur; sibi autem miser ipsi maiorem gravioremque præparans poenam. Omnino enim maxima & mira quædam per eum administratur dispensatio, prout dictum alicubi est: Cooperatur malum bono intentione non bona. Bonis siquidem & laudabili vigentibus proposito animabus, quæ molesta videntur, in bonum desinunt: quod ipse quoque affirmavit apostolus sic scribens: *Diligentibus Deum omnia cooperantur in bonum*. Huius rei gratia ista, de qua dixi, virga disciplinæ sacræ permittitur, ut per eam velut in fornace ignis excocta vasa, quæ quidem proba sunt, soliditatem demonstrent; quæ vero proba non sunt, fragilitatis coarguantur, ignis ardorem non ferentia.“ Et in libro *de libertate*

Ib. n. 102. *mentis* c. 16. „Cur enim (inquit) quando mundo, & sæcularibus attendebamus rebus, molestias eas, in quas postea incidimus, non experiebamur; sed nunc cum accessimus ad serviendum Deo, multiplices illas tentationes patimur? Vides propter Christum has in nos immitti afflictiones ab adversario invidente nobis speratas retributiones, languoremque ac desidia iniicere animabus nostris studente, ne ad Dei beneplacitum vita transacta, promissis præmiis donemur. Omnes eius contra nos irritæ fiunt machinæ nobis cum Christo pugnantibus. Hic enim, magnus hic invictus nobis protector & propugnator præsto est.“

T. I. Opp.  
p. 154. seq.

pag. 162.

Tractat hoc argumentum prolixè S. CHRYSOSTOMUS in oratione adhortatoria ad STAGIRIUM ascetam a dæmonio vexatum, eam etiam versans quæstionem, quæ hodie multos pulsat, satis sibi haud comprehendentes, quod Deus potestatem hanc dæmoni in homines concedat. „Porro (inquit) si quis curiosius inquirat, cuius rei gratia veterem illum seductorem non continuo deleverit, id quoque pro summa in nos cura factum comperiet. Si enim sceleratus ille vi dominaretur: esset fortasse rationalis ista inquisitio: sin autem hac potentia privatus, tantum persuadere atque allicere potest: illius vero suasionis illecebras renuere in nobis est: cur tu meriti argumentum tollis, coronarumque materiam præscindis? At hæc si illum sciens fore insuperabilem cunctosque devicturum, ita illum dimisisset Deus, ne sic quidem de his movenda quæstio esset. Nam tum quoque, quod ille obtineret, quod vinceret non reluctantes, sed sponte sibi cedentes, atque succumbentes, a nobis profecto manasset; verumtamen his, qui ingrate agere volunt, ne id quidem satis esset. Quod-

si plurimi quidem illius potentiam ac vires frangunt, complures item post-  
 hac illum superaturi sunt: quid tu futuros probatissimos clarissimaque vi-  
 ctoria insignes tanto privas honore? Idcirco enim illum dimisit, ut eum  
 deiiciant, qui fuerant ab eo prius superati, quod illi omni supplicio gra-  
 vius est, ipsumque ad extremam condemnationem deducet. At non om-  
 nes, inquires, illum superaturi sunt. Quid hoc ad rem? Profecto enim  
 multo convenientius est iustis occasiones suppeditari, quibus voluntatem  
 ostendant suam: eos vero, qui non sunt huiusmodi, ex propria puniri  
 negligentia, quam istorum causa illis etiam damnum afferri. Nam modo  
 is, qui malus est, si lædatur, non superatur: quod indicat victorum mul-  
 tudo. Tunc vero probi quique improborum causa meritis honoribus  
 fraudati fuissent, non habentes illorum culpa, ubi vires exercerent suas  
 &c.“ Sed hæc ego prælibo tantum, digitumque ad ipsum fontem inten-  
 do sanctum doctorem, aureo orationis flumine hæc prosequentem, demum  
 ipsius STAGIRII adducto exemplo, ex obsessione sua vexationeque dæmonis  
 profectum capiente insignem. „Tanta enim (inquit) audio tibi accessisse pag. 180.  
 pietatis incrementa, ut non iam cum adolescentulis illis, sed cum magnis  
 admirandisque viris virtute contendas.“ Libro I. Consultationum a ZAC-  
 CHÆO Christiano & APOLLONIO philosopho consimiles quæstiones motas le- T. IX. Bibl.  
 gimus c. 32. „Si tam malus est diabolus, quam dicis, & tam pertinax PP. p. 219.  
 criminum, futuri præcius Deus nec malum creare debuerat, nec tanto  
 culmine dignitatis efferre, ne aut sibi obvium, aut hominibus crearet ini-  
 micum.“ Et cum huic esset satisfactum interrogationi, mox cap. 33. hæc  
 altera sequitur: „Etiam hæc cum ratione facere videntur, quæ de diaboli  
 creatione, casuque dixisti: Sed quid causæ sit, quod post ausum tantæ  
 temeritatis, sicut iam quæsi, deletus statim cum satellitibus non fuerit, si-  
 gnanter ediffere.“ Post S. CHRYSOSTOMUM iam citatum nihil opus est  
 hic responsionis attexere, quam christianus ibi philosopho dat ad quæstio-  
 nem de origine mali omni tempore vexatissimam, *Manichæismi* parentem,  
 quæ hæresis eam ob rationem ipsum aliquando S. AUGUSTINUM in erro-  
 rem illum abstraxit, quem postea egregie in libris contra *Manichæos* re-  
 futavit. Occurrit porro dubio illi, quod fideles etiam solet pulsare de  
*Genesi* ad literam lib. XI. quomodo de diaboli *malevolentia* consulitur ec- T. III. 2.  
 clesia Dei: nec quantum vult, sed quantum permittit Deus optimus ma- 287.  
 ximus eum tentare, ex ipsa lapsus primorum parentum ostendit historia.

XIX. „Sed, sicut iam dixi (pergit paullo post) tentandi voluntatem In quantum  
 habet diabolus, in potestate autem nec, ut faciat, habet, nec quomodo fa- Deus per-  
 ciat. Quia permissus est ergo, tentavit: cui autem generi hominum mittit.

F

prod-



T. III. p.  
515.

prodesset, quod faciebat, neque sciebat, neque volebat, & eo ipso illudebatur ab angelis." Quod quomodo fiat, S. AMBROSIVS ostendit exemplis: „Denique (inquit lib. I. de Pœnit. c. 13.) percussit sanctum IOB ulcere malo a pedibus usque ad caput, quia in potestate accepit interitum carnis eius dicente Deo: *Ecce trado tibi eum, tantummodo animam eius custodi.* Hoc iisdem verbis apostolus transtulit, dicens, quod tradiderit huiusmodi hominem satanæ in interitum carnis, ut spiritus salvus sit in die Domini nostri IESU Christi. Magna gratia, quæ imperat diabolo, ut ipse se destruat. Se enim destruit, cum hominem, quem tentando supplantare studet, ex infirmo fortiolem efficit: quia dum carnem debilitat, mentem eius corroborat. Ægritudo enim carnis peccatum repellit, luxuria autem carnis culpam adolet. Illuditur ergo diabolus, ut se ipse morsu suo vulneret, & contra se armet, quem debilitandum putavit." Addatur & mox sequens caput, ad cuius finem ipsius etiam PAULI exemplum adiungens, dum ei angelus satanæ datus est, qui eum colaphizet, „Sic ergo (concludit) curare PAULUS didicit, quemadmodum ipse sanatus est." S. MACARIUS autem mox laud. loco sermonem profecutus ad id 1. Cor. X. *Fidelis est Deus, qui non permittet vos tentari supra id, quod potestis* &c. provocans, „Cum sit autem (inquit) diabolus servus & creatura Dei, imperium eius absolutum agnoscens, non, quantum ipsi libet, tentat, nec quam multas ac graves vult, afflictiones immittit; sed quantum herilis nutus permittit, permissione limitata. Sane Deus exactissime, quantum in unoquoque est pervidens, exploratum habet, quantum cuique insit virium; & ad eum modum probationem ei admoveri permittit; sicut etiam videtur apostolo, dum ait: *Fidelis Deus, qui non permittet vos tentari supra id, quod potestis: sed faciet etiam cum tentatione proventum, ut possitis sustinere.*

pag. 76.

Hom. XXIX.  
in Matth.  
T VII. 337.  
Add. hom.  
LVII. pag.  
579.

S. CHRYSOSTOMUS, post TERTULLIANUM de fuga in persecut. c. 2. p. 537. ad hoc ostendendum inde accipit argumentum, quod in porcos, Christo permittente, intrantes egerunt dæmones: „Primo (inquit) ut doceret eos, qui a malignis huiusmodi tyrannis liberati essent, quantam perniciem afferrent insidiatores huiusmodi; secundo, ut discerent omnes, dæmones ne quidem porcos invadere posse, nisi ipse permiserit: tertio ipsos graviora in homines, quam in porcos, perpetratuos fuisse, nisi in calamitate per magnam illam Dei providentiam servati fuissent. Nam quod magis nos, quam bruta animalia odio habeant, nulli non manifestum est. Itaque qui porcis non pepercerunt, & in momento omnes præcipitarunt, multo magis hominibus id fecissent, quos tenebant in desertum adducentes, nisi etiam in hac ipsa magna, quam exercebant, tyrannide, Dei cura illos fre-

frenasset & coercuisset, ne perniciosiora facerent.“ S. AUGUSTINUS in illud *Iobi XXXVIII. 40. Pavidum enim sunt in cubilibus suis*, ut ipse legit: „Nam si pavidum non essent, quis subsisteret? Pavent autem illius imperium, sub quo exclamarunt, *Quid venisti ante tempus perdere nos?* Et quemadmodum de porcis manifestum est, quod in eos non essent, nisi permisi essent, sic intelligendum est nihil eos in quemquam posse, nisi permisos: permitti autem iustitia, qua reguntur omnia, sive probationis causa, sive vindictæ, vel ad damnationem, vel ad correctionem irrogatæ.“

Idem S. AUGUSTINUS *Enarratione in Psal. XXVI. n. 19.* timorem illum, T. IV. p. cuius reliquæ ex Gentilismo forte superesse poterant, excutere volens *ne irati noceant*, „Non (inquit) nocebunt, nisi ille permittat. Isti semper habent voluntatem nocendi, nec si placentur, nec si rogentur, desinunt nocere velle. Hoc enim malevolentia illorum proprium est.“ Et postea *Enarratione in Psal. XCVI. n. 12.* „Quid tibi facturus est vel princeps ipsorum diabolus? si posset aliquid, nullus nostrum remaneret. Nonne quotidie tanta in illum dicuntur ore Christianorum, & crescit seges Christianorum? Quando irasceris nequissimo servo tuo, hoc nomen illi imponis: *Satanas, diabole*, hoc illi dicis. Fortasse in hoc erras, quia homini hoc dicis, & immoderata ira raperis ad conviciandam imaginem Dei: & tamen hoc eligis, quod ei dicas, quod valde detestaris? Si posset ille, non se vindicaret? Sed non permittitur: & tantum facit, quantum permittitur. Nam & Iob tentare voluit, & nonnisi potestatem quaesivit, & nihil faceret, nisi potestatem accepisset.“ Oportet spem illam seu timorem illum dæmonum multum adhuc animis insedisse, conatumque averruncandi, cum idem sanctus doctor in libris *de Civitate Dei* passim eum amovere studeat: „Nec (ait) eosdem immundissimos spiritus, vel propter hæc ipsa bona malave terrena propitiandos aut timendos existinemus. Quia sicut ipsi mali homines in terra, sic etiam illi non omnia quæ volunt, facere possunt, nisi quantum illius ordinatione finuntur; cuius plene iudicia nemo comprehendit, iuste nemo reprehendit.“ Et lib. III. c. 10. „Interest quidem iam vitio proprio, malas mentes quatenus finantur isti dæmones vel terrere vel excitare: sed si semper hoc possent, nec aliud secretiore ac superiore potestate contra eorum conatum sæpe aliter ageretur, semper in potestate haberent, paces, bellicasque victorias, quæ semper fere per humanorum animorum motus accidunt; quas tamen plerumque contra eorum fieri voluntatem, non solum fabulæ multa mentientes, & vix veri aliquid vel indicantes, vel significantes, sed etiam ipsa *Romana* confitetur historia.“ Agit hic sanctus doctor de auctis reipublicæ *Romanæ* rebus, quas

p. 1050.

T. VII. p. 53. lib. II. c. 23.

pag. 65.



diis suis seu dæmonibus adscribebant gentiles, collabentes autem Christianismo. Id quod maxime impugnandum suscepit S. AUGUSTINUS libris illis *de Civitate Dei*, commonstrandumque, quam impotentes sint ad vera salutem conferenda bona, neque in malis aliquid, nisi Deo id permittente, prævalentes. „Non quo idola (ut cum S. HIERONYMO loquar) vel dæmones assidentes idolis mala sæpe non fecerint, sed quo, nisi concessa eis fuerit potestas a Domino, hoc facere non possint.“ A veri Dei cultore B. IOB S. AMBROSIIUS nos ad nos ipsos revocans „Nam (inquit) & IOB ex Dei voluntate tentatur. Dedit tibi adversarium, sed proposuit præmium. Nec excuses fragilitatem, qui habes imaginem, accepisti munitionem: unde & hoc proficit ad salutem, ut sine permissione Dei diabolus nocere non posse cognoscas; ne potentiam diaboli magis timeas, quam Divinitatis offensam.“

Lib. XII. in  
cap. XLI.  
Isaia pag.  
315.

Lib. VII.  
in Lucam  
T. II. p. 963.

T. I. p. 46.

p. 558.

S. GREGORIUS *Moralium* lib. II. in cap. I. *Iob* illa nimirum verba: *Ecce universa, quæ habet, in manu tua sunt* &c. „Consideranda est (inquit) in verbis Domini dispensatio sanctæ pietatis, quomodo hostem nostrum permittit, & retinet; relaxat & refrenat: *Universa quæ habet, in manu tua sunt; tantum in eum ne extendas manum tuam.* Substantiam prodit, sed tamen corpus eius protegit, quod quidem postmodum tentatori traditurus est; sed tamen non simul ad omnia relaxat hostem, ne undique feriens frangat civem. Mala enim cum multa electis eveniunt, mira conditoris gratia ex tempore dispensantur: ut quæ coacervata perimerent, possint divisa tolerari. Hinc PAULUS ait: *Fidelis Deus, qui non patietur vos tentari supra id, quod potestis, sed faciet cum tentatione etiam exitum, ut possitis sustinere.* Hinc DAVID ait: *Proba me Domine, & tenta me.* Ac si aperte dicat: Prius vires inspicere, & tunc ut ferre valeo, tentari permitte. Hoc tamen quod dicitur: *Ecce universa, quæ habet, in manu tua sunt: tantum in eum non extendas manum tuam.* Intelligi & aliter potest, quia fortem quidem pugnatorem suum Dominus noverat, sed tamen dividere ei certamina contra hostem volebat: ut quamvis robusto bellatori victoria in cunctis suppeteret, prius tamen de uno certamine hostis ad Dominum victus rediret: tuncque ei aliud iterum vincendo concederet, quatenus fidelis famulus eo mirabilius victor existeret, quo victus hostis se contra illum iterum ad nova bella repararet.“ Et lib. XVIII. illa verba: *Qui abstulit iudicium meum, & ad amaritudinem adduxit animam meam,* sic declarat: „Ista etenim quæ patitur non casu se perpeti, sed Deo omnia disponente testatur: nec tentatori suo amaritudinis suæ potestatem tribuit, sed auctori. Scit namque, quia diabolus licet afflictionem iustorum semper appetat; tamen si ab auctore nostro potestatem non accipit,

ad

ad tentationis articulum nullatenus convalescit. Unde & omnis voluntas diaboli iniusta est, & tamen permittente Deo omnis potestas iusta. Ex se enim tentare quoslibet iniuste appetit, sed eos, qui tentandi sunt, prout tentandi sunt, non nisi tentari Deus iuste permittit.

Discrimen hic faciunt theologi inter ordinariam & extraordinariam permissionem diversis quidem infestationum generibus appositam, sed in tantis, tam variis periculis ac machinationibus hostium nostrorum invisibilium rem assequi perspicacia humana, sagacique discretionem difficile esse videtur. Illis vero superflua est ea distinctio, qui dæmonem a Christo ligatum, & in barathrum detrusum in sensu stricto accipientes, omnem operationem dæmoniacam in sphæra nostra ad casus extraordinarios referre, adeoque opinionem suam humanum genus satis tutum ab insidiis dæmonum præstant; a quorum tamen insidiis ac infinitis technis sacra scriptura, & sancti Patres tanto consensu nos tantopere cautos esse volunt; ac sollicita de salute animæ & corporis ecclesia spiritualibus munit armis, conceptisque publicarum precum & exorcismorum instruit formulis, monetque apostolus *Ephes. VI. 11. armaturam induere Dei, ut possimus stare adversus insidias diaboli.* a) 2

XX. Quid quod ipse Dominus noster Iesus Christus, dum nos in oratione Patrem suum rogare vult, ut liberet nos a malo, ex sententia vetustissimorum Patrum de maligno diabolo liberationem nos petere instruit. „In legitima oratione (inquit TERTULLIANUS) cum dicimus ad Patrem: *Ne nos inducas in tentationem* (quæ autem maior tentatio, quam persecutio) ab eo illam proferimus accidere, a quo veniam eius depre-

Hinc petimus in orat. dom. liberari a malo. De fuga in persecut. c. 2. p. 537.

camur

a) „Le monde a trouvé un autre secret que l'apôtre, pour se fortifier contre les ennemis invisibles dont il nous décrit dans l'Épître de ce jour la puissance & la malice. C'est, ou de n'en point croire, ou de n'y point penser, s'ils les croient. Il est bien rare de trouver des gens frappés de la crainte des démons, & qui aient quelque soin de se garantir des pièges qu'ils leur tendent. C'est la chose du monde à quoi l'on pense le moins. Toute cette république invisible d'esprits mêlés parmi nous, qui nous voient, & que nous ne voyons point, & qui sont toujours occupés à nous tenter en excitant ou en enflammant nos passions ne fait pas plus d'impression sur l'esprit de la plupart des Chrétiens, que si c'étoit un conte, & une chimère. Notre âme plongée dans les sens, n'est touchée

que par les choses sensibles. Ainsi elle ne craint point ce qu'elle ne voit point. Mais ces ennemis n'en sont pas moins à craindre pour n'être pas craints. Ils le sont au contraire beaucoup plus; parce que cette fausse sécurité fait leur force, & favorise leur dessein. C'est déjà avoir fait de grands progrès, que d'avoir mis les hommes dans cette disposition. Comme ce sont des esprits de ténèbres, leur propre effet est de remplir l'âme de ténèbres, & de s'y cacher. Et c'est pour quoi ces armes dont l'apôtre, nous exhorte de nous revêtir, *Induite vos armaturam Dei*, sont des armes de lumière, dont le premier effet est de nous découvrir notre danger.“ *Essais Moral Tome X. II. sur l'épître du XXI. Dimanche d'après la Pentecôte. p. 188.*



camur, hoc est enim quod sequitur, *Sed erue nos a maligno*; id est, ne nos induxeris in tentationem permittendo nos maligno. Tunc enim eruihur diaboli manibus, cum illi non tradimur in tentationem." Pro argumenti ratione rogatus a FABIO, agere ibi de persecutionibus auspicatur, primumque sibi probandum suscipit, nihil satanæ in servos DEI vivi licere, nisi permiserit Dominus; „ut aut ipsum destruat per fidem electorum in tentatione victricem, aut homines eius fuisse traducat, qui defecerint ad illum." Post exemplum autem IOB expensum, „Sic (pergit) & in apostolos facultatem tentationis postulavit non habens eam nisi ex permisso. Siquidem Dominus in evangelio ad PETRUM, *Ecce, inquit, postulavit satanas, ut cerneret vos velut frumentum: verum ego rogavi pro te, ne deficeret fides tua*; id est, ne tantum diabolo permitteretur, ut fides periclitaretur. Quo ostenditur, utrumque apud Deum esse, & concussionem fidei, & protectionem, cum utrumque ab eo petitur, concussio a diabolo, protectio a filio." S. CYPRIANUS ex professo de oratione dominica tractans, hanc magistri suam facit sententiam in explanatione eiusdem orationis dominicæ petitionis: *Et ne nos patiaris induci in tentationem*, sic effatus: „Qua in parte ostenditur nihil contra nos adversarium posse, nisi Deus ante permiserit: ut omnis timor noster & devotio, atque observatio ad Deum convertatur, quando in tentationibus nostris nihil malo liceat, nisi potestas inde tribuatur. Probat hæc scriptura divina, quæ dicit: *Venit NABUCHODONO OR rex Babylonie in Hierusalem; & expugnabat eam, & dedit eam Deus in manum eius*. Datur autem potestas adversus nos mala secundum nostra peccata, sicut scriptum est: *Quis dedit in direptionem IACOB & ISRAEL eis, qui prædabantur illum? nonne Deus, cui peccaverunt, & volebant in viis eius ambulare, neque audire legem eius, & superduxit super eos iram animationis suæ?* Et iterum SALOMONE peccante, & a præceptis atque a viis Domini recedente, positum est: *Et excitavit Dominus satanam ipsi SALOMONI*. Potestas vero duppliciter adversus nos datur, vel ad pœnam cum delinquimus, vel ad gloriam cum probamur." Quod cum exemplo IOB aliisque probasset, ad conclusionem orationis dominicæ progressus: „In novissimo enim (pergit) ponimus: *Sed libera nos a malo*, comprehendentes adversa cuncta, quæ contra nos in hoc mundo molitur inimicus; a quibus non potest esse fida & firma tutela, nisi nos Deus liberet, nisi deprecantibus atque implorantibus opem suam præstet. Quando autem dicimus: *sed libera nos a malo*, nihil remanet, quod ultra adhuc debeat postulari, quando semel protectionem Dei adversus malum petamus, qua impetrata contra omnia, quæ diabolus & mundus operantur,

perantur, securi stamus & tuti.“ DIDYMO *Alexandrino* in libro contra *T. VI. B. 12*  
*Manichæos* n. 11. „Dicitur diabolus & satanas & malus: quemadmodum *PP. p. 314.*  
 Salvator in Evangelio præter cætera hoc quoque discipulos in oratione  
 docet: *Et ne nos inducas in tentationem, sed libera nos a malo.*“ MA- *T. I. Opp.*  
 CARIUS homilia XXII. qua docet „Nullum hominem, nisi a Christo *p. 325.*  
 corroboratum scandala nequissimi superare posse &c.“ Paulo post initium  
 „Impossibile est enim (inquit) eum incedere super aspidem & basiliscum,  
 & conculcare leonem ac draconem, qui prius, quantum in viribus ho-  
 minis est; se non expurgarit, nec roboratus fuerit ab eo, qui dicit  
 apostolis: *Ecce do vobis potestatem calcandi super serpentes, & scorpiones,*  
*& super omnem virtutem inimici.* Si enim valuisset humana natura,  
 absque universa armatura Spiritus sancti, stare adversus insidias diaboli,  
 non sane dictum fuisset ab apostolo: *Deus autem pacis conteret satanam* *Rom. 16, 20.*  
*sub pedibus vestris brevi.* Et iterum: *Quem Dominus interficiet spiritu* *2 Thes. 2, 8.*  
*oris sui.* Propterea quoque iussi sumus Deum obsecrare, *ne inducas nos*  
*in tentationem, sed libera nos a malo.* Nisi enim præstantioris auxilii  
 ope ab ignitis telis nequissimi consequi digni habeamur adoptionem fi-  
 liorum Dei, frustranea est conversatio nostra, ut qui procul a virtute  
 Dei absumus.“

S. CYRILLUS *Hierosol.* in brevi expositione orationis dominicæ Catech.  
 XXIII. *Mystagog.* V. n. 18. de *sac. Liturgia*, cuius constanter inde ab aposto-  
 lis in omni ecclesia orientali & occidentali pars fuit: „Si (inquit) illud *pag. 331.*  
*Ne inducas nos in tentationem*, significaret omnino non tentari, non ad-  
 iecisset, *sed libera nos a Malo.* Malus vero est adversarius dæmon, a quo  
 liberari oramus.“ Et S. AMBROSIIUS in eodem argumento lib. V. de *Sacra-*  
*mentis*, quibus *sacra mensæ mysteria*, id est liturgiam sacram intelligit, si-  
 milique in explicatione brevi orationis dominicæ. „Vide (ait) quid dicat: *T. III. pag.*  
*Et ne patiaris induci nos in tentationem*, quam ferre non possumus. Non *477. seq.*  
 dicit: *Non inducas in tentationem*: sed quasi athleta tamen vult tentatio-  
 nem, quam ferre possit humana conditio, & unusquisque a malo, hoc  
 est ab inimico, a peccato liberetur.“ Ut autem palam sit, a quo inimico,  
 seu a malo, ἀπὸ τοῦ πονηροῦ liberationem petendam putet, in continenti addit  
 p. 478. „Potens est autem Dominus, qui abstulit peccatum vestrum, & deli-  
 cta vestra donavit, tueri & custodire vos adversum diaboli adversantis in-  
 sidias, ut non vobis obrepat inimicus, qui culpam generare consuevit.  
 Sed qui Deo se committit, diabolum non timet. Si enim *Deus pro no-*  
*bis, quis contra nos?*“

Observant editores *San-Maurenses* ex aliis locis S. AMBROSII, eum  
 verba illa, *quam ferre non possumus*, ad textum non referre, quemadmo-  
 dum



pag. 250. dum S. HILARIUS in Psalm. CXVIII. lit. I. his verbis: „Quod & in dominicæ orationis ordine continetur, cum dicitur *Ne derelinquas nos in tentatione, quam ferre non possumus*. Scit apostolus derelinqui nos ad tentandum: sed novit & mensuram infirmitatis nostræ Deum nosse, dicens *Fidelis est Deus, qui non permittat nos tentari super quam possumus*. Iob Deus tentationi permittens, a iure diaboli potestatem animæ eius excerpfit, & secundum modum infirmitatis humanæ tentandi ius dereliquit.“ Annotarunt editores *San-Maurenses* ad hunc locum, & ad sermonem LXXXIV. in appendice S. AUGUSTINI, totum illum sermonem exscriptum esse ex laudato lib V. c. 4. S. AMBROSII *de Sacramentis*, ubi adeoque nihil ad rem novi conferunt verba illa adiecta orationi: *Ne derelinquas nos in tentatione, quam ferre non possumus*.

Append. T. V. pag. 322-722. 872. In genuinis sermonibus S. AUGUSTINI accipiuntur verba illa *Ne nos inferas in tentationem, sed libera nos a malo*, aut generatim de tentationibus, aut speciatim de concupiscentia carnis in serm. LVI. & seq. *ad Competentes*: sermone item CLII. & CLXXXIII. contra *Manichæos*, animam partem Dei esse dicentes. At vero S. PETRUS *Chrysost.* in plerisque sermonibus in orationem dominicam, qui in novissima editione *Sebastiani PAULI* extant *Augustæ Vindel.* an. 1758. malum, a quo liberari petimus, diabolum interpretatur: „Qui (inquit sermone altero) totius mali & auctor est & origo: diabolus natura coelestis fuit; nunc est nequitia spiritualis, ætate maior sæculo, nocendi usu tritus, lædendi arte peritissimus: unde non iam malus, sed malum dicitur, a quo est omne, quod malum est. Hinc est, quod propriis viribus liberari homo non potest, carnalibus vinculis illigatus. Petendum nobis est ergo, ut Deus nos a diabolo liberet, qui Christum terris, ut diabolum vinceret, commodavit. Clamet homo, clamet ad Deum, clamet *libera nos a malo*, ut a tanto malo, solo Christo vincente, liberemur.“ In appendice sermonum S. PETRI *Chrysologi*, huic editioni primum addita, priores sermones eiusdem sunt argumenti de oratione dominica nimirum. Quorum tertio verba ipsissima, quæ modo recensuimus, repetuntur.

Dæmon, caro, mundus  
hostes con-  
iurati.

XXI. Neque vero frustra alia ex S. AUGUSTINO commemoravi genera mali, insidiantiumque inimicorum, a quibus in oratione dominica liberari Deum rogemus; neve nos induci in tentationem patiat, abduci que tot malis, quibus intus forisque obsidemur, quorum si vel unius tentationi succumbimus, obnoxios nos maligno reddimus, atque locum ei in nobis relinquimus, ut veluti in suo quietus degat, securusque quiescat triceps infernalis cerberus mundus, caro & dæmon, ac fomes ille

ille intestinus, incentivumque omnium malorum, pulvinar diaboli concupiscentia: cuius nos spiculis confodit ὁ πονηρός. *Avertat Deus a suis tantam voluptatis exitiosæ cupiditatem!* ut cum TERTULLIANO exclamem, *De Spectat.* qui in alio quidem, ad rem tamen valde appposito argumento *de spectaculis* „Quale est enim (pergit) de ecclesia Dei in diaboli ecclesiam tendere? de coelo (quod aiunt) in cœnum? illas manus, quas ad Deum extuleris, postmodum laudando histrionem fatigare? ex ore, quo amen in sanctum protuleris, gladiatori testimonium reddere, *eis ἀνὴρας ἀπ' ἀνὴ-* & alii omnino dicere, nisi Deo & Christo? Cur ergo non huiusmodi etiam dæmoniis penetrabiles fiant? Nam & exemplum accidit, Domino teste, eius mulieris, quæ theatrum adiit, & inde cum dæmonio rediit. Itaque in exorcismo cum oneraretur immundus spiritus, quod ausus esset fidelem adgredi, constanter, & iustissime quidem, inquit, feci, in meo eam inveni.“ Usuvenit id quodammodo in quotidianis tentationibus, conflictuque cum maligno, mundanorum carnaliumque hominum, qui se ultro tentationibus exponunt, & operibus diaboli, quibus renunciarunt, iterum se dedunt. „Lædunt autem (ut de malis angelis ORIGENES *Lib. VIII. contra Celsum. T. I. p. 401.* loquitur) sibi obnoxios, qui se illis ultro submiserunt tanquam dominis . . . certe Christianus, qui vere Christianus est, dicatus uni Deo, verboque ipsius, non potest lædi a dæmonibus, utpote illis præstantior.“ Pertinet huc doctrina a nobis iam supra ex TICHONIO & S. AUGUSTINO commemorata *de Domino & eius corpore. De diabolo & eius corpore.* „Est enim (iuxta S. doctorem) & ipse caput impiorum, qui sunt eius quodammodo corpus, ituri cum ipso in supplicium ignis æterni sicut Christus caput est ecclesiæ, quod est corpus eius, futurum cum illo in regno & gloria sempiterna.“ In libro *de vera religione* vocat illud voluptatis regnum, ad quod destruendum aliquando Deus misceat „dolores & morbos & distortionem membrorum & tenebras coloris, & animorum similitudines ac dissensiones, ut ex his admoneamur, incommutabile aliquid esse querendum. Et hoc facit per infirma ministeria, quibus id agere voluptatis est, quos exterminatores, & angelos iracundiæ, divinæ scripturæ nominant, quamvis ipsi nesciant, quid de se agatur boni. His similes sunt homines, qui gaudent miseriis alienis, & risus sibi ac ludicra spectacula exhibent, vel exhiberi volunt, everfionibus & erroribus aliorum. Atque ita in his omnibus boni admonentur, & exercentur, & vincunt, & triumphant, & regnant. Mali vero decipiuntur, cruciantur, vincuntur, damnantur, & serviunt, non uni omnium summo Domino, sed ultimis servis, illis videlicet angelis, qui doloribus & miseria damnatorum paescuntur, & pro ista malevolentia bonorum liberatione torquentur. (Et



Epistola  
CCXVII.  
ad Vitalem  
T. II. p.  
802. seq.

alibi) Quid ergo (scribit) operatur hæc potestas in filiis diffidentiae, nisi opera sua mala, & imprimis maximeque ipsam diffidentiam, & infidelitatem, qua sunt inimici fidei, per quam scit eos posse mundari, posse sanari, posse perfectissime liberos, quod eis vehementer invidet, in æternitate regnare. Itaque aliquos eorum, per quos amplius decipere affectat, finit habere nonnulla velut opera bona, in quibus laudantur, per quasque gentes, præcipueque in gente *Romana*, qui præclare gloriosissimeque vixerunt. Sed quoniam, sicut veracissima scriptura dicit: *Omne quod non est ex fide peccatum est, & sine fide impossibile est utique placere Deo*, non hominibus: nihil sic agit hic princeps, quam ut non credatur in Deum, nec ad mediatorem, a quo solvuntur opera eius, credendo veniatur. Existimo hanc maximam esse stragem, quam diabolus inter Christianos vera vivaque, de qua hic loquitur doctor gratiæ, destitutos fide facere potest (circumventos autem illa, qua & *dæmones credunt, & contremiscunt*) qui in evangelio *temporales* dicuntur, & *non habent radicem in se*. Quod *secus viam cadit semen verbi Dei: deinde venit diabolus, & tollit verbum de corde eorum, ne credentes salvi fiant*. Facit huc parabola de palmite vitis, qui *non potest ferre fructum, nisi manserit in vite*. Sic supra ex S. AUGUSTINO audivimus diabolum foras missum esse „ab animis eorum, qui cohererent verbo Dei, & non diligunt mundum, cuius ille princeps est, quia dominatur eis, qui diligunt temporalia bona, quæ hoc mundo visibili continentur: non quia ipse dominus est huius mundi, sed princeps cupiditatum eorum, quibus concupiscitur omne, quod transit; ut ei subiaceant, qui negligunt æternum Deum, & diligunt instabilia & mutabilia. *Radix enim est omnium malorum cupiditas, quam quidam appetentes a fide erraverunt, & inseruerunt se doloribus multis*. Per hanc cupiditatem regnat in homine diabolus, & cor eius tenet. Tales sunt omnes, qui diligunt istum mundum. Mittitur autem diabolus foras, quando ex toto corde renuntiatur huic mundo. Sic enim renuntiatur diabolo, qui princeps est huius mundi, cum renuntiatur corruptelis & pompis & angelis eius. Ideoque ipse dominus iam triumphantem naturam hominis portans *scitote*, inquit, *quia ego vici mundum*.“ Add. D. THOMAS in *Iob XL. lect. 2.* qua dæmonibus victoriam adscribit in tribus generibus hominum scilicet superbis, voluptuosis, & deditis curis sæculi, vel instabilibus.

Omnes in-  
festationi-  
bus diaboli  
obnoxii et  
iam boni.

XXII. Sed putet quisquam malignum in suo tantum grassari regno, nec alienos a se, Christoque deditos tentare; cum tamen nec Christum iteratis aggressionibus tentare ipsum sit absteritus, nec infinities repulsus, quiescat.

quiescat. „Is (sunt verba S. IOANNIS *Chrysost.* Concione I. de LAZARO) *T. I. p. 711.* usque adeo vefanus est, ut frequenter & illa tentet, quæ fieri non possunt: nec illos solum adoriatur, quos omnino confidit se supplantaturum deiectionumque, verum etiam eos, quos probabile est artibus ipsius fore superiores.“ In exemplum adducit IOB. S. AMBROSIIUS autem huc illud *Isa. XIV. 13.* interpretatur: *In cœlum ascendam: super sidera cœli ponam sedem meam.* „Ponit (inquit) super sidera, quando electum decipit, quando iustum circumvenit, cuius opera lucent sicut stellæ in cœlo.“ Alibi, quomodo *Mediolanenses* suos ab *Arianis* supplantatos, allocutus sit, forori suæ narrans: „Videtis (ait) diabolo tentandi licentiam dari, ut boni probentur. Invidet inimicus bonis profectibus, tentat diversis modis. Tentavit sanctum IOB in patrimonio, tentavit in filiis, tentavit in dolore corporis. Fortior in suo corpore tentatur. Infirmior in alieno. Et mihi meas divitias, quas in vobis habeo, volebat auferre, & hoc tranquillitatis vestræ patrimonium dissipare cupiebat. Vos quoque ipsos mihi bonos filios gestiebat eripere, pro quibus ego quotidie instauro sacrificium: vos ruinis quibusdam publicæ perturbationis conabatur involvere. Duo igitur iam genera tentationis excepi. Et fortasse, quia infirmior me Dominus Deus novit, adhuc in corpus meum non dedit potestatem. Etsi ipse cupiam, etsi offeram: adhuc me fortasse huic certamini imparem iudicat, & diversis exercet laboribus. Nec IOB ab isto cœpit certamine, sed in hoc consummavit.“ Fortem hic cernis audisque, & ad prælium paratum promptumque athletam; sed non omnes nec boni quidem semper ita ad pugnam cum diabolo atque ad victoriam sunt comparati. S. IACOBUS *Nisibenus* inquirens, quomodo iustos exploret satanas, tempusque aucupet: „Attendit (inquit) & observat horam: an audiat ab illo homine; in quo habitat Christus, quod loquatur verba turpia, vel irascatur, rixetur, contendat; tunc scit diabolus, quod Christus non est cum eo, & venit & perficit voluntatem suam in eo: quia Christus habitat in mansuetis & in humilibus, & qui contremiscunt a verbis eius, sicuti dicit propheta. Et *Isa. 66, 2.* Dominus noster dicit: *Qui ambulat in mandatis meis, ad eum nos venimus, & mansionem apud eum facimus.* At si audiat ab illo homine, quod vigilat & orat, & meditatur in lege Domini die ac nocte; tunc discedit, quia scit, quod Christus est cum eo.“ Sed impudens impostor, nec hic sistit. S. AUGUSTINUS ut commonstret, dæmonem neminem intactum relinquere, in exemplum parvulos baptizatos adducit, e. c. lib. XXII. de *T. VII. pag. 686.* *Civit. Dei* c. 21. „Quandoquidem ne quis fideret, etiam parvulos baptizatos, quibus certe nihil est innocentius, aliquando sic vexant, ut in eis maxime, Deo sinente, ista monstretur huius vitæ flenda calamitas, & alterius desi-



*ib. lib. XX. c. 7. p. 582.* deranda felicitas.“ De adultis autem electis supra, ut alibi passim „Nec moveat (aiebat) quod sæpe diabolus seducit etiam illos, qui iam regenerati in Christo vias ingrediuntur Dei. *Novit enim Dominus, qui sunt eius:* ex his enim in æternam damnationem neminem ille seducit.“

*I. III. n. 12. T. I. p. 77.* S. GREGORIUS exemplo, quomodo diabolus stantes aggrediatur declarat, ad hæc *Iob II. 9.* uxoris eius verba: *Adhuc permanes in simplicitate tua? Benedic Deo, & morere*, ita effatus: „Antiquus hostis humanum genus duobus modis tentare consuevit; ut videlicet corda stantium aut tribulationibus frangat, aut persuasionibus molliat. In utrisque ergo contra beatum Iob se vehementer exercuit. Nam prius patrifamilias intulit damna rerum, orbavit patrem morte filiorum, percussit incolumem putredine vulnerum. Sed quia putrescentem foras, sanam adhuc interius stare conspexit; & quem exterius nudum reddidit, hunc interius ditio-rem fieri per exhibitam laudem conditoris invidit: calide cogitans pensat, quod contra se athleta Dei unde premitur, inde sublevatur, victusque ad subtilia tentandi argumenta convertitur. Nam antiquæ artis infidias repetit: & quia scit, quomodo ADAM decipi soleat, ad EVAM recurrit &c.“

Et religiosi homines.

XXIII. Magnus ille ANTONIUS abbas certaminibus suis contra dæmones aperto etiam Marte a S. ATHANASIO in eius vita celebratur: quo in argumento tota illa versatur oratio eius ad monachos, quam nobis is ipse S. ATHANASIUS scriptam reliquit eius vitæ insertam: in qua, quomodo etiam suorum tentationes visione perceperit, narrat; nobis autem hic satis est ipsa S. ANTONII ad nos cautos reddendos contra innumeras eius infidias percensere verba: „Lapsi (inquit) a cœlesti sapientia, post in terra volutati, gentiles phantasiis deceperunt; invidiaque in nos christianos ardentes, nihil non movent, ut cœlorum nobis aditum intercludant, ne eo nos ascendamus, unde lapsi illi sunt. Quapropter multa oratione, multa exercitatione opus est, ut accepta quis per spiritum discretionis spirituum gratia, quæ illos spectant, possit cognoscere: quinam scilicet illorum minus nequam, quinam nequiores sint: quo studio singuli eorum teneantur: qua quisque ratione prosternatur, & deiiciatur. Multi sunt enim eorum doli, multi ad parandas infidias motus. Beatus certe apostolus & eius sectatores hæc probe norant cum dicerent: *Non enim ignoramus cogitationes eius.* Nos vero ex iis, quas ab illis sumus experti tentationibus, mutuo debemus alii alios emendare, Ego itaque, ut aliquam eorum affecutus experientiam, ut filiis loquor. Si igitur viderint illi Christianos quoslibet, maximeque monachos laborare atque

*T. IV. Bibl. PP. p. 637.*

*2. Cor. II. 15.*

que proficere, primum aggressi tentant, & offendicula ponunt in via: quæ scilicet offendicula sunt malæ cogitationes. Non est autem, quod eorum suggestionibus terreamur: nam precibus, ieiuniis & fide in Dominum, statim illi labuntur. Sed lapsi minime quiescunt; vafre quippe & callide rursus accedunt. Ubi enim palam per obscenas voluptates cor decipere nequeunt, alia aggrediuntur via; vanisque speciebus perterrere nituntur, variis assumtis formis mulierum, ferarum, reptilium, prægrandium corporum, militarium turmarum.“ Hæc autem omnia didicisse eum sua experientia, ex iis, quæ postea dicit, nosque suo loco afferemus, palam fit: veluti etiam de S. PAULO, HILARIONE in eorum vita S. *Vid. Ros. Hieronymus* narrat, atque de aliis ex eorum vitis & apophthegmatibus *weid.* constat, de S. MACARIO etiam, quomodo dæmones egressos ad suos monachos tentandos viderit. Ex eius vero sententia in libro *de Custodia* *Bibl. PP. T. VII. p. 224.* *cordis*: „Totum adversarii certamen in eo desudat, ut queat mentem nostram a Dei recordatione & amore abstrahere, illecebras ad id adhibens *Item T. II. Opp. p. 262. lb. p. 161.* terrenas, omnique arte satagens affectum sensumque nostrum ab eo, qui unus vere bonus est, ad ea, quæ sola opinione, non autem solida veritate, bona sunt, avertere. Quodcumque enim homo bonum facit, polluere ac contaminare improbus conatur, maximeque contendit, cum quem videt legi observandæ operam dantem, operi bono aut vanæ gloriæ, aut tumidæ sui præfidentia labem inspergere, ne Dei solius causa, & ex bono vereque laudabili proposito, quod exterius bene fit, interius generetur.“ Hæc autem pluribus explanant exemplis etiam *doctrina & exhortatio* magni sancti ARSENI, EVAGRII item *Scitensis* capita practica ad *pag. 560.* ANATOLIUM, quæ uno tomo VIII. bibliothecæ Patrum recens editæ collecta habentur: quibus addi meretur S. BASILII sermo asceticus & exhortatio *de renunciatione sæculi & de perfectione spirituali* T. II. Opp. p. 202. seqq. ubi ordine enumerat, declaratque varia luctamina, quæ cum salutis nostræ hostibus sunt ineunda.

XXIV. Quæstionem movet S. MACARIUS *Ægyptius* homilia XV. *Ut- Quique* *rum perfectis imminet afflictio aut penitus secure vivunt?* Respondet autem, *cumprimis* *hostem nemini bellum inferre desinere; satanam vero immisericordem esse, pietati san-* *titatque* *& odisse homines, quapropter etiam omnibus hominibus bellum inferre student.* *non pigrescere; verum non iisdem modis omnes adoriri, id quod longo* *T. I. Opp.* *discutit sermone. Homilia autem XXXVIII. ubi ostendit, accurato iudicio* *p. 199.* *atque intellectu opus esse in discernendis veris Christianis, & quinam sint* *p. 470. 474.* *illi, sic n. 4. proloquitur: „Quia satanas, cum id, quod bonum est, odio* *prosequatur, mala suggerit his, qui virtutem consecretantur, eosque averte-*



re contendit; hoc enim eius est opus. Verum ne illi subiiciaris, sed operare iustitiam, quæ in interiori homine perficitur, in quo Christi altare consistit unacum impolluto sanctuario, ut testimonium conscientiae tuæ gloriatur in cruce Christi, qui expurgat conscientiam tuam ab operibus mortuis, ut spiritu tuo Deo minitres, ut noris, quid adoras, secundum eum, qui dicit: *Nos adoramus, quod scimus.* Confide dirigenti te Deo, consortium habeat anima tua cum Deo, ut sponsa societatem colit cum sponso. *Mysterium enim hoc magnum est: ego vero dico inter Christum* T.II.p.262. *& incontaminatam animam.* Idem suis verbis in Apophthegmatibus in duobus monachis narrat vidisse se „dæmones instar muscarum venientes super minorem, quorum alii accedebant in ore eius, alii in oculis. Simul conspexi (pergit) angelum Domini cum gladio ignis præ manibus, circumvallantem eum, dæmonesque ab eo propellentem. At maiori non poterant appropinquare . . Comperi ergo, quod maior perfectus esset, minorem adhuc impugnaret inimicus.“ Passim SS. Patres & ascetæ conqueruntur de mentis inter orandum instabilitate variis distractionibus abripi solitæ: maximæque perfectionis indicium est, hic superiorem maligno fieri, eumque procul amovere propulsareque animo. Provocans S. IOANNES Chrysost. in homilia quadam ad aliam die proxima habitam *de orationis virtute*, in qua ostenderit „quo pacto tum temporis diabolus, ut maleficus est, insidias struat, Cum enim (pergit) maximum nobis lucrum ex oratione cernat obvenire, tunc maxime impetum facit: ut excusatione nos privet, ut vacuis manibus nos domum remittat . . Lux est mentis & animæ cum studio fusa oratio, lux inextincta & perennis. Propterea innumeras nostris mentibus cogitationum sordes iniicit, & quæ nunquam cogitavimus; hæc collecta tempore orationis in animam nostram infundit. Et quemadmodum venti sæpenumero ex adverso ingruentes accensum ignem lucernæ flatu diventilatum extinguunt: sic & diabolus, cum in nobis accensam orationis flammam viderit, innumeris nos sollicitudinibus hinc inde perflatos non prius finit quiescere, quam lucem extinxerit. Sed quod illi faciunt, qui lucernas illas accendunt, nos quoque faciamus. Quid illi vero faciunt? Cum vehementem ingruere ventum vident, imposito digito lucernæ foramini spiritui aditum intercludunt. Quamdiu siquidem exterius impetum faciet, resistere valebimus: ubi vero mentis illi fores aperuerimus, & inimicum intus admiserimus, tum non amplius ne minimum quidem resistere possumus; sed memoria nostra undique extincta ut lucerna fumigans, inania verba finit os nostrum effundere. Verum ut illi lucernæ foramini digitum imponunt, ita nos rationem menti præficiamus, maligno spiritui aditum intercludamus, ne orationis nostræ lumen extinguat.“ Est

T. III. p.  
347.

Est hæc insignis ab hoste victoria reportata in fugam acto; at non sine pugna sine lucta sic foras mittitur, & alligatur fortis: atque ita diabolus iuxta S. AUGUSTINUM vincent brevi etiam spatio illo, quo extremis temporibus solvendus erit, „Interiores homines & tales (inquit lib. XX. de Civit. Dei cap. 8. de alligatione & solutione diaboli) ut vinci tanto eius impetu insidiisque non possint. Si autem nunquam solveretur, minus appareret eius maligna potentia, minus sanctæ civitatis fidelissima patientia probaretur; minus denique perspiceretur, quam magno eius malo tam bene fuerit usus Omnipotens: qui eum nec omnino abstulit a tentatione Sanctorum, quamvis ab eorum interioribus hominibus, ubi in Deum creditur, foras missum, ut forinsecus eius oppugnatione proficerent, & in eis, qui sunt ex parte ipsius, alligavit, ne quantum posset effundendo & exercendo malitiam, innumerabiles infirmos, ex quibus ecclesiam multiplicari & impleri oportebat, alios credituros alios iam credentes a fide pietatis hos deterreret, hos frangeret; & solvet in fine, ut quam fortem adversarium Dei civitas superaverit, cum ingenti gloria sui redemptoris, adiutoris, liberatoris, aspiciat. In eorum sane, qui tunc futuri sunt, Sanctorum atque fidelium comparatione quid sumus? Quandoquidem ad illos probandos tantus solvetur inimicus, cum quo nos ligato tantis periculis dimicamus. Quamvis & hoc temporis intervallo quosdam milites Christi tam prudentes & fortes fuisse atque esse, non dubium est, ut etiam si tunc in ista mortalitate viverent, quando ille solvetur, omnes insidias eius atque impetus & caverent sapientissime, & patientissime sustinerent.“

Ita vero S. HILARIUS contra religiosas mentes graviore, frequentiores, diuturnioresque tentationes fore ostendit in illud Psalmi CXXVIII. *Sape impugnaverunt me a iuventute mea: etenim non potuerunt mihi.* „Talis (inquit) religiosorum debet esse confessio. Et hæc vera fidei probatio est, ut qui sæpe & a iuventute impugnant, nunquam tamen eorum, quos & sæpe & pridem impugnaverint, præpotentes sint. Adversus autem validiores & longum & frequens est prælium: & idcirco inimicæ spiritualesque virtutes firmos fide & timore Dei viros & diu & sæpe pertentant: quia iterari necesse est, quod & diu geritur, & quod nunquam obtinetur. Maneamus ergo, ut sæpe impugnemur; & sæpe impugnati, habeamus hanc gloriam, ne aliquando cedamus; & hinc sit impugnationis nostræ assiduitas, quia non sit impugnantium præpotens fortitudo.“ a) S. GREGORIUS M. dum observat in cap. XLI. lob anti-

T. VII. pag. 583.

T. I. pag. 1102.

a) S. GREGORIUS Naz. in carmine de bello „Quo magis enim animæ meæ internam cer-  
quod movent demones CXCIII. T. VI. nebat religionem,  
Bibl. PP. p. 403. hæc profert:



quum hostem, „quo districtius frangitur eo nequius per multiplicia argumenta dilatari. Cuius tamen (addit) insidias Dominus quanto subtilius occultari considerat, tanto nobis misericordius manifestat, recte subiungitur: *Quis revelabit faciem indumenti? Leviathan* iste aliter religiosas hominum mentes, aliter vero huic mundo deditas tentat: nam pravis mala, quæ desiderant, aperte obicit: bonis autem latenter insidians, sub specie sanctitatis illudit. Illis velut familiaribus suis iniquum se manifestius insinuat: istis vero velut extraneis quasi honestatis prætextu se palliat, ut mala, quæ eis publice non valet, tecta bonæ actionis velamine subintromittat.“

pag. 40.

S. LEO sermone XL. qui est tertius in Quadragesima de tentatione, sollicitè conscientiam excutiendam contra periculosam securitatem, monet, ac occultam superbiam, queis religiosas mentes infestari est proclive: „Superbum est enim de non peccantis facilitate præsumere, cum hoc ipsum præsumisse peccatum sit, dicente beato IOANNE apostolo: *Si dixerimus, quia peccatum non habemus, nos ipsos seducimus, & veritas in nobis non est.* Nemo igitur se fallat, dilectissimi, nemo se decipiat. Neque quisquam de cordis sui puritate confidat, ut putet se nullis tentationum periculis subiacere, cum pervigil ille tentator eos acrioribus pulset insidiis, quos maxime viderit abstinere a peccatis.“ S. IOANNES Chrysost. hom. I. ad pop. Antioch. „Multo magis (inquit) nos timere oportet, & tanto magis, quanto maiora fuerimus operati. Tunc enim diabolus sævior efficitur, tunc magis efferatur, cum viderit nos diligentia vitam nostram disponentes; cum viderit virtutis onera composita, & magnos acervos, tunc gravius inferre naufragium studet.“

Iam supra STAGIRII ascetæ insignis exemplum adduximus a dæmonio  
ve-

Eo magis etiam ira turgida effervescat.	Tale est invidi pravum bellum. Quando ipsum cohibebam
Ut quando per insidias subrepens, insana- bilem intra carnem	Lingua ad aliam quandam dilabebatur noxam.
Morbus compressus medicamenti inop- portunis	Non tamen cepit. Christus enim superve- niebat præsidium meum,
Depascens latibula non apparentia, non prius cessat,	Qui & discipulos e tempestate eruit,
Quam alio erumpens (ægrum) adducat in discrimen	Ac multos morbis & dæmonum vinculis
Aut fluentum firmis munitionibus hac parte repressum,	Liberavit, voluntati largiens gratiam.“
Illac obnititur, & collectim erumpit.	

vexatum, quem allocutus S. IOANNES *Chrysost.* „ At vero tu (inquit) dum *T.L. p. 177* admiraris, cur non antea potius, cum delicate viveres, atque illa sæculi pompa stipatus incederes; sed nunc, quando abiicisti illa omnia, ac teipsum totum devovisti, pessimus te ille dæmon invasit, idem prorsus facis, ac si admiraris, cur spectatoribus nullus molestus esset, sed qui in pugilum numero adscriptus exercitatusque in certamen descendisset, hunc solum ex omnibus colluctator expeteret, percutiens caput, faciemque concidens. Non hoc ergo aut miraculo aut moerore dignum est, si nos ille pugil adortus premit & urget: quippe ista est pugnantium lex. Verum si ille deiciat atque prosternat, ac præmia laborum tollat, hoc grave est. Quamdiu vero non prævalet, non solum nobis nihil nocuit, sed profuit plurimum, conflictu illo suo summa nobis ornamenta concilians. Namque & in castris ille præstare cæteris putatur, qui plura vulnera præ se ferre potest, ac singularia certamina adversus quoslibet hostium fortissimos fuscipere. Eos itidem athletas maxime miramur, qui cum inexpugnabilibus, sic enim appellant contentiosiores quosque antagonistas, viriliter congregiuntur. Sed & venator ille maxime præcellit, qui ferocissimas belluas excipit. Impudens est atque imperterritus hic dæmon: at ego propterea te mirari ac stupere non desino, quod huiusmodi adversarium nactus tam violentum, lapsus non es, neque in deditionem venire tolerasti; sed firmus perstitisti, nulla ex parte illius improbitati cedens.“ Magnus ille dæmonum fugator apud *SULPITIUM Severum*, cum occultis va- *Dial. I. c.* nitatis cogitationibus premeretur, nec „ seipsum purgare posset, totis pre-<sup>20</sup> cibis conversus ad Dominum fertur orasse, ut permessa in se mensibus quinque diaboli potestate, similis his fieret, quos ipse curaverat. Quid multis morer! ille præpotens, ille, qui signis atque virtutibus toto Oriente vulgatus, ille, ad cuius limina populi ante confluxerant, ad cuius fores summæ istius sæculi se prostraverant potestates, correptus a dæmone est, tentus in vinculis, omnia illa, quæ energumeni solent ferre, perpeffus. Quinto demum mense purgatus est non tantum dæmone, sed, quod illi erat utilius atque optatius, vanitate.“ De abbate MOYSE narrat *CASSIANUS Collat. VII. c. 27.* quod contra abbatem MACARIUM disputans verbum paullo durius protulisset, tam diro confestim esse traditum dæmoni, „ ut humanas egestionem ori suo ab eo suppletus ingereret. Quod flagellum purgationis gratia se Dominus intulisse, ne scilicet in eo vel momentanei delicti macula resideret, velocitate curationis eius, atque auctore remedii demonstravit. Nam continuo abbate MACARIO in oratione submisso, dicto citius nequam spiritus ab eo fugatus discessit.“



In extremo  
mortis ago-  
ne.

pag. 233.

T. I. pag.  
1064.

XXV. Audet vero draco infernalis hominibus sanctissimis in extrema lucta (tunc nempe agitur ultimum ad felicem cum bonis, aut infelicem cum malis angelis æternitatem momentum) se repræsentare etiam visibili specie. Eius rei unum saltem hic interest accensere exemplum S. MARTINI *Turonensis* ex testimonio Sulpitii Severi, qui fuit sancti viri discipulus, & licet præsens morti haud adfuerit, vadimonium tamen dat in epistola III. ad Bassulam socrum suam, *quomodo B. Martinus ex hac vita ad immortalem transierit*, se ea perscribere, quæ sibi sunt comperta. „Videns autem (ut narrat) Sanctus diabolum prope assistere, *Quid hic, inquit, astas cruenta bestia? Nihil in me, funeste, reperies. Abrahæ me si- nus recipit.* Cum hac ergo voce flagitantem divinis operibus spiritum cœlo reddidit.“ Sed quotusquisque erit, qui malignum spiritum in illo articulo acheronta moventem cum tanta fiducia & securitate alloqui audeat? dum econtra præteritæ vitæ conscientia prægravati, aut ad id usque tempus incurii salutis suæ, ipsarumque dæmoniacarum infestationum, quas forte etiam nihili, cum viverent, fecerunt, seu pro somniis delirantium habuerunt, nimis sero sentient ipso suggerente tunc demum diabolo, quanto in errore sint versati, periculosissimo ad desperationem ultimo illo aggressu hostis, ac tentatione, ex cumulo omnium transactæ vitæ peccatorum, quod S. GREGORIUS gravibus proponit verbis: „Sciendum quoque est (inquit) quod plerumque eis, quos ceperit, tunc graviores culpas ingerit, cum præsentis vitæ termino illos propinguare cognoscit: & quo se consummaturum tentationem considerat, eo eis iniquitatum pondera graviora coacervat. *Behemoth* igitur caudam suam quasi cedrum stringit, quia, quos per prava initia ceperit, ad finem deteriores reddit: ut tentamenta eius, quo citius cessatura sunt, eo valentius compleantur. Quia enim suis poenis eorum satagit æquare supplicium, in eis ardentius ante mortem nititur omne exaggerare peccatum.“

Diabolus  
an, aut quo-  
modo om-  
nium malo-  
rum causa?  
*Iob* 41, 24.  
25.

*Ephes.* 5, 11.  
12.

XXVI. Scribit hæc in caput quadragesimum *Iob*, quo & sequenti quadragesimo primo *Behemoth* & *Leviathan*, qui initio libri diaboli nomine venerunt, malitia atque nocendi artes demum & potentia variis figuris explicantur his verbis: *Non est super terram potestas, quæ comparetur ei, qui factus est, ut nullum timeret. Omne sublime videt, ipse est rex super universos filios superbiæ.* Sic paullo post ex S. AMBROSIO explicabimus auctorem esse principem mundi omnium delictorum. Quomodo scilicet dicitur princeps huius mundi, nosque armaturam Dei sumere apostolus hortatur *adversus principatus & potestates, adversus mundi rectores tenebrarum harum, adversus spiritalia nequitie in cœlestibus.* Quibus relatis:

relatis: „Per hæc igitur omnia (scribit ORIGENES lib. III. de Principiis) T. I. p. 138. docet nos scriptura divina, esse quosdam invisibiles hostes dimicantes adversus nos, & præcipit armari nos debere contra eos. Unde & simpliciores quique domino christo credentium existimant, quod omnia peccata, quæcunque commiserint homines, ex istis contrariis virtutibus mentem delinquentium perurgentibus fiant, pro eo, quod in certamine isto invisibili superiores inveniantur potestates. Quodsi, verbi causa, diabolus non esset, nemo hominum omnino delinqueret. Nos vero rationem dilucidius intuentes, hæc ita esse non arbitramur, considerantes ea, quæ manifeste ex corporali necessitate descendunt. An vero putandum est, quod diabolus esuriendi vel sitiendi causa nobis existat? Neminem esse puto, qui hoc audeat affirmare. Si ergo esuriendi & sitiendi non nobis ipse sit causa, quid aliud, cum unius cuiusque ætas ad virilitatis tempus advenerit, & naturalis caloris incentiva suggesserit? Consequens est sine dubio, ut sicut esuriendi & sitiendi diabolus causa non est, ita nec eius quidem motus, qui adultæ ætati naturaliter suggeritur, id est appetendi coitus desiderium.“ Et paullo generalius id complexus quidquid concupiscentiæ nomine comprehendimus, „Quod autem (pergit) sint quædam peccata, quæ non a contrariis virtutibus veniant, sed ex naturalibus corporis motibus initium sumant, manifestissime declarat apostolus PAULUS in eo, dum dicit: *Caro concupiscit adversus spiritum, spiritus autem adversus carnem*: hæc sunt, quæ sibi invicem resistunt, ut non, quæ vultis, illa faciatis. Si ergo caro concupiscit adversus spiritum, & spiritus adversus carnem, est nobis aliquando colluctatio adversus carnem & sanguinem, id est cum homines sumus, & secundum carnem ambulamus, & cum non possumus tentari in maioribus tentationibus quam humanis, cum dicitur de nobis: *Tentatio vos non comprehendat nisi humana. Fidelis autem Deus, qui non permittet vos tentari supra id, quod potestis.*“ Sic apte distinguitur tentatio diabolica ab humana, quæ ab ipsa hominis corruptione & propensione in malum oritur. Fragilitatem autem nostram benignus Deus clementer respiciens sacramenta reconciliationis reliquit hominibus a dæmone seductis, quod non concessit dæmoni seductori, iisque, quos secum in eandem abducit damnationem. Hinc est, quod de IUDA proditore Christus cæteris apostolis dicat: *Nonne ego vos duodecim elegi, & ex vobis unus diabolus est?* isque in *Apocalypsi* eo sensu ἀπολλύων appellatur ex origine omnis perditionis causa; tum etiam iuxta S. ZENONEM *Veronensem* pater omnium corrupte viventium diabolus designatur: a) quo sensu Christus de *Iudæis* dicit: *Vos ex patre diabolo estis.* Io. 8, 44.

H 2

Quod

a

a) Testimonium hoc sæpius a RATHERIO *Veronensi* est repetitum, ut annotatur in

nova edit. operum S. ZENONIS ad lib. II. tract. 14. n. 4. ed. *Augustana* p. 195.



Quod autem res est, expressit S. IOAN. *Chrysostomus* lib. I. ad STAGIRIUM dæmone vexatum his verbis: „Quodsi diligenter his, quæ sunt, animum intendere velimus, inueniemus minime ad omnia nos diabolus impellere; sed cum plurimorum ille nobis lapsuum sit auctor, plurima item nosmetipsos per nostram solam socordiam & negligentiam pati.“

Lib. II. stro-  
mat. p. 282.

Id CLEMENS *Alexandrinus* secundum clementissimam divini numinis erga perditum genus humanum voluntatem accipiens, „Cum autem (inquit) sit Dominus cognitor cordium, & futura præsciat, facilem hominis mutationem, & ad revertendum propensionem, & diaboli calliditatem ab alto vidit a principio, qui homini invidens propter remissionem peccatorum aliquas peccatorum causas servis Dei suggeret, astute hoc moliens, ut ipsi quoque cum eo cadant. Dedit ergo Deus, cum sit multæ misericordiæ, iis etiam, qui fide in aliquod peccatum incidunt, secundam poenitentiam, si quis tentatus fuerit post vocationem, coactus & callide circumventus, unam adhuc non poenitentiam acceperit poenitentiam.“ Necesse fuit olim ob *Manichæos* probe discernere originem & causas peccatorum, sicque negat S. THOMAS diabolus esse causam peccati, studiose inquirens quæst. III. *de malo* (art. 3. & 1. 2. q. 80. a. 1.) Hucque imprimis pertinet in prima parte quæstio 114. *de dæmonum impugnatione*, ubi, postquam statuisset art. 1. & 2. homines impugnari a dæmonibus, tentareque proprium esse diaboli, negat tamen art. 3. omnia peccata procedere ex tentatione diaboli.

Quomodo  
in animum  
sefe insinu-  
ent cogita-  
tionesque  
nostras.  
T. II. pag.  
325.

XXVII. Quæcunque vero demum sint omnis generis dæmoniæ infestationes, ex legitime certantibus in bonum vertuntur ad immarcessibilem æternæ vitæ coronam, tantoque maiorem gloriam, quo diriores fuerint pugnae & victoria difficilior. „Sine labore certaminis (sunt verba S. GREGORII M. lib. III. Dial. c. 19. de sanctis ex insidiis hostis antiqui proficientibus) non est palma victoriæ. Unde ergo victores sunt, nisi quod contra antiqui hostis insidias decertaverunt? Malignus quippe spiritus cogitationi, locutioni, atque operi nostro semper insistit, si fortasse quid inueniat, unde apud examen æterni iudicis accusator existat.“ Angelos tam malos quam bonos sese insinuandi in animam nostram atque adeo cogitationes excitandi promptitudine pollere probandum sibi ex scripturis suscepit ORIGENES: „Cogitationes (inquit) quæ de corde nostro procedunt, vel memoria quorumcunque gestorum, vel quarumlibet rerum causarumque contemplatio, inuenimus, quod aliquoties ex nobis ipsis procedant, aliquoties a contrariis virtutibus concitentur: interdum etiam a Deo, vel sanctis angelis immittantur. Verum hæc ita esse,

Lib. III. de  
Principiis  
T.I. p. 140.

fabu-

fabulosum fortasse videbitur, nisi scripturæ divinæ testimoniis fuerit probatum."

Id vero difficulter explicari poterit, quomodo cogitationes nostras assequantur, etsi nulli dubium esse possit, spiritum spiritui sua pandere communicareque animi sensa; sed res est de latentibus mente cogitationibus, qua ratione penetrent dæmones, aut vicissim excitent. S. MACARIUS homilia XXVI. hanc movet quæstionem: „An utique cunctas hominis cogitationes & consilia novit satanas?" Sic autem respondet: „Si homo, qui cum homine conversatur, novit, quæ sunt eius & tu natus annos viginti, novisti ea, quæ sunt proximi, nunquid ergo satanas ipse, qui a nativitate tibi conversatur, ignorat cogitationes tuas? Sexies enim mille annorum ætatem habet. Nec dicimus eum, priusquam tentet hominem, nosse, quid facturum sit. Tentat enim tentator, non tamen cognitum habet, an obtemperaturus sit, necne, donec voluntatem servam ei tradat anima. Neque item dicimus, cunctas cogitationes cordis & desideria nosse diabolum. Perinde enim, ac si sit arbor, quæ multos ramos habeat, ac multa membra; ita quoque sunt quidam rami cogitationum, & consiliorum, quos comprehendit satanas; sunt vero aliæ cogitationes & consilia, quæ a satana non comprehenduntur. In quadam enim re prævalet pars nequitiae, ad generandum cogitationes; rursus in quadam re cogitatio hominis superior evadit, acceptoque auxilio, ac redemptione a Deo, contradicit malitiae, quadam in re succumbit, & quadam in re voluntatem habet. Interdum enim accedit ad Deum fervens, scitque satanas, ac videt eum sibi repugnare, nec tamen reprimere potest hominem. Quid hoc? Quia habet voluntatem clamandi ad Deum, habet fructus naturales, ut scilicet diligat Deum, ut credat, ut requirat, & ad eum accedat." His comprehenditur, quidquid ex sana doctrina, sobriaque theologia hic dici potest, de movendis etiam ac coniectandis occultis cogitationibus. Pertinet hoc ad argumentum *de divinatione dæmonum*, quod singulari libro pertractans S. AUGUSTINUS „Suadent autem T. IV. pag. (ad rem præsentem ait) miris & invisibilibus modis per illam subtilitatem suorum corporum corpora hominum non sentientium penetrando, seseque cogitationibus eorum per quædam imaginaria visa miscendo, sive vigilantium sive dormientium." In libro II. *Retractionum* cap. 30. sequentia, quæ leguntur paullo post, eiusdem libri *de Divinatione* verba „Dæmones aliquando & hominum dispositiones non solum voce prolatas, verum etiam cogitatione conceptas, cum signa quædam ex animo exprimuntur in corpore, tota facilitate perdiscere, (ita retractat:) Rem dixi occultissimam audaciore asseveratione, quam debui: nam pervenire ista



ad notitiam dæmonum per nonnulla etiam experimenta compertum est. Sed utrum signa quædam dentur ex corpore cogitantium illis sensibilia, nos autem latentia, an alia vi & ea spiritali ista cognoscant, aut difficile potest ab hominibus, aut omnino non potest inveniri." Sic lib. II. c. 26. *de Civitate Dei* & alibi passim dicit, dæmones agitare mentes nequissimas & instare faciendis adulteriis &c.

*T VII pag 56.*

Quomodo  
phantasiam  
& passiones  
moveant.

*Post opera  
S. Iustini  
M. p. 305.  
Edit. S.  
Maur.*

XXVIII. Quoniam vero plerique veteres Patres dæmonibus corpora quædam subtilissima tribuebant, aerea potissimum, aut ætherea, nulla adeo premebantur difficultate explicandi, quomodo phantasiam moveant humanam dæmones, indeque in animam fiat impressio, quod operæ pretium est altius repetere. S. ATHENAGORAS in legat. pro Christianis, animam tum maxime pati a ratione alienos & phantasticos motus, cum materiæ spiritum sibi adsciscit, eique commiscetur, postquam assuerisset n. 27. „Illæ igitur (addit) a ratione alienæ & phantasticæ animi motiones visa pariunt simulacrorum insanix congruentia. Quando autem tenera & flexilis anima, ac robustioris doctrinæ ieiuna & inexperta, & veritatis contemplandæ ac Patris & opificis universorum considerandi insolens, impressa & iniusta fuerit falsis de se opinionibus; tum dæmones, qui circa materiam versantur, & nidores ac victimarum sanguinem liguriunt, hominesque in fraudem inducunt, adhibitis in auxilium hisce motibus, qui vulgi animos ad falsas opiniones inclinant, perficiunt eorum mentes invadendo, ut tanquam ex statuis & simulacris, visa ad eos inania effluant.“

*Lib. II. Stro-  
mat. p. 298.*

Editor in adiecta nota analogam inter alia etiam TERTULLIANI ex hoc ATHENAGORÆ loco expressam hanc affert sententiam ex cap. 22. *Apologet.* „Eadem igitur obscuritate contagionis aspiratio dæmonum & angelorum, mentis quoque corruptelas agit furoribus, & amentis scedis, ac sævis libidinibus &c.“ CLEMENS *Alexandrinus* vero subtilius, & ut ita dicam, spiritualius rem expendit, nos contra dæmones iuxta apostolum armans animansque his verbis: „Oportet ergo nos Dei induere armaturam ad hoc, ut possimus resistere insidiis diaboli: quoniam arma militiæ nostræ non sunt carnalia, sed Deo potentia (*δυνατὰ τῷ Θεῷ*) ad destructionem munitionum cogitationes destruentes & omnem altitudinem se extollentem adversus Dei cognitionem, & captivantes omnem intellectum ad obediendum fidei, ait divinus apostolus. Viro utique opus est, qui admirabiliter & inconfuse iis rebus sit usus, a quibus proficiuntur animi perturbationes, quemadmodum divitiis paupertate, gloria & ignominia, sanitate & morbo, vita & morte, labore & voluptate. Ut enim indif-

indifferenter utamur differentibus, magna nobis opus est differentia, ut qui multa imbecillitate prius male affecti simus, & in mala educatione & institutione prius versati cum ignoratione. Simplex ergo ratio nostræ philosophiæ dicit, omnes animi perturbationes & vitia esse impressiones molles & cedentis animæ, & veluti obsignationes potestatum spiritualium, adversus quas nobis est colluctatio. Maleficarum enim, ut puto, potestatum est opus proprii habitus aliquid conari, sigillatim operari, ut nos, qui eas abrenunciavimus, in certamine superent, & suos efficiant. Est ergo iure consequens, ut aliqui quidem in lucta prosternantur. Quicumque autem certamen magis athleticè aggrediuntur, omni contentione decertantes ad coronam usque perveniunt: prædictæ autem potestates in multo sudore & cruore tunc deficiunt, victores admirantes." Postquam vero explicasset bruta animantia ex appetitione & visione moveri „Ratiocinandi autem (pergit) potestas, quæ est propria humanæ animæ, non debet similiter impelli, atque animantia ratione carentia, sed visa quæ impellunt discernere, & non ab eis seduci. Hæ ergo, de quibus diximus, potestates pulchritudines & glorias, & adulteria & voluptates, & tales eiusmodi inescantes visiones iis, quæ facile seduci possunt, animabus protendant, quemadmodum qui pecora abigunt, eis frondes porrigunt." Nihil hoc aliud est, quam animalis homo, quem D. PAULUS spirituali opponit. Paulo ante autem ex ORIGENE usi sumus exemplo appetitus edendi, bibendi, libidinis &c. Recte porro is arbitratus „quod eadem rationis consequentia etiam in cæteris naturalibus motibus possit intelligi cupiditatis vel iræ, vel tristitiæ, vel in omnibus omnino, quæ per intemperantiæ vitium modum mensuræ naturalis excedunt" sic demum concludit: „Cum vero indulserimus ultra quam satis est, & non restiterimus adversus primos intemperantiæ motus, tunc primi huius delicti accipiens locum virtus inimica instigat, & perurget omnibus modis studens profusius dilatare peccata, & quidem nobis hominibus occasiones & initia præbentibus peccatorum, inimicis autem potestatibus latius ea & longius, & si fieri potest, absque ullo fine propagantibus. Ita denique in avaritiam lapsus efficitur, cum homines parum quid pecuniæ desiderant, deinde augescente vitio cupiditas increscit. Post hoc iam etiam cæcitas mentis ex passione successerit, inimicis virtutibus suggerentibus ac perurgentibus pecunia iam non desideratur, & vi aut etiam sanguinis humani profusione conquiritur. Ad certio rem denique rei fidem, quod immensitates istæ vitiorum a dæmonibus veniant, contemplari etiam ex eo facile potest, quod nihil minus his, qui corporaliter vexantur a dæmonibus, etiam illi patiuntur, qui vel immoderatis amoribus, vel iræ intemperantia, vel nimietate



mietate tristitiæ perurgentur. Nam & in nonnullis historiis refertur, quod in insaniam quidam ex amore deciderunt, alii ex iracundia, nonnulli ex tristitia, vel nimio gaudio: quod arbitror ex eo accidere, quia contrariæ istæ virtutes, id est dæmones, loco sibi in eorum mentibus dato, quem intemperantia prius patefecerit, sensum eorum penitus obsederint: maxime cum nulla eos ad resistendum virtutis gloria concitaverit.“ a)

Atque ad  
vitia incli-  
nant.

T. II. pag.  
163.

XXIX. Sic quidem principiis obstare discimus, tumque prima illa corruptionis nostræ suffocare in ipsa radice semina, atque continuo contra hostem in acie stare. „Nam magnum (ut nos monet S. BASILIUS Hom. XXI. quod rebus mundanis non sit inhærendum) ac varium bellum nobis, dilectissimi, quotidie infert hostis veritatis. Infert autem, uti scitis, dum cupiditates nostras iacula adversum nos efficit, semperque vires a nobis ad nos lædendum mutuatur. Quoniam enim magnam potentiae illius partem indissolubilibus legibus Dominus colligavit, nec sivit ipsum impetu suo humanum genus e terra simul delere, iam invidus ille per nostram insipientiam a nobis furtim reportat victoriam. Et quemadmodum improbi homines atque avari, quorum opera ac propositum est ex alienis ditescere, sed quibus non suppetit potentia, ut violentiam apertam exercent, vias insidiosè occupare solent, & si viderint in eis locum quempiam aut vallibus profundis diffractum, aut arborum densitate umbrosum eo recipientes se & longe ante eiusmodi tegumentis, quominus viatores prævideant, impediunt, confertim & ex improvviso in illos insiliunt, ne quisquam periculi laqueos, priusquam in illos inciderit, possit videre: sic ille, qui nobis ab initio infensus est & hostis, voluptatum mundanarum umbras subiens, quæ in huius vitæ via ad occultandum prædonem & ad dandas insidiatori latebras idoneæ esse solent, ex inopinato interius laqueos nobis subiicit. Itaque si modo velimus substratam vitæ viam tuto percurrere, atque animam simul & corpus vulnerum turpitudine immunia offerre Christo, coronasque ob victoriam accipere, oportet nos animi oculos semper undecumque vigilantes circumagere, & res omnes iucundas habere suspectas, ac statim præterire, & ad nullam animum appellere, ne si aurum quidem videatur fuscè sparsum, quod in cupientium manus venire paratum sit.“

S. AM-

a) Idem Homil. XV. in IOSUE singulis vitiis suum præficit dæmonem. Qua in re etiam suos habuit sectatores: inter alios EVAGRIUM *Seitenfem* monachum. Vid. T. VII. *Bibl. PP.* p. 564. seqq. CASSIANUS

*Collat.* XXV. c. 5. Magister Sentent. II. dist. 6. ubi septem distinguit, ut nonnulli interpretes accipiunt septem dæmonia eiecta a MARIA.

S. AMBROSIIUS eo Pf. CXVIII. versum 121. *Feci iudicium & iustitiam: ne tradas me nocentibus me*, interpretatur: „Scit enim (inquit n. 12. seq.) auctorem esse principem mundi omnium delictorum. Ipse individuos, proximorum irarum stimulis excitatos, scindit affectus: ipse flammam accendit libidinis: ipse adolet avaritiæ cupiditates; ut quo plus rapuerimus, amplius requiramus: ipse suggerit, & ministrat fomenta luxuriæ: ipse odia exasperat, & immodicæ studium ambitionis inflamat. . . Auctorem igitur incontinentiæ diabolum esse, apostolus docet: *Ne tentet vos propter incontinentiam vestram*. Incentorem quoque avaritiæ ipsum esse legimus, dicente PAULO: *Qui volunt divites fieri incidunt in tentationem, & in laqueum diaboli*. Et alibi: *Mortificate ergo membra vestra, quæ sunt super terram, fornicationem, immunditiam, libidinem, concupiscentiam malam, & avaritiam, quæ est idololatria*. In his enim diaboli voluntatem facimus, & exsequimur potestatem, qui per carnis istius desideria incentivum suæ fraudis operatur. Quemcumque ergo in vitiorum suorum possessione repperit, tamquam obnoxium suo iuri vindicat &c.“ S. CHRYSOSTOMUS hom. XIII. in MATTHÆUM in Christi tentatione per diabolum præcipua diabolicarum tentationum capita distinguit: „Nam (inquit) *T.VII. pag. 172.* hæc mala, innumera alia complectuntur, ventri servire, ad vanam gloriam quid agere, furioso pecuniarum amore teneri. Quod cum sciret scelertus ille, omnibus valentorem insanabilem habendi cupiditatem ultimam posuit; id iam ante & a principio parturiens; sed postremum servans, utpote validius cæteris. Hæc quippe ipsius certaminis lex est, ut quæ videntur ad supplantandum aptiora, postrema afferat. Quod etiam circa IOBUM fecit. Idcirco hic orsus ab iis, quæ videbantur infirmiora esse, ad valentius procedit. Quomodo autem hoc malum vincere oportet? Ut Christus docuit, ad Deum confugiendo: ita ut nec fame concidamus, credentes ei, qui potest etiam verbo pascere; nec in bonis, quæ accepimus, datorem tentemus, sed superna gloria contenti humanæ nullam habeamus rationem, & ubique quod superfluum est, despiciamus. Nihil enim ita diabolo subditum reddit, ut insatiabilis habendi cupiditas, & avaritia.“ Hom. IV. in c. I. *Genes.* breviter recenset tela ignita diaboli, ut PAULUS *Ephes.* VI. vocat, quæ pleraque tantum a Christi sanctitate remota fuere, ut nec obiici a diabolo potuerint „malæ concupiscentiæ, immundæ cogitationes, perniciosi affectus, furor, invidentia, invidia, ira, odium, pecuniæ concupiscentia, & cætera omnis ignavia. Hæc (pergit) omnia extinguere poterit gladius Spiritus. His autem armis induti ne horreamus pugnam, ne fugiamus congressum; sed neque ignavi simus.“ Sic iuxta S. AUGUSTINUM facile demones vincuntur in hoc bello ab iis, qui sunt suipsorum victores: „Non  
I  
enim

T. IV. p. 20.



*Enarrat. in psal. 143. T. IV. p. 1601.* enim (inquit) tentat diabolus vel angeli eius, nisi quod in te carnale dominatur. Nam quomodo vincimus illos hostes, quos non videmus, nisi quia carnales interiores motus nostros sentimus? Cum his configimus, & illos percutimus. In amore pecuniæ dominatur avaritia: dominantem tibi avaritiæ diabolus forinfecus lucrum cum fraude proponit. Plerumque enim ad lucrum non pervenis, nisi fraudem feceris. Proponit ergo ille forinfecus avaritiæ tuæ, quam intus non vicisti, quam non domuisti, non tibi

*T. VI. pag. 246.* subiecisti &c. Et in lib. *de agone christiano*, „Multi autem (inquit) dicunt, quomodo possumus vincere diabolum, quem non videmus? Sed habemus magistrum, qui nobis demonstrare dignatus est, quomodo invisibiles hostes vincantur. De illo enim dicit apostolus: *Exuens se carne principatus & potestates exemplavit, fiducialiter triumphans eos in semetipso*. Ibi ergo vincuntur inimicæ nobis invisibiles potestates, ubi vincuntur invisibiles cupiditates: & ideo quia in nobis ipsis vincimus temporalium rerum cupiditates, necesse est, ut in nobis ipsis vincamus & illum, qui per ipsas cupiditates regnat in homine. Quando enim dictum est diabolo, *Terram manducabis*: dictum est peccatori, *Terra es, & in terram ibis*. Datus est ergo in cibum diabolo peccator. Non simus terra, si nolumus manducari a serpente. Sicut enim quod manducamus, in nostrum corpus convertimus, ut cibus ipse secundum corpus hoc efficiatur, quod nos sumus; sic malis moribus per nequitiam & superbiam & impietatem hoc efficitur quisque, quod diabolus, id est, similis eius; & subiicitur ei, sicut subiectum est nobis corpus nostrum. Et hoc est quod dicitur, manducari a serpente. Quisquis itaque timet illum ignem, qui paratus est diabolo & angelis eius, det operam triumphare de illo in semetipso. Eos enim, qui foris non oppugnant, intus vincimus, vincendo concupiscentias, per quas nobis dominantur. Et quos invenerint sui similes, secum ad poenas trahunt.“

*T. II. pag. 184. Hom. III. n. 6. ad pop. Ant. T. II. pag. 44.* Idem in epistola LXXVIII. ad clerum & plebem ecclesiæ *Hipponensis* id singulariter vitium maligno tribuit, a quo diabolus seu calumniator dicitur, detractiones nimirum, quas S. IOANNES *Chrysof.* appellat *totum diaboli barathrum, & insidiarum eius latibulum*. S. AUGUSTINUS autem loco citato sic hortatur: „Proinde fratres mei, qui timetis Deum, memento, quod ait apostolus PETRUS: *Quoniam adversarius vester diabolus tanquam leo rugiens circuit quærens, quem devoret*. Quem non potest devorare seductum ad nequitiam, famam ipsius inquinare conatur, ut si fieri potest, opprobriis hominum & malarum linguarum detractione deficiat, & sic in eius fauces ruat. Si autem nec famam innocentis maculare potuerit, hoc ei persuadere tentat, ut per malevolas suspiciones de fratre suo iudicet, &

fic

sic ab illo implicatus aborbeatur. Et quis omnes eius captiones & circumventiones vel comprehendere vel enumerare sufficiat? "

Nullam SS. Patres prætermittunt occasionem, ut fideles ad ductum S. scripturæ commonefaciant insidiarum diabolicarum: atque in memoriam etiam revocant, quid nobiscum ante baptismum actum sit, cum exorcizaremur, renunciaremusque diabolo, ut alibi attigimus; faciuntque huc potissimum homiliæ ad illuminatos, aut illuminandos, quas inter tota fere in hoc argumento est secunda id genus S. CHRYSOSTOMI in nova *T. II. pag. 234.* editione, quæ olim erat vicesima prima ad populum *Antiochenum*, cui iugem memoriam sæpius inculcat sic demum concludens: „Sicut sine calceamentis, vel vestimentis vestrum nemo in forum descendere vellet: ita sine verbo hoc nunquam in forum prædeas, sed cum es ianuæ vestigia transgressurus, hoc prius loquere verbum: *Abrenuntio tibi satana & pompæ tuæ, & cultui tuo, & coniungor tibi Christe.* Ne unquam absque hac voce exeas: hæc erit tibi baculus, hæc armatura, hæc turris inexpugnabilis.“ Iam supra serio monentem audivimus fideles S. LEONEM, *Ser. XXVII.* „ne diabolicis iterum capiantur insidiis, & eisdem rursus, quibus renuntiaverant erroribus, implicentur. Non enim desinit hostis antiquus transfigurans se in angelum lucis, deceptionum laqueos ubique prætere, & ut aliquo modo fidem credentium corrumpat, instare. Novit, cui adhibeat æstus cupiditatis, cui illecebras gulæ ingerat, cui apponat incitamenta luxuriæ, cui infundat virus invidiæ. Novit, quem mœrore conturbet, quem gaudio fallat, quem metu opprimat, quem admiratione seducat. Omnium discutit consuetudines, ventilat curas, scrutatur affectus: & ibi causas quærit nocendi, ubi quemque viderit studiosius occupari.“

Qua vero de causa dæmones potissimum immundi appellentur spiritus, vocat autem dæmon ipse apud S. HIERONYMUM in vita S. HILARIONIS *T. IV. p. 84.* dæmonem amoris *collegam suum*, multæ apud veteres memorantur præstigiæ eiusmodi, de quibus subinde recurret sermo. Legique potest S. GREGORII M. dial. lib. III. caput 7. Sic vero iuxta S. GREGORIUM in *T. I. p. 1094.* cap XL. *Iob* lib. XXXIII. n. 31. in eo, quod agere nititur ex ipso suarum actionum nomine vocatur, cum iumentum, draco vel avis dicitur, „In eis quippe, quos ad stultitiam luxuriæ excitat, iumentum est; in eis, quos ad nocendi malitiam inflamat, draco est: in eis autem, quos in fastum superbiæ quasi alta sapientes elevat, avis est: in illis vero quos pariter in luxuria & superbia & malitia polluit, iumentum, draco, simul & avis existit. Per tot namque ad deceptorum cor se species intulit, in quot eos nequitias implicavit. Multarum igitur rerum nomine vocatur,



pag. 1080.

quia ante deceptorum mentes in varias formarum species vertitur. Cum enim hunc per carnis luxuriam tentat, & tamen minime superat, mutata suggestionem cor illius in malitiam inflammat. Quia ergo ad eum venire bellua non valuit, draco venit. Illum veneno malitiæ corumpere non valet, sed tamen bona sua eius oculis opponit, & cor illius in superbiam extollit. Huic ergo ut draco subrepere non valuit, sed tamen adducto phantasmate inanis gloriæ, coram cogitationis eius obtutibus quasi avis volavit. Quæ nimirum avis tanto contra nos immanius extollitur, quanto nulla naturæ suæ infirmitate præpeditur. Quia enim carnis morte non premitur, & redemptorem nostrum carne mortalem vidit, altiori fastu elationis intumuit; sed ubi contra auctorem suum penna se superbiæ extulit, ibi laqueum suæ mortis invenit.“ Hucusque S. GREGORIUS, qui paullo superius in idem cap. XL. v. 16. ad duo illa vitia dæmonis in genus humanum tyrannidem redegit, „quæ (inquit) humano generi immaniter dominantur: unum videlicet spiritus, atque aliud carnis. Elatio namque spiritum erigit, luxuria carnem corrumpit. Antiquus itaque hostis humanum genus vel per elationem præcipue, vel per luxuriam premens in secreto calami atque in locis humentibus dormit: quia hominem damnatum, sub ditione suæ dominationis aut per elationem spiritus, aut per carnis corruptionem tenet. Quosdam vero in utroque possidet: quia cum eos superbiæ spiritus elevat, a tumore suæ altitudinis nec verecundia corruptionis inclinat. Sed nunquid contra hos intra sanctam ecclesiam incessanter quotidie virtutum magistri non vigilant? Numquid redarguere voluptates infimas, & suadere gaudia patriæ cœlestis cessant? Sed pravorum mentes tanto obstinatius summa non audiunt, quanto arctius infimis inhæserunt. Quibus neque hoc sufficit, ut ipsi pereant, sed adhuc, quod est deterius, cum quoslibet argui emendarique conspiciunt, iustorum increpationibus obviant, ne saltem alii corrigantur. Unde & bene subditur: *Protegunt umbræ umbram eius*. Umbræ quippe sunt diaboli omnes iniqui: qui dum imitationi iniquitatis eius inserviunt, quasi ab eius corpore imaginis speciem trahunt.“

Et a bono  
ad malum.

XXX. Post hæc vero adversarii nostri molimina, ut homines in omnia vitiorum mala præcipitet, hætenus enumerata, nihil opus est hic addere de eorum conatibus summis, ut bona quavis impediunt ratione. Unum nobis ex scripturis PETRI exemplum sufficit, quem instigatum a dæmone Christus indicat, eum satanam appellans, dum a subeunda passione Christum dehortari gravius etiam non dubitat: *Cœpit increpare illum di-*

*Matth. 16, cens: Absit a te, Domine: non erit tibi hoc. Qui conversus dixit PETRO: Vade*

*Vade post me satana, scandalum es mihi: quia non sapis ea, quæ Dei sunt, sed ea quæ hominum.* Vix ob confessionem Divinitatis audierat PETRUS: *Beatus es SIMON Bar-Iona, quia caro & sanguis non revelavit tibi, sed Pater meus, qui in cælis est,* iam satan appellatur, dum ea, quæ sunt hominum, sapit. Ex sententia quippe S. AUGUSTINI totus homo satan est, in eo, quod habet de suo: unde quilibet sibi diffidat, caveatque, ne eodem, quo PETRUS ductus spiritu, quidquam eorum quoquo modo negligendum ducat, quo Christus opera diaboli dissolvit: *In hoc enim 1. Io. III. 8. apparuit filius Dei, ut dissolvat opera diaboli.* Palam vero est exemplo PETRI, quam facilis sit de uno in aliud lapsus eorum etiam, quos Christus a diaboli servitute ereptos, in suum adscivit contubernium. „Quando enim vir (inquit S. CHRYSOSTOMUS in hunc locum *Matth. hom. LIV. al. LV.*) qui beatus appellatus est, qui talem protulit confessionem, hoc tamen audit; in animo reputa, quanta passuri sint ii, qui post ista mysterium crucis vilipendunt. Non dixit, Satan per te locutus est; sed *Vade post me satana.* Nam cupiebat adversarius, ut Christus non pateretur: ideo sic vehementer increpavit, quod maxime sciret, & illum & alios hoc ipsum timere, neque facile illud admittere.“

T. VII pag.  
550.

Ex hoc porro exemplo palam fit, non malos tantum esse ac vitiosos, qui a dæmonibus divexentur, infestenturque, sed, ut ostendimus, vires suas, ubi id plus opus esse deprehendit, magis etiam in eos exerit, atque exercet, quos strenuos experitur pugiles. ELIAS *Cretensis* sæc. VIII. scriptor ac commentator in S. GREG. Naz. dæmones exactores vocat „a quibus ii, qui recte & ex veritate vivere student, urgentur ac divexantur: Nam isti ab unoquoque nostrum vitii studium propemodum exigunt, mentisque ad vitiosas affectiones propensionem tanquam tributum quoddam colligunt. At qui adversus carnis cupiditates insurgunt, ac forti & strenuo animo detrimentum illud, quod ex peccato contrahitur, repellunt, & spiritualia nequitiae superant, exactoris voce sublimiores sunt.“ Supra audivimus a S. BERNARDO diabolum leonem iuxta S. PETRUM appellari, a piis non timendum: ex quo nunc ad rei testiumque conclusionem illud adhuc noto, quod paullo ante ad illa psalmi verba: *Qui habitat: super aspidem & basiliscum ambulabis & conculcabis leonem & draconem* commentatur: „Quid inter hæc (inquit) faceret pes humanus? Quid humanæ affectionis inter tam horribilia monstra constaret? Nempe nequitiae spirituales sunt, & quidem non incongruis appellationibus designatæ. Siquidem de his dictum, quod nequaquam vobis excidisse reor: Quis vero scire potest, an divisæ sint inter eos operationes malitiæ, ministeria iniquitatis: ut ex diversis officiis, vel potius maleficiis vocabula quoque diversa sortiti, nomi-

In Orat. I.  
T. II. p. 102.

T. III. pag.



T. III. pag.  
865.

minentur alius quidem aspis, alius vero basiliscus, alius autem leo, & alius draco, quod videlicet suo quidem invisibili modo varie noceant, quasi alius morfu, alius visu, alius rugitu, vel ictu, alius flatu: Legi etiam de quodam genere dæmoniorum, quod non eiiciatur nisi in oratione & ieiunio: nihil potuerat namque verbum apostolicæ increpationis ad illud. Quomodo non illud aspis erat: illa utique de psalmo aspis surda & obturans aures suas, ne vocem audiat incantantis."

Variis modis corpora-  
liter infesta-  
ti homines.  
Lib. II. stro-  
mat. p. 299.

XXXI. Nimis crasse hæc acceperunt BASILIDIS sectatores: „vitæque & animi perturbationes (teste CLEMENTE *Alexand.*) censuerunt vocanda *προσαρτήματα*, id est, appendices: & ea esse quosdam in essentia spiritus appensos animæ ratione præditæ per quandam conturbationem & confusionem principalem: & alias rursus spirituum adulterinas, & diversi generis naturas iis adnasci, utpote lupi, simiæ, leonis, ursi: quorum proprietates earum opera factaque imitantur &c." Affert paullo post sequentia de his appendicibus VALENTINI verba: „Est autem unus bonus, cuius fiducia est ea, quæ fit per filium manifestatio, & per eum solum potest cor fieri mundum, eiectione ex corde omni maligno spiritu. Multi enim in eo habitantes spiritus id mundum esse non sinunt. Unusquisque autem eorum propria efficit opera, sæpe non convenientibus insultans cupiditatibus." Ipsi autem CLEMENTI *Alexandrino* cor hominis non ab simile diversorio videtur: „cuius dum nulla cura geritur, id immundum fit, & multorum dæmonum habitaculum." Et postea S. BARNABÆ usus auctoritate „Quomodo autem (addit) nos diaboli operationes & spiritus immundos in peccatoris animam seminare dicamus, non mihi pluribus verbis opus est, si adduxero testem BARNABAM apostolicum (erat autem is ex septuaginta, & PAULI adiutor) his verbis dicentem: *Antequam nos Deo crederemus, erat nostrum cordis habitaculum interitui obnoxium & imbecillum, vere templum manu adificatum: quia erat quidem plenum cultu idolorum, & erat domus dæmonum, quod faceret, quacunque Deo sunt contraria.* Operationes ergo dæmonibus convenientes dicit peccatores efficere: non autem ipsos spiritus habitare in anima infideli. Et ideo subiungit: *Attendite ut templum Domini gloriose adificetur. Discite vos accepisse remissionem peccatorum. & postquam speravimus in illud nomen, efficiamur rursus novi, creati ab initio. Non enim dæmones a nobis expelluntur, sed peccata, inquit, remittuntur, quæ similiter atque illi faciebamus, priusquam crederemus.*" Hucusque CLEMENS *Alexandr.* adducam autem citatum ex S. BARNABÆ epistola locum, qui ad rem facit, ut de interpretatione iudicare possit lector: „Antequam crederemus Deo,

ib. p. 300.

T. I. PP.  
AA. p. 65.

Deo, erat habitatio nostra corrupta & infirma, sicut templum, quod per manus ædificatur: quia pleni eramus adorationibus idolorum, & erat domus dæmoniorum; propter quod faceremus, quæ Deo essent contraria." BENEDICTUS XIV. annotavit, ex allato forsitan S. BARNABÆ aliisque consimilibus aliorum SS. Patrum testimoniis, in primitiva ecclesia obsessos dici solitos infantes, & etiam adultos nondum baptizatos. Supra retulimus quædam vetustissimorum Patrum loca, quæ, TERTULLIANI imprimis verba in libro *de anima* c. 57. nullum pæne hominem carere dæmonio, non de solis infidelibus nondum baptizatis intelligenda sunt.

*De Beatif.  
& Canoniz.  
SS. lib. IV.  
c. 19. in Synopsi p. 412.*

Erat autem peculiare inde ab antiquissimis temporibus a catechumenis discretum genus, ac ritus circa energumenos, locusque in ecclesia distinctus. Iuxta liturgiam constitutionibus apostolicis insertam catechumenis exire iussis diaconus dicere iubetur: *Orate energumeni & vexati a spiritibus immundis. Intente cuncti pro ipsis deprecemur; ut benignus Deus per Christum increpet immundos ac malos spiritus, & liberet supplices suos ab oppressione ac tyrannide adversarii: qui increpavit legionem dæmonum, & originem mali diabolum; increpet ipse nunc quoque apostatas pietatis, & liberet creaturas suas a diaboli vexatione, & mundet eas, quas magna cum sapientia condidit. Adhuc intente pro ipsis precemur. Salva & erige illos Deus, in virtute tua. Inclinate energumeni, atque benedictionem accipite.* Et episcopus deprecetur dicens. Sequitur cap. 7. Oratio pro energumenis hoc exordio: *Qui fortem ligasti, & cuncta vasa eius diripuisti: qui dedisti nobis potestatem calcandi supra serpentes & scorpiones, & super omnem virtutem inimici: qui homicidam serpentem, vinctum tradidisti nobis sicut passerem pueris &c.*

*Lib. VIII. c.  
6. seq. T. I.  
pp. AA. p.  
394.*

*Matth. 12.  
29. Luc. 10.  
19.  
Iob 40, 24.*

Tum mox capite sequenti post orationem pro iis, qui iamiam baptizandi sunt, pro versantibus in pœnitentia sic orari iubetur: *Ut misericordiæ studiosus Deus illis ostendat viam pœnitentiæ: admittat eorum palinodiam seu retractationem, atque confessionem, & conterat satanam sub pedibus eorum velociter, liberetque illos a laqueo diaboli, & violentia dæmonum.* GABRIEL ALBASPINÆUS in opere Gallico *de Eucharistia* multis ex DIONYSIO probat, vocem energumeni olim ampliori significato acceptam esse, non solum de obsessis, quos proprie appellamus, sed etiam de aliis, qui quoquo modo in diaboli potestate erant peccatores, vexatique a dæmonibus a), quos etiam exorcizaverint.

*L. I. c. 15.*

Multa

a) „A sçavoir, qu'ils estimoient anciennement, que les pecheurs estoient comme es la puissance du diable; que de mon-

trer qu'ils ufoient d'exorcismes non seulement sur ceux, qui estoient veritablement demoniaques, mais encore sur ceux,



Multa ad rem profert abbas DUGUET dissertat. *sur les Exorcismes*, ut demonstret, exorcismos forte ante baptismum in articulo necessitatis omissos, non esse negligendos, nec abs re suppleri. Rem vero apte O. T. I. p. 144. RIGENES explicat lib. III. de *Principiis* c. 3. etsi vocem, *energumenus*, stricto accipiat sensu: „Manifeste ergo (inquit) & ex multis indiciis demonstratur, quod humana anima, dum in hoc est corpore, recipere potest diversas energias, id est, inoperationes spirituum diversorum malorum ac bonorum: & malorum quidem duplici specie, id est, vel tunc cum penitus ex integro eorum possederint mentem, ita ut nihil omnino eos, quos obsederint, intelligere vel sentire permittant, sicut exemplo sunt hi, quos vulgo energumenos vocant, quos amentes & insanos videmus: quales illi erant, qui in evangelio a Salvatore curati esse referuntur; vel cum sentientem quidem, & intelligentem animum cogitationibus variis, & sinistris persuasionibus inimica suggestionem depravant: ut exemplo est IUDAS ad prodicionis facinus diaboli immisione provocatus, sicut scriptura declarat, dicens: *Cum autem iam diabolus misisset in cor Iudæ Scariotis, ut traderet eum.*“ Atqui hic non scripturæ tantum, sed etiam antiquorum SS. Patrum familiaris est sermo paulatim desuetus, cum ipsa propemodum persuasionem de pessimi hostis nostri infestationibus: ac si nihil fere mali timendum esset, quod nobis inferre queat.

*Essai de  
Moral.* T. XII. p. 183.

Inadvertentiam hanc ac incredulitatem graviter incessit lugetque NICOLLIIUS in epistolam Domin. III. post Pentecosten, locum illum D. PETRI tractans: *Sobrii estote & vigilate, quia adversarius vester diabolus tanquam leo*

qui estoient tourmentez du diable en quelque autre façon. Car il y a apparence, que si ce mot d'Exorcisme signifioit autre chose en ces premiers siècles, que les conjurations qu'on applique aujourd'hui sur les vrais demoniaques, & que s'il se trouve qu'ils en ayant usé sur des personnes, qui n'estoient pas veritablement & actuellement possédez du diable, que ce mot aussi d'Energumene avoit une signification plus estendue, qu'il n'a aujourd'hui. Les exorcismes donc ne signifient maintenant que les conjurations, & que les commandemens qu'on fait aux malins esprits de sortir des corps de ceux, qui veritablement & actuellement sont possédez. Mais anciennement les oraisons & les impositions de mains qu'on faisoit sur

les Catechumenes & sur les penitens du troisieme degré, s'appelloient exorcismes & purgations, & se trouve qu'on les exorcisoit, encore qu'ils ne fussent aucunement demoniaques. Et de fait aujourd'hui, quoy que la signification de ce mot soit reduite aux conjurations, l'usage toutefois en est plus estendu: & tout ainsi qu'anciennement on exorcisoit beaucoup des choses inanimées, de meme a present on exorcise non seulement les demoniaques, mais aussi l'eau, le sel, & les autres choses, qui servent ou aux Sacramens, ou aux ceremonies: car nous avons accoustumé de dire au baptême, *Retire-toy, diable mandit, de cette creature de sel, ou d'eau.*“

leo rugiens circuit, quarens quem devoret. a) Io. Ioseph. GASSNER, quem a nunc in nostra Germania pars miratur, pars exagitat, ceu ritus singularis exorcistam, quadam apologia sua, quæ Augustæ Vindel. tertio iam pro-<sup>Essai de Moral. T. XII. p. 183.</sup> diit, illud MURATORII expendens dubium, quod infestati obsessique a dæmonibus in illis regionibus solum se prodant, ubi exorcistæ habentur, eius rei rationem hanc reddit, b) quod eiusmodi originem mali b non animadvertentes, naturali tribuant causæ. Postea quæstionem movens, an Satan eos, qui eius vexationes haud credunt, minus infestet, fieri putat, eiusmodi homines, quod apprime scopo suo utiles sint, corporaliter minus vexari, ut sua persistant in persuasionem, exorcismosque ecclesiæ irridere pergant, eorum vim impugnando, quæ sese exerit, auxiliumque præbet non solum contra obsessos a dæmonibus vere tales, sed aliis etiam infestatos modis sive in anima, sive in corpore: quod posterius vexationis genus recentior theologia circumfessionem, ut ab omnimoda obsessione distinguatur, vocat, iis congruenter, quæ modo ex antiqua ecclesiæ traditione de variis dæmoniacis infestationibus explicare cepimus, de arreptitiis iam profecuturi sermonem, quas Concilium Toletanum XI. ex epistola GELASII P. ad episcopos Lucania c. 21. aliisque maiorum regulis

a) „Il n'y a guere de choses plus terribles, & dont cependant les hommes soient moins frappés, que celle que l'apôtre Saint PIERRE nous decouvre par ces paroles, qui est, que tout le monde est rempli de lions invisibles, qui rodent alentour de nous, & qui ne cherchent qu'à nous devorer. Les hommes sont si vains dans leur aveuglement, qu'ils se font un honneur de ne les pas craindre, & presque de ne les pas croire. C'est une foiblesse d'esprit, selon plusieurs, d'attribuer aux démons quelque effet; comme s'ils étoient dans le monde pour n'y rien faire, & qu'il y eût quelque apparence que Dieu les aiant autrefois laissé agir, il les ait maintenant, réduits à une entière impuissance. Mais cette incredulité est beaucoup plus supportable, quand il ne s'agit que d'effets extérieurs. Le plus grand mal est, qu'il y a peu de personnes, qui croient sérieusement que le diable les tente, leur dresse des pièges, & rode alentour d'eux pour les perdre, quoiqu'il n'y ait rien de plus certain.“ Idem in epistolam dominicæ XXI. post Pentecosten sic scribit:

„Hors un petit nombre d'ames, qui y vivent de l'esprit de JESUS-CHRIST, les demons possèdent tous les autres. Ils y regnent absolument; & ils réunissent tout leurs efforts contre ce petit nombre d'hommes, qui sont encore vivans parmi ces cadavres, qui les environnent. & dont le demon se sert pour les séduire.“ *Essai de Moral. T. XIII. p. 190.*

b) *Antwort auf die Anmerkungen wider seine Gründe und Weise zu exorciren pag. 17. 18.* „Sehr viele Leute waren in der That vom bösen Geiste geplagt und bezaubert, aber sie erkannten den Ursprung ihres Uebels nicht. Sie sahen es als eine natürliche Wirkung an: darum hatten sie auch kein Verlangen bey einem Exorcisten, oder bey andern geistlichen Mitteln Hilfe zu suchen. Weil ihnen die Aerzte auch nicht helfen konten, oder ihnen die Mittel mangelten, die Kosten bestreiten zu können, trugen si gleichwohl ihre Armseeligkeit stillschweigend, oder aus Desperation, dass ihnen nicht geholfen werden könne.“



gulis attingit can. 13. „Ut dæmoniis, aliisque similibus passionibus irretitis ministeria sacra tractare non liceat: cui præcepto consensu rationis adhibito, id definiunt, ut nullus de his, qui aut in terram arrepti a dæmonibus eliduntur, aut quolibet modo vexationis incurfibus efferuntur, vel sacris audeant ministrare altaribus, vel indiscussi se divinis ingerant sacramentis: exceptis illis, qui variis corporum incommoditatibus dediti, in eiusmodi passionibus in terram approbantur elisi: qui tamen & ipsi tamdiu erunt ab officii sui & ordine & loco suspensi, quousque unius anni spacio per discretionem episcopi inveniantur ab incurfu dæmonum alieni.“

Et obfessi.

XXXII. Atqui vero maximæ hic nostris imprimis temporibus moventur difficultates, naturalibusque causis omnes illæ, quæ in energumenum corporibus sunt conspicuæ, tribuuntur agitationes corporis, ob quas & diversa illa nomina a *Græcis* ad *Latinos* etiam sunt translata, ut dicerentur energumeni, χειμαζόμενοι, quam vocem *Latini* *hiemantes* reddiderunt; hyberna quasi iactentur tempestate: recteque adeo dicuntur in latina versione altera concilii *Ancyran*i an. 314. can. 17. *qui tempestate iactantur, qui a nobis energumeni appellantur*. Ubi tamen unus ALBASPINEUS in not. ad 1474. hunc canonem energumenos excludit. Apud S. CYPRIANUM *Clydomeni* nominantur; putat autem DODWELLUS post *Io. FELLUM* vocem *Thlibomeni* loco *Clydomeni* reponi posse. Propius tamen ad MSS. fidem *Clydonizomeni* nempe κλυδωνιζόμενοι dicuntur, quæ quidem aliæque memoratæ voces rem ab effectu designant, vox autem *dæmoniacus* præcisius a causa: quæ cum toties in sac. scriptura manifestetur; sunt nihilo tamen minus, qui in illis etiam omnibus ab evangelistis commemoratis nihil nisi phreneticos, lunaticos, aliosque naturales somnient morbos, quos S. IOANNES *Chrysostronus* apposite exemplo *Matth.* VIII. stringit, quo dæmones in porcos permiffi intrare totum gregem præcipitarunt, submerferuntque aquis. „Ne quis (inquit) hoc rem esse fictam putaret, sed quisque crederet dæmonem vere exivisse, ex porcorum morte id manifestum efficitur.“

Idem S. Doctor hom. LVII. alias LVIII. in *MATTH.* exceptionem prævertit, quod, misere a dæmone discerptus, lunaticus vocetur: „Quodsi (inquit) lunaticum vocet, ne turberis: nam sic vocat filium dæmoniaci pater. Cur ergo dicit Evangelista, ipsum multos lunaticos curavisse? Ex vulgi opinione sic loquitur. Demum quippe ut hoc elementum calamnietur, secundum lunæ cursum invadit homines, & dimittit: non quod illa id operetur, absit; sed id efficit per vafritiem dæmon, ut id elemento imputet. Ideoque hæc falsa opinio apud insipientes invaluit, sicque

T.VII. pag. 579.  
Hom.  
XXVIII. in  
Matth. T.  
VII. p. 338.

ficque delusi, hoc nomine dæmonas huiusmodi appellant; id quod minime verum est." Memini me hanc vocem alibi in ipso S. CHRYSOSTOMO ex vulgari nempe loquendi usu legisse: quam haud absimiliter iam ante S. CHRYSOSTOMUM S. HILARION apud S. HIERONYMUM in eius vita rationem inierat: „Nec movere quempiam debere, quod Domini iussione duo millia porcorum a dæmonibus interfecta sunt. Siquidem eos, qui viderant, non potuisse aliter credere, exiisse de homine tantam multitudinem, nisi grandis porcorum numerus, & quasi a multis actus pariter corruisset." T. IV. p. 82.

Fraudibus tamen deceptionibusque hic locum facile esse, nemo prudens ac circumspectus inficiabitur. Unde merito concilio quinifexto „eos, qui se dæmone correptos esse simulant, & morum improbitate eorum figuram & habitum simulare præseferunt, visum est omnimodo puniri; & eiusmodi afflictionibus laboribusque eos subiici oportere, quibus ii, qui vere a dæmone correpti sunt, ut a dæmonis operatione liberentur, iure subiiciuntur." Necesse porro est, accurata statuere criteria, ut probe discernantur morbi causæque naturales, quibus perinde ipsi etiam male affecti decipi possunt. „Non sufficiunt autem hic (sunt *Frider. Hoffmanni* medici celeberrimi verba differt. physico-medica curiosa de *diaboli potentia in corpora*) solæ horrendæ vociferationes, gestuum deformationes, insolentes, atque admirandæ corporis motiones, quippe huiusmodi symptomata spasmodicis & arthriticis morbis valde sunt familiaria; sed suspicionem generant veneficii, si sanus & robustus homo, subito citra morbum præcedentem, gravissimis convulsionibus, membrorum mirificis agitationibus, doloribusque torquetur." Can. 60. T. VI. Conc. p. 1169. T. V. Opp. p. 101.

Ponit deinde signa quædam ac notas, quæ passim etiam a catholicis doctoribus agnoscuntur. Neque vero, quæ secundo loco statuitur nota, nempe blasphematio Dei & verbi divini abusus, & obscænarum rerum intermixtio per se characteristica est, sicuti tertia, seu rerum secretarum, & incognitarum, præsertim futurarum, vel remotissimis in locis gestarum notitia. Hanc passim SS. Patres dæmonibus tribuunt, explicantque, qua subtilitate velocitateque polleant, sese in intima etiam hominum insinuandi, & remotissima quæque prænuntiandi: „Quod (inquit S. ANTONIUS in laudata oratione ad monachos, ubi num. 16. &c. nonnulla exempla profert) etiam homines narrare possent, si tantum cursu valerent, quantum ipsi." Peregrinarum linguarum demum notitiæ exemplum singulare affert S. HIERONYMUS (in vita S. HILARIONIS) dæmoniaci ex *Francia inter Saxones & Alemannos* gente advenientis: qui *Syro*, quo interrogatus fuerat sermone, promte respondit. „Videas (addit) de ore barbaro,



barbaro, & qui *Francam* tantum & *Latinam* linguam noverat, *Syra* ad purum verba resonare, ut non stridor, non aspiratio non idioma aliquod  
*T.I. p. 145.* *Palestini* deesset eloquii: confessus est itaque, quo in eum intrasset ordine. Et ut interpretes eius intelligerent, qui *Græcam* tantum & *Latinam* linguam noverant, *Grace* quoque eum interrogavit.

Infantes.

XXXIII. Quid vero si ab ipsa infantia sit malum dæmoniacum cum morbo naturali coniunctum, veluti apud *Matth.* XVII. 14. lunaticus, *Marc.* IX. 20. & *Luc.* IX. 39. ab infantia a dæmonibus misere exagitatus memoratur. Teste ORIGENE lib. III. de *Princ.* c. 3. manifeste ostenditur ab adversariis spiritibus quosdam a prima statim ætate possessos, id est, nonnullos cum ipso dæmone natos, alios vero a puero divinaſſe, hystoriarum fides declarat. Alii a prima ætate dæmonem, quem *Pythone* nominant, id est, ventriloquum, passi sunt. Inepte ibi quidem ORIGENES eius rei causam ad suum trahit errorem, priores quasdam eisdem energumenis fuisse causas, quibus antequam in corpore nascerentur anima, aliquid contraxerint culpæ in sensibus vel motibus suis, statuens, noxæ originalis ex ADAMO immemor. At vero S. HIERONYMUS in epistola ad PAULAM de dormitione BLESILLÆ, quæ causa sit, ut sæpe bimuli, trimulive, & ubera materna lactantes a dæmonio corripiantur, inquirens, inscrutabilique altissimi iudicio relinguenda esse existimans, de renatis iam fonte baptismatis intelligendus est: unde iuxta S. AUGUSTINUM lib. XXI. de civit. Dei cap. 18. „Grave iugum super filios ADAM a die exitus de ventre matris eorum, usque in diem sepulturæ matrem omnium, usque adeo impleri est necesse; ut ipsi parvuli, per lavacrum regenerationis ab originali peccato, quo solo tenebantur vinculo, iam soluti multa patientes, nonnullas incursiones spirituum malignorum patiantur.“ Add. lib. XXII.

*T.VII. pag. 686.* c. 22. n. 3. S. PETRUS *Chrysologus* parentibus culpam imputans. „Infantia (inquit) ut in se diabolo locum faceret, quid criminis admiserat? quid reatus? Sed replentur dæmone parvuli, quando a parentibus suis offeruntur diabolo, dæmonum ducuntur ad curam.“ Apud S. GREGORIUM  
*Serm. LI. p. 81.* lib. I. *dial.* c. 10. legitur extinctus a diabolo infantulus, quod parens ei, episcopo suo detrahenti, libenter auscultaverit. Sic etiam puerulus dæmonio ab ELEUTHERIO servo Dei eodem teste lib. III. c. 33. liberatus, rursus ob eiusdem ELEUTHERII immoderatam lætitiā a dæmone vexatus, iterumque eius pœnitentis lacrimis perfecte sanatus est, ut ad hunc malignus spiritus accedendi ausum ulterius non haberet.

Adulti Christiani.

XXXIV. Fidelium porro seu Christianorum adulatorum, qui suo vitio fibi

sibi dæmones attraxerint, complures inde ab antiquissimis temporibus fun-  
 nesti memorantur casus, eorumque designatur causa, atque occasio. „Nam *De Spectac.*  
 (ut narrat TERTULLIANUS) & exemplum accidit, Domino teste, eius mulie- *c. 25. p. 83.*  
 ris, quæ theatrum adiit, & inde cum dæmonio rediit. Itaque in exor-  
 cismo, cum oneraretur immundus spiritus, quod ausus esset fidelem ad-  
 gredi; *Constanter & iustissime quidem*, inquit, *feci, in meo eam inveni.* *T.I. p. 769.*  
 ORIGENES postquam contra CELSUM lib. VIII. 35. afferuisset dæmones eos  
 lædere, qui se illis subiiciunt quasi dominis, addit: *Hinc, ut videtur, acci-*  
*dit, ut qui cibus per leges locorum vetitis utuntur, si demonibus illis sub-*  
*diti sunt, pœnas dent.* Eiuscemodi S. CYPRIANUS *de Lapsis* non unum no- *pag. 95.*  
 tat exemplum, istam, Deo permittente, pœnam dantium: „Alia in bal-  
 neis constituta (hoc enim crimini eius & malis deerat, ut & ad balneas  
 statim pergeret, quæ lavacri vitalis gratiam perdidisset) illic ab immundo  
 spiritu immunda correpta cecidit, laniavit dentibus linguam, qua fuerat vel  
 pasta impie, vel locuta. Postquam sceleratus cibus sumtus, est in perni-  
 ciem suam rabies oris armata est. Ipsa sui carnifex extitit, nec diu su-  
 peresse postmodum potuit, doloribus ventris & viscerum cruciata defecit.“

Post alia non minus tragica arreptitiorum exempla, in quibus tamen  
 non proditur dæmoniaca vexatio, tantum quod puellam parvulam idolothy-  
 tis pastam *velut tortore cogente* conscientiam facti passam dicat, demum  
 „Quam multi (concludit) quotidie pœnitentiam non agentes, nec delicti  
 sui conscientiam confitentes, immundis spiritibus adimplentur, quam mul-  
 ti usque ad insaniam mentis excordes, dementiæ furore quatiuntur? Nec  
 necesse est ire per exitus singulorum, cum per orbis multiformes ruinas  
 tam delictorum pœna sit varia, quam delinquentium multitudo numerosa.  
 Unusquisque consideret, non quid alius passus sit, sed quid pati & ipse  
 mereatur. Nec evasisse se credat, si eum interim pœna distulerit, cum ti-  
 mere plus debeat, quem sibi Dei iudicis censura servavit.“ Iam supra  
 narravimus ex CASSIANO de abbate MOYSE durius MACARIUM alloquente, *Collat. VII.*  
 diro confestim tradito dæmoni: ex SULPITIO Severo item de monacho *c. 27.*  
 quodam sanctissimo, ut se vanitate cogitationum eximeret ob patrata mi- *Dial. I.*  
 racula & fugatos dæmones, Deum precante, ut potestati diaboli ad tem- *c. 20.*  
 pus traderetur. Idem paullo post de eremita narrat ex animi obstinatione *Ibid. c. 22.*  
 propositum deferente, qui „vix e conspectu abscefferat, impletus a dæ-  
 mone, cruentasque spumas ore provolvens, suis dentibus se ipse lacerabat.  
 Deinde ad monasterium fratrum humeris reportatus, cum coerceri in eo  
 immundus spiritus non valeret, necessitate cogente, ferreis nexibus alliga-  
 tur, pedes cum manibus vinciuntur. Non immerita, pœna fugitivo, ut  
 quem



quem non cohibuerat fides, catenæ cohiberent. Post biennium demum oratione Sanctorum ab immundo spiritu liberatus, ad eremum, unde discesserat, mox regressus, & ipse correptus, & aliis post futurus exemplo, ne quem aut falsæ iustitiæ umbra decipiat, aut incerta mobilitas inutili levitate compellat semel cœpta deferere."

pag. 124.

Facit huc, quod incertus auctor in appendice opp. S. PROSPERI de *promissionibus & prædictionibus Dei* cap. 6. perhibet, suis temporibus circa annum scilicet 434. accidisse *Carthagine*, quod nullus illius patriæ civis ignoraret, dum, quædam iuvenula *Araba* natione (relata ab auctore refero) ancillæ Dei habitum gestans, cum in balneo lavans simulacrum quoddam *Veneris* impudice respiceret, & seipsam, eique se confimilans, domicilium se diabolo præbuit. Statim ille leo, qui rugiens circuit quærens, quem quærebat, invenit. Meatus igitur gutturis ipsius occupans, nullum cibum, nullumque potum traiciens per septuaginta ferme dies totidem noctes, ieiunium sibi diabolus ex capto possessoque vase exhibuit. Hoc monstrum parentes puellæ per tot dierum spatia auferri posse sperantes, dum iuge malum ulterius tolerare non possent, simul cum filia se se ingesserunt sacerdoti, quæ acta erant, fideliter intimantes. Hoc tantum puella fatebatur, avem quamdam noctis medio apparere, quæ sibi ore, nescio quid, infunderet. Stupor tunc inerat cunctis videre puellam nullis indiciis diuturni ieiunii scædatam, nullo pallore seu tabe, vel debilitate confectam; quin potius robustam succo viscerum, mole membrorum. Cumque incredibilia viderentur, quæ dicebantur, habito consilio, in monasterio puellarum, in quo reliquiæ sancti STEPHANI sitæ sunt, sacerdos puellam simul & Præposito commendavit. Illic prima tantum die apparuisse illam avem adseruit, sibi que increpasse, quod neque fame, neque siti compulsa illum appeteret locum, quo sibi accedere non liceret. Per duas sane hebdomadas nihil cibi vel potus sumens in monasterio mansit."

T. II. p. 165.

Hucusque auctor ille. Haud abludit, quod S. GREGORIUS M. lib. I. Dial. c. 4. narrat de, una Dei famula ex monasterio EQUITII quadam die hortum ingressa: quæ lactucam conspiciens concupivit, eamque signo crucis benedicere oblita avide momordit, sed arrepta a diabolo protinus cecidit. Cumque vexaretur, eidem Patri EQUITIO sub celeritate nuntiatum est, ut veniret concitus, & orando succurreret. Moxque hortum idem Pater ut ingressus est, cœpit ex eius ore quasi satisfaciens ipse, qui hanc arripuerat, diabolus clamare, dicens: *Ego quid feci? ego quid feci? sedebam mihi super lactucam; venit illa, & momordit me.*" Aliud legitur eiusdem libri cap. 10. Funestius est, quod idem lib. IV. Dial. c. 18. de puerulo blasphemio narrat; & S. GREGORIUS *Turonensis de gloria Confess.* c. 67.

de MAURO cuiusdam servo ad S. LUPi basilicam, negligentia admissa confugiente: „Frendens vero dominus eius (inquit) de vestigio profecutus, ingressus basilicam, nec oratione prostratus blasphemias in Sanctum evomere coepit, ac dicere: *Et tu Lupe, servum meum auferes, & propter te non licebit mihi in eum ultionem debitam exercere?* Et iniecta manu servum trahere coepit, dicens: *Non mittet hodie hic Lupus manum suam de sepulcro, ut eruat te de manibus meis.* Hæc dicente misero extemplo lingua, quæ in Sanctum blasphemias effudit, per totam ædem dans mugitum ut pecus, sermonem ut homo non proferens, tertia denique die cum gravi cruciatu vitam finivit.“ Ad alia quædam ex pluribus apud eundem exemplis digitum solum intendo veluti lib. I. *de gloria Martyr.* lib. I. c. 105. *de rebus gestis Franc.* lib. III. c. 12 lib. VII. c. 21. Ulterius ad medium haud progredior ævum, fidem persæpe a memet haud impetraturus innumeris narrationibus.

XXXV. Iam vero omnem denegare fidem, vel sacræ prohibent paginæ novi testamenti consensusque evangelistarum. Apud MATTHÆUM, e. c. MARCUM & LUCAM memorantur *Geraseni duo habentes dæmonia, de monumentis exeuntes sævi nimis, ita ut nemo posset transire per viam illam*, ut MATTHÆUS perhibet; de alterutro autem MARCUS testatur, neque catenis iam quemquam potuisse eum ligare, *quoniam sæpe compedibus & catenis vinctus, dirupisset catenas, & compedes comminuisset, & nemo poterat eum domare. Et semper die ac nocte in monumentis & in montibus erat, clamans, & concidens se lapidibus.* Et LUCAS Cum, inquit, egressus esset ad terram, occurrit illi vir quidam, qui habebat dæmonium iam temporibus multis, & vestimento non induebatur, neque in domo manebat, sed in monumentis. De alio ab his apud eosdem evangelistas fit mentio, lunatico scilicet, cuius iam meminimus, habente spiritum mutum, qui, ut MARCUS testatur, *ubicunque eum apprehenderit, allidit illum, & spumat, & stridet dentibus, & arescit*, postea vero exclamans & multum discerpens eum exiit ab eo, & factus est sicut mortuus, ita ut multi dicerent; quia mortuus est. Similia LUCAS c. IX. 13. seq. habet, quomodo etiam cum accederet ad IESUM, elisit illum dæmonium, & dissipavit. Iuxta MATTHÆUM vero increpavit illum IESUS, & exiit ab eo dæmonium, & curatus est puer ex illa hora. Solent apologistæ nostri ad alia eiusmodi provocare, „Quia (ut S. ATHENAGORAS testatur legat. pro Christianis n. 25.) profectæ a contrario spiritu dæmoniacæ motiones & operationes hos impetus inordinatos excitant, ac homines alium aliter, & universos privatim & communiter pro ratione materiæ & cognationis cum divinis rebus, intus & exterius

Misere agitati.

Matt. 8, 28.  
Marc. 5, 2.  
Luc. 8, 27.

Marc. 9,  
16. seq.

Luc. 9, 39.

Mattb. 17,

14. seq.

Post Opera  
S. Iustini p.  
303. seq.



pag. 304. terius movent. Refert vero inter dæmonum operationes crudeles etiam illas in cultu deorum. „Alii enim (inquit) virilia exsecant, ut *Rhea*; alii vulnerant, & incidunt, ut *Diana*: *Taurica* etiam hospites necat. Eos enim, qui se ipsi cultris & flagellis dilacerant, &, quot sint dæmonum species, prætermitto. Neque enim Dei est ad ea, quæ sunt contra naturam, impellere.

*Dæmon mali quid si paret mortalibus,  
Mens primum ab illo leditur.*

T. II. Bibl. Altero post ATHENAGORAM sæculo gentiles pariter incessens *Minucius Felix* in *Octavio* &c. n. 27. „Sic (inquit) a cœlo deorsum gravant, & a Deo vero ad materiam avocant, vitam turbant, omnes inquietant: irrepentes etiam corporibus occulte, ut spiritus tenues, morbos fingunt, terrent mentes, membra distorquent, ut ad cultum Dei cogant, ut nidore altarium vel hostiis pecudum faginati, remissis, quæ constrinxerant, curasse videantur. Hi sunt & furentes, quos in publicum videtis excurrere, vates & ipsi absque templo: sic insaniunt, sic bachantur, sic rotantur. Par & illis instigatio dæmonis, sed argumentum dispar furoris. De ipsis etiam illa, quæ paullo ante tibi dicta sunt, ut *Iupiter* ludos repeteret ex somnio, ut cum equis *Castores* viderentur, ut cingulum matronæ navicula sequeretur. Hæc omnia sciunt plerique pars vestrum ipsos dæmonas de semetipsis confiteri, quoties a nobis tormentis verborum, & orationis incendiis de corporibus exiguntur.“ Deplorabilem hominis a dæmone arrepti statum describit S. CYRILLUS *Hierosol.* Catech. XVI. n. 15. his verbis: „Impurus dæmon, quando in animam hominis irruperit (liberet vero Deus ab hoc malo omnes animas tam eorum, qui hic adsunt, quam absentium) tanquam lupo sanguinem vorans, ad devorandum paratus, in ovem irruens, sic venit: Obscuratur mens caligine. Iniustus ille impetus est, alienam possessionem invadentis. Alieno enim corpore, & alieno instrumento, tanquam proprio abuti vi facta conatur. Stantem delicit, familiaris est enim illius, qui de cœlo cecidit. Linguam invertit, labia contorquet, sermonum loco spumam exprimit: tenebris mergitur homo, apertus est oculus, & per illum anima nihil videt, & palpitat tremebundus ante mortem homo miserabilis. Vere hominum hostes sunt dæmones, qui illis tam foede atque immisericorditer abutuntur.“ Legi in hanc rem possunt, quæ paullo ante ex S. CYPRIANO *de lapsis* aliaque id genus retulimus, nonnullique apud S. HIERONYMUM in vita S. HILARIONIS notantur energumeni, ut alia silentio præteream, veluti „*Auriga Gazensis* in curru percussus a dæmone, totus obrigit, ita ut nec manum agitare, nec cervicem posset reflectere . . . Præterea fortissimus iuvenis nomine MARSITAS,

MARSITAS in territorio *Ierosolymæ*, tantum sibi applaudebat in viribus, ut quindecim frumenti modios diu longeque portaret; & hanc haberet palmam fortitudinis suæ, si asinos vinceret. Hic affectus pessimo dæmonio non catenas, non compedes, non claustra ostiorum integra patiebatur: multorum nasum & aures moribus amputaverat: horum pedes, illorum gulam fregerat. Tantumque sui terrorem omnibus incusserat, ut oneratus catenis & funibus, in diversa nitentium, quasi ferocissimus taurus ad monasterium traheretur.“ Refert paullo post ex ore S. HILARIO-<sup>pag. 82.</sup> NIS, hominum causa diabolus etiam iumenta corripere, & tanto eorum ardere odio, *ut non solos ipsos, sed & ea, quæ ipsorum essent, cuperet interire.* Unum adhuc STAGIRIUM ascetam commemorem, ad quem a dæmonio vexatum tres S. IOANNES *Chrysostomus* scripsit libros in orationem exhortatoriam: haud procul autem exordio operis sic alloquitur: „Cum ab initio scelestus ille dæmon animam invasit tuam, atque cum cæteris prostravit orantem, non equidem tunc præsens aderam, gratiasque ago clementissimo Deo, didici tamen omnia diligentissime, non secus ac si ipse affuissem. Nam THEOPHILUS *Ephesus* utriusque nostrum amicus, profectus ad me, cuncta mihi per ordinem retulit, distortas manus, torvos oculos, oris spumam, horrendam illam & confusam vocem, corporis tremorem, diurnam sensus privationem, visumque terribile, quod ea nocte ostensum est.“ Sed ad hæc omnia solatur STAGIRIUM, divinam proponit providentiam clementiamque alibi etiam homilia nimirum I. *adversus eos, qui dicunt dæmones gubernare res humanas, & Dei punitiones iniquo animo ferunt* &c. his verbis: „Et nunc igitur, si<sup>pag. 256.</sup> quando videris hominem agitaturn a dæmone, Dominum adora, nequitiam dæmonum disce: Siquidem utrumque in his dæmoniacis cernere licet, & Dei benignitatem, & dæmonum improbitatem. Ac dæmonum quidem improbitatem, cum turbent, & exagitent animam dæmoniacy Dei vero benignitatem, cum ita sævum inquilinum, & hominem præcipitare cupientem retineat, & coerçeat, ut neque omni sua potestate uti permittat, sed tantam vim finat ostendere, ut & hominem castiget, & illorum nequitiam manifestet.“ Sic iuxta S. AUGUSTINUM *de ipsius malevolentia consultitur Ecclesiæ Dei*, ubi, quomodo locutus sit diabolus EVÆ per serpentem, explicans „quandoquidem (subdit) nec ipsi homines, quorum rationalis natura est, cum dæmon in eis loquitur ea passione, cui exorcista requiritur, sciunt, quod loquantur.“ Quod S. THOMAS<sup>De Genesi ad litteram lib. XI. n. 34. T. III. pag. 287. 2. 35. p. 288.</sup> tum hoc serpentis exemplo, cum etiam asinæ, qua angelus locutus est ad BALAAM, confirmat 2. 2. qu. 165. a. 2. 4.



A Clero, Sa-  
cris, ipsoque  
baptismo  
quare &  
quomodo  
arcebantur?

T. I. Conc.  
p. 973.

pag. 974.

T. II. Conc.  
p. 1792.

T. III. Conc.  
pag. 1447.

XXXVI. Vel una autem hæc misera energumenorum seu arreptitio-  
rum conditio iustissima causa fuit, ut a clero, sacrisque christianis arce-  
rentur, quamdiu in eo statu essent. Sic vero can. 70. apostol. statuitur:  
*Si quis demonem habeat: ne fiat Clericus; sed nec unacum fidelibus oret:*  
*cum autem purgatus fuerit, recipiatur; & si dignus extiterit, clericus fi-*  
*at.* Ipsa vero ratio attingitur in concilio *Eliberitano* can. 29. *Energum-*  
*enus, qui ab erratico spiritu exagitatur, huius nomen nec ad altare cum*  
*oblatione recitandum, neque permittendum, ut sua manu in ecclesia mini-*  
*stret.* Et postea can. 37. *Eos, qui ab immundis spiritibus vexantur, si*  
*in fine mortis fuerint constituti, baptizari placuit: si fideles fuerint, dan-*  
*dam esse communionem: prohibendum etiam, ne lucernas hi publice accen-*  
*dant. Si facere contra interdicta voluerint, abstineant a communionem.*  
Convenit cum hoc canone quoad energumenos necdum baptizatos respon-  
sio canonica TIMOTHEI Alexandrini episc. ad interrogationem II. eius te-  
noris: *Si is qui a demone corripitur, non fuerit ab immundo spiritu*  
*mundatus, non potest sanctum baptismum accipere, sed in exitu a vita ba-*  
*ptizatur.* Hinc est, quod in antiquissimis liturgiis *Gelasiana* & aliis, quæ  
illi congruunt, post formulam impositionis manuum factam ægrotanti ca-  
techumeno mox sequatur *impositio manus super energumenum catechume-*  
*num.* Item alia pro parvulo energumeno, ægrotante ut puto.

In concilio *Carthaginensi* can. 91. energumenis præcipitur, ut ecclesias  
verrerent, ob id maxime, ut *Gabr. ALBASPINÆUS* ad laudatum mox ca-  
nonem 29. concilii *Eliberit.* annotavit, quod in ecclesiis pernoctarent, ut  
dæmonum terrore atque metu liberarentur, id testante atque enarrante ca-  
none 92. eiusdem concilii: quod canone *Eliberitano*, aut quid simile ve-  
tatur. Quod vero pluribus deinceps conciliorum canonibus firmatum est,  
energumenos non solum non esse assumendos ad Clerum, sed etiam re-  
moven-dos iam ordinatos, id concilium *Arausicanum* can. 16. sic exprimit:  
*Qui palam aliquando arrepti sunt, non solum non assumendi ad ullum or-*  
*dinem clericatus, sed & si iam aliqui ordinati sunt, ab imposito officio re-*  
*pellendi.* Optime vero rationem *GELASIUS P.* in epistola ad episcopum *Lu-*  
*caniæ* c. 21. explicat, atque in eandem sententiam concilii *Toletani* XI.  
c. 13. prout paullo ante attigimus, legiturque apud *GRATIANUM* sub no-  
mine *Pii P.* distinct. XXXIII. cap. 3. *Communiter diffinimus, ut nullus de*  
*iis, qui aut in terram arrepti a demonibus eliduntur, aut quolibet modo ve-*  
*xationis incurribus efferuntur, vel sacris audeant altaribus ministrare, vel in-*  
*discussu se ingerant Sacramentis divinis.* Et c. 5. *Usque adeo sane comperimus*  
*illicita quæque prorumpere, ut demonibus, similibusque passionibus irretitis*  
*ministeria sacrosancta tractare tribuatur, quibus si, in hoc opere positis*  
*ali-*

*aliquid propriæ necessitatis occurrat, quis fidelium de sua salute confidat, ubi ministros ipsos curationis humanæ tanta prospexerit calamitate vexari?*

XXXVII. Ex his iam satis liquere existimo, iis præsertim, quæ de Quomodo  
dæmoniacis ex ipsa sacra scriptura retulimus, dæmones etiam energiam in corpus a-  
in corpora exerere. *Nonne anima plus est quam corpus, quomodo ergo* gant dæmo-  
nes?  
ii, qui tentari animam a diabolo admittunt, id de corpore negent? E-  
quidem, ex sententia EVAGRII Scitensis monachi, *dæmones, qui affectibus* T. VIII.  
*animæ præsident, ad mortem usque perseverant; qui affectibus corporis,* Bibl. PP. p.  
*cito recedunt.* At ei de affectibus seu passionibus solum sermo est. Lon- 556.  
ge vero latius patet regnum illud corruptionis nostræ, cui, ut vidimus,  
princeps præest diabolus ac primus auctor. „Ita animam (ut verbis S. *Ibid. p. 8.*  
MACARII utar) ac totam eius substantiam peccato induit nequam ille  
princeps, totam inquinavit, & totam captivam in regnum suum adduxit,  
nec reliquit ullum eius membrum a se liberum, non cogitationes, non  
mentem, non corpus, sed amicivit eam purpura tenebrarum.“ Et paul-  
lo post: „Quemadmodum in nocte caliginosa & obscura vehemens qui- pag. 9.  
dam ventus spirat, & omnes plantas ac semina concutit, commovet, &  
agit: sic quoque homo lapsus sub potestatem noctis tenebrarum diabo-  
li, & in nocte tenebrisque degens, gravi vento peccati flante commove-  
tur, concutitur, & quassatur, qui omnem naturam, animam scilicet co-  
gitationes, & mentem perscrutatur, omnia denique concutiuntur corpo-  
ris membra, neque ullum membrum animæ aut corporis immune, nec  
ullum ab affectionibus peccati in nobis inhabitantis, liberum est.“ S. AU-  
GUSTINUS lib. XV. *de Civit. Dei* c. 23. quæstionem illam versans: an T. VII. pag.  
credendum sit, *angelos substantiæ spiritualis amore speciosarum mulierum* 406.  
*captos eorundem iniisse coniugia, ex quibus gigantes sint creati,* multa ad  
rem proloquitur, vetustissimorum illorum Patrum non penitus solutus  
præiudicio, plus etiam tribuens, quam ad rem opus sit. Extat inter  
epistolas S. AUGUSTINI NEBRIDII epist. nunc. 8. alias 245. qua perconta- T. II. p. 10, -  
tur ex S. doctore, *Quanam superiorum potestatum vel demonum in ani-*  
*am actione fiat, ut & cogitationes quædam inserantur & somnia?* ut in pag. 11.  
sequenti epistola quæstionem colligit, respondens autem aëria, etheriaque  
esse animantia supponit. Qualiscunque vero naturæ sint angeli, eadem  
est ratio cum nostra, quæ corpus regit, anima: quæ vero hic sese exe-  
rit difficultas, neminem unquam ex veteribus in transversum egit. NE-  
MESIUS episcopus *Emesenus de natura hominis*, c. 3. ex instituto agit de  
unione corporis & animæ, rem autem explicat comparatione quadam ra-  
diorum solis: „Ut enim sol præsentia sua aërem illustrans eum ad lumen *Ib. p. 373.*  
traducit, aërique lumen unitur, & cum eo non confuse funditur: ita



anima unita corpori, manet omnino non confusa, hoc uno a sole discrepans, quod sol, cum corpus sit, locoque circumscribatur, non est, ubicumque lux sua est, quemadmodum neque ignis. Manet enim ignis in ligno, aut in lucerna, tanquam in loco illigatus: anima vero, quod corporis est expers, neque loco definitur, tota per totum & lumen eius, & corpus permeat: neque est pars ulla, quæ ab illa illustretur, in qua tota non adsit. Non enim tenetur a corpore, sed ipsa tenet corpus, neque in corpore est, ut in vase, aut utre, sed contra in ea corpus."

pag. 361.

Idem in eodem opere libro XXI. c. 10. disquirens: *an ignis gehennæ, si corporalis sit, possit malignos spiritus, id est daemones incorporeos tactu suo adurere?* Non equidem definit, an corporei, quod plerisque veterum Patrum assertum fuit, an incorporei sint. Hoc vero supposito „adhærebunt ergo (concludit) si eis nulla sunt corpora, spiritus dæmonum, imo spiritus dæmones, licet incorporei, corporeis ignibus cruciandi: non ut ignes ipsi, quibus adhærebunt, eorum iunctura inspirentur, & animalia fiant, quæ consent spiritui & corpore; sed ut dixi miris & ineffabilibus modis adhærendo, accipientes ex ignibus poenam, non dantes ignibus vitam. Quia & iste alius modus, quo corporibus adhærent spiritus, & animalia fiunt, omnino mirus est, nec comprehendi ab homine potest, & hoc ipse homo est."

Imperfectum esse fateor, quidquid in hanc rem differitur, aut animo concipitur, ubi nos ratio ac notio eius rei deficit, qua nihil familiaris in nobis ipsis est, anima scilicet regente corpus, animanteque, ita ut ea exeunte, mox omnis cesset motus corporis. Meum non est hic varias illas de commercio corporis & animæ examinare hypotheses, qui in ea semper opinione fui, quam singulari multos ante annos asserui meletemate, pertinere hanc vim motricem corporum ad imaginem & similitudinem illam, ad quam creatus est homo, quadam veluti divinitatis aura inspirata homini, divinæ potentiæ specimine, quo solo nutu & imperio creavit omnia, ac gubernat. *Formavit igitur Dominus Deus hominem de limo terræ, & inspiravit in faciem eius spiraculum vitæ, & factus est homo in animam viventem.*

Gen. II. 7.

Gen. I. 26.

Semper aliquid singulare ac præcipuum in illis verbis agnitum est: *Faciamus hominem ad imaginem & similitudinem nostram: & præsit piscibus maris & volatilibus cæli, & bestiis universaque terræ, omnique reptili, quod movetur in terra. Et creavit Deus hominem ad imaginem suam: ad imaginem Dei creavit illum.* Ad nutum igitur & voluntatem hominis omnia in orbe terrarum viventia fuissent, solo imperio gubernasset, nisi ipse Deo rebellis dominio suo excidisset. Agnoscit S. AUGUSTINUS lib. III. *de libero arbitrio* etiam in ipso regendo suo corpore

pore defectum aliquem post peccatum : *In corporibus autem inferioribus anima post peccatum ordinata regit corpus suum, non omni modo pro arbitrio, sed sicut leges universitatis sinunt.* Quæ verba in epistola CXLIII. T. II. pag. ad MARCELLINUM explicans. „Quia (inquit) & caro concupiscit adversus spiritum, & ingemiscimus gravati, & corpus, quod corrumpitur, aggravat animam: & quis omnia enarret carnalis infirmitatis incommoda? quæ utique non erunt, cum corruptibile hoc induerit incorruptionem, ut absorbeatur mortale a vita. Tunc itaque spiritale corpus reget omnimodo pro arbitrio, nunc vero non omni modo, sed sicut leges universitatis sinunt, per quas constitutum est, ut corpora orta occidant, & aucta senescant. Nam illius primi hominis anima ante peccatum etiam si nondum spiritale corpus, sed animale, tamen pro arbitrio regebat. Post peccatum autem, id est, posteaquam peccatum in illa carne commissum esset, ex qua deinceps propagaretur caro peccati, anima rationalis sic est in inferioribus corporibus ordinata, ut non omni modo pro arbitrio regat corpus suum.“ Defectum illum naturæ prodit hic a D. PAULO notata eaque intestina in homine rebellio, qua caro concupiscit adversus spiritum, & corpus omnis generis infirmitatibus ipsique morti est obnoxium, redintegratur autem per CHRISTI gratiam etiam exforti quadam imperii pristini conditione, dum *convocatis duodecim discipulis suis dedit illis* Matth. 10, *potestatem spirituum immundorum, ut eiicerent eos, & curarent omnem languorem, & omnem infirmitatem.* Et: *Infirmos curate, mortuos resuscitate, leprosos mundate, dæmones eiicite.* Solo utique imperio, quomodo ab initio ad imaginem & similitudinem suam creatum hominem diximus, atque etiam angeli omnes administratorii sunt spiritus, cum hoc mundo visibili ipsoque cum genere humano invisibiliter coniuncti, ut vero BENEDICTUS XIV. *de malis angelis* observat, *omnis virtus naturalis operandi ad extra actione transeunte, & corporali mansit integra in demonibus post peccatum, cum hoc eorum naturalia non minuerit.* Et *De Beatif. & Canoniz. lib. IV. c. 3.* postea caput 29. *de eiectione dæmonum a corporibus obsessis* sic auspiciatur : „Ut quis dici obsessus possit, requiritur, ut in eo dæmones sint, & ut aliquam in ipsum potestatem acceperint; quam quidem potestatem in corpora potissimum habent, eamque limitatam, quantum scilicet Deus illis permittit. Sunt vero dæmones in hominibus, quos obsident, ut motores in corporibus.“ Eadem igitur de hominis anima, & aliis spiritibus, quoad actionem energiamque in corpora est ratio. Si qua forsan, ut cum HOFFMANNO iam citata dissertat. *de diaboli potentia in corpora*, concludam, „exinde nascatur dubitatio, quod inter vires spirituum & corporum ingens discrimen sit, nullaque detur in ea communio, fingamus & hoc ita se habere.“ T. V. Opp. p. 96.



bere. Interim sufficit nobis, quod negari nequeat, spiritum excitare posse vim eam, quæ est in corporibus, motricem. Nam omnia corpora instructa sunt vi movente & mobili, quamvis Deus talem legem tulerit, ut non nisi excitata ad motum, vel facta communicatione virium ab alio corpore, moveantur. Sed quid opus est longa disputatione? Ubi rerum adfunt testimonia, exulent ratiocinia. Quid enim clarius ac magis obvium est, quam ad nutum & voluntatem animæ nostræ spiritus animales movere hæc vel illa membra.“ Ostendit deinceps, quomodo diabolo in macrocosmum, deinde vero etiam in microcosmum agendi potestas sit, suis tamen contenta limitibus.

Diabolica  
phantasma-  
ta, spectra.

XXXVIII. Quæstionem autem ibidem §. 8. seq. instituens: *An diabolus verum possit assumere corpus?* Negat id de vero ac impenetrabili corpore, de imaginario autem & apparente concedit, ei imperium quoddam §. 14. in aerem concedens, illum ad certum motum determinandi, quod tamen non sine singulari permissione Dei exercere possit. „Hinc fluit (addit) dæmonem utique, varias species corporum phantasticas, tam hominis quam animantium ex aere vaporoso, sub luce & umbra varie & artificiose collecto, commode induere posse: unde apparitiones spectrorum non sunt de nihilo, & vetustissimis monumentis sacræ quoque scripturæ auctoritate, plurimisque per omnes ætates & regiones observationibus confirmatæ.“ Scriptor antiquissimus *Græcus* TATIANUS in oratione contra *Græcos* num. 1. in editione operum S. IUSTINI M. rationem quodammodo dat, quomodo se visibiles reddant: „Videntur autem (inquit) & a psychicis dæmones, ac se se nonnunquam hominum adspectui exhibent: vel ut aliquid esse existimentur, vel etiam aliquid tamquam inimicis noceant amici mala mente præditi, vel ut sui similibus causas ipsorum colendorum innectant. Nam si possent, cælum ipsum profecto cum cæteris rebus creatis subverterent. Nunc autem nequaquam id faciunt; neque enim possunt; sed materia inferiore materiam sibi similem oppugnant. Hos ergo si quis vincere velit, materiam repudiet. Lorica enim spiritus coelestis armatus servare poterit, quidquid ab eo circumdatum fuerit. Habet quidem materia nostra morbos & tumultus, qui cum acciderint, eorum causas sibi dæmones adscribunt, morbo invadenti supervenientes. Ipsi etiam interdum nequitiae suæ tempestate habitum corporis nostri concutiant, sed verbo virtutis Dei percussi, discedunt exterriti, & æger sanatur.“

L. XV. cap.  
23.

S. AUGUSTINUS in ea quæstione versatus: *An credendum sit, angelos substantiæ spiritualis amore speciosarum mulierum captos earundem iniisse coniugia, ex quibus gigantes sunt creati:* „Apparuisse tamen (inquit) hominibus

minibus angelos in talibus corporibus, ut non solum videri, verum etiam tangi possent, eadem verissima scriptura testatur. "Taceo, quæ ibi subdit de *Sylvanis & Faunis* „quos vulgo *incubos* vocant, improbos sæpe extitisse mulieribus, & earum appetisse ac peregisse concubitum, & quosdam dæmones, quos *Dusios Galli* nuncupant, hanc assidue immunditiam & tentare & efficere, quod plures talesque asseverent, ut hoc negare impudentia videatur: " quos item postea perhibet dæmones in somnis in forma puerorum nigrorum cirratorum apparuisse. De iis enim non est hic sermo, quæ repræsentat phantasia in somno „qui (ut eiusdem verbis utar S. Doctoris) proprie quietis nomen accepit, quis verbis explicet sæpe somniorum visis, quam sit inquietus; & quam magnis, licet falsarum rerum, terroribus, quas ita exhibet, & quodammodo exprimit, ut a veris eas discernere nequeamus, animam miseram sensusque perturbet? Qua falsitate visorum etiam vigilantes in quibusdam morbis & venenis miserabilius agitantur: quamvis multimoda varietate fallaciæ homines etiam sanos maligni dæmones nonnunquam decipiant talibus visis, ut etiam si eos per hæc ad sua traducere non potuerunt, sensus tamen eorum solo appetitu qualitercunque persuadendæ falsitatis illudant."

T. VII. p. 406.

Lib. XXII. c. 8. p. 666.

Ib. c. 22. p. 686.

In vita S. GREGORII *Taumaturgi* S. GREGORIUS *Nissænus* terrores & spectra sancti viri diacono obiecta refert, balneum a dæmonibus infestatum obeunti, his verbis: „Postquam autem nudatus fuit intus, multiplices terrores, & concussionum materiæ a dæmonio instruebantur: spectra varia, igni & fumo mixtam naturam præferentia, in forma hominum & ferarum oculis se ingerentia, auribus insonantia, anhelitu appropinquantia, & undique corpori se circumfundentia. Ille vero se signo crucis muniens, & Christi nomen invocans, primum conclave illæsus pertransiit: ad interiorem autem partem ædium progressus, in graviora spectacula incidit, in horribiliorem aspectum dæmonio transformato: nam & simul terræ motu concuti domus videbatur, & solum infra ruptum flammam nudam ostendere inferius, scintillæque flammæ ab aquis emitti putabantur. Rursusque ei arma itidem fuere signaculum crucis, & Christi nomen: & quod per magistri preces adferebatur auxilium, terrores earum rerum, quæ tum apparebant, tum fiebant, discutiebat. Aqua autem iam recreatus cum festinaret egredi, rursus prohibebatur a dæmone ostium occupante. Sed hoc quoque rursus impedimentum pari virtute sponte sua ostio cedente, per signum crucis discussum atque solutum." Additur neminem eorum, qui unquam illa hora aquam ingredi ausi essent, inter vivos postea apparuisse.

T. III. Bibl. PP. p. 465.

S. HIERONYMUS in vita S. PAULI primi eremitæ narrat, S. ANTONIO T. IV. pag. 70. seq.

conspicuum fuisse hominem equo mixtum, cui opinio poetarum *Hippo-*

cen-



*centauro vocabulum indidit.* „ Verum hæc (subdit S. HIERONYMUS) utrum diabolus ad terrendum eum simulaverit, an, ut solet, eremus monstrosorum animalium ferax, istam quoque gignat bestiam, incertum habemus. Stupens itaque ANTONIUS, & de eo, quod viderat, secum volvens, ulterius progreditur. Nec mora, inter saxosam convallem haud grandem, homunculum videt, aduncis naribus, fronte cornibus asperata, cuius extrema pars corporis in caprarum pedes desinebat. Infractusque & hoc ANTONIUS spectaculo scutum fidei & lorica spei, ut bonus præliator arripuit: nihilominus memoratum animal palmarum fructus eidem ad viaticum quasi pacis obsides offerebat. Quo cognito gradum pressit ANTONIUS, & quisnam esset interrogans, hoc ab eo responsum accepit: *Mortalis ego sum, & unus ex accolis eremi; quos vario delusa errore gentilitas Faunos, Satyrosque & Incubos vocans colit, legatione fungor gregis mei. Precamur ut pro nobis communem Dominum depreceris, quem in salutem mundi olim venisse cognovimus, & in universam terram exiit sonus eius.*“ Facile largior imposuisse dæmonem sancto viro, fama etiam deceptum S. HIERONYMUM, dum paullo post narrat sub CONSTANTINO *Alexandriam* istiusmodi hominem vivum, i. e. *Satyrum* perductum, magnum populo spectaculum præbuisse, & postea cadaver exanime, ne calore æstatis dissiparetur sale infuso, *Antiochiam*, ut ab imperatore videretur, allatum, monstrum potius aliquod aut simia silvestris. Nescio an inde quoque occasio sumpta sit detrahendi PAULO suo, ut in prologo in vitam S. HILARIONIS queritur, atque etiam HILARIONI timet, de quo alia narrat dæmonum ludibria, qui quadam nocte *infantum* coeperit *audire vagitus, balatus pecorum, mugitus boum, planctum quasi muliercularum, leonum rugitus, murmur exercitus, & rursus variarum portenta vocum, ut ante sonitu quam aspectu territus cederet.* Et mox: *Multa sunt tentationes eius, & die noctuque varia dæmonum insidia, quas si omnes narrare velim, modum excedam voluminis. Quoties illi nuda mulieres cubanti; quoties esurienti largissimæ apparuere dapes? Interdum orantem lupo ululans, & vulpecula ganniens transilivit; psalentique gladiatorum pugna spectaculum præbuit, & unus quasi interfectus, & ante pedes eius corruens sepulturam rogavit. Oravit semel fixo in terram capite, & ut natura fert hominum, abducta ab oratione mens nescio quid aliquid cogitabat: insiliit dorso eius agitator; & latera calcibus, cervicem flagello verberans: Eia, inquit, cur dormitas? Cachinnansque desuper si defecisset, an hordeum vellet accipere, sciscitabatur.* Multo vero maiora sunt, quæ S. ANTONIUS fuit expertus, cui quippe repræsentarunt se etiam dæmones, ac bestiarum & serpentum formas induentes omnem protinus locum replevere phantasiis leonum, taurorum, luporum, aspidum, serpentum, scorpionum, nec

ib. p. 76.

non & pardorum atque urforum, & hæc singula secundum suam fremebant naturam: rugiebat leo occidere volens, taurus mugitu & cornibus minabatur; serpens sibilo personabat; luporum impetus inhiabat, pardus discolor a tergo auctoris sui calliditates varias indicabat. Truces omnium vultus & vocis horridæ dirus auditus. Antonius flagellatus, atque confossus sentiebat quidem asperiores corporis dolores &c. Hæc de S. ANTONIO narrantur apud S. ATHANASIIUM in eius vita, ex quibus ego ea, quæ ipse eam in rem profert in oratione ad monachos, hic recensebo a). Quæ sequuntur porro eiusdem generis phantasmata spectraque dæmoniaca iam supra alia occasione retuli.

T. IV. Bibl.  
PP. p. 648.  
seq.

Id

a) Postquam S. ANTONIUS suos de huiusmodi maligni technis & machinationibus pluribus per singula commonefecisset, de seipso eadem repetens, quomodo ipse expertus didicerat, sic p. 648. enarrat: „Equidem iam filere vellem, nec ulterius verba facere, hætenus dictis contentus; sed ne putetis, me temere ista proferre, sed credatis me expertum vera isthæc enarrare: ideo, etsi quasi insipiens fiam, at cordis puritatem novit Dominus qui hæc audit, meque non mei causa, sed vestræ caritatis & exhortationis gratia, quæ novi dæmonum molimina, hæc rursus narrare. Quoties me beatum illi dixere; ego vero maledicebam illis in nomine Domini. Quoties prædixere exundaturum fluvium, quibus ego: *Ecquid hoc ad vos?* Accesserunt aliquando cum minis, meque, quasi milites omni armorum genere instructi, cinxere. Alio tempore equis, feris & serpentibus implevere domum; tum ego psallebam: *Hi in curribus, & hi in equis; nos autem in nomine Domini Dei nostri magnificabimur*: quibus illi precibus a Domino profligati sunt. Venerunt aliquando in tenebris, quamdam luminis phantasmam præferentes, aiebantque: *Accessimus, Antoni, lucem prælaturi tibi*: at ego clausis oculis orabam, ac derепente extincta lux impiorum est. Paucis post mensibus, venere quasi psallentes, ac verba loquentes scripturarum: *Ego autem tanquam surdus non audiebam*. Fuit, cum monasterium quassarent: at ego mente immotus manendo precabar. Rursus post accessere cum strepitu, sibilo & saltationibus: ut vero orare me, atque decum-

bentem apud me ipsum psallere conspexerunt, cœpere statim lamentari ac flere quasi se vires defecissent: ego vero gloriam Domino retuli, qui audaciam furoremque illorum retunderet, atque traduceret. Aliquando mihi admodum excelsus dæmon cum phantasia visus, dicere ausus est: *Ego sum virtus Dei, & Ego sum providentia: Quid tibi vis beneficii conferam?* At ego tunc magis in illum insufflavi prolato Christi nomine, atque verberare conatus sum, ac reipsa verberasse visum mihi est: statimque ille tantus, cum omnibus suis dæmonibus, in nomine Christi evanuit. Venit aliquando me ieiunante, monachi speciem habens, panesque, ut videbatur, tenens, suadebat dicens: *Comede, tantorumque laborum finem facito: nam homo tu quoque es, periculumque, ne agrotas*. Intellecta ego illius varietie, surrexi oraturus; quod ille non tulit; evanuit enim, ac per ianuam quasi furmus egredi visus est. Quoties auri speciem in deserto obiecit, ut vel solum tangerem atque respicerem; ego vero adversum psallebam, & contabescebat ille. Plurumque me plagis conciderunt, & aiebant: *Nilil me separabit a charitate Christi*: tumque illi sese mutuo cædebant. Non eram ego, qui illos compescerem atque arcerem; sed Dominus erat, qui ait: *Videbam satanam quasi fulgur de cælo cadentem*. Ego vero filioli memor apostolici dicti, hæc in me transtuli, ut edificatis non animo deficere in ascetica vita, neque diaboli eiusque dæmonum phantasias reformidare.“



pag. 642.

T. III. pag.  
863. seq. &  
p. 891.

Cap. 13.

Id vero ex illa ipsa oratione notatu dignum est, quod impotentiam dæmonum ex hoc ipso repetat, suisque contra illos animet, quod spectris & phantasiis tantum ludant. „Illud præterea (inquit) cogitandum, ut illos minime reformidemus: si potestas sibi esset, non mutata forma insidias pararent; sed satis foret accedere unum, qui quod posset atque vellet, conficeret: cum maxime, quisquis potestatem habet, non cum vana apparens specie occidat, neque tumultu terrefaciat, sed protinus arbitrato suo propria utatur potestate. Sed dæmones nihil cum valeant, quasi in scena ludunt, immutata forma; terrent pueros tumultibus atque larvis suis: unde sane quasi imbecilli contemnendi sunt.“ Multa id genus in S. MACARII Apophthegmatibus leguntur, quædam etiam ipsius S. MACARII verbis; nec non apud THEODORETUM in hist. relig. IACOBI eremitæ &c. quorumve ipse THEODORETUS testis est de TALELÆO; plura adhuc de S. MARTINO scriptis sunt tradita a SULPITIO Severo imprimis eius discipulo tum in eius vita, cum in dialogo II. ubi post alia relatis apparitionibus, familiarique quodammodo colloquio cum Sanctis diversis, *referebat autem nobis*, inquit SULPITIUS, *vultum atque habitum singulorum*. Tum concludit narrationem: „Iam vero dæmones prout ad eum quisque venisset, suis nominibus increpabat. *Mercurium* maxime patiebatur infestum: *Iovem* brutum atque hebetem esse dicebat. Hæc plerisque in eodem monasterio constitutis incredibilia videbantur: necdum ego confido, omnes, qui hæc audient, credituros. Nam nisi inestimabilem vitam atque virtutem MARTINUS egisset, nequaquam apud nos tanta gloria præditus haberetur. Quamquam minime mirum, si in operibus MARTINI infirmitas humana dubitaverit: cum multos hodieque videamus, nec evangeliiis quidem credidisse. A MARTINO autem sæpe angelos visos familiariter & sensimus & experti sumus.“ Et de vita S. MARTINI cap. 21. „Constat autem etiam angelos ab eo plerumque visos, ita ut conferto invicem apud eum sermone loquerentur. Diabolum vero tam conspicabilem & subiectum oculis habebat, ut sive se in propria substantia contineret, sive in diversas figuras spiritualesque nequitias transtulisset, qualibet ab eo figura videretur. Quod cum diabolus sciret se effugere non posse, conviciis eum urgebat frequenter, quia fallere non posset insidiis. Quodam autem tempore cornu bovis cruentum in manu tenens cum ingenti fremitu cellulam eius irrupit, cruentamque ostentans dexteram, & admissio recens scelere congaudens: *Ubi est*, inquit, *Martine virtus tua? unum de tuis modo interfeci &c.*“ Et c. 22. „Frequenter autem diabolus, dum mille nocendi artibus sanctum virum conabatur illudere: nam interdum in *Iovis* personam, plerumque *Mercurii*, persæpe etiam se *Veneris* ac *Minervæ* transfiguratum vultibus

bus offerebat, adversus quem semper interius signo se crucis & orationis auxilio se protegebat. Audiebantur etiam plerumque convicia, quibus illum turba dæmonum protervis vocibus increpabat. Sed omnia falsa & vana cognoscens, non movebatur obiectis. Testabantur etiam aliqui ex fratribus, audisse se dæmonem protervis MARTINUM vocibus increpantem, cur intra monasterium ex fratribus, qui olim baptismum diversis erroribus perdidissent, conversos postea recepisset, exponentem crimina singulorum MARTINUM diabolo repugnantem respondisse constanter, antiqua delicta melioris vitæ conversatione purgari &c.“ Et quis dubitet divino eum instinctu ex ossibus latronis vocem elicuisse, ut vulgi errorem tolleretur, a quo ceu martyr colebatur. Geminum est, quod inter apophthegmata S. MARCARIi ipsius verbis refertur calvariam mortui in eremo obviam alloquentis. Ibid. c. 11.

Quæ quidem non eo refero, ut vulgari credulitati patrociner, erroribusque ac fabulis circa spectra innumeris. Ea quæ attulimus ad Sanctorum merita & virtutem comprobendam faciunt. Quam vero TERTULLIANUS in libro *de anima* cap. 57. memorat *fallaciam spiritus nequam sub personis defunctorum delitescens*. . . *quum in exorcismis interdum aliquem se ex parentibus hominem suis affirmat*, id genus notat S. IOANNES Chrysostomus lib. in S. BABYLAM contra IULIANUM, & contra gentiles frustra miracula iactantes. T. II. p. 267. „Sed spectra (inquit) defunctorum, mortuorumque simulacra multi eorum dicunt a plurimis apud se mirabilium patratibus ostendi: voces item e sepulcris ad quosdam emissas iactitant; quod autem quis ex viris, qui apud se vixerunt, & admirationi habiti sunt, aut ex iis, quos post decessum deos reputaverunt, tale quidpiam discipulis dixerit, nullus eorum affirmare audeat.“ TATIANUS loco, paullo ante citato, eorum refutat errorem, qui existimarunt dæmones, qui hominibus imperant, esse hominum animas. Haud absimilem S. IOANNES Chrysost. hom. XXVIII. in MATTHEUM memorat, incessitque vulgi opinionem animas mortuorum dæmonas fieri. „Sed quid dicas (inquiunt) de præstigatoribus multis, qui captos pueros iugulant, ut animam postea sibi ministrantem habeant? Nam quod iugulent, hoc multi dicunt, quod autem cæcorum animæ cum ipsis sint, unde, quæso, nosti? Ipsi, inquiunt, dæmoniaci hoc dicunt: *Ego sum anima illius cuiuspiam*. Verum hæc fraus & fallacia diabolica est. Neque enim anima mortui est, quæ clamat, sed dæmon, qui hoc simulat, ut auditores decipiat. Nam si posset anima in dæmonis substantiam ingredi, multo facilius in corpus suum ingrederetur. Præterea quis ratione præditus credere possit animam læsam se lædenti sociare? aut hominem posse vim incorpoream in alteram mutare



substantiam? Nam si in corporibus id fieri nequeat, nec quisquam possit corpus hominis in corpus asini mutare, multo magis in anima invisibili id fieri nequit, nec quis possit illam in dæmonis substantiam vertere. Itaque anicularum ebriarum hæc verba sunt, & puerorum terricula. Nam *iustorum animæ in manu Dei sunt*; si iustorum, etiam quoque puerorum animæ: non enim illæ malæ sunt; peccatorum autem animæ statim hinc abducuntur. Id palam est ex LAZARO & divite; & alibi Christus ait: *Hodie animam tuam repetent a te*. Neque fieri potest, ut anima ex corpore egressa, hinc erret & vagetur, *neque id iniuria* &c. Vid. hom. II. de LAZARO T. I. p. 727.

Idem vero haud cunctanter fidem adhibuit THEOPHILO *Ephesio* de iam laudato STAGIRIO a dæmone vexato referenti visum terribile, nocte quædam ei ostensum. *Suem enim quemdam*, ipsum STAGIRIUM affatur haud procul ab exordio libri primi, *ferocissimum maxima vi luti inquinatum in te insilire iugiter, atque tecum concertare aiebat*. Digna profecto immundo illo spiritu forma. Vicissim autem, ut S. GREGORIUS M. lib. II. Dial. c. 2. *de tentatione carnis* a S. BENEDICTO *superata* refert, in figura nigræ, parvæque avis, quæ vulgo *merula* nominatur, circa eius faciem volitare cœpit. Idem vero S. Pater mox capite quarto, de monacho vagæ mentis ad salutem reducto, aspexisse in oratione narratur, *quod eundem monachum, qui in oratione manere non poterat, quidam niger puerulus per vestimenti fimbriam foras traheret*. Quod & postea MAURUS monachus vidit: POMPEIANUS vero eiusdem monasterii pater videre non poterat. Ad hanc historiam haud dubie respicit S. BENEDICTUS, dum cap. 43. regulæ cavet, ne monachus tardius ad officium veniens foris sedeat, vel fabulis vacet, *ne detur occasio diabolo*. Ad præsens etiam argumentum pertinet, quod cap. 53. hospitibus pacis osculum non prius offerendum velit, *nisi oratione præmissa propter illusiones diabolicas*.

Diabolus  
transfigu-  
rans se in  
angelum lu-  
cis.

2. Cor. 11,  
14.

T. IV. Bibl.

PP. p. 645.

seq.

ib. p. 651.

XXXIX. Nempe sicuti ABRAHAM hospitio angelos suscepit, sic ipse etiam satanas transfigurat se in angelum lucis iuxta apostolum, ut modo exempla quædam in S. ANTONIO intelleximus: unde & suos distinctim & accurate commonendos existimavit in orat. ad monachos, sic demum concludens: „Hocque sit vobis ad securitatem adversus illos indicium: cum quædam aderit visio, ne statim pavore concidas, sed qualiscunque illa sit, fidens primum interroga: *Quisnam tu es, & unde?* Tum si Sanctorum sit visio, certiores te facient, atque terrorem tuum in gaudium vertent; sin diabolica illa sit, statim debilitatur, perspecta animi firmitate: nam imperterriti animi signum est, vel sic interrogare, *Quis tu es, & unde?*

Sic

Sic quadam die *circumiectus luce purpurea, quo facilius claritate adsumti fulgoris illuderet, veste etiam regia indutus, diademate ex gemmis auroque redimitus* S. MARTINO apparuit, non veritus Christum se asserere, ut in eius vita narrat Sulpitius Severus c. 24. Tum ille, prosequitur, *revelante sibi spiritu, ut intelligeret, diabolum esse, non Deum: Non se, inquit, IESUS Dominus purpuratum & diademate renitentem venturum esse prædixit. Ego Christum nisi in eo habitu, formaque, qua passus est, nisi crucis stigmata proferentem, venisse non credam. Ad hanc ille vocem statim, ut fumus evanuit, & cellulam tanto fœtore complevit, ut indubia indicia relinqueret, diabolum se fuisse. Hoc ita gestum, ut supra retulimus, ex ipsius MARTINI ore cognovi, ne quis forte existimet fabulosum.* Hæc Sulpitius: qui proxime antecedenti capite aliud exemplum affert de CLARO presbytero, qui cum relictis omnibus se ad S. MARTINUM contulisset, brevi tempore ad summum fidei virtutumque omnium culmen enituit. Eum autem decepit quidam sub nomine ANATOLII monachum mentitus: *procedente tempore, angelos apud se loqui dicebat. Postremo eousque processit, ut inter se ac Deum angelos discurrere prædicaret: quadam nocte inter micantia lumina veste veluti divinitus indutus comparuit. Sed mane adducto eo ad S. MARTINUM vir, inter trahentium manus vestis evanuit, quam CLARO velut divinum munus attulisse visus est.*

S. MACARIUS in libro *de patientia & discretione* c. 13. „Homini virtutis studio (scribit) multa cura fatagendum est, ut discretione polleat, ut quo differentiam boni & mali exploratam habeat, & varias diaboli versutias, soliti per speciosas imaginationes plurimos pervertere, discutiat atque intelligat. Siquidem in omni negotio utilissimum est, securitati consulere. Ne igitur levitate mentis cito teipsum præbe credulum spiritualium potestatum impulsibus, ad te decipiendum forte comparatis. Etiam si, qui loquuntur, cœlestes sint angeli. Sed sta in gradu tardus, examini istius generis subiiciens exactissimo; quod bonum est amplectens, quod malum reiiciens. Non enim ignoti sunt effectus gratiæ, quos peccatum, utcunque boni personam assimulet, non potest repræsentare. Nam etsi secundum apostolum, Novit satanas transfigurare se in angelum lucis, tamen licet visiones offerat splendoras, bonam operationem, ut dictum est, exhibere non poterit; ex quo certum eius existet indicium &c.“ Referri huc etiam potest responsio in homilia VII. ad hanc interrogationem §. 3. *Cum peccatum in angelum lucis transformetur, & simile sit gratiæ, quo pacto cognoscet homo insidias diaboli? & quo pacto suscipiet, & discernet semitas gratiæ?* R. „Infiniti sunt maligni spiritus artes & technæ, quibus decipit, ac decipit semper humanum genus specie etiam religionis

T. II. p. 84.

T. I. p. 101.



& pietatis.“ Iam a D. PAULO, ubi dicit, fatanam transfigurare se in angelum lucis, notantur *eiusmodi pseudoapostoli, operarii subdoli, transfigurantes se in apostolos Christi*. Ad TIMOTHEUM scribens episcopum non vult fieri *neophytum, ne in superbiam elatus in iudicium incidat diaboli*. Et paullo post: *Spiritus autem manifeste dicit, quia in novissimis temporibus discedent quidam a fide, attendentes spiritibus, & doctrinis damoniorum*. Quæ perversitas, & nequitia diabolica, inde a SIMONE mago, ecclesiam infestavit primis illis purissimis alioqui temporibus: cuius rei apud S. IRENÆUM & alios, qui de hæresibus scripserunt, plurima habentur exempla in *Gnosticis* primum, deinde *Montanistis*, etiam officio & præstigiis mulierum auctoratis. Talis in epistola FIRMILIANI ad S. CYPRIANUM notatur „quæ in extasi constituta, propheten se præferret, & quasi sancto Spiritu plena sic ageret. Ita autem principalium damoniorum impetu ferebatur, ut per longum tempus sollicitaret & deciperet fraternitatem, ac mirabilia quædam & portentosa perficiens, & facere se terram moveri polliceretur. Non quod dæmoni tanta esset potestas, aut terram movere, aut elementum concutere iussu valeret, sed quod nonnunquam spiritus nequam præsciens & intelligens terræ motum futurum, id se facturum esse simularet, quod futurum videret.“ Sed sunt innumeræ fraudes dæmonis & decipiendi humanum genus modi, & periculosiores plerumque, quo magis sub specie religionis latent. Id quod S. AUGUSTINUM initio conversionis suæ perplexum admodum reddidit, ut lib. X. *Confess.* cap. 42. prodit. „Quem (inquit) invenirem, qui me reconciliaret tibi? Ambiendum mihi fuit ad angelos? Qua prece? quibus Sacramentis? Multi conantes ad te redire neque per seipso valentes, sicut audio, tentaverunt hæc, & inciderunt in desiderium curiosarum visionum, & digni habiti sunt illusionibus. Elati enim te quærebant doctrinæ fastu, exercentes potius quam tundentes pectora, & adduxerunt sibi per similitudinem cordis sui, conspirantes & socias superbiæ suæ potestates aeris huius, a quibus per potentias magicas deciperentur, quærentes mediatorem, per quem purgarentur, & non erat. Diabolus enim erat transfigurans se in angelum lucis. Et multum illexit superbam carnem, quod carneo corpore ipse non esset.“

Loca a dæmonibus infestata.

XL. Quemadmodum vero, ut sic mentes occulte pervertat, nihil non molitur malignus, ita etiam dum, Deo permittente licet, ac opportunum est, palam aggreditur mille modis & artibus. In vita S. HILARIONIS observat S. HIERONYMUS ipsi dæmoni curam fuisse prodendi sanctum virum, humilitatis studio latere cupientem, sic dum *Siciliam* navigaret, naucleri filius arreptus a dæmone clamare cœpit, & dicere:

„Hilarion

*Hilarion serve Dei, cur nobis per te & in pelago tutos esse non licet? Da mihi spacium, donec ad terram veniam, ne hic eiectus precipiter in abyssum.* Cui ille: *Si Deus meus, ait, tibi concedit ut maneat, mane. Sin ille te eiicit, quid mihi invidiam facis, homini peccatori, atque mendico?* Hoc autem dicebat, ne nautæ & negociatores, qui in navi erant, se quum ad terram pervenissent, proderent. Nec multo post purgatus est puer, patre fidem dante, & ceteris, qui aderant, nulli se super eius nomine locuturos. "Postea memorat: „Antiquissimi iuxta templi ruinam, ex quo (ut ipse referebat, & eius discipuli testantur) tam innumerabilium per noctes & dies dæmonum voces resonabant, ut exercitum crederes. Quo ille valde delectatus, quo scilicet antagonistas haberet in proximo, habitavit ibi per annos quinque." In memoriam hæc revocant, quæ narrat S. GREGORIUS lib. III. Dial. c. 16. de MARTINO monacho de monte *Marfi-* T. II. pag. 316.  
*co*, quomodo eum e deserto, ubi vitam solitariam agebat, expellere sit conatus: „Nam amicam sibi (inquit) bestiam, serpentem scilicet ingressus, hunc ab eadem habitatione eiicere facto terrore conatus est. Cœpit etenim serpens in speluncam venire solus cum solo, eoque orante, se ante illum sternere, & cum cubante pariter cubare. Sed vir sanctus omnino imperterritus, eius ori manum vel pedem extendebat, dicens: *Si licentiam accepisti, ut ferias, ego non prohibeo.* Cumque hoc continue per triennium gereretur, die quadam antiquus hostis tanta hac eius fortitudine victus infremuit, seque per devexum montis latus in præcipitium serpens dedit, omniaque arbuta loci illius flamma ex se exeunte concremavit." S. MARTINUS horribile in atrio domus cuiusdam dæmonium offendit, teste Sulpitio in eius vita cap. 17. „Cui cum, ut discederet, imperaret, quemdam e familia, qui in interiore parte ædium morabatur, arripuit; sævire dentibus miser cœpit, & obvios quoscunque laniare. Commota domus, familia turbata, populus in fugam versus. MARTINUS se furenti obiecit, ac primum stare ei imperat. Sed cum dentibus fremeret, hiantique ore morsum minaretur, digitos ei MARTINUS in os intulit: *Si habes, inquit, aliquid potestatis, hos devora.*

Paullo ante memoravimus, quæ in vita S. GREGORII *Taumaturgi* S. GREGORIUS *Nissænus* narrat de balneis a dæmonibus infestatis, ita, ut nemo illorum, qui noctu intrasset, mane vivus exiret, præter S. GREGORII diaconum, qui signo crucis munitus, ingressus pernoctavit immunis. Viderint, qui illa omnia incensæ forte materiæ sulphuræ, nulla accedente dæmonis opera, ita contingere potuisse sibi persuadent. Nobis hic satis est, antiquitatis ecclesiasticæ monumenta dare. Add. quæ S. AUGUSTI- T. VII. pag. 666.  
*nus* lib. XXII. de *Civ. Dei* c. 8. narrat de HESPERII cuiusdam viri tribuni-  
 tii



tii domo a spiritibus malignis vim noxiam perpessa *cum afflictione animæ*.  
 T. II. p. 285. *lium* & *servorum suorum*. S. GREGORIUS M. item lib. III. Dial. c. 4. de  
 DATIO Mediolanensi episcopo, *Corinthe* hospitium sibi eligente in domo,  
 quam *spiritus malignus invasit*, & *ab ea hominum habitationem repulit*. Et  
 IOANNES diaconus in vita S. GREGORII lib. IV. c. 93. defuncto *Barbiliano*:  
 „Hunc (scribit) propter incolarum scelera plurimum infestabat dæmon;  
 atque in forma ferocientis tauri nunc oves inlectabatur & fatigabat: nunc  
 gregum atque armentorum custodibus graves molestias afferebat, ut etiam  
 quidam ipsorum propter molestias solum mutare coacti sint.“ Vid. Be-  
 nediçtio aquæ spargendæ in domo lib. III. Sacrament *Gelas.* n. 75. 76. T.  
 VI. opp. V. *Thomas.* p. 208. 209. 210. Item Sacrament.. *Gregor.* T. III.  
 p. 234. Ecclesia aliis etiam publicis precum formulis nos contra huiusmodi  
 infestationes munit e. g. benediçtione candelarum, quæ extat in missali Ro-  
 mano, ut *talem benediçtionem signaculo sanctæ crucis accipiant*, ut quibus-  
 cunque locis *accensæ sive positæ fuerint*, *discedant principes tenebrarum*, &  
*contremiscant*, & *fugiant pavidum cum omnibus ministris suis ab habitatio-*  
*nibus illis: nec præsumant amplius inquietare aut molestare servientes tibi*  
*omnipotenti Deo.*

Dæmones  
 aereæ pote-  
 states.

*Ephes.* 2, 2.

T. I. p. 302.

a

T. IV. Bibl.  
 PP. p. 636.

pag. 400.

XLI. Nullibi vero magis infestum crediderunt veteres quam aereæ re-  
 gioni inquilinum veluti diabolum, atque iuxta apostolum *principem po-*  
*testatum aeris huius*: cuius & naturæ esse dæmones plerique veterum Pa-  
 trum existimarunt, aut saltem in aere esse ei domicilium. Explodit veluti  
 in exhortatione ad martyrium n. 45. ORIGENES, eos, qui *non perspecta*  
*dæmonum natura ignorantesque eos*, *ut in denso hoc aere, qui terram am-*  
*bit, commorentur, suffituum indigere alimento* dubitabant. a) Cum, ut con-  
 cludit, *absque suffitibus & nutrimentis, quæ eorum corporibus congrua pu-*  
*tantur, subsistere non possent*. S. ANTONIUS in sæpe laudata oratione lo-  
 cum apostoli ad *Ephes.* VI. 12. de colluctatione, quæ nobis est *adversus*  
*principatus & potestates mundi rectores tenebrarum harum, adversus spiri-*  
*tualia nequitia in cælo* præ oculis habens „Magna illorum (inquit) turba  
 in aere nobis proximo est, neque procul a nobis sunt: magna quoque  
 inter illos est discrepantia. De quorum natura & differentia multa dici  
 possent, ab aliis, nobis præstantioribus pertractanda.“ Epistola XX. ite-  
 rum *spiritus malos in aere consistentes* appellat. Iuxta S. HIERONYMUM  
 lib. III. in idem cap. 6. Epist. ad *Ephes.* *Hæc omnium doctorum opinio est,*  
*quod aer iste, qui cælum & terram medius dividens, inane appellatur, ple-*  
*nus*

a) De LA RUE plura in eandem sententiam  
 profert antiquissimorum scriptorum testi-

monia, dæmones indigere cibo, delecta-  
 riisque suffitibus, ac nidoribus.

*nus sit contrariis fortitudinibus.* S. IOANNES Chrysost. in eundem locum Hom. IV putat, nihil amisisse dæmones de priori, quod a Deo acceperant, in aerem imperio. S. AUGUSTINO passim de sublimi habitatione cœlorum & apparatu superiorum angelorum lapsus diabolus cum angelis suis ad hunc aerem ceu ad carcerem damnatus dicitur. Tum in libro de Divinatione „Quod vero (inquit) non solum dæmones quædam futura prædicunt, T. VI. pag. 509. verum etiam quædam mira faciunt, pro ipsa utique sui corporis excellentia, cur non contemnatur a prudentibus: cum plerumque iniqui ac perditii homines ita exerceant corpora sua, tantaque diversis artibus possint, ut ea, quæ nec nesciunt, nec aliquando viderunt, etiam narrata vix credant?“ Expensoque funambulatorum, cæterorumque theatricorum artificum exemplo, quanto maiora, concludit, & mirabilia pro subtilissimi corporis, id est aerii facultate ac facilitate dæmones possint, cum tamen sint voluntatis pravitate, maximeque superbiæ fastu & invidentiæ malitia spiritus immundi atque perversi. Quantum autem valeat aeris elementum, quo eorum corpora prævalent, ad multa visibilia invisibiliter molienda, movenda, mutanda atque versanda, longum est nunc demonstrare, & puto, quod mediocriter consideranti facile occurrat. S. PETRUS Chrysol. dæmones aereos esse supponens, quanta inde læapte nocendi fallendique facilitate ac promptitudine polleant serm. LIII. de damonio surdo & muto curato, distinctim exponit: „Cum (inquit) tenuis & aerea natura carnem nesciat, refutet ossa, velut aura spirans orbem totum temporis transeat in momento: diversas species assumat, varias mutetur in formas, corda penetret, illudat animabus, inspiret impias & turpissimas cogitationes, nec unde veniat, aut quo redeat, sentiat: ac sic innocuas mentes, velut iaculum volans, lethali vulnere, & tota facilitate transverberet &c.“

Non abs re erit hic, quæ S. ATHANASIUS in vita S. ANTONII narrat, T. I. P. II. n. adscribere: „Cum aliquando comesturus esset, ubi oraturus surrexisset 65. P. 843. circa nonam horam, se se mente abripi sensit, quodque prorsus stupendum est, cum staret, se se vidit tamquam extra se positum, & per aerem a quibusdam abductum. Exinde terribiles tetrosque nonnullos vidit in aere stantes, qui transitum eius intercludere volebant. Obstantibus iis, qui illum adducebant, postulare illi, num obnoxius ipsis esset: cumque rationes ab eius nativitate exposcerent, id ANTONII duces prohibere, aiebantque: *Culpas eius omnes a nativitate delevit Dominus*: ex quo autem tempore monachus effectus est, & se se Deo consecravit, liceat rationes ducere. Cum igitur accusarent, nec probare possent, libera illi ac minime interclusa via fuit: statimque seipsum quasi reversum vidit, & intra se stantem, atque omnino ANTONIUM ut ante. Tunc cibi sumendi inmemor, residuum



illius diei, atque totam noctem gemendo precandoque transegit. Obstupefactus enim erat, cum videret, quot nobis essent adversarii, quantisque laboribus aer iste pertransitur. Recordatusque est idipsum esse, quod ait apostolus: *Secundum principem potestatis aeris. Ephes. II. 2.* Hæc enim est inimici potestas, pugnare scilicet, atque pro virili viam transeuntibus intercludere. Quapropter hortabatur: *Ephes. VI. Accipite armaturam Dei, ut possitis resistere in die malo; ut inimicus nihil habens malum dicere de nobis confundatur.*"

Ac meteora  
producere  
possint?

a

Lib. VIII  
contra Cels.  
T. I. pag.  
765.

Job. I, 16.

XLII. Ecclesia nos munit contra aereas potestates in solemni camparum benedictione orans, ut *procul pellantur omnes insidiæ inimici, fragor grandinum, procella turbinum, impetus tempestatum, temperentur infesta tonitrua, ventorum flabra fiant salubriter & moderate suspensa, prosternat aereas potestates dextera tuæ virtutis, ut hoc audientes tintinnabulum contremiscant, & fugiant ante sanctæ crucis Filii tui in eo depictum vexillum.* Passim equidem sacræ scripturæ, a) atque ad eius ductum SS. PP. omnis generis mala malignis attribuunt spiritibus. Habent mala physica suum etiam ordinem fatalem a Deo ob peccata nostra. Hinc CLEMENS Alexand. de aeris perturbationibus, aliisque eiuscemodi utramque attingens causam „Porro autem (inquit lib. VI. *Stromatum*) dicunt aliqui pestilentias & grandines, & procellas, & quæ sunt his similia, non ex sola perturbatione materiali, sed etiam ex aliqua dæmonum, aut angelorum non bonorum ira fieri solere.“ Plus ORIGENES: „Si vero (inquit) proferendum est libere, quænam sint horum opera, dicemus fames & sterilitates vinetorum ac arborum, siccitatesque nimias lædendis frugibus, interdum etiam pestilentiam favientem tum in bruta tum in hominibus. Hæc omnia dæmonum opera sunt, seu carnificum, iudicio quodam divino potestatem hanc habentium certis temporibus.“ Licet autem eos magis insidias struere ruinæ animarum dubium nemini esse debeat; perinde tamen corporalibus etiam infligendis malis, si id permittantur, intentos esse, odium erga creaturas Dei implacabile ambigere non sinit. In antiquissimo sacramentario *Gelas. lib. III. n. 78.* extat *bened. aquæ exorciz. ad fulgura, ad effugandos erraticos spiritus omnemque nefariam vim diaboli pellendam, & omnes figuras & minas phantasmatis satanæ exterminandas, & fulgura & sidera, quæ missa videntur in hanc arborem &c.* Prostat Iob exemplum, dum ex speciali permissione ignis Dei cecidit e cælo, & tactas oves, puerosque consumpsit.

Proclive

a) Corporum ægritudines (inquit R. Abbas CALMET dissert. in bonos & malos angelos, mortem, & totam illam malorum co-

hortem, quæ miseros homines comitantur, uti procellas, sterilitatem, bella dæmonum auctori tribuit scriptura.

Proclive fuit Christianos edoctos, dæmones esse, quos gentiles coluerunt deos, *Iovem* e. g. Tonantem eiusque omnes effectus, etiam naturales dæmonibus adscribere, quæ opinio alte vulgi præsertim animis insedit, ut id etiam a dæmonibus ad intigationem hominum malignorum arte magica fieri existimarent promiscue, unde ineunte sæculo IX. S. AGOBARDUS episcopus *Lugdunensis* occasionem arripuit peculiari libro *de grandine & tonitruis* scribendi, ita præfatus: „In his regionibus pœne omnes homines nobiles, & ignobiles, urbani & rustici, senes & iuvenes putant grandines & tonitrua hominum libitu posse fieri, dicunt enim mox ut audierint tonitrua, & viderint fulgura, aura levatica est. Interrogati vero, quid sit aura levatica, alii cum verecundia parum remordente conscientia; alii autem confidenter confirmant incantationibus hominum, qui dicuntur tempestarii, esse levatam, & ideo dici levaticam auram.“ Non potuit non res hæc fallis suspicionibus, detractionibusque locum dare, unde etiam in lib. *Pœnit.* BURCHARDI c. 19. eiusmodi legitur: „Credidisti unquam vel particeps fuisti itius perfidiæ, ut incantatores, & qui se dicunt tempestatum immissores esse, possint per incantationes dæmonum, aut tempestates commovere, aut mentes hominum mutare? Si credidisti, aut particeps fuisti, annum unum per legitimas ferias pœniteas.“

Hoc tamen non obitante diu postea S. THOMAS, eoque duce theologorum caterva docuit, pluviam & ventos, & quæcumque solo motu locuti sunt, posse causari a dæmonibus, tum alibi cum etiam in lob lect. 3. ac nuper BENEDICTUS XIV. admittit, posse angelos etiam malos naturali sua virtute ignem ex superiori aeris regione demittere: posse etiam vehementissimos ventos excitare, quibus maxima hominibus damna inferantur. Eoque etiam faciunt, quæ idem Pontifex in alio opere, nempe *Institut. eccl.* 47. p. 341. de usu campanarum contra tempestates edisseruit. Ex sententia porro *Frid. HOFFMANNI* iam alias laudati in diss. *de diaboli potentia in corpora* „cum imperium & dominatum habeat in aerem, non negari poterit, quod & ventum, qui nonnisi motus aeris est, & fulmina, pluvias, grandines, aliasque tempestates ciere possit, quibus vegetabilibus, & frugibus noceat.“ Quin imo generari insecta in aere a dæmonibus posse non dubitat, atque sæpenumero insolitas, & pœne extraordinarias temporum mutationes diabolum causare absurdum haud putat, nec demum existimat errorem commissum iri, si quis pestis ipsius primam causam sæpius in ipsum diabolum, varie agentem in aere, refundere velit. Ibid. § XV.

Id vero paradoxum magis est, quod *Io. Frid. TELLER* inter Protestantes haud ignobilis nominis in *Lexici Novi Test.* parte prima, quæ prodiit



hoc ipso anno 1775. voc. *Erbeben* motum illum magnum factum in mari, dormiente in navicula Christo, *Matth.* VIII. 24. (quæ apud *Luc.* VIII. 23. dicitur procella venti) diaboli operæ tribuat. a)

Deo permit-  
tente, cor-  
poris vale-  
tudinem vi-  
tiant, mor-  
bis suisque  
malis,  
*Iob* 2, 5. seq.  
*T. II. pag.*  
*256.*

XLIII. Non contentus diabolus Iob suos, suaque omnia, sola ad con-  
tumeliam illusionemque relicta uxore, rapuisse, vastasseque instigatione  
hostium immissoque igne cœlesti, petit etiam a Deo obtinetque, tangi os  
eius & carnem. . . *Egressus igitur satan a facie Domini, percussit Iob ulcere*  
*pestimo a planta pedis usque ad verticem.* Ea vero omnia expendens S. Io-

ANNES *Chrysost.* Homilia I. *dæmones non gubernare mundum*, postquam in  
eo deprædicasset divinam clementiam, quod obsessos seu dæmoniacos non  
penitus permittat diaboli rabiei, neque omni sua potestate uti concedat.  
„Vis etiam (subdit) & altero rursus exemplo conspiciere, qua ratione dæ-  
mon gubernet, cum a Deo illi permittitur, ut potestatem suam exerceat?  
Veniant tibi in mentem armenta & greges Iob, quo pacto uno temporis  
momento cuncta assumerit miserabilis liberorum eius mors, inflicta corpori  
eius plaga: & crudelitatem, inhumanitatem ac sævitiam nequitiae dæmo-  
num intuebere, atque inde manifeste cognosces, si hoc etiam universum  
Deus illorum permetteret potestati, futurum ut cuncta confunderent, &  
turbarent, & ita nos tractarent, ut porcos & armenta illa, sicut ne exi-  
guo quidem temporis momento salutis nostræ possent parcere. Si dæmo-  
nes gubernarent, nihilo meliori essemus in statu, quam dæmoniaci: imo  
vero deteriori in statu, quam illi.“ Ita etiam post eum THEOPHYLACTUS  
exemplum *Corinthii*, quem PAULUS *1. Cor.* V. tradidit sathanæ, ut spiritus  
salvus sit, accipit, ægritudine corporis, vulneribus, aut plagis illum ma-  
cerari a diabolo, ut caro eius dometur, & humiliatus resipiscat.

pag. 224.

In sæpe citatis libris ad STAGIRIUM a dæmone vexatum usque adeo,  
ut in desperatas sibi mortem consciscendi cogitationes interdum veniret,  
moeroreque & tristitia contabesceret: hanc S. CHRYSOSTOMUS omni ob-  
fessione diabolica potentiorē esse ad nocendum iudicat moeroris magni-  
tudinē. Consentit plane nostris temporibus Io. Ios. GASSNER, episcopo  
*Ratisbon.* a Sacris, supra laudatus, qui in plerisque morbis, præsertim epide-  
micis quandam vexationem diabolicam agnoscit, auctoritate usus S. AUGU-

STINI,

a) „Dieses *Erbeben* war wohl eine geheime  
Wirkung des Satans, welcher jezo IESUM  
am rechten Ort zu haben glaubte. Mit  
dieser Meynung stimmt sehr gut, daß LU-  
CAS dafür nach dem Griechischen sagt,  
*es fuhr ein Windwirbel hernieder*, *LUC.*  
*8, 23.* vergl. *10, 18.* und die folgenden  
Redarten: *Er bedräuete dem Winde; o-*

der, wie MARCUS sagt: *Er sprach zu dem*  
*Meere: Schweig und verstumme!* viel-  
leicht expostulirte der Satan, wie ander-  
wärts: *Warum bist du gekommen uns zu*  
*quälen ehe dann es Zeit ist;* und endlich  
das gehorsam seyn: weil jene Redarten  
sonst für die Evangelische und historische  
Schreibart zu poetisch scheinen.“

STINI, qui Enarratione in Psalm. CXXX. in exemplum adducens D. PAULUM *T. IV. pag. 1465.*  
*1. Cor. XII. 7.* de quo supra n. 17. „Ne extolleretur (inquit) tanquam iu-  
 venis, colaphizabatur tanquam puer. Et a quo? ab angelis satanæ. Quid  
 est hoc? Dolo- quodam corporis traditur exagitatus vehementer: dolo-  
 res autem corporum plerumque immittuntur ab angelis satanæ; sed hoc  
 non possunt, nisi permitti. Nam & Iob sanctus sic probatus est. Permis-  
 sus est ad eum probandum satanas, & percussit eum vulnere, ut vermibus  
 putresceret. Immundus enim mittebatur, sed sanitas probabatur. Ne-  
 scit diabolus, quanta bona de illo fiant, etiam cum sævit.“

Quæ cum ita sint paratragediandum non ulque eo est, ut *Manichæis*  
*mi* revocandi suspicio, seu calumnia ingeratur, dum (ut prostant exem-  
 pla in veteri & novo testamento, ac deinceps vel in ipsis dæmoniacis) con-  
 ceditur dæmoni potestas affligendi, Deo id iustis quidem ex causis permit-  
 tente, corpus; cum anima plus sit quam corpus, quam continuo infestari  
 a dæmone, nemo negat: graviusque longe in hac animæ infestatione est  
 periculum, quam in quibuscunque aliis tum corporis, cum aliarum qua-  
 rumcunque rerum & facultatum terrenarum, quod tentationum genus cu-  
 mulatum Iob tantæ cessit gloriæ: & sicut alterum illud in corpore qualecun-  
 que fuerit, PAULUM periculo exemit, ne magnitudine revelationum extolle-  
 retur, ita cuique afflictiones corporales salutares cumprimis esse possunt,  
 nunquam autem immeritæ. „Si ergo charissimi (pergit S. AUGUSTINUS ex-  
 penso PAULI exemplo cit. loc. n. 8.) potuit PAULUS apostolus extolli mag- *pag. 1466.*  
 nitudine revelationum, nisi acciperet angelum satanæ, qui se colaphizaret,  
 quis de se possit esse securus? “ Cum vero in vexationibus corporalibus  
 malum ipsum sit remedium mali multo maioris animæ, ut palam sit exem-  
 plo *Corinthiaci*, eorumque, quos PAULUS tradidit satanæ, ut discerent non  
 blasphemare, quis Dei bonitatem desideret, si etiam vexationes huiusmodi  
 frequentiores esse dicantur, quod alibi idem S. Doctor admittit, in libro  
 nimirum *de divinatione demonum*: „Accipiunt enim sæpe potestatem & *T. VI. pag. 509.*  
 morbos immittere, & ipsum aerem vitiando morbidum reddere.“

Imprimis huc facit exemplum lunatici: „Cui (ut in locum illum MAT- *Matth. 17.*  
 THÆI ORIGENES commentatur tomo 13. n. 6.) a spiritu aliquo immundo *Marc. 9.*  
 & surdo & muto vertigo & tenebræ offunduntur, ab eoque affligitur, & *Luc. 9.*  
 quamobrem morbus ille a magna illa cœlesti, & a sole altera lampade no- *T. III. Opp. p. 577.*  
 men traxit, quam constituit Deus, ut præffet nocti. De rerum ergo  
 natura disputent medici, quippe quibus persuasum sit, spiritum impurum  
 minime hic esse, sed morbum corpori duntaxat, ac disputantes dicant  
 per quemdam cum lunari lumine, quod humida præditum est natura, con-  
 sensum & convenientiam, humores in capite moveri; nos autem, qui mor-  
 bum



bum hunc in ægris a spiritu immundo, muto, & surdo genitum videri e-  
vangelio credimus, & iis, qui eo prope modo, quo *Ægyptii* incantatores  
sanationem promittere more illorum soliti sunt, feliciter successisse, credi  
inter ipsos videmus, ne ansam præbeamus Dei operibus ita calumniandi,  
ut iniquitatem in excelsis loquantur, & ponant in cælum os suum, dice-  
mus spiritum hunc impurum certas lunæ figuras observare, atque ita ope-  
rari, ut cum observatum fuerit sub tali lunæ figura affici homines, non mu-  
tus & surdus dæmon tanti mali causam habere videatur, sed magna illa cœ-  
lestis fax, quæ constituta est, ut nocti præsit, neque ullum habet morbi  
huius inter homines imperium.“ Hæc nimis generaliter ORIGENES, nec  
aliter mox de aliorum siderum configurationibus loquitur contra *Geneth-*

T. V. Bibl.  
PP. p. 186.

*Macos* disputans. S. ATHANASIUS vero in *Fragm. Comment. in MATTHÆUM*  
rem adhuc pluribus explicat, atque ex scripturis demonstrandum sibi su-  
scipit, *lunam non esse insanix causam; sed malignum dolumque diabolum.*  
„Ipse namque inter malignos artifices annumeratur; & cum non possit alia  
ratione rebus conditis Numinis speciem affingere, vel homines ad idolo-  
rum fictionem compellere, observat neomeniam lunæ; & cum ad quin-  
tum diem pervenerit, tunc procurat, ut epilepticus clamet, spumas effe-  
rat, sese in ignem coniiciat, aut in aqua, ut eius parentes aut fratres, im-  
confanguinei cogantur lunam adorare, rati ipsam puero dæmonium mi-  
sisse.“

T. VII. pag.  
366.

S. IOANNES *Chrysost.* in *Matth. IX. 32.* de homine muto dæmonium ha-  
bente „Non enim (inquit) morbus ex natura prodierat, sed ex dæmonis  
insidiis. Quapropter aliis, qui ipsum adducerent, opus habuit. Neque  
enim ipse rogare poterat, mutus cum esset, neque alius supplicare, cum  
dæmon linguam eius alligasset.“ Ex eodem S. CHRYSOSTOMO supra de luna-  
ticis evangelicis locum, ubi de obsessis egimus, attulimus. Eum sequun-  
tur THEOPHYLACTUS, EUTHYMIUS & alii; ORIGENIS vero sententiam, ut  
alias etiam S. HIERONYMUS ex *Latinis* in cap. V. *MATTHÆI*, ubi Christus

T. IV. p. 14.

lunaticos & paralyticos curasse dicitur, sic ad orbitam revocat: *Non vere  
lunaticos; sed qui vocabantur lunatici ob dæmonum fallaciam, qui observan-  
tes lunaria tempora, creaturam infamare cupiebant, ut in creatorem blas-  
phemia redundarent.* Quæ iterum ad cap. XVII. lib. III. c. 18. repetit S.

pag. 79.

PETRUS *Chrysologus* vero id in hoc exemplo spectat, quod surdus & mu-  
tus (ut *Matth. XII. 22.* cæcus & mutus, quem Christus curavit, ut  
loqueretur & videret) nobis ostendat diabolus aures & linguam ligare,  
ne mali patente origine ad salutare remedium accurratur: „Antiquus re-  
fuga (inquit) ubi Deum terris reperit advenisse, obstruxit aures hominum,  
vinxit linguam, & obseratis humani sensus foribus speluncæ suæ latebram  
pectus

Matth. 17.

Marc. 9.

Luc. 9.

Serm. LII.

pag. 82.

pectus fecit, & paravit humanam; æstimans, quod illuc auditus verbi, virtus divini nominis non veniret: simul ut est dolosus, & callidus, patrem capere parentesque tali se credidit decipere figmento, ut desperarent curari posse eum, qui audire nec poterat, nec fari; & ut, quod erat diabolici operis, esse crederent debilitatis humanæ, deputarent pignori, adscriberent naturæ, quod intulerat hostis inclusus." ORIGENES c. 18. *Matth.* de eodem lunatico exceptionem huiusmodi medicorum prævertens „Medici (inquit) loquuntur, quæ volunt, nos autem qui evangelio credimus, dicemus hanc passionem immundum spiritum operari." LACTANTIUS div. institut. lib. II. c. 15. rationem ex ipsa eorum perversa repetit natura: „Hi, ut dico, spiritus contaminati ac perdit per omnem terram vagantur, & solatium perditionis suæ perdendis hominibus operantur. Itaque omnia insidiis, fraudibus, dolis, erroribus complent: adhærent enim singulis hominibus, & omnes ostiatim domos occupant, ac sibi geniorum nomen assument: sic enim latino sermone dæmonas interpretantur. . . Qui quoniam sunt spiritus tenues & incomprehensibiles, insinuant se corporibus hominum, & occulte in visceribus operati, valetudinem vitiant, morbos citant, somniis animos terrent, mentes furoribus quatiant, ut homines his malis cogant ad eorum auxilia decurrere."

Duo ad rem habet B. THEODORETUS specimina in historia religiosa in *T. III. pag. 837.* MACEDONIO primum de uxore divitis cuiusdam, edacitatis morbo laborante: „Et morbum hunc (ait) quidam dæmonis operam, alii corporis infirmitatem arbitrabantur. Sive hoc autem, sive illud fuit, eiusmodi erat, ut triginta singulis diebus gallinas cum ederet, aviditatem non expleret, sed alias porro appeteret. Cum sic opes suas consumeret, miserti eius propinqui divini illius hominis opem implorant. Venit ille, Deumque precatus, & dexteram aquæ imponens, ac signum crucis effingens, bibere iussit, & morbum sanavit, atque immoderatam appetentiam ita repressit, ut illi deinceps ad victum in singulos dies exigua gallinæ particula sufficeret. Et hic quidem morbus hoc modo curatus est." Sic eodem paullo post narrante „Nobilis quædam ac prædives femina, ASTRIVM nomine mentis *pag. 838. seq.* impos facta, sic ut suorum neminem agnosceret, cibumque ac potum omnem respueret, longo iam tempore in hoc delirio perseverabat: quod quidem alii dæmonis operæ tribuebant, medici vero cerebri morbum appellabant. Quare omni arte consumpta, cum auxilium inde nullum existeret, vir eius AVODINUS magistratu & dignitate clarus ad divinum illud caput profectus, & conjugis calamitatem exposuit, & remedium expetiit. Cessit homo Dei, eiusque domum venit, & Deum magna contentione precatus est. Peracta oratione aquam adferri cum iussisset, eique salutare signum



num impressisset, bibere illam iussit. Reclamantibus medicis, quasi frigidum potu hic morbus augeretur, maritus, tota illorum turba expulsa, uxori potionem præbuit, & illa, ut ebibit, ad se mox rediit, mentisque compos facta & a morbo prorsus libera sanctum virum agnovit, eiusque dextram supplex apprehendens oculis suis imposuit, & ori admovit & sana mente in posterum potita est." Qualiscunque vero hæc ægritudo fuerit, in memoriam revocat opinionum diversitas mulierem, de qua *Luc. XIII. 11. quæ habebat spiritum infirmitatis annis decem & octo: & erat inclinata, nec omnino poterat sursum respicere.* Quis dubitet spiritum hunc infirmitatis a medicis pro morbo naturali habitum fuisse; at invidia calumniaque archisynagogi indignantis, quod eam Christus sabbato curasset, veritatem detegit: *Hanc autem, excusat se Christus, filiam Abrahamæ, quam alligavit satanas ecce decem & octo annis, non oportuit solvi a vinculo isto die sabbati.* Supra notavimus singulares vitiorum spiritus ex Patribus, hic vero ipsum nobis evangelium prodit spiritum infirmitatis. Et quis perspectum habet, quam longe lateque grassetur, cum in animam tantam malignus exerceat tyrannidem? ut etiam millies si abigatur, non lassescat, aut desistat. Vid. S. CYPRIAN. *de idol. van.* p. 10. paullo post pag. 111.

Verbera,  
vulnera in-  
fixerunt,

XLIV. De exorcistis *Iudeis filiis Scævæ*, principis sacerdotis *Act. XIX. 13. &c.* legitur, *Insiliens in eos homo, in quo erat demonium pessimum, & dominatus amborum invaluit contra eos, ita ut nudi & vulnerati effugerent de domo illa.* LOCUS D. PAULI *I. Cor. V. 5. Corinthii* satanæ traditi de obsessioe, plaga, morbo, ipsaque morte a *Græcis* potissimum Patribus accipitur: itemque qui ipsum PAULO datus est *σκόλοψ τη σαρκὶ Ἀγγελῶ σατάν, ἵνα με πολαφίῃ*, de flagello, paxillo, fude, id est verberibus quibus cæsus sit, a nonnullis intelligitur. Prostantque exempla quædam plagis exceptorum a dæmonibus virorum sanctissimorum: Et quidem S. ANTONIUS, ut iam ex S. ATHANASIO memini, flagellatus atque confossus sentiebat quidem asperiores corporis dolores, sed imperterritus durabat mente pervigili. Et licet gemitum vulnera carnis exprimerent, sensu tamen idem permanens, quasi de inimicis luderet, loquebatur. Si virium (aiebat) aliquid haberetis, sufficeret unus ad prælium, sed quoniam Domino vos enervante frangimini, & multitudine tentatis inferre terrores. Rursusque confidens dicebat, si quid valetis, si vobis in me potestatem Dominus dedit, ecce præsto sum, devorate concessum; si vero non potestis, cur frustra nitimini? Habemus autem S. ANTONII de seipso testimonium *plerumque se plagis concisum esse a dæmone*; de S. HILARIONE item T. IV. p. 76. S. HIERONYMUS edidit, insiliisse dorso eius orantis (dum abducta ab oratione mens,

*mens, nescio quid aliud cogitabat*) agitatore[m] dæmonem & *latera calcibus, cervicem flagello* verberantem. Paulo post perhibetur „Auriga quoque *Gazensis* in curru percussus a dæmone, totus obriguisset, ita ut nec manum agitare, nec cervicem posset reflectere. Delatus ergo (pergit S. Hieronymus) in lecto, quum solum linguam moveret ad preces, audit non prius posse sanari, quam crederet in Iesum, & se sponderet arti pristinae renuntiaturum. Credidit, spondit, *sanatus est*: magis de animæ, quam de corporis salute exultavit.“ Adde quæ mox de ORIONE, viro primario urbis *Aile* dixerat, integra dæmonum legione obfesso: qui ad sanctum virum adductus *erupit de manibus se tenentium, & amplexus eum post tergum, in sublime levavit.*

Iam etiam narravimus ex Sulpitio Severo, diabolum quodam tempore, *De vita S. Martini c. 21.* cornu bovis cruentum in manu tenentem cum ingenti fremitu cellulam *S. Martini* irrupisse, cruenta dextra ex admissio recens scelere in rusticum quemdam mercede conductum, ut vehiculo ligna deferret haud longe a monasterio, qui *iam pæne exanimis* inventus, *extremum spiritum trahens indicat fratribus casum mortis & vulneris: iunctis scilicet bobus, dum dissoluta arctius constringit, bovem sibi excusso capite inter inguina cornu iecisse.* Nec multo post vitam reddidit. Sanctum etiam MACARIUM aliquando quidem gladio petere ausus est dæmon, ut in eius apophtheg. legitur his verbis: „Alia iterum vice dæmon insurrexit adversus abbatem MACARIUM cum gladiolo, volens pedem eius amputare; sed cum propter humilitatem ipsius non posset, dixit ei: *Quacunque habetis, habemus etiam nos: sola humilitate a nobis differtis, & pravaletis.*“ S. GREGORIUS Turo-*pag. 1146.* *ensis de vit. Patr. cap. 1.* refert LUPICINUM atque ROMANUM iuvenes adhuc inter deserti secreta, quotiescunque ad orandum Dominum genua flexissent, iacentibus dæmonibus imbre lapidum obrutos esse, ita ut sæpe vulnerati immensis dolorum cruciatibus torquerentur. „Cessit immatura ætas (pergit) insultibus, & relinquentes habitaculum domum cuiusdam pauperis ingrediuntur. Narrant mulieri, se non sine confusione reliquisse eremum, & eius causam exponunt: sed oportuerat, ait illa, contra insidias diaboli viriliter dimicare, nec formidare eius inimicitias, qui sæpius ab amicis Dei superatus occubuit. Illi corde compuncti, quod propositum suum dimiserint, & crucis vexillo armati regressi sunt ad eremum, & licet iterum a dæmonibus lapidibus urgerentur, persistentes in oratione, remota tandem tentatione, in Dei famulatu perstiterunt.“

Alii etiam Sancti, quos inter GUILLIELMUS *Stabuli Rodis* abbas, & S. FRANCISCUS *de Pau* a persæpe a dæmonibus dire vapulasse perhibentur, ut apud BOLLANDUM videre est T.I. *Ianuarii* p. 96. 895. T.I. *April.* p. 368.



Mortem  
ipsam.

Tob. 6, 16.  
seq.

XLV. De SARA, filia RAGUELIS legitur Tob. III. 8. *quoniam tradita fuerat septem viris, & demonium nomine Asmodæus occiderat eos, mox ut ingressi fuissent ad eam.* Timenti ergo TOBIÆ, ne forte & sibi hæc eveniant, angelus RAPHAEL ita consulit: *Audi me, & ostendam tibi, qui sunt, quibus prævalere potest demonium. Hi namque, qui coniugium ita suscipiunt, ut Deum a se & a sua mente excludant, & suæ libidini ita vacent, sicut equus & mulus, quibus non est intellectus: habet potestatem demonium super eos. Tu autem, cum acceperis eam, ingressus cubiculum, per tres dies continens esto ab ea: & nihil aliud nisi orationibus vacabis cum ea. Ipsa autem nocte, incenso iecore piscis, fugabitur demon.* De IOBI familia rem iterum commemoro, ut singularis permissionis divinæ exemplum ingeratur.

Cap. 57. pag.  
305.

pag. 94.

Teste TERTULLIANO in libro de Anima pluribus notum est, demoniorum quoque opera, & immaturas & atroces affici mortes, quas incursum deputant. S. CYPRIANUS in libro de Lapsis de femina regenerata in balneis constituta: „Hoc enim (inquit) crimini eius & malis deerat, ut & ad balneas statim pergeret, quæ lavacri vitalis gratiam perdidisset, illic ab immundo spiritu immunda correpta cecidit, laniavit dentibus linguam, qua fuerat vel pasta impie, vel locuta. Postquam sceleratus cibis sumtus est, in perniciem suam rabies oris armata est. Ipsa sui carnifex extitit, nec diu superesse postmodum potuit; doloribus ventris & viscerum cruciata defecit.“ Sequuntur alia exempla exanimationis quidem in infante, mortis vero item alterum in adulta. Iam memoravimus ex S. GREGORIO Nissano in vita S. GREGORII Taumaturgi, dæmonem quemdam homicidam in balneo versari solitum; cuius pestifera vis post tenebras exercebatur adversus eos, qui accedebant; ita ut nemo eorum, qui unquam illa hora aquam ingredi ausi essent, inter vivos postea apparuisset. Quibus accedit funestum admodum apud S. GREGORIUM lib. I. Dial. c. 10. quærente enim dæmone, qui a S. FORTUNATO fuerat excussus, seu expulsus, alium, quem obsideat, quidam in hospitio cum uxore sua & parvulo filio ad prunas sedebat, qui vocem eius audiens, & quid episcopus ei fecerit requirens, hunc invitavit hospitio, sedere secum iuxta prunas fecit. Cumque vicissim aliqua confabularentur, parvulum eius filium idem malignus spiritus invasit, atque in easdem prunas proiecit, ibique mox eius animam excussit. CÆSARIUS a quodam abbate sibi relatum refert, hominem quemdam iratum dixisse filio suo: *Vade diabole*; quem mox diabolus rapuerit; & nusquam comparuerit. Sed mitto alia ab eodem, aliisque sequiore ævo innumera huiuscemodi tragica enarrata, quorum vero ego haud præstem fidem.

N. 26. T.  
III. Bibl.  
PP. 464.  
465.

T. II. pag.  
196.

Add. L. II.  
c. 11. Cæsar.  
Heisterbac.  
de mirac.  
lib. V. c. 12.

S. HILARION & in Bactro camelo *enormis magnitudinis*, qui iam multos obtrixerat, diabolum agnovit. Docebat autem senex, pergit in eius vita S. HIERONYMUS, hominum causa diabolum etiam iumenta corripere: T. IV. p. 32. & tanto eorum ardere odio, ut non solum ipsos, sed & ea, quae ipsorum essent, cuperet interire. Huiusque rei proponebat exemplum, quod antequam beatum Iob tentare permetteretur, omnem substantiam eius interfecerit. Hæc ille. Passim vero SS. Patres ad fidem historiæ B. Iob id adstruunt, si permetteretur, brevi totum genus humanum internecione diabolum deleturum. Unum ex multis S. CHRYSOSTOMI locum ex hom. I. *Dæmones* T. II. pag. non gubernare mundum, paullo ante retuli, ubi dicit, si permetterentur 256. dæmones, ita nos tractarent, ut porcos & armenta illa, sic ut exiguo quidem temporis momento salutis nostræ possent parcere.

Eodem usus porcorum exemplo, tum vero ex evangelio Io. VIII. 44. diabolum homicidam notans contra eos, qui ad incantamenta, veneficia ac præstigias recurrunt lib. VIII. adversus Iudæos: „Cum enim (inquit) Deus dicat, homicida est, isti vero dicant, potest curare morbos, nimirum repugnantes sententiæ divinæ: tu vero recipias horum maleficia illa, & incantamenta, nihil aliud ipsis factis tuis iudicas, quam istorum verbis potius habendam fidem, quam Christi: licet verbis id non dicas. Quodsi diabolus homicida est; manifestum est, quod illi servientes dæmones sunt. Et hoc quoque te ipsis factis docuit Christus, qui permittit illos irruere in illum gregem porcorum, quem universum in mare præcipitarunt: ut intelligeres, quod eadem facturi fuerint hominibus, statimque præfocassent, si Deus illis permisisset. Nunc vero ipse eos coercuit, prohibuitque, nec quidquam eis permittit facere eiusmodi: quod quidem ipsi potestate in porcos accepta declararunt. Et enim si porcis non pepercerunt; multo minus a nobis abstinuissent, si adversus nos potestatem habuissent.“

Temerarium vero foret definire, seu etiam conijciendo tantum audacius quidquam velle assequi, quatenus Deus permittere aliquando censendus sit eiusmodi dæmonibus potestatem veluti vitæ & necis directe, vel indirecte, atterendo corporis valetudinem in eius destructionem. In monumentis liturgicis nihil occurrit, quod provida mater Ecclesia hic antidotum opposuerit in suis exorcismis; estque caute omnino ac circumspecte agendum, prospiciendumque legitima auctoritate circa illos, quos probativos vocant, ut ab humanæ imaginationis & phantasiæ (cuius passim prodita est vis) ludibriis immunes satis præstentur. Varia sunt Spiritus sancti charismata iuxta Apostolum I. Cor. 12, 28. caute ac religiose discernenda, sancteque tractanda in ecclesia, in qua quosdam quidem po-



*fuit Deus primum apostolos, secundo prophetas, tertio doctores, deinde virtutes, exinde gratia curationum, opitulationes &c. Nunquid omnes virtutes? Nunquid omnes gratiam habent curationum? Nec facile ququam donum sibi singulare discretionis spirituum arroget, usurpetque, quod charisma inter alia prius apostolus posuerat, discretionis spirituum nempe bonorum & malorum, ac operationum eorundem, qualem haecenus variam explicavimus dæmonurgiam in animam & corpus: ex quibus illarum quidem frequentiam nemo catholicorum saltem hæcenus negavit; ex his vero in exemplum statim trahi hic non possunt, quæ rara ac extraordinaria leguntur in ipsa scriptura veteris testamenti; aut quæ ex profanis monumentis afferri queant, maleficiorum etiam mortalium, ex epocha paganismi genera.*

*Romanis legibus ultimo mulctantur supplicio, qui magicis artibus homines interficiunt; graviore adhuc poena afficit antiquissimum concilium Eliberitanum can. 6. si quis vero maleficio interficiat alterum, eod quod sine idololatria perficere scelus non potuit, placuit nec in fine impertiendam esse illi communionem.* Alia lectione LABBÆUS ad marginem ponit *veneficio*, citatque Decret. Ivo. p. 10. c. 155. Burch. lib. 6. c. 26. Qua vero auctoritate ducti sint, qui loco *maleficio* legendum putent *per malitiam* haud scio, nec, qua ratione ea lectio cum contextu canonis conciliari possit, assequor.

Magia quidem soluta per Christum iuxta SS. Patres. 1. Pet. 3, 22. Coloss. 2, 15.

XLVI. Ex hoc aliisque antiquiorum conciliorum canonibus palam fit non omni superstitione magica vacasse ipsos coetus christianos. Postquam iam Christus *profectus in cælum, subiectis sibi angelis, & potestatibus, & virtutibus, Et exspolians principatus, & potestates traduxit confidenter, palam triumphans illos in semetipso*, principibus apostolorum PETRO & PAULO, ut ex actis apostol. constat, cum huiusmodi sulphuris hominibus magis, habenteque spiritum pythone negotia fuere, omnino quidem expedita secundum acceptam a Christo potestatem, destructoque diaboli regno, quod in huiusmodi superstitionibus operationibusque seu præstigiis magicis maxime in gentilismo exeruerat, quarum vero vim omnem, quæcunque denum fuisse censenda sit, destruxit, ac veluti lux tenebras dissipavit Christi adventus & regnum: qua nempe comparatione ex stella Magis exoriente passim utuntur SS. PP. antesignano S. IGNATIO, qui in *epistola ad Magnesianos*: „Quare (addit) soluta est omnis magia, & omne vinculum malitiæ est abolitum, ignorantia destructa est, vetus regnum est labefactatum: Deo humanitus manifestato, in novitatem vitæ æternæ. Principatum vero accepit id, quod a Deo omnibus suis parti-

bus

bus absolutum erat.“ Rem illustrat ORIGENES, haud dubie ad hunc *Contra Cel-*  
IGNATIUM locum respiciens, uti etiam homilia VI. in LUCAM, de latente *sum lib. I.*  
principem huius mundi diabolum partu Viriginis iuxta supra allatam S. IG-  
NATII sententiam.

Iam audiamus ORIGENEM contra CELSUM seu Ἐλληνας, id est gentiles *T. I. n. 60.*  
disputantem: „*Gracis* quidem (inquit) dicam magos, qui cum dæmoniis *p. 374.*  
commercium habent, quique illa ad ea, quæ volunt iuxta eas, quas di-  
dicerunt, artis suæ leges advocant, id ipsum efficere, quamdiu nihil di-  
vinus, nihilque dæmonibus, aut evocante illos incantatione fortius aut  
apparet aut nominatur: sin autem aliqua se se vis diviniore exerit, dæmo-  
niorum virtutes pessumdari, nec divinitatis posse sustinere splendorem.  
Verisimile ergo est, cum natus est IESUS, quoniam multitudo militiæ  
cœlestis, ut LUCAS narrat, & ego credo, laudavit Deum his verbis:  
*Gloria in excelsis Deo, & in terra pax, in hominibus bona voluntas,*  
propterea dæmonia suas vires & potentiam defecisse, deprehensis eorum  
præstigiis, & irrita facta virtute. Atque id effecit non modo angelorum  
ad loca terræ vicina adventus, sed & virtus IESU, & quæ in illo erat  
divinitas. Itaque magi, cum facere frustra tentassent, quæ prius per  
incantationes arcanaque magica facere solebant, huius rei causam non  
vulgarem esse conicientes, quæsierunt: & viso in cœlis prodigio, vide-  
re, quod illo significabatur, voluerunt. Sic ergo mihi videtur: cum  
BALAAMI, qui & ipse harum artium peritissimus fuit, haberent vaticinia  
a MOYSE quoque scriptis tradita, & illic de stella legissent istud: *Osten-*  
*dam ei, & non modo; beatum facio, & non appropinquabit;* coniecerunt *N. XXIV.*  
hominem illum, qui cum stella prænuntiatus fuerat, in hanc lucem pro- *17.*  
diisse: cumque iam inde animo præcepissent, illum esse dæmoniis & spi-  
ritibus, qui ipsis apparere & ministrare solebant, præstantiorem, adorare  
statuerunt.“

Hæc ORIGENES, cuius sententiæ substantia continetur in homilia in  
sanctam Christi generationem, quæ hætenus S. BASILII credita, in no-  
vissima editione Patrum S. MAURI ceu dubia in appendicem est reiecta  
Tomi II. „Sunt igitur ei (dictæ homiliæ verba refero) genus *Persicum* ma-  
gi, vaticinationibus, incantationibusque, & naturalibus rerum affectionibus  
inter se oppositis intenti, ac rerum sublimium contemplationi vacantes.  
Videtur autem, huius vaticinationis particeps fuisse & BALAAM, qui accer-  
situs est a BALAC, ut quibusdam ritibus dira *Israeli* precaretur: qui & in  
sua parabola quarta, talia de Domino dicit: *Homo videns, inquit, audiens* *N. XXIV.*  
*eloquia Dei, sciens scientiam Altissimi, ac Dei visionem in somnis videns:* *17.*  
*revelati oculi eius. Ostendam ei, & non nunc, beatum prædico, & non ap-*  
*propinquat*



**T. II. p. 77.** *propinquat. Orietur stella ex Iacob, & consurget homo ex Israel.* Quamobrem locum *Iudææ* cum inquirerent, recordati vaticinii veteris accesserunt, ut discerent, ubi esset, qui natus erat rex *Iudæorum*. Fortasse autem & adversa potestate per Domini adventum iam debiliore effecta, vim agendi suam destrui sentientes, potentiam magnam nato tribuebant. Brevis-  
**S. AMBROSIIUS** explicato eodem fallendi principis mundi consilio, initio lib. II. in **LUCAM** n. 3. & deinceps iis, quæ ad conceptum partumque virgineum referunt evangelia de adoratione magorum exprobrans christiano n. 48. *Magus ergo, subdit, intelligit suas cessare artes, non intelligis tua dona venisse?*

**S. ATHANASIUS** ex professo hoc argumentum contra gentiles tractat in lib. *de Incarnat. Verbi*: Unum hic locum aliunde, ex homilia nimirum de passione & cruce Domini eiusdem **S. Patris**, adducimus, in quo sicuti alias præsentaneum simul adversus vim omnem magicam seu diabolicam, scutum inexpugnabile **S. Crucis** contra omnes dæmonum infestationes ostenditur: „Ad hæc (inquit) omnia iam veneficia cessare, omnis magia abolita, universa *Græcorum* infatuata sapientia est. In divinis quippe, non verbis, sed factis est opus: neque pronuntiatio linguæ, sed animæ adfectus prodest. *Græci* igitur verbis non percipiunt ea, quæ fide Christiani exhibent: & quæ verbis magi efficiunt, hæc, silentibus nobis signo crucis evanescunt.“ Sic etiam alios **SS. Patres** locutos iam intelleximus, ac deinceps multo adhuc disertius, copiosiusque percipiemus capite sequenti, de acciso per Christum diaboli regno, malisque omnibus facile explodendis artibus. „Eam ob causam (sunt **S. BASILII**, in homilia *Quod*  
**T. II. n. 30.**  
**p. 104.** *Deus non sit auctor peccati, verba n. 10.) & Dominus satanam vidit sicut fulgur de cælo cadentem*: hoc est, ex suo principatu prolapsum, & in imis iacentem; ut ab iis, qui in Christo spem poluere, conculcetur. Nimirum *Dedit discipulis suis virtutem calcandi super serpentes, & scorpiones, & super omnem virtutem inimici*. Proinde cum flagitiosa eius tyranniseiecta sit, locusque terræ circumiacens mundatus sit, per salutarem passionem illius, qui pacificavit, quæ sunt super terram, & quæ in cælis, tum demum regnum cælorum nobis prædicatur.“ **S. HIERONYMUS** in illud *Isaiæ XLIV. 25.* *Ego sum Dominus faciens omnia: extendens cælos solus: stabiliens terram & nullus mecum. Irrita faciens signa divinatorum, & hariolos in furorem vertens*, commentans: „In stabilitate quoque (inquit) terræ, quando illius fundamenta solidabat, nullus erat cum Deo, præter eum, qui erat in eo. Iste igitur tantus ac talis, quum præfiniti mysterii tempus advenerit, ut cuncta idola destruantur, & Dei solius notitia prædicetur in mundo, omnia vaticinia divi-

rum, & pythonum & hariolorum signa, atque portenta, quibus humanum deceperunt genus, destruet atque subvertet."

XLVII. Est hoc, quod constanter opponunt, qui contra gentilitias superstitiones, idololatricasque abominationes pro Christianæ religionis veritate sanctitateque pugnarunt ab ineunte ecclesiæ ætate, editis primum apologiis a IUSTINO M. Is itaque utraque apologia nativitatem verbi divini exponens, brevi secundo loco hac rem complexus est sententia: *Nam & homo factus est, ut antea diximus, de Dei & Patris voluntate partu editus pro credentibus hominibus ad demonum everisionem.* Vicissim vero S. IRENÆUS in libris contra *de hæres.* hæreticos eos passim infectatur, qui SIMONEM magum secuti magicis etiam superstitionibus fuerunt dediti MENANDER, MARCUS, SATURNINUS, BASILIDES, CARPOCRATES, eos nil nisi ludificare præstigiis & imposturis ostendens, uti inter alios etiam CLEMENS *Alexandrinus* alibi contra pseudognosticos illos perinde ac gentiles, speciatim vero in exhortatione ad gentes demonstrat, TERTULLIANUS autem in apologetico contra gentes cap. 23. In libro de anima c. 57. sic veluti ex communi sententia definit magiam. „Quid ergo dicemus magiam? quod omnes pæne, fallaciam. Sed ratio fallaciæ solos non fugit Christianos, qui spiritualia nequitiae non quidem socia conscientia, sed inimica scientia novimus, nec invitatoria operatione, sed expugnatoria dominatione tractamus: multiformem luem mentis humanæ, totius erroris artificem, salutis pariter animæque vastatricem scientiam magiæ; secundæ scilicet idololatriæ.“ Et S. CYPRIANUS *de idolorum vanitate*, „Horum autem omnium (inquit) ratio est illa, quæ fallit & decipit, & præstigiis cæcantibus veritatem, stultum & prodigum vulgus inducit. Spiritus insinceri & vagi, qui posteaquam terrenis vitiis immerfi sunt, & a rigore cœlesti terreno contagio recesserunt, non desinunt perditum perdere, & depravati errorem pravitatis infundere. . . Hi afflatu suo vatuum pectora inspirant, extorum fibras animant, avium volatus gubernant, sortes regunt, oracula efficiunt, falsa veris semper involvunt. Nam & falluntur & fallunt, vitam turbant, somnos inquietant. Irrepentes etiam in corporibus mentes terrent, membra distorquent, valetudinem frangunt, morbos laceffunt, ut ad sui cultum cogant &c.“

Ad S. ATHANASII insigne de incarnatione Verbi opus iam provocavimus, pluraque deinceps opportune ad præsens argumentum colligemus de destructo per Christum diaboli regno detectisque fallaciis, quibus *prius quidem*, verba eius recito, *hominibus demones phantasiis variis illudebant, fontes aut flumina, aut ligna aut lapides præoccupantes, atque ita præstigiis*

Eiusque demonstrata fallacia.

p. 57 seq.

pag 93.

p. 305.

pag. 10.



*giis inanibus fallebant stultos.* Hac ac paullo ante allata ex S. Hieronymo auctoritate sententiam suam inter alia firmant, qui magiæ omnem vim etiam ante Christum demunt. Hos inter nuper singulari eruditione de cultibus magicis eorumque perpetuo ad Ecclesiam & rempublicam habitu libb. II. Vindobonæ edidit Constantinus Fr. de CAUZ cum aliis in hoc a systemate ill. MAFFEI recedens, quod hic magicam ex Patrum traditione ante christi nativitatem extitisse, ac postea evanuisse contendat: ante MAFFEIUM vero Hier. TARTAROTTI post Io. WEIERUM & alios a CAUZIO citatos inter magos & sagas distinguens, has non illos scelere absolvit: adeoque etiam nunc magicam quamdam ope dæmonum obtinere artem admittit, definitque cognitionem rerum superstitiosarum, ut verborum, versuum, characterum, imaginum, signorum aliarumque ceremoniarum, quibus mediantibus magus intentum obtineat; non quod hæc natura sua aptæ sint natæ effectum talem producere, sed virtute pacti vel expressi aut taciti cum dæmonio. In apologia nihilominus huius libri declarat, se per ista expressa vel tacita pacta nihil aliud intendisse exprimere, quam veram familiaritatem, assistentiam cooperationem dæmonum. Redit tamen ad pactorum doctrinam in eadem apologia, ut iam modo laudatus CAUZIO notavit, systemaque hoc pactorum ad rationis & historiæ trutinam revocat lib. I. c. 5. a. Copiosius adhuc P. Jordanus SIMON Augustinianus, lib. I. c. 4. & sequentibus.

a  
Ac impia  
superstitio.

T. IV. p. 80.

XLVIII. Capite octavo quidem, dum ad ritus ecclesiæ monumentaque liturgica provocat, tum ab aliis, cum etiam a Ven. THOMASIO edita, haud scio an attenderit ad eam, quam paullo ante ex eodem THOMASIO retulimus *Benedictionem aquæ exorciz. ad fulgura*, quæ extat in noviss. ed. VEZZOSII T. VI. p. 211. *ad effugandos erraticos spiritus, omnemque vim diaboli pellendam, & omnes figuras & minas phantasmatis satanæ exterminandas.* Ubi equidem haud contentiose verba & omnes figuras de signis magicis accipiam, quæ tum alibi ex SS. Patribus, cum paullo ante ex S. ATHANASIO & Hieronymo notavi: quæ in vita S. HILARIONIS eorundem usum magicum describit, iuvenem memorans virginem Dei depereuntem: „Qui cum frequenter tactu, iocis, nutibus, fibilis, & cæteris huiusmodi, quæ solent morituræ virginitatis esse principia, nihil profecisset, perrexit *Memphim*, ut confesso vulnere suo, magicis artibus rediret armatus ad virginem. Igitur post annum doctus ab *Æsculapii* vatibus, non remediatis animas, sed perdentis, venit præsumtum animo stuprum gestiens, & super limen puellæ portenta quædam verborum, & portentosas figuras sculptas in æris *Cyprii* lamina defodit.

Illico

a) Die Nichtigkeit der Hexerey und Zauberkunst in zweyen Büchern entworfen von *Ardoino Ubicante* DELL' OSA.

Illico insanire virgo & amictu capitis abiecto, rotare crinem, fridere dentibus, inclamare nomen adolescentis. Magnitudo quippe amoris se in furorem verterat. Perducta ergo a parentibus ad monasterium seni traditur: ululante statim & confitente dæmone &c.“ Et mox: „Noluit autem Sanctus antequam purgaret virginem, vel adolescentem signa iubere perquiri: ne aut solitis incantationibus recessisse dæmon videretur, aut ipse sermoni eius accommodasse fidem: asserens fallaces esse dæmones, & ad simulandum esse callidos; & magis reddita sanitate increpuit virginem, cur fecisset talia, per quæ dæmon intrare potuisset.“ Ita vero cautos reddere homines, atque abstertere, ne talia faciant, *per quæ dæmon intrare*, iustoque Dei iudicio infestare permittatur in corpore vel anima, superstitiosum plane non fuerit.

Neque vero ita patrocinari volumus fabulis ac næniis, quæ vulgo circumferuntur de vi huiusmodi signorum, aut etiam pacti magorum, vel sagarum cum dæmone. Quis enim in animum sibi inducat, Deum permissurum, ut ad lubitum nebulonis cuiusque, perditæ, ac deliræ anus generi humano quævis inferantur damna, ac cumulentur maleficia, rerum ordo perturbetur, ac quodammodo miracula fiant? atque id quidem ex condito & pacto, quo dæmones stringantur seseque obligent hominibus ad nutum præsto esse, atque operam suam collocare pro cuiusque libidine, prout feruntur innumera præstigiæ genera specioso artium magicarum titulo.

Sæpe in hoc argumentum excurrit S. AUGUSTINUS præsertim in grandi opere *de Civitate Dei* contra paganos pro instituti ratione: *Cum sint*, ut id libr. II. *Retraçtat.* c. 43. explicat, *de utraque (quarum est una Dei, altera huius mundi) conscripti, titulum tamen a meliore acceperunt, ut de civitate Dei potius vocarentur.* Speciatim libr. VIII. c. 19. inscribitur *de impietate artis magicæ, quæ patrociniis nititur spirituum malignorum*: libro II. de doct. christ. postquam cap. 20. superstitiosum esse definisset, *T. III. p. 31. quidquid institutum est ab hominibus ad faciendâ & colendâ idola. . vel ad consultationes & pacta quadam significationum cum demonibus placita atque fœderata, qualia sunt molimina magicarum artium, universim postea concludens c. 23. „Omnes igitur (inquit) artes huiusmodi vel nu- N. 36. p. 32. gatoriæ vel noxiæ superstitionis ex quadam pestifera societate hominum & dæmonum, quasi pacta quadam infidelis & dolosæ amicitiae constituta penitus sunt repudianda & fugienda christiano: non quod idolum sit aliquid, ait apostolus, sed quia, quæ immolent, demoniis immolant, & non Deo: nolo autem vos socios demoniorum fieri. Quod autem de idolis & de immolationibus, quæ honori eorum exhibentur, dixit apostolus,*



Ius, hoc de omnibus imaginariis signis sentiendum est, quæ vel ad cultum idolorum vel ad creaturam eiusque partes tamquam Deum colendas trahunt, vel ad remediorum aliarumque observationum curam pertinent, quæ non sunt divinitus ad dilectionem Dei & proximi tamquam publice constituta, sed per privatas appetitiones rerum temporalium corda dissipant miserorum. In omnibus ergo istis doctrinis societas dæmoniorum formidanda atque vitanda est, qui nihil cum principe suo diabolo nisi reditum nostrum claudere atque obserare conatur.“

Vid. *Cauz de Cult. mag. lib. I c. 5.*

*Matth. 4 8. Luc. 4, 6.*

*T VII. Conc. edit. Labb. pag. 1268.*

Adhuc sequenti capite 24. describitur perniciofa eiusmodi dæmonum societas, seu pactum, quale quidem cum Christo inire tentavit, ceu contractum *do, ut facias*; sunt vero qui putent, primum a CÆSARIO *Heisterbacensi* ex vulgi opinione tale commercium in lucem prolatum fuisse in libris illustrium miraculorum & historiarum memorabilium an. 1227. editis. Facile equidem tribuo, rem omnem magicam, atque præstigias diaboli innumeris esse commentis ac imposturis infartas, quæ a scriptoribus medii ævi popularibusque naniis posteritati ad nostra usque tempora sunt transmissa, propemodum memoriam fugiente saluberima illa Concilii *Turonensis* III. lege anno 813. sub CAROLO M. eius etiam Capitularibus inserta, hac sententia: „Admoneant sacerdotes fideles populos, ut noverint magicas artes, incantationesque, quibuslibet infirmitatibus hominum nihil posse remedii conferre: non animalibus lanquentibus, claudicantibusque vel etiam moribundis quidquam mederi: non ligaturas ossium, vel herbarum cuiquam mortalium adhibitas prodesse: sed hæc esse laqueos & insidias antiqui hostis, quibus ille perfidus genus humanum decipere nititur.“ Optarim, tum CÆSARIUM *Heisterbacensem*, cum etiam supparem VINCENTIUM *Bellovacensem* in *speculo historiali*, atque ad finem eiusdem adhuc sæculi Iacobum de VORAGINE in *histor. Longobard.* quæ perinde ac asinus aureus legendæ aureæ nomen commerita est, vellem, inquam, ut hi aliquæ nugivenduli IOANNEM potius *Sarisberiensensem* paullo superiorem, sæculi nimirum duodecimi scriptorem, essent secuti, qui lib. II. *de nugis curialium* cap. 27. hanc picem tangens mox in ipso proœmio *de aruspibus*, inquit, *auguribus, fallisatoribus, ariolis, pytharicis, aruspibus & aliis, quorum præ multitudinem tædiosa est enumeratio, productiorem sermonem texere, cum nemo iam progrediatur in lucem, sed in latibulis, si quis est, exerceat opera tenebrarum, supervacaneum est.*

Quod consilium præsentis in argumento sequi eo promptius est, quod in antiquitatibus ecclesiasticis monumentisque liturgicis haud notentur eiusmodi portenta superstitionum, ac operationum magicarum, quas sequior demum produxit, effinxitque ætas fallacia ludificationeque diaboli ad irrec-

tien-

tiendas animas eorum ex infima fece hominum, qui nec rationem, nec religionem in consilium vocare didicerunt, stupidi, obcæcati animo, & sui similibus impie imponunt, & ipsi decipiuntur, atque ab hoste humani generis in errorem, superstitionem, idololatriam abducuntur, iure quidem luendam ob enormitatem sceleris designati perversitate mentis misere delusæ, atque in suam delirantis perniciem, insanientisque.

XLIX. Quæ cum ita sint, cui mirum videatur, solas mulierculas, <sup>Strigum luf-  
dibria.</sup> quas sagas seu striges nominant, ita a dæmone dementari, ut nocturnis horis, dum nempe somniant, nescio quos congressus agant per aerem ad conditum in furca translatae locum. Quod rotunde ac recte *Frid. Hoffmannus* consiliarius regis quondam *Borussiae* intimus & archiater celebratissimus in supra laudata differt. *de diaboli potentia in corpora* §. 6. negat, in diaboli potestate esse positum, cum esset hoc verum miraculum: quale quidem a bonis angelis ope divina patratum alterum ex vet. testam. in propheta *HABACUC*, alterum ex novo in *PHILIPPO* iam supra memoravimus; absit autem, ut virtuti cacædomonis ac potentiae ceu supernaturali tribuamus, quod anili imaginatione vel suapte vel diaboli ope in somnio fit; quod nempe (ut verbis concilii cuiusdam, quod apud *GRATIANUM* emendatum *Anquirense* dicitur, perperam autem apud *BURCHAR-* <sup>Causf.  
XXVI. q. 5.  
c. 12.</sup> *DUM* & *IVONEM Ancyranum* appellatur, utar) „quædam sceleratae mulieres retro post satanam conversæ dæmonum illusionibus & phantasmatibus seductæ credunt, & profitentur se nocturnis horis cum *Diana* dea paganorum, vel cum *HERODIADE*, & innumera multitudine mulierum equitare super quasdam bestias, & multarum terrarum spatia intempestæ noctis silentio pertransire, eiusque iussionibus velut dominæ obedire, & certis noctibus ad eius servitium evocari.“ Cum certa epocha huius concilii, cuius alias acta nulla habentur, statui nequeat, nihil etiam quoad tempus definiri potest.

Ab ovo, malo scilicet mali corvi, rem repetit *CAUZIUS* de cultibus magicis lib. I. c. 3. quomodo scilicet igne ferroque in sagas semper animadversum a *Romanis*, *Francis* & *Longobardis*. Teste annalista *Corbeiensi* ad an. 914. *Multæ sagæ combustæ sunt in territorio nostro*. Id quod proxima adhuc ætate, quisque fere chronista de sua patria, uti quidem egomet de mea, dicere ac merito ingemiscere potuisset. Viderint hoc alii, ad meum vero nunc institutum pertinet canon in Pœnitentiali lib. XIX. eiusmodi. „Credidisti, quod multæ mulieres retro satanam conversæ, credunt & affirmant verum esse, ut credas in quiete noctis silentio, cum te collocaveris in lecto tuo & marito tuo in sinu tuo iacente te, cum corporea sis, ianuis clausis exire posse, & terrarum spatia



cum aliis simili errore deceptis pertransire valere, & homines baptizatos, & Christi sanguine redemptos, sine armis visibilibus interficere, & decoctis carnibus eorum vos comedere, & in locum cordis eorum stramen aut lignum, aut aliquid huiusmodi ponere & comestis iterum vivos facere, & inducias vivendi dare. Si credidisti quadraginta dies, id est carinam in pane & aqua cum septem sequentibus annis pœniteas."

*Vid. dell' Osa  
lib. II. c. 4.*

Ex his vero palam fit, frustra a nonnemine venditari, qui raptus dæmoniacos post SIMONEM magum (ut fertur magno quidem veterum, fide pseudoclementinarum potissimum, consensu) in scenam produxerit, fuisse Cæsarium *Heisterbacensem*. Minus tamen nocue is literis tantum commisit fabulas cum aliis promiscue usque ad finem fere sæculi decimi quinti, quo mitius iudicari coepit de sagis ab auctoribus, quos adiunxit operi suo de præstigiis dæmonum *Io. WEIERUS* paullo supra laudatus de discrimine magos inter & sagas paullatim ingruente; cum non ita multo ante, vergente iam eodem decimo quinto sæculo, in *Germania* nostra etiam ad tribunal Inquisitionis vocarentur cum cæteris magis sagæ, ut ostendit *Paul. Ios. a RIEGGER* in dissert. *de Magia* §. 36. Additque postea §. 55. non ita pridem in vicinia nostra puellam magiæ accusatam, ac sponte etiam quidem esse confessam, quæ tamen postea opera medicorum ex morbo hypochondriaco, & passionibus hystericeis ad sanam mentem est revocata.

*Somnia.*

L. Quidquid vero demum diabolicum hic intercedere queat, meras esse illusiones dudum laudata iam apud GRATIANUM synodus agnovit, atque sacerdotes per ecclesias sibi commissas populo Dei omni instantia prædicare voluit, a maligno spiritu talia phantasmata mentibus fidelium irrogari. Si quidem ipse satanas transfigurat se in angelum lucis, cum mentem cuiuscunque mulierculæ ceperit, & hanc sibi per infidelitatem subiugaverit, illico transformat se in diversarum species personarum, atque similitudines; & mentem, quam captivam tenet, in somniis deludens, modo leta, modo tristia, modo cognita modo incognita personas ostendens per devia quæque deducit: & cum solus spiritus hæc patitur, infidelis mens non in animo sed in corpore edenire opinatur. Quis enim non in somniis & nocturnis visionibus extra se educitur, & multa videt dormiendo, quæ nunquam viderat vigilando? Quis vero tam stultus & hebes sit, qui hæc omnia, quæ in solo spiritu fiunt, etiam in corpore accidere arbitretur?

S. GREGORIUS lib. IV. Dial. c. 48. an servanda sint somnia, & quot sint modi somniorum? sex omnino distinguit genera somniorum quatuor

quatuor autem non proletaria ex sacra scriptura deducens: „Somnia ete-<sup>T.II.p.456.</sup>  
nim (inquit) nisi plerumque ab occulto hoste per illusionem fierent,  
nequaquam hoc vir sapiens indicaret, dicens: *Multos enim errare fe-*<sup>Eccle. 34.7.</sup>  
*cerunt somnia, & exciderunt sperantes in illis.* Vel certe, *Non augu-*  
*rabimini, nec observabitis somnia.* Quibus profecto verbis cuius sint de <sup>Levit. 19,</sup>  
testationis, ostenditur, quæ auguriis coniunguntur. Rursum nisi aliquan-<sup>26.</sup>  
do ex cogitatione simul & illusionem procederent, vir sapiens minime di-  
xisset: *Multas curas sequuntur somnia.* Et nisi aliquando somnia ex my-<sup>Eccle. 3,15.</sup>  
sterio revelationis orirentur, nec IOSEPH præferendum se fratribus vi-  
deret; nec sponsam MARIE, ut ablato puero in *Ægyptum* fugeret, per  
somnia angelus admoneret. Rursum nisi aliquando ex cogitatione si-  
mul & revelatione procederent, nequaquam DANIEL propheta, NABUCHO-<sup>Dan.2, 29.</sup>  
DONOSOR visionem differens, a radice cogitationis inchoasset &c.“

LI. S. AUGUSTINUS lib. XVIII. de Civit. Dei cap. 18. inquirens, <sup>Phantasticæ metamor-</sup>  
*quid credendum sit de transformationibus, quæ arte dæmonum hominibus*<sup>phoses.</sup>  
*videntur accidere,* etsi ad allata quædam exempla hæere videatur, ad id, <sup>T.VII. pag.</sup>  
*quod forte dæmones ex permissione Dei operentur secundum naturæ suæ*<sup>501.</sup>  
*potentiam,* addit: „Nec sane dæmones naturas creant, si aliquid tale fa-  
ciunt, de qualibus factis ista vertitur quæstio; sed species tenus, quæ a  
vero Deo sunt creata, commutant, ut videantur esse, quod non sunt.  
Non itaque solum animum, sed nec corpus quidem ulla ratione credi-  
derim dæmonum arte vel potestate in membra & lineamenta bestialia ve-  
raciter posse converti; sed phantasticum hominis, quod etiam cogitan-  
do sive somniando per rerum innumerabilia genera variatur, & cum cor-  
pus non sit, corporum tamen similes mira celeritate formas capit, so-  
pitis aut oppressis corporeis hominis sensibus, ad aliorum sensum ne-  
scio quo ineffabili modo figura corporea posset perducere &c.“ Recenset <sup>pag. 502.</sup>  
deinceps: quæ accidisse in fabulis narrentur metamorphoses. *Neque enim*  
*ex eius sententia dæmonibus iudicio Dei permissis huiusmodi præstigia dif-*  
*ficiles esse potuerunt.* Multa eam in rem in libello Rhabani MAURI de  
magorum *præstigiis* accumulatur ex ipso S. AUGUSTINO & ISIDORO unde  
non pauca a GRATIANO in suum decretum sunt translata iam citata causa  
XXVI. q. 2. quæ etiam BURCHARDUS citat ex dictis S. AUGUSTINI.

Nos vero post evangelistas, quomodo Christus a diabolo tentatus sit,  
narrantes, supra varias dæmonum apparitiones recensuimus, factas viris san-  
ctissimis MARTINO, MACARIO, ANTONIO, qui suos etiam de iisdem cau-  
tos reddit in sæpe laudata oratione ad monachos circa illas præsertim, qui-  
bus se, ut vidimus, transfigurat in angelum lucis, ut certis criteriis cœ-



T. IV. Bibl.  
PP. p. 646.  
Ec.

lestes visiones ab illusionibus diabolicis discernere possint. „Malorum vero (inquit) incurfus & phantasia, cum tumultu, strepitu, sono & clanrore obvenit: qualis exempli causa fuerit illiberalium adolescentium vel latronum tumultus. Unde exoritur animi pavor, turbatio & confusio cogitationum, tristitia, ascetarum odium, incuria, moeror animi, cognatorum recordatio, formido mortis, ac demum concupiscentia malarum rerum, animus ad virtutem remissus, inordinati mores. Cum itaque quibusdam conspectis, timore corripiemini, si statim timor auferatur, & eius loco mox consequatur ineffabile gaudium, alacritas, fiducia, animi recreatio, cogitationum tranquillitas, & quæcunque alia superius dicta sunt, robur animi item, & Dei amor; confidite & orate: gaudium enim & ille animæ status, præsentis sanctitatem indicat. Sic ABRAHAM *Dominum videns exultavit*: sic IOANNES edita a Deipara MARIA voce exultavit gaudens. Quod si quibusdam apparentibus, tumultus fiat, externus strepitus, mundanus apparatus, metus mortis & quæ superius dixi; scitote malorum esse adventum. Et hoc item vobis indicio sit, si anima timida perseveret, inimicorum est præsentia, nequaquam enim dæmones metum auferunt, ut præstitit magnus archangelus GABRIEL MARIE & ZACHARIE, & qui in monumento apparuit mulieribus; quin potius si reformidantes cernant, phantasias adaugent, maiorem ut incutiant terrorem, atque adorti demum irrideant dicentes, prostrati adorete. Ita gentiles deceperunt: sic ab illis false dii habiti sunt. Nos vero Dominus non sivit a diabolo circumveniri, cum similibus phantasiis se aggredientem increpavit his verbis: *Vade retro me, satana; scriptum est enim, Dominum Deum tuum adorabis, & illi soli servies.* Quapropter magis magisque versipellis iste despiciatur a nobis. Quod enim illi hoc Dominus dixit, id nostri causa factum est: ut has voces a nobis item audientes dæmones evertantur, propter Dominum, qui eos ipsis increpavit.“

An meris  
nobis dæ-  
mones illu-  
dant præsti-  
giis.

De patientia  
& discretionem  
c. 3. T.  
H. p. 52.

LII. S. MACARIUS aliud attingit præstigiæ genus, quod late etiam patet, neque uno tantum modo opinionem vulgi hodieque superstitiose detinet, tamque gravibus sæpe magicas profectos superstitiones implicat peccatis, quam inanibus deludit fallaciis. S. MACARIUS autem ab ovo rem repetens, dum dominatu suo protoparentem nostrum omnium visibilium excidisse, ac prodidisse deceptorum diabolo, memorat: „Propter quam causam (inquit) magi & præstigiatores, & per adversariam efficaciam mira, Deo sic permittente, operantur, venenatis dominantes bestiis, ignemque, & aquas sine noxa subeuntes, ut IANNES & MAMBRES adversarii Moysi: ut SIMON principi apostolorum PETRO se se ausus est opponere.“

Mens

Mens mihi hic non est, nec institutum discutere, quæ a Deo dæmon agere nonnunquam permixtus sit, aut permittatur, vel reipsa, vel iudificatione sensuum, deceptioneque hominum fabulis aut superstitioni nimis deditorum: S. GREGORIUS lib. II. Dial. c. 9. de ingenti saxo per viri Dei (S. BENEDICTI) orationem levato narrat, quadam die, dum fratres (S. BENEDICTI nempe monachi) in ædificanda cella monasterii essent occupati, lapidem ita immobilem fuisse, *ut palam daretur intelligi, quod super eum ipse per se antiquus hostis sederet, quem tantorum virorum manus movere non possent.* Mox vero caput sequens de phantastico coquinæ igne inscriptum meram diaboli illusionem ob oculos ponit. „Tunc (verba sunt S. GREGORII) in conspectu viri Dei placuit, ut in eodem loco terram foderent. Quam dum fodiendo altius penetrarent, æreum illic idolum fratres invenerunt. Quo ad horam casu in coquinam proiecto, exire ignis repente visus est, atque in cunctorum oculis, quia omne eiusdem coquinæ ædificium consumeretur, ostendit. Cumque iaciendo aquam & ignem quasi extinguendo perstreperent, pulsatus eodem tumultu vir Dei advenit. Qui eundem ignem in oculis fratrum esse, in suis vero non esse considerans, caput protinus in orationem flexit, & eos, quos phantastico reperit igne deludi, revocavit fratres, ut oculos suos signarent, monuit, ut & sanum illud coquinæ ædificium cernerent, & flammæ, quas antiquus hostis finxerat, non viderent.“

At res phantastica non fuit, quam mox idem c. 11. narrat de puerulo monacho parietis ruina confracto, S. BENEDICTI autem oratione sanato. „Cui (nempe in oratione constituto) antiquus hostis insultans apparuit, & ei quod ad laborantes fratres pergeret indicavit. Quod vir Dei per nuntium celerrime fratribus indicavit dicens: *Fratres caute vos agite, quia ad vos hac hora malignus spiritus venit.* Is, qui mandatum detulit, vix verba compleverat & malignus spiritus eundem parietem, qui ædificabatur, evertit, atque unum puerulum monachum cuiusdem curialis filium opprimens ruina contrivit.“

En diversi generis illusiones, operationesque dæmoniacas, quas dum omnes iam illudunt multi, & ad chimeras relegant, utinam non incurios facerent homines, dum viri sanctissimi, ut vidimus, ab iis cautos reddant. Non equidem diffiteor nimium progressam credulitatem vulgi, ac plerorumque superstitionem, ut dæmonum virtuti, operationique multa tribuerent, quæ eorum sphæram activitatis excedunt, nimisque amplam ac irrestrictam dæmonibus grassandi infestandique humanum genus concessam esse multis sæculis facultatem; removendus autem excessus utrinque, neque ultra vires cuiusque rei creatæ dæmonibus aliquid in rebus

natu-



naturalibus concedendum, neque contra nihil unquam ab eis Dei permissione funesti accidere, est asseverandum.

Facile explodimus cum HOFFMANNO sæpe citato, quidquid multi iactant de diaboli potentia in corpora §. II. de cuti impenetrabili, ipsisque gladiis & globulis obluctante: item quod gladii aciem præfens diabolus obtundere ac recurvare, & globulos ad cutem protusos repellere posse passim venditant. Largimur item in aliis etiam effectibus singularibus naturales per sæpe subesse causas, dum magica protenditur ars ac virtus diabolica; at nihil unquam a Christi adventu opera dæmonis mali hominibus etiam Christianis accidisse, nec præstigias quidem & fascinationes, consensui omnium sæculorum adversatur, hominesque avocat, ne contra insidias diaboli ea adhibeant præsidia, quæ nobis vera in Christum fides suppeditat, ac semper in ecclesia salutaria sunt habita, & fidelibus hominibus etiam doctissimis, sanctissimisque credita, & usitata, dum vicissim ab ecclesia abusus & superstitio, phantasiæ ac imaginationes delirantium itemque inania somnia, sunt reprobata: veluti in capitulis HERARDI *Turonensis* an. 858. *de maleficis, incantatoribus, divinis, sortilegis, somnariis tempestariis, & brevibus pro frigoribus, & de mulieribus veneficis, & quæ diversa fingunt portenta, ut probibeantur, & publicæ pœnitentiæ multentur.*

Cap. 3. T.  
VIII. conc.  
p. 628.

Maleficia in  
corpore hu-  
mano & ali-  
bi.

De diaboli  
potentia in  
corpora §.  
24. & 25.

LIII. Etsi vero maleficorum maleficiorumque generale sit nomen, ad ea omnia adhiberi solitum, quibus opera dæmonum mala quædam inferuntur nobis aut rebus nostris, peculiariter tamen etiam pro signis magicis supra ex SS. PP. memoratis, deque illis rebus accipitur, quæ passim ex corpore humano prodire cernuntur, siue id fascinatione quadam, siue phantasiæ perturbatione contingat, quæ nunc non paucorum est sententia, quam tamen reiicit sæpe citatus HOFFMANNUS asserens, quod adsint corpora vera, quæ immensos cruciatus pariant, cuiusmodi exempla affert, ipseque Io. WEIERUS, *de præstigiis dæmonum* lib. IV. c. 2. & 9. etsi omnia histrionice potius ludificationi tribuat: quod quidem facile est dictu, probatu autem non item, in tanta factorum varietate, diversitateque rerum ex humano corpore prodeuntium, aut etiam post mortem repertarum, quæ huiusmodi sunt, ut generari, quæ aliorum recentiorum est sententia, in humano corpore haud potuissent clavi e. g. cultra, ligna, ferra, vitra, aliaque, quæ WEIERO addit HOFFMANNUS, probatosque citat auctores, qui historias accuratissime descriptas collegerint cum omnibus circumstantiis, tot testibus fide dignis, quibus multa alia recentiora adhuc addi possent multorum relatione; quæ tamen licet silentio præ-

præ-

præterire, quod *monumenta* nostra *liturgica* perinde fileant; ut de aliis etiam iam annotavit P. *Iordan* SIMON, expenditque notam, quæ in rituali *Romano de exorcizandis obsessis a dæmonio* habetur his ad rem præsentem verbis: „Aliqui ostendunt factum maleficium, & a quibus fit factum, & modum ad illud dissipandum: sed caveat, ne ob hoc ad magos, vel ad sagas, vel ad alios, quam ad Ecclesiæ ministros confugiat, aut ulla superstitione, aut alio modo illicito utatur.“ Quæ tamen cautio nihil mihi adeo asserti de magicis operationibus habere videtur; certe vulgi opinionibus superstitionibusque, quas cum aliis plerisque iam explodimus, non patrocinantur, perinde ac ea, quæ paullo post de maleficiis, de quibus nunc agimus dicuntur: „Dum exorcizat (utatur) sacra scripturæ verbis potius, quam suis, aut alienis. Iubeatque dæmonem dicere, an detineatur in illo corpore ob aliquam operam magicam, aut malefica signa, vel instrumenta, quæ si obsessus ore sumpserit, evomat: vel si alibi extra corpus fuerint ea, revelet, & inventa comburantur.“

Lib. II. c. 6.

Rituale  
Rom. Pauli  
V. P. M.  
iussu edit.  
Venet. an.  
1693. p. mi-  
bi 227.

Ib. p. 228.

LIV. Maleficio conciliandi amorem antiquissima habentur exempla Philtra in monumentis nostris ecclesiasticis, veluti in actis sinceris sanctorum LUCIANI & MARCIANI ex magis martyrum Christi sub DECIO an. 200. „Hi enim (ut eorum ordiuntur apud RUINARTUM acta) cum in errore gentilitatis tenerentur, ita dæmonibus tum erant dediti, ut pæne omnem animam ad suam sectam sacrilegam persuadentes adducerent. Nam & magicis artibus & maleficiis omnes coinquinabant adulteriis. Erant primi in subversione auctores, in magicis veneficiis subversores; ita ut omnes quærentes voluntates suas perficere, vel quibusdam nocere: ad eos concurrerent. Sed Deus, qui ingratis tribuit gratiam, & non cognoscentes eum ad cognitionem nominis sui perducere dignatus est, in istis ostendit esse conversus (conversos). Famula quædam erat Dei casta & fidelis, nuptias contemnens; forma speciosa, & anima tamen pulchrior, non aliud nisi Deum diligebat: petebat autem nullo persuadente, sed perseveranter, ut eam custodire dignaretur. LUCIANUS & MARCIANUS hanc concupierunt; & cum non haberent, quo genere cupiditatis suæ impudicitiam obtinerent, conversi non aliter se nisi magicis dæmonicis superantes hanc iudicaverunt, & maleficiis obtinere. Cum ergo omnia artibus suis ostendissent, nihilque sibi prodesse viderent; conversi in furias, fremebant quod in nullo poterant prævalere. Illa vero serviens Deo pernoctabat in vigiliis & oratione. At illi quædam magica phantasmata facientes affligebant deos suos, ut eis responderent. Et dæmones eis responderunt: *Quascunque animas non cognoscentes Deum, qui est in*

Acta sincere  
pag. mi-  
bi 165.

Q

cælo



cælo voluistis subvertere, invocantes nos, facillimum nobis fuit vobis præstare. Sed quia ad hanc castissimam animam certamen nobis est; multa quidem fecimus, sed nihil potuimus proficere adversus eam. Hæc vero virginitatem illibatam servat IESU CHRISTO, Domino suo & Deo omnium, qui crucifixus est pro salute omnium: ipse eam custodit, & nos affligit." Exponitur deinceps hæc conversionis horum martyrum occasio, uti etiam de S. CYPRIANO iisdem artibus ministerio dæmonis ad corrumpendam S. IUSTINAM uso, S. GREGORIUS Naz. orat. 18. PRUDENTIUS, EUDOXIA teste PHOTIO cod. 184. alique perhibent, qui non raro hunc cum S. CYPRIANO Carthaginensi perperam confundunt. Varia item ad rem refert S. E-

*Hæres. 30.* PIPHANIUS cum aliis de IOSEPHO Iudæo, tempore CONSTANTINI M.

*T. III. Opp. p. 818.* THEODORETUS vero in historia religiosa in PALLADIO aliam narrat rem de muliere quadam stirpe illustri viro intemperanti iuncta, quæ „ad beatum virum venit, deplorans calamitatem suam. Aiebat enim pellici addictum magicis quibusdam præstigiis fuisse incantatum, & odio habere se legitimo coniugio sibi iunctam. Hæc autem ad atriensem ianuam stans mulier dicebat. Ibi enim feminas alloqui solebat, neque ullam intra ianuam recepit unquam. Mulierem ergo eiulantem miseratus, præstigi- arum vim precibus repressit, & allatum ab ea vasculum olei divina invo- catione sanctificans, eo virum inungi iussit. Quod illa cum fecisset, viri amorem in se transtulit, eique persuasit, ut illegitimo toro legitimum anteponeret." In antiquissima benedictione nuptiarum, quæ olim in sa- cratissima liturgiæ parte post orationem dominicam fiebat, generatim ro- gatur: ut, *avertantur ab eis inimici omnes insidiæ iuxta sacramenta.* *T. VI. Opp. V. Thomaf. p. 196.* *Gelas. lib. III. n. 53.* Prolixiorem formulam eadem continentem (qualis hodie passim obtinet) in monum. liturg. ex sacrament. *san-Gall.* dabimus, aliis recentioribus studiose prætermis- sis.

*T. II. pag. 164. seq.* Teste S. GREGORIO M. lib. I. Dial. c. 4. BASILIUM magum, mona- chum simulantem, sanctoque EQUITIO, qui viris & foeminis præfuit, a CASTO- RIO *Amiterninæ* civitatis episcopo commendatum statim ut intuitus est vir sanctus, in eo diabolum recognovit, suscepit tamen instante episcopo. „Non post multos dies idem Dei famulus pro exhortandis ad desideria superna fidelibus, paullo longius a cella digressus est. Quo discedente contigit, ut in monasterio virginum, in quo eiusdem Patris cura vigila- bat, una earum, quæ iuxta carnis huius putredinem speciosa videbatur, febricitare inciperet, & vehementer anxari, magnisque iam non vocibus, sed stridoribus clamare: *Modo moritura sum, nisi BASILIUS monachus veniat, & ipse mihi per suæ curationis studium salutem reddat.* Sed in tanti Patris absentia accedere quisquam monachorum in congregationem virginum non audebat; quanto minus ille qui novus advenerat, cuiusque adhuc

adhuc vitam congregatio fratrum nesciebat. Missum repente est, & Dei famulo EQUITIO nuntiatum, quod sanctimonialis illa immensis febribus æstualet, & BASILII monachi visitationem anxie quæreret. Quo audito vir sanctus, dedignando subrisit, atque ait: *Numquid non dixi, quod diabolus esset iste, non monachus? Ite & eum de cella expellite. De ancilla autem Dei, quæ anxietate febrium urgetur, nolite esse solliciti: quia ex hac hora neque febribus laboratura est, neque BASILIUM quasitura.* Studiose prætereo, quæ in Rhabani MAURI epistola ad HERIBALDUM episc. Altijodorensem c. 30. etiam a BURCHARDO & REGINONE relata in decreto describuntur spurca philtrea. Quid natura in philtreis agat, medici disquirunt.

LV. Amoribus sociatur plerumque, utut suapte natura contraria, invidia seu livor, cui magnam vim ad nocendum olim tribuebant, censebantque ipso afflatu & contagione maleficam & venenatam, uti PAMELIUS ad sequentem TERTULLIANI locum de fascino adnotat: „Nam est aliquid etiam apud ethnicos metuendum, quod fascinum vocat, infeliciorem laudis & gloriæ enormioris eventum. Hoc nos interdum diabolo interpretamur: ipsius est enim boni odium.“ Cavebant autem a fascino pueris infantibus imprimis, quod in ipsis etiam Christianis reperit exprobrandum S. Io. Chrysostomus: „Quid vero (inquit) & alia ridicula commemorem? Cinerem, fuliginem, & salem, & rursus vetulam in medium productam? Revera ridiculum & dedecus. At oculis quisquam, inquis, fascinavit puerum. Quousque fatanica ista? Quomodo non subsannabunt?“ Patet hinc, cur concilium Cabilonense fascinum ad incantationem quandam retulerit: *Si quis præcantaverit ad fascinum, vel qualescunque præcantationes, excepto symbolo & oratione dominica: qui cantat, & cui cantatur, tres quadragesimas in pane & aqua pœniteat.* Ad rem sunt, quæ cap. seq. afferemus, ex cit. san-Gall. Sacram. orat. super aquam & sal ad animalia. Legi etiam potest GRETSEUS lib. IV. de cruce c. 44. quod inscribitur fascinum signo crucis avertendum.

LVI. His adiungi possunt, quæ idem post libros duos de benedictionibus, lib. III. de maledictionibus capite septimo præsertim & octavo differit, ubi earum effectus refert a diabolo præstitos, respondentes maledictionibus imprecationibusque eius nomine factis tum per alios, cum per seipsum etiam: cuius generis unum hic exempli & cautelæ loco ex S. GREGORII M. lib. III. Dial. cap. 20. de Stephano presbytero provincia Valeria, cui diabolus caligas e tibiis traxit, recensebo, prout rem a quibusdam Qui, inquit, nunc nobiscum sunt, testatam accepit: „Qui quadam die de itinere domum regressus, mancipio suo negligenter loquens præcepit, dicens: *Veni, diabole, disculcea me.* Ad cuius vocem cœperunt se caligarum corrigiæ in summa

Fascinationes.

De Virginitatibus velandis c. 15. p. 181.

Hom. VIII. in c. 3. ad Coloss.

Cah. 5.

T. I. Opp. p. 997. seq.

Imprecationes.

T. V. P. II. p. 296. seq.

T. II. pag. 325.



velocitate dissolvere, ut aperte constaret, quod ei ipse, qui nominatus fuerat, ad extrahendas caligas diabolus obedisset. Quod mox ut presbyter vidit, vehementer expavit, magnisque vocibus clamare coepit, dicens: *Recede, miser, recede: non enim tibi, sed mancipio meo locutus sum.* Ad cuius vocem protinus recessit, & ita ut inventæ sunt, magna iam ex parte dissolutæ corrigiæ remanserunt. Qua in re colligi potest, antiquus hostis, qui tam præsto est factis corporalibus, quam nimis insidiis, nostris cogitationibus insistat.

Neque vero superstitiosum fuerit, sed pium sane, atque etiam necessarium omnino, ut salutaris incutiatur timor, in tanta maledicendi, imprecandique consuetudine, id genus maxime, quod ex S. GREGORIO notavimus; quodque frequentissimum est in diaboli hostis nostri irreconciliabilis nomine, ut quisque merito sibi imputet, si ad nefanda, continuo insidias struens, vota adesse a Deo iusto permittatur iudicio: quod enim vero nisi tanta foret temperatum benignitate, quot quæso non detineret adversarius noster diabolus, qui *tanquam leo rugiens circuit, quærens, quem devoret!*

Incantationes, ligaturæ, philacteria  
Cap. 2. p. 137.

T. III. pag. 288.

LVII. Incantationum passim in scripturis veteris testamenti fit mentio, fuitque frequens, fato quodam ac piaculo primorum parentum, per serpentes, ut notatur psal. LVII. TERTULLIANUS *ad martyres* de diabolo *Fugiat*, inquit, *conspectum vestrum, & in ima sua delite scat, contractus, & torpens, tanquam coluber excantatus aut effumigatus.* S. AUGUSTINUS de *Genesi ad litteram* lib. XI. c. 28. de tentatione diaboli per serpentem quæstionem movens, an serpens verba diaboli in se loquentis intellexerit? „Nam (addit) & quod putantur audire & intelligere serpentes verba *Marsorum*, ut eis incantantibus profiliant plerumque de latebris, etiam illic diabolica vis operatur ad cognoscendam ubique providentiam, quam rem cui rei naturali ordine subiiciat, & quid etiam voluntatibus malis sapientissima potestate permittat, ut hoc magis habeat usus, serpentes moveri carminibus hominum, quam ullum aliud genus animantium. Etiam hæc enim non parva testatio est, naturam primitus humanam serpentis seductam esse colloquio. Gaudent enim dæmones, hanc sibi potestatem dari, ut ad incantationem hominum serpentes moveant, ut quolibet modo fallant, quos possunt. Hoc autem permittuntur ad primi facti memoriam commendandam, quod sit eis quædam cum hoc genere familiaritas.“

T. II. Conc. p. 1208.

Genus hoc superstitionis christianismum etiam invasisse ex concilio *Carthag.* IV. an. 398. can. 89. constat, ubi decernitur, auguriis vel incantationibus fervientem a conventu ecclesiæ separandum. Addatur concilii

cilii *Agathensis* can. 68. &, quem iam supra attulimus, conc. *Turonensis* III. can. 42. relatus in capitular. CAROLI M. & LUDOVICI *Pii*, itemque in decreto BURCHARDI, IVONIS, & GRATIANI causa XXVI. q. 7. cap. 15. S. AUGUSTINUS lib. II. de doctr. Christ. de superstitionibus & artibus magicis agens: „Ad hoc genus (inquit) pertinent omnes etiam *T. III. c. 20.* ligaturæ, atque remedia, quæ medicorum quoque disciplina condemnat, *p. 31.* five in præcantationibus, five in quibusdam notis, quas characteres vocant, five quibusdam rebus suspendendis, atque illigandis, vel etiam aptandis quodammodo non ad temperationem corporum, sed ad quasdam significationes aut occultas, aut etiam manifestas: quæ mitiore nomine physica vocant, ut quasi non superstitione implicare, sed natura prodesse videantur: sicut sunt inaures in summo aurium singularum, aut de struthionum ossibus ansulæ in digitis, aut cum dicitur tibi singultienti: dextra manu sinistrum pollicem teneas.“ Ipsum clerum quibusdam superstitionibus olim infectum fuisse, elucescit ex Concilio *Laodicensi* c. 36. *T. I. Conc.* statuente: *Quod non oporteat sacris officiis deditos, vel clericos, magos, p. 1513.* aut incantatores existere, aut facere phylacteria, quæ animarum suarum vincula comprobantur. Eos autem, qui his utuntur, ab ecclesia pelli præcipimus. Hoc tamen specie quadam pietatis factum, ex laudato mox *Hom. VIII.* canone concilii *Cabilonensis* colligitur. Id quod S. CHRYSOSTOMUS in *in Ep. ad Co-* amuletis & phylacteriis, quorum alias facit mentionem, non tulit: „Amu- *loß.* leta (inquit) etsi de iis millies philosophentur, qui ex iis rem faciunt, dicentes: Deum invocamus, & nihil amplius facimus, christiana & fidelis est mulier, & quæ sunt eiusmodi, ea res est idololatria.“ Libro VIII. adversus *Judaos* christianos vehementer incessit ad *Judaos* re- *T. I. p. 682.* currentes, ad IOBUM, paralyticum, & LAZARUM in evangelio provocans: „Haud tamen (subdit) quærebat incantatorem, non petala circumligavit, non expertus est præstigias, non veneficos ad se vocavit, nec aliud quidquam vetitarum artium tentavit; sed prius habuit illis immori malis, quam ulla ex parte deferere pietatem. Quam igitur veniam nos impetrabimus, qui, cum illi in tantis malis perdurarint, ob febriculam, aut leve vulnus procurrimus ad synagogas, veneficos, ac impostores in ædes nostras accersimus?“ Et paullo post: „Itaque ne tantam nos provocemus iram. Etiam si enim videantur aliqui febrem incantamentis se- *pag. 683 sq.* dare, non enim vere eam sedant: tamen aliam vehementiorem in conscientiam inducunt febrem. . . . Hæc, stimulis quotidie pungens te ratio, flagellansque conscientiam, dicet. Quæ igitur est hæc sanitas, cum intus tam multas habeamus cogitationes accusatrices? Quod si perduraveris paulisper, eosque qui vel incantationem aliquam canere voluerint, vel



ligamina applicare corpori, nihil feceris, multa etiam cum contumelia tuis ex ædibus eieceris, protinus ab ipsa conscientia refrigerationem accipies. Etiam si millies exurat febris; anima tua quovis liquore, quovis rore meliorem, utilioreque mitigationem adducet. Sicut enim postquam incantationem receperis sanus licet, miserius affectus es iis, qui febre laborant, dum tecum reputas peccati magnitudinem, sic nunc quoque, etiam si febricitas, innumeraque patiaris mala; repulsis impiis illis, quovis sano homine melius, mente exultante eris affectus, anima gaudente, & exhilarata, conscientia laudante te, probante &c."

Necromantia.

pag. 22.

a

LVIII. TERTULLIANUS post varia superstitionum gentium genera offaciasque dæmoniacas in apologetico capite 22. recensita, caput mox sequens de necromantia, qua mortui, dii manes evocabantur, umbrae & imagines responsa dabant, sic orditur: „Porro si & magi phantasmata edunt, & iam defunctorum infamant animas, si pueros in eloquium oraculi elidunt, si multa miracula circulatoriis præstigiis ludunt, si & somnia immittunt, habentes semel invitatorum angelorum & dæmonum assistentem sibi potestatem, per quos & caprae & mensæ divinare consueverunt &c.“ S. AUGUSTINUS „sive hydromantia (inquit) sive necromantia id ipsum est, ubi videntur mortui divinare.“ Pertinet huc locus consultationum ZACHÆI christiani, & APOLONII philosophi lib. I. c. 13. quo ZACHÆUS christianus APOLONIO a) philosopho miraculis christi magorum peritiores, qui & mortuos suscitant, opponenti, sic respondet: „Nec me præterit magicis carminibus non mortuorum, sed dæmonum spiritus evocari, eosdemque per phantasmam paulisper simulare, quod non est: conditionem præterea addere falsitati, ut aut non visi respondeant, aut si videntur. obticeant: ut imprudentium vota debilia umbrarum illudat effigies. Defunctorum autem animæ resolutis corporibus ad sedes debitas perducuntur, ac pro meritis usque ad futuri iudicii diem vel in locis beatorum morantur, & subiectæ magorum invocationibus non sunt; aut quibusdam clausæ carceribus venire ad superna prohibentur: ita fit ut iisdem venire vel dedignantibus, vel retentis, eorum similitudinem dæmones fingant, ut & fallaciæ, quam diligunt, semper intersint, & credentes talibus veri imitatione frustrentur.“

Fuit hæc vexatissima olim inter christianos doctores quæstio I. Reg. XXVIII. de pythonissa SAMUELEM evocante, quam imprimis copiose ORIGENES in eum locum disceptavit, adversarium postea nactus S. EUSTATIUM *Antiochenum* episc. & confessorem; amborum vero dissertatio-

nes

a) De hoc aliisque veteribus magis pluribus tractat DELL' OSA lib. II. c. 9.

nes sunt insertæ T. IV. *Bibl. PP.* ed. novæ *Venetæ* p. 541. &c. de engastrimytho seu ventriloqua. *Hoc est*, ut interpretatur S. BASILIUS in *Is.* VIII. 19. *qui in Pythone futura prædicunt, per ventrem obsessi, ipso spiritu loquente, qui & de terra loquuntur, inania quadam effutientes.* Sic LXX. Intt. nominant Pythonissam in *Endor*, & S. AUGUSTINUS mulierem illam, quæ in actis apost. legitur habuisse spiritum pythonem. „Non enim (inquit) quia imago SAMUELIS mortui SAULI regi vera præ-  
nuntiavit, propterea talia sacrilegia, quibus imago illa præsentata est, minus execranda sunt: aut quia in actibus apostolorum ventriloqua femina verum testimonium (perhibuit) apostolis Domini, idcirco PAULUS apostolus pæpercit illi spiritui, ac non potius feminam illius dæmonii correptione atque exclusione mundavit.“

*De doctrina  
christ. lib.  
II. n. 35.  
TIII. p. 33.*

LIX. Pertinent huc arioli, ad quos vel magos, qui declinaverit interfectorum se Deus de medio populi sui, *Lev.* XX. 6. denuntiavit. Et v. 27. *Vir sive mulier, in quibus pythonicus, vel divinationis fuerit spiritus, morte moriantur: lapidibus obruant eos: sanguis eorum sit super eos.* Sic *Deuter.* XVIII. *Non inveniatur in te, qui ariolos sciscitur, & observet somnia atque auguria, nec sit maleficus, nec incantator, nec qui pythones consulat, nec divinos, aut quærat a mortuis veritatem.* Hæc omnia sibi impietate coniuncta noverat mulier Pythonissa a SAULE expetita sic respondens *I. Reg.* XXVIII. 9. *Ecce tu nosti, quanta fecerit SAUL, & quomodo eraserit magos & bariolos de terra.* S. PETRUS *Chrysologus* ad istud etiam genus necromantiæ respicit, dum *serm.* XVIII. a variis huiusmodi diabolicis superstitionibus fideles avocat. *Modo est, ait, fratres, ne nos infidelitas ad eorum revocet servitutem: non laqueamur auguriis, non divinatione fallamur, non capiamur sortibus, non a manibus inducamur, non seducamur mortibus, non pestibus anhelantibus captivemur.* In concilio *Ancyrano* an. 314. pœnitentia quinque annorum, secundum regulas antiquitus constitutas, decernitur c. 23. in eos, qui auguria vel auspicia, sive somnia vel divinationes quaslibet secundum morem gentilium observant, aut in domos suas huiusmodi homines introducunt, in exquirendis aliquibus arte malefica, aut ut domos suas lustrent.

*Divinationes, observationes vanæ.  
pag. 33.*

*T. I. Conc.  
pag. 1475.*

Reliquias eiusmodi paganismi proclivius erat adhuc tunc serpere, cum neque ad hodiernum diem penitus omnes eiusmodi superstitiones valuerint aboleri, specie quadam veritatis, aut etiam religionis deceptis plerumque hominibus: quod de quodam superstitionis genere adhuc dum grassante, res sc. occultas per specula aliasque res pellucidas aqua e. c. dete-



T. VII.  
Bibl. PP.  
p. 643.

Lib. II. de  
Genesi ad  
lit. c. 17.

detegendi, observat Io. Sarisberiensis lib. II. *de nugis curialium* c. 27. „Frustra sibi (inquit) specularii blandiuntur, quod nihil immolant, nulli nocent, sæpius profunt, dum furta detegunt, maleficiis purgant orbem, & solam utilem aut necessariam appetunt veritatem.“ Disputat deinceps ad mentem antiquorum Patrum, quod maligni spiritus interdum futura prænoscent. *Nihil enim norunt*, ut loquitur S. ANTONIUS apud S. ATHANASIUM in oratione sæpius citata, *quod nondum extet: solusque Deus novit omnia, antequam fiant. Illi vero siqua viderint, quasi fures concitato cursu referunt.* Et postea: *Ita exorta olim sunt gentilium oracula, & ita illi olim a dæmonibus decepti sunt: sed fallacia invenit finem. Venit enim Dominus, qui dæmones cum vafritie illa sua de medio sustulit. Nihil quippe illi a se ipsis norunt; sed quasi fures, quæ apud alios cernunt, hæc loquuntur: potius coniecturare dicendi sunt, quam prævidere.* Aliam fallaciam detegit S. AUGUSTINUS, aliquando *iidem nefandi spiritus*, inquit, *etiam quæ ipsi facturi sunt, velut dicendo prædicunt.*

T. III. p.  
33.

Libro II. *de doctrina Christi*. postquam capite vigesimo primo, & sequenti, multa differuisset S. AUGUSTINUS de illo genere perniciosæ superstitionis, quo observatione, constellationeque fiderum ad cognoscendam vitæ seriem passim sunt abusi etiam ad nostra usque tempora, *qui genethliaci propter natalium dierum considerationes, nunc autem vulgo mathematici vocantur*, sic concludit n. 34. & 35. „Quare istæ quoque opiniones quibusdam rerum signis humana præsumptione institutis ad eadem illa quasi quædam cum dæmonibus pacta & conventa referendæ sunt. Hinc enim fit, ut occulto quodam iudicio divino cupidi malarum rerum homines tradantur illudendi & decipiendi pro meritis voluntatum suarum, illudentibus eos atque decipientibus prævaricatoribus angelis, quibus ista mundi pars infima secundum pulcherrimum ordinem rerum divinæ providentiæ lege subiecta est. Quibus illusionibus & deceptionibus evenit, ut istis superstitiosis & perniciosis divinationum generibus multa præterita & futura dicantur, nec aliter accidunt, quam dicuntur, multaque observantibus secundum observationes suas eveniant, quibus implicati curiosiores fiant, & sese magis magisque inferant multiplicibus laqueis perniciosissimi erroris.“

Quod perinde dici potest de innumeris vulgi observationibus seu vana observantia in se quidem futili ac inani, ut tamen nil obstat quo minus Deus iusto iudicio eventum, malumque omen, quod superstitiose præsagiebatur, quandoque permittat, ac detur locus diabolo ad temporale & spirituale animæ detrimentum: ab hoc siquidem simplices ignorantia

tia excuset, non tamen rerum causas doctos, quales ex officio esse animarum pastores, aliosque dedocere errorem debent. S. AUGUSTINUS, postquam varia huiusmodi in medium attulisset, lepido CATONIS concludit dicto, qui cum esset consultus a quodam, qui sibi a soricibus erosas caligas diceret (quæ res erat mali ominis) respondit, non esse illud monstrum, sed vere monstrum habendum fuisse, si sorices a caligis roderentur. *Ibid. n. 31. ca-p. 32.*

LX. Multa GRATIANUS in suo decreto P. II. causa XXVI. ex veteribus conciliis, collectionibusque canonum, ac summorum Pontificum rescriptis q. 5. congeffit, imprimis etiam contra temerarias & superstitionas sortes, sub nomine fictæ religionis, quas Sanctorum sortes vocant concilia *Agathense* can. 42. & *Aurelianense* I. can. 9. reprobantque; Petrus PITHÆUS vero formulas precum ex msc. *Parisi.* collectioni canonum adiecit hoc exordio: *Incipiunt sortes sanctorum apostolorum, quæ nunquam fallentur aut mentientur &c.* Variæ enimvero possunt esse divinatoriæ sortes, de quibus aliisque superstitionum magicarum generibus Canonistæ ad titulum Decretalium de *Sortilegiis* tractant; eoque passim etiam reducunt illum VII. *Decretal.* lib. V. tit. 12. de *maleficis & incantatoribus.*

LXI. Superest demum illa tentationis diabolicæ ratio, qua maxime allectat cacodæmon rerum cupidum genus humanum, quove ariete tertio non horruit ipsum Christum dominum aggredi. „Bis iam victus erat (sunt S. IRENÆI verba) de scriptura diabolus, cum est traductus, contra præcepto Dei suadens, & secundum sententiam suam Dei hostis ostendit ei sæculi regna omnia dicens, quemadmodum meminit LUCAS: *Hæc omnia tibi dabo, quoniam mihi tradita sunt, & cui volo, do ea, si procidens adoraveris me.*“ *In mendacio* dicit; hinc capite mox sequenti „Deinde (subdit) nec illa itaque quæ promisit, præstabit. Quomodo enim præstabit ei, qui cecidit? Deinde, quoniam dominatur hominibus, & ei ipsi Deus, & nolente Patre nostro, qui est in cœlis, neque passer cadet in terram. Illud igitur quod ait: *Hæc omnia mihi tradita sunt, & cui volo, do ea;* ut in superbiam elatus ait. Neque enim conditio sub eius potestate est: quandoquidem & ipse unus de creaturis est. Neque ipse hominum regnum attribuet hominibus; sed secundum ordinationem Dei Patris, & cætera quæque, & quæ sunt erga homines, disponuntur. Dominus autem ait: *Quoniam diabolus mendax est ab initio, & in veritate non stetit.* Si itaque mendax est, & non stans in veritate, videlicet non



pag. 133.

verum dicebat: *Quoniam hac omnia mihi tradita sunt, & cui volo, do ea*; sed mendacium loquens.“ Add. c. 24. n. 3. Perinde etiam patrem mendacii ob idem incessit S. GAUDENTIUS *Brixienſis* ferm. XVIII. *de villico iniquitatis*. „Qui (inquit) Christi rerum omnium conditori ausus est regna mundi promittere, sua illa esse impudenter asserendo. *Hac omnia mea sunt*, inquit, *& cui volo, do ea*. Tu itaque si procidens adoraveris me, erunt tua omnia. O inenarrabilis Christi patientia, quæ idcirco tentatorem loqui permittit, ut suscepto homini artem præliandi, atque vincendi, in semetipſo demonstraret! O effrenis diaboli mendacis audacia! Deum sentit, & tentat: Dominum novit universæ creaturæ, cui sua esse mundi regna mentitur, & ei se largiturum possessionem creabilium pollicetur, per quem creata esse omnia non ignorat. Ab initio enim, sicut scriptum est, *homicida fuit diabolus, & in veritate non stetit, quia veritas non est in eo*.“

T IV. Bibl.  
PP. p. 229.  
T. II. opp.  
p. 255.

Innumeros enimvero delusit, deluditque mendax spiritus, quotquot ab eo aliquid accipere posse sperant rerum huius mundi paupere nimirum diabolo. Commode opportuneque huc adplicatur S. MACARII *Ægyptii* *apophthegma* XXIV. qui aliquando præteriens per *Ægyptum* unacum fratribus, audivit puerum ita matri suæ loquentem: *Mater, quidam dives diligit me, & odi eum, pauper vero odit me, ac eum diligo*. Quo audito sermone admiratus est abbas MACARIUS. *Dicunt ei fratres: quid hoc verbi est, Pater, quod affectus sis admiratione? Respondit illis senex: Revera Dominus noster dives est, diligitque nos, nec volumus illi obtemperare; inimicus autem noster diabolus pauper est, odioque nos prosequitur, & diligimus eius impuritatem*.

Multiplici autem hic homines decipit fallacia, dum pauper promittit, quod non habet; deinde specie religionis fallit, oratione nempe, quam *Christophori* vocant: &, quis credat? passim dementat homines, ut per eam divitias a diabolo se se accepturos sperent novo, putido, anilique mendacio, ac si CHRISTOPHORUS Christum infantulum per mare transportans, thesauros omnes in naulum a Christo acceperit in mari delitescentes. Tota autem fabula ex pictura symbolica accepit originem, qua CHRISTOPHORI etymon explicatur, quemadmodum IGNATIUS M. utitur nomine θεοφόρος in inscriptione epistolarum, idemque ei tribuitur in martyrio & vita illius, itemque actione I. concilii generalis VIII. & alibi, ut annotat COTELERIUS, variasque eius appellationis rationes examinat not. 2. in epistolam S. IGNATII I. ad *Ephesios*. Frequens admodum, si uspiam alibi in nostris terris est hoc superstitionis genus ac impietas, peccatumque in diœcesi *Conſtantiensi*, late per *Alemanniam* patente, episcopo a non multis annis reservatum.

LXII. Cum vero semper in ecclesia agnitum sit, supersticiosum esse omnem illum rerum usum, qui sine verbo Dei & ecclesiae doctrina fit, si in praescriptis aliquibus ritibus, & observantiis, quarum rationabilis causa reddi non potest, fiducia collocatur, certo aliquem expectandi eventum, quem res illa nec ex natura sua, nec ex institutione divina, nec ex ordinatione aut approbatione ecclesiae producit, locum habere potest regula illa TULLIANI iam allata, *nihil non diaboli esse, quidquid Dei non est*: non quod diabolus aut possit aut velit praestare quidquam hominibus, sed eo tantum, ut fallat, in errorem deducat, & superstitionem, sicque sibi obnoxios reddat, ac secum in perditionem abducatur mortales, quos pessime odit, nihilque non in eorum perniciem tentat, fideles etiam a se alienos; unde omni modo ab eius insidiis cavendum est. „Quantum ille (monet S. GAUDENTIUS *Brixienfis* Serm. XVIII. *de villico iniquitatis*, quem diabolus interpretatur) in opere iniquitatis suae nocendi peritus est, tantum nos studiis salutaribus eruditi, & ab omni prudentia instructi, atque armati esse debemus, *induentes nos ipsos lorica fidei, & galeam salutis, & gladium Spiritus, & scutum inexpugnabile aequitatis, in quo possimus*, ut hortatur apostolus, *omnia nequissimi ardentia extinguere*, ne nos incautos suggestionum suarum spiculis ubicumque configat, ne inermes opprimat, ne interficiat dormientes, ne & vigilantes & armatos, si usum belligerandi nesciamus, interimat. Prudentiores enim reperiuntur interdum spiritus imundi, quos filios saeculi, id est *tenebrarum filios* Dominus nuncupat, *quam filii lucis*.”

LXIII. Quod quidem uti de omnibus recte dicitur, qui se fallacia maligni spiritus abduci sinunt, de illis tamen potissimum valet simplicioribus plerumque ac obtusioris ingenii, aut sexus debilioris hominibus, qui variis his modis in aberrationem ducuntur. Vitio temporum multi medio aëvo, ac deinceps ob reconditiorem scientiam, vel artem pro magis sunt habiti e. c. GERBERTUS ex archiepiscopo *Remensi* SILVESTER II. Pontifex *Romanus*; *Vid. Nau- Ioannes FAUSTUS* inter primos artis typographicae inventores, *Parisiis*, ut perhibent, dum exempla typographica pro manuscriptis vendicaret, in suspicionem magiae atque examen vocatus. Sed his missis, eos hic per- timus, qui inani ducti persuasione, ac spe, magicis sese superstitionibus dedentes, in laqueum incidunt diaboli, quo nullum infestius est religioni malum: quod quidem ex opinione vulgi eximendum omnino est; ne occasio relinquatur desperatis & malitiosis ad diabolum recurrendi, atque ab eo aliquid magicis praestolandi artibus & superstitionibus.

Quare, licet nunquam satis nobis ab eius infestationibus caveamus, timeamusque, vicissim tamen in alterum extremum labi proclive est, ut



timeamus, ubi non est timor, nimia anilique credulitate, ac persuasione de phantasticis somniis, imaginationibusque strigium strigonumque, seu præstigatorum, eorumque veneficiis ac fascinationibus: ut si etiam non iam nihil omnino esse concedatur magia, ea certe vis minime tribuatur, quæ ad nutum libidinemque cuiusque a diabolo exagitata vetulæ, aut ipsius diaboli nocendi cupiditatem, præsto sit, atque orbem maleficiis, veneficiisque impleat: tametsi non negemus, Deum iusto iudicio, ut olim, ita etiamnum permittere a) posse infestationes huiusmodi & fascino-  
 effectusque veneficos, & præstigiosos, quibus sensibus & imaginationi illudunt, cuius cum suapte natura tantæ sint vires, ut MURATORIUS ostendit, aliique, eo magis etiam dæmonum imposturis offuciisque obnoxia est, fraudibus & fallaciis unice genus humanum in præceps agere laborantium, contrariis etiam studiis, ut factum animadvertere licet hac ipsa in re: dum veritatem suæ nocendi libidinis mendaciis ac falsitate, superstitionis fovendæ causa obfuscarunt semper, ex gentilissimo semina suarum præstigiarum ac superstitionum magicarum in ipsum Christianismum spargentes, falsa etiam veris miscentes, atque confundentes tempora ipsasque divinas scripturas, diversas item narrationes & opiniones hominum.

Concezione de „Decipiunt enim auditores (ut cum S. Io. Chrysostomo loquar) quapropter & PAULUS ipsis tametsi vera dicentibus imposuit silentium, ne ex veris nacti occasionem, post admiscerent mendacia, fidemque sibi conciliarent. Cum enim dixissent, *Isti homines servi Dei altissimi sunt, annuntiantes vobis viam salutis*, dolens apostolus increpavit pythonem, atque exire iussit. Et tamen quid mali dicebant? *Isti homines servi Dei altissimi sunt*: sed quoniam plerique simplices non norunt semper diiudicare, quæ a dæmonibus dicuntur, semel eos exclusit a fide. Ex infamium numero es (inquit) non est tuum libere loqui, tace, obmutesce; non est tuum prædicare, apostolorum ista est auctoritas. Quid usurpas, quod tuum non est? Sile, infamis es. Sic & Christus dicentes ipsi dæmones, *Novimus te, qui sis*, increpavit multa cum acrimonia: nobis præscribens, ne quo pacto dæmoni fidamus, etiamsi tibi aliquid veri loquatur, fugiamus eum & aversemur. Nam sana dogmata salutiferaque non a dæmonibus, sed ex divina scriptura licet exacte discere.“

Ne tamen  
 in alterum  
 incredulita-  
 tis extre-  
 mum prola-  
 bamur.

LXIV. At nostro demum ævo diabolus hyperaspistas hic hominum illud genus invenit, qui, quod omnia pernegent, explodantque ceu vulgaris, sibi suffeni, sublimes spiritus haberi amant: nempe iuxta S. AUGUSTINUM

a) Vid. P. Jordan. SIMON die Nichtigkeit der Hexerey und Zauberkunst p. 287. 288. edit. 2.

GUSTINUM vulgo etiam magnos spiritus superbi habere dicuntur; & re-  
 ste, quandoquidem spiritus etiam ventus vocatur. Ecquis vero crederet,  
 qui ita turgidi sunt spiritu, ut potissimum materialismo esse infectos,  
 atque in hoc etiam eidem patrocinari, dum dæmones e rerum natura  
 tanquam non entia, & a commercio societateque humana penitus ex-  
 cludunt: nec verentur dæmonologiam ceu præiudicium *Iudaicum* exhi-  
 bilare, cui se CHRISTUS & apostoli accommodarint, duro scilicet &  
 superstitioso populo. Quæ certe a blasphemia nihil abest, Christo, qui est  
 ipsa veritas, aut eius apostolis & evangelistis imputata simulatio; imo  
 quod animus horret dicere, aperta foret contradictio in Christo, dum  
*Sadducæos*, qui dicebant non esse resurrectionem, neque angelum, neque  
 spiritum *Matth. XXII. 23.* palam impugnat, PAULUS autem publice se  
*Pharisæum*, qui utraque confitentur, declarat.

Haud procul adeo abesse videtur, etiam ex Catholicis non nemines  
 eo tandem opinione abduci, ut dæmonologiam omnem ipsaque dæmonia  
 infesta hominibus inter entia rationis cum *I. Sal. SEMLERO* professore  
*Halensi* reponant, qui, quidquid in sacra scriptura de dæmonibus dæmo-  
 niacisque legitur, in allegoriam detorquet, modumque ac notionem  
 clamat ex superstitione gentilitia, *Iudaicaque* assumtam, ut nuperrime iterum  
 mentem suam SEMLERUS exposuit, atque a *Io. Casp. LAVATERO* celebra-  
 tissimo orphanotrophii *Turicensis* ecclesiae provocatus in causa *Gassneria-*  
*na* arbiter, non tantum detrectavit conditionem, sed etiam novis cona-  
 tibus suam asseruit sententiam, ob quam aliaque paradoxa apud suos et-  
 iam male audit, conciliavitque sibi odia, de quibus in responsoriis ad cl.  
 LAVATERUM ipse conqueritur; omnia vero susque deque habet, nec la-  
 tum cedens unguem; neque obtestationibus concedit amicissimi LAVA-  
 TERI, etsi eius cum bonis omnibus suspiceret sinceritatem, æquanimi-  
 temque coniunctam cum singulari studio religionis, quo adductus accura-  
 to, rigidoque examini subiicienda existimavit, quæ fama ferebantur tam  
 crebra, tot ac tantis testimoniis, relationibusque asserta, quibus tam fa-  
 cile fidem detrectare haud liceret, de rebus stupendis gestis in nomine  
 IESU: ita eius nominis virtutem perspectam LAVATERUS reveritus ex pro-  
 missione Christi toties in evangelio, ut paullo post videbimus, testata  
 verbis & opere contra dæmones omnemque virtutem inimici, nec quid-  
 quam se in transversum agi passus est a SEMLERO in alia omnia eunte,  
 suisque obstinate inhærente præiudiciis, ac adoptatis erroribus, quos  
 mundo sua opinione fascinato, perinde ac superiore sæculo BEKERUS, ut  
 obtrudat, nihil non molitus est, amice quidem adversus LAVATERUM mo-  
 destissimum ac SEMLERI imprimis studiosum, ut, legere est in litteris



ac scriptis, quæ amœbæa in hoc argumento ab ipso SEMLERO *Hale Magdeb.* edita anno superiore prostant.

Alii dum contra Dei sapientiam, bonitatem & iustitiam pugnare clamant, siquidem permittere dicatur homines a diabolo ad mala induci, aut male haberi, ipsi potius *Manichæismo* aliisque monstris opinionum & errorum circa originem mali locum dant, pugnamque inter divina attributa, ut nuper BÆLIUS, constituunt: perinde enim sapientiæ & bonitati repugnare diceretur permissio mali generatim in rerum natura, siue illud ab homine, siue a dæmone, siue utrinque, prout rem prima mox vet. test. pagina *Gen. III.* pandit, oriatur. Nihilominus semper & ubique fieri coram cernimus, ut homo homini mala inferat, mutuoque igne, ferro arctissima naturæ societate coniuncti homines grassentur, invicemque bello concidant; a diabolo autem genus humanum tentari infestarique in anima vel corpore sanctitati Dei repugnet, ac divina inter se committat attributa? Dum nihil penſi habetur, auctoritatem divinæ scripturæ, atque adeo Dei veritatem fundamentumque religionis christianæ in lapsu hominis, a Christo e servitute Diaboli redempti, labefactari. Sic dum superstitioni aditus clauditur, impietati irreligionique aperitur ianua; vulgi credulitate prætexta, fides in discrimen vocatur.

Nec dicant post Christum igitur saltem, qui *exspolians principatus Col. 2, 15. & potestates traduxit confidenter, palam triumphans in semetipso*, cessent infernalis hostis insidiæ: quandoquidem nobis Christus non solum exemplum, sed vires etiam & præsidium pariter de eo ad immarcessibilem gloriæ coronam triumphandi concessit. Satiùs igitur est ac omnino necessarium, armare ad prælium, cautosque reddere adversus insidias, quam incurios ac veluti securos, quasi vero nullus immineat, aut in inferno religatus sit hostis, a quo nihil adeo timendum.

Ex toto tractationis huius nostræ complexu elucescet, quam aliena sit hæc persuasio a sententia ecclesiæ, asserta, ac comprobata in S. liturgia ac SS. Patrum traditione: iuxta eam quam semper ecclesia catholica inviolabilem tenuit regulam, tenetque secundum præscriptum concilii *Tridentini*, ac formulam iuramenti fidei interpretandi S. scripturam (in qua a principio veteris testamenti, usque ad finem novi dæmonurgia manifestatur) iuxta unanimem SS. PP. consensum, quem non tot testimoniis comprobatum damus, quin multo adhuc plura afferre in promptu esset. Scio equidem hanc accumulatis auctoritatibus scribendi methodum, theologiam scilicet, nausætuos illos, qui depravatæ suæ labe originali indulgentes rationi, philosophari in hoc argumento amant. Edicant vero hi tales, quid suapte natura, omnem cognitionem nostram sensuum adminiculo

culo percipientibus nobis, sanæ pneumatologiæ suppetat sine revelatione? qua remota, illi mihi multo minus immortalitatem animæ, ac spirituales eius naturam ab animabus brutorum distinctam demonstrabunt, quam ego illis ex constanti ecclesiæ ac SS. Patrum traditione persuafero dæmonurgiam, quam explicare allaboro, ecclesiæ equidem iudicio relinquens, ut definiat, an a blasphemia absit illa, quæ cancri instar serpit, sententia, non SS. Patres tantum sed & apostolos Christi, ipsumque Christum verbum Dei in dæmonologia errori vulgari *Iudæorum*, gentilium, ac philosophorum sese accommodasse, ne ob rem parvi, ut dictitant, momenti, animos a se alienarent.

Existimandum est hoc maximum hostis, novissimis appropinquantibus temporibus, stratagema, ut dum procul abesse creditur, eo tutius, ex improvviso sine omni obstaculo pro lubitu grassetur; locumque hic cum primis habet, quod strenuus contra diabolum pugil S. MACARIUS dudum post S. ANTONIUM, integro sermone suos commonendos duxit: „ut enim (inquit) præcedens sermo monstravit, ars hæc est satanæ; quodam tempore de industria se abscondere, ac quasi recessisset, intermittere operari, quæ solebat; hoc spectantis, ut arrogantem sui fiduciam parum cautis spiritualibus ingeneret.“ Quis enim vero sibi a technis calidissimi serpentis, quam acutus etiam sibi videatur, satis caveat?

Cum nobis, ut vidimus, sacræ scripturæ ac omnis retro antiquitas hostis quaquaversum imminentis insidias prodant, supersedendum est a curiosis quæstionibus, quomodo dæmon intima nostra penetret, atque infestet: quæ præcise sint, quæve ratione effectum eat, quibus nos incessit, mala sive quoad animam, sive quoad corpus. S. AUGUSTINUS lib. *T. VIII. p. 802.* III. de *Trinit.* n. 18. illum *Exodi VIII.* locum præ oculis habens *Digitus Dei* est hoc, ubi nempe magi alia potuerunt, permittente Deo, alia non potuerunt effingere, quæ MOYSES coram PHARAONE fecit portenta: „Quid autem (inquit) possint per naturam, nec possint per prohibitionem, & quid per ipsius naturæ suæ conditionem facere non sinantur, homini explorare difficile est, imo vero impossibile, nisi per illud donum Dei, quod apostolus commemorat dicens: *Alii diiudicatio spirituum &c.*“

Id nobis certum esse debet, qualescunque sint satanæ infestandi vires, ac quicunque modi, potestatem Christum reliquisse ecclesiæ suæ super omnem virtutem inimici; neque vero orthodoxis dubia esse potest, aut debet, quæ hactenus visibilis ecclesiæ nota contra diaboli operationes in obfessis corporibus conspicua constanter fuit, frustra reclamantibus ecclesiæ hostibus, uti olim *Iudæis* Christo: ad quod exemplum provocat PAULINUS in vita S. AMBROSII n. 15. deridentibus *Arrianis* „tantam Dei gratiam,,

*Serm. de  
charitate c.  
31. T. II.  
p. 179.*

*T. VIII. p.  
802.*

*T. IX Bibl.  
PP. p. 25.*



tiam, quam ecclesiæ suæ catholicæ Dominus IESUS meritis martyrum suorum conferre dignatus est: venerabilemque virum AMBROSIUM narrabant pecunia comparasse homines, qui vexari ab immundis spiritibus mentirentur, atque ita ab illo, sicut & a martyribus se torqueri dicerent. Sed hoc *Iudaico* ore loquebantur *Arriani*, suppreses scilicet eorum. Illi enim de Domino dicebant: *Quoniam in Beelzebub principe demoniorum eiicit demonia.* Isti de martyribus, vel de Domini sacerdote loquebantur, quod non Dei gratia, quæ per ipsos operabatur, immundi spiritus pellerentur, sed accepta pecunia se torqueri mentirentur. Clamabant enim dæmones, scimus vos martyres. Et *Arriani* dicebant: Nescimus esse martyres. Iam hoc & in evangelio legimus, ubi dixerunt dæmones ad Dominum IESUM: *Scimus te, quia sis Dei filius.* Et *Iudæi* dixerunt: *Hic autem unde sit, nescimus.* Sed non heic testimonium accipitur dæmonum, sed confessio. Unde miseriore *Arriani* vel *Iudæi*, ut quod confitentur dæmones, illi negent.“ Absit, ut his se filii veræ matris ecclesiæ confocient, temere eludentes argumentum hoc, quo ipso tam sæpe ad demonstrandam veritatem missionis suæ uti voluit Christus IESUS, atque *Gerasenum* illum a legione dæmonum liberatum se sequi volentem

Marc. 5,  
19. Luc. 8,  
39.

*non admisit eum, sed ait illi: Vade in domum tuam ad tuos, & annuntia illis, quanta tibi Dominus fecerit, & misertus sit tui &c.*



## CAPUT ALTERUM.

*De exorcismorum in ecclesia virtute, variisque excludendi dæmones ac eorum infestationes modis.*

## I.

**S**i qui adhuc sint, qui ad ea, quæ de dæmonurgia hætenus non tam operosa quidem dicta sunt disquisitione, ut non multa plura colligi potuissent, fidem detrectent, eos nos ad ABAELARDUM infignem sæculi duodecimi novatorem relegabimus, qui negavit, dæmonium unquam ius aliquod in homine habuisse, licet, ut de eo S. BERNARDUS testatur, confessus, „quod omnes doctores nostri post apostolos in hoc conveniunt, quod diabolus dominium & potestatem habebat super hominem, & iure eum possidebat, ideo scilicet, quod homo ex libertate arbitrii, quam habebat, sponte diabolo consensit. Aiunt namque, quod si quis aliquem vicerit, victus iure victoris servus constituitur. Ideo, (inquit) sicut dicunt doctores, hac necessitate incarnatus est filius Dei, ut homo, qui aliter liberari non poterat, per mortem innocentis iure liberaretur a iugo diaboli.“ SS. Patrum eam in rem sententias, quæve S. BERNARDUS l. c. contra ABAELARDUM communem illam Patrum traditionem floccipendentem disputavit, collegit *Dionys. PETAVIUS de Incarnat.* lib. II. c. 5. seq.

De dæmonurgia communis SS. Patrum sententia.

Contra quædam capitula errorum Abaelardi ad Innoc. II. c. 5. T. II. p. 650.

II. Atqui vero SS. Patres S. scripturæ vestigiis inhærent, uti hætenus vidimus, Christum & apostolos diaboli tyrannidem in genus humanum verbis & operibus demonstrasse, coercuisseque, palam etiam & publice eiectis tot ex corporibus dæmonibus; ut de Christo omnis fere apud evangelistas pagina testimonium præbeat, quid & ipse fecerit, qualemque suis potestatem dederit: veluti *Matth. X. 1.* solemni quodam ritu convocatis duodecim discipulis suis dedit illis potestatem spirituum immundorum, ut eiicerent eos &c. Sic etiam dum apostolis prædicandi munus committit *Marc. XVI. 17.* primo loco notatur inter signa eos, qui Crediderint, secutura: *in nomine meo dæmonia eiicient &c.* Nempe ut iuxta apostolum

Potestas eiiciendi dæmones iuxta evangelium.

S

lum



lum in nomine IESU omne genu flectatur cœlestium, terrestrium & inferorum: uti revera legimus dæmonia *Luc. IV. 41.* exiisse a multis clamantia & dicentia: *Quia tu es filius Dei: & increpans non sinebat ea loqui, quia sciebant ipsum esse Christum:* quod etiam *Marc. I. 34.* habetur. Dumque sic dæmones credunt & contremiscunt, *Iudæi* blasphemant, in *Beelzebub* eum eiicere dæmonia: nec deinceps defuere ex gentilibus, uti de CELSO testatur ORIGENES mox libro I. contra eundem, qui magicis artibus tribuerunt miracula a Christo patrata; IULIANUS autem apostata, teste S. CYRILLO *Alexandrino* omnes, quotquot unquam extiterunt incantatores, superasse effutit, PAULUM, PETRUM item, alibi tum omnes apostolos, ac ipsum IESUM sic blasphemans.

T.I. p. 356.  
n. 38.

Lib. III. contra Iul.

Neque vero soli apostoli donis, cum quibus potestas eiiciendi dæmones semper coniuncta fuit, pollebant: apud *LUCAM X. 17.* reversi leguntur septuaginta duo cum gaudio dicentes: *Domine etiam dæmonia subiiciuntur nobis in nomine tuo. Et ait illis: videbam satanam sicut fulgur de cœlo cadentem:* confirmata iterum potestate *super omnem virtutem inimici.* Quin imo prohibentibus apostolis, ut *Marc. IX. 37.* narratur, quemdam in nomine IESU eiicientem dæmonia, id improbat Christus.

Nihilominus dum, ut in *Actis XIX. 13.* legitur: „Tentaverunt quidam & de circumeuntibus *Iudæis* exorcistis invocare super eos, qui habebant spiritus malos, nomen Domini: Respondens spiritus nequam dixit eis: *Iesum novi, & Paulum scio; vos autem qui estis?* Et infiliens in eos homo, in quo erat dæmonium pessimum, & dominatus amborum, invaluit contra eos, ita ut nudi, & vulnerati effugerent de domo illa.“ Nempe erant filii septem *Iudæi* SCÆVÆ principis sacerdotum Christianis adeoque adversi; secus ac ille *Marc. IX.* ut palam fit ex verbis Christi v. 38. 39.

Testimoniis  
a primis ec-  
clesiæ sæcu-  
lis demon-  
strata.

Patr. apost.  
T. II. p. 29.

pag. 247.

III. Ut autem ex superiore capite intelleximus, quam sint variae & innumeræ inimici infidiæ, superest, ut iam deinceps de præsentis ac promissa per Christum medela explicare pergamus argumentum, quemadmodum D. PAULUS ad *Romanos* scribens in epilogo epistolæ precatur: *Deus autem pacis conterat satanam sub pedibus vestris velociter.* Hac fiducia animatus S. IGNATIUS ad *Romanos* item scribens, quorsum ad martyrium ibat, *TRAIANO* iubente, confidenter cum cæteris tormentis, *mala*, petit, *diaboli tormenta in me veniant, tantummodo ut IESUM Christum nanciscar.* Generatim etiam *IUSTINUS M.* sæculo post Christum II. in dial. cum *TRYPHONE*, „Christi (inquit) nominis potentiam, dæmones tremunt, & reformidant, & hodie quoque illi per nomen IESU Christi crucifixi

cifixi sub PONTIO PILATO, qui *Iudais* procuratorem egit, adiurati no-<sup>pag. 302.</sup>  
bis parent.“ Et postea: „Et nunc nos, qui in IESUM Christum credi-  
mus, dæmonia cuncta, spiritus malignos adiurantes sub potestate eos  
nostra habemus.“ Haud absimiles sententias legere est in eiusdem ora-  
tione ad gentes, utraque item *Apologia*, I. ad ANTONINUM *Pium*, alte-  
raque ad senatum *Romanum*: „Quos (hic addit) alii adiuratores, &<sup>pag. 93.</sup>  
incantatores & venefici vestri non sanaverunt, plurimi ex nostris Christia-  
nis per nomen IESU Christi sub PONTIO PILATO crucifixi adiurantes sa-  
naverunt, & adhucdum sanant, exarmantes atque exigentes ab homi-  
nibus eos, qui illos obsederunt dæmones.“ Ex eodem adhuc sæculo S.  
IRENÆUS lib. II. adv. hæreses cap. 20. „*Ascendens enim*, inquit, <sup>in pag. 145.</sup>  
*altitudinem Dominus per passionem, captivam duxit captivitatem, dedit*  
*dona hominibus, & contulit credentibus in se super serpentes & scor-*  
*piones calcare, & omnem virtutem inimici*, id est principis apostasiæ.“  
Et cap. 32. „Alii enim (inquit) dæmones excludunt firmissime, & ve-  
re, ut etiam sæpissime credant ipsi, qui emundati sunt a nequissimis spi-<sup>pag. 166.</sup>  
ritibus, & sunt in ecclesia.“

Eodem argumento PIONII M. ad erigendos lapsos in persecutione  
Christianorum usus est apud RUINART. in actis sinceris: *Dicite quaeso*,<sup>pag. 146.</sup>  
inquit, *cuius hominis discipuli, qui sit per vim mortuus, dæmonas tot*  
*per annos eiecerunt, facturique sunt?* S. VINCENTIUS vero DACIANUM  
iudicem compellans, diabolumque indigitans: „Iste est (inquit) quem  
cum satellitibus suis e corporibus humanis divina invocatione eiicimus;<sup>Ib. p. 368.</sup>  
cui vos sub vanissimis figmentis ritum profani cultus exsolvitis, & nova  
dementia creatori creaturam præfertis. Exarsit ergo diabolus adversus  
christianam fidem, & dum contemni se ac despici videt, ingemuit.“ Hæc  
in S. Martyris actis referuntur ad annum Chr. 304. SS. PIONII vero & so-  
ciorum ad an. 250. ante hæc vero ad finem sæc. II. ineunteque ac ado-  
lescente sæculo III. primus scriptorum *Latinorum* TERTULLIANUS in Apo-<sup>pag. 22.</sup>  
logetico adversus gentes c. 23. palam & publice provocat: *Edatur hic aliquis*  
*sub tribunalibus vestris, quem damone agi constet, iussus a quolibet Chri-*  
*stiano loqui, tam se dæmonem confitebitur de vero, quam alibi Deum de fal-*  
*so. . . . nisi se dæmones confessi fuerint, Christiano mentiri non audentes,*  
*ibidem illius Christiani procacissimi sanguinem fundite. Quid isto opere ma-*  
*nifestius? quid hac probatione fidelius? &c.* Et postea c. 43. de ipsa dæ-<sup>pag. 34.</sup>  
monum expulsionem frequenti: *Quanti*, inquit, *habetis, non dico iam, qui*  
*de vobis dæmonia excutiant, non dico iam, qui pro vobis quoque vero*  
*Deo preces sternant, sed a quibus nihil timere possitis.* Et in sequentis  
operis eiusdem argumenti ad SCAPULAM *Africae* præsidem exordio statim



pag. 69.

*Dæmones autem*, inquit, *non tantum respuimus, verum & revincimus, & quotidie traducimus, & de hominibus expellimus, sicut plurimis notum est*. Hæc referuntur capite secundo, plura mox capite quarto, & alibi passim, ut frequenter de omnis generis machinationibus dæmoniacis iam eius auctoritate supra usi sumus, perinde ac S. CYPRIANI, quem TERTULLIANO MOX iungimus eodem adhuc sæculo illustrem *Africæ* præsu-

pag. 3.

lem ac martyrem, qui ad DONATUM scribens (quod primum inter eius opera script. circa an. 246. legitur) „De Gratia Dei (hoc inter alia eius „donum recenset) immundos & erraticos spiritus, qui se expugnandis ho- „minibus immerferint, ad confessionem minis increpantibus cogere; ut re- „cedant duris verberibus urgere; conflictantes, eiulantes, gementes, in- „cremento pœnæ propagantis extendere: flagris cædere, igne torrere. Res „illic geritur, nec videtur, occulta plaga, pœna manifesta &c.“ Et postea p. 133. ad DEMETRIANUM: „O si audire eos velles & videre, quan- „do a nobis adiurantur & torquentur spiritalibus flagris, & verberum tor- „mentis de obsessis corporibus eiiciuntur, quando eiulantes & gementes „voce humana, & potestate flagella & verbera sentientes venturum iudi- „cem confitentur. Veni & cognosce vera esse, quæ dicimus.“ Ante S.

Bibl. PP. T.

II. p. 397.

CYPRIANUM MINUCIUS *Felix* in suo OCTAVIO palam ad ipsum Gentilium provocat testimonium n. 27. „Hæc omnia sciunt (ait) plerique pars vestrum, ipsos dæmonas de semetipsis confiteri, quoties a nobis tormentis verborum, & orationis incendiis de corporibus exiguntur. Ipse *Saturnus*, & *Serapis*, & *Iupiter*, & quidquid dæmonum colitis, victi dolore, quod sunt, eloquuntur: nec utique in turpitudinem sui, nonnullis præfertim vestrum assistentibus, mentiuntur. Ipsis testibus esse eos dæmones, de se verum confitentibus credite. Adiurati enim per Deum verum & solum, inviti, miseri corporibus inhorrescunt, & vel exsiliunt statim, vel evanescent gradatim, prout fides patientis adiuvat, aut gratia curantis aspirat. Sic Christianos de proximo fugiunt, quos longe in cœtibus per vos lacebabant. Ideo inserti mentibus imperitorum odium nostri ferunt occulte per timorem &c.“ ORIGENES in simili argumento contra CELSUM

V. l. p. 361.

lib. I. n. 46. hæc inter alia etiamnum suo tempore, medio nempe tertio sæculo, apud Christianos donorum spiritus sancti vestigia agnoscit: „Num (inquit) dæmonia eiiciunt, morbos curant, & volente verbo futura prævident? Irrideat licet CELSUS, aut *Iudæus*, quem introduxit, quod dicetur, dicam nihilominus multos ad religionem Christianam accessisse velut invitos: spiritu quodam repente sive per usum sive per somnium in illorum animos agente, atque ita illos immutante, ut, quod in illam conceperant, odium deponerent, & pro illa mortem oppetere statuerent,

multa

multa eiusmodi novimus, quæ si scriberemus, tametsi illorum oculati testes fuerimus, benignam risus materiam præberemus incredulis, qui nos ex eorum ingeniis, quos talia finxisse norunt, iudicantes, hæc etiam a nobis conficta esse existimarent." Ad rem præsentem nihil hic opus est iis addere, quæ passim ex eodem auctore referimus, brevi excepta sententia ex eodem opere contra CELSUM lib. VII. „Non pauci (inquit) Christiani eiiciunt ex obsessis corporibus, idque sine omni curiositate magorum & veneficorum, sed solis precibus, adiurationibusque simplicibus."

LACTANTIUS, quem ex sæc. IV. primum nominamus lib. V. divin. in-<sup>T. IV. Bibl.</sup>stitut. c. 22. *de furore demonum in Christianos* eandem, quam iam ex <sup>PP. p. 323.</sup>aliis attigimus causam, proferens „Non enim (inquit) ipsi homines persequuntur, qui causam, cur irascantur innocentibus, non habent: sed illi spiritus contaminati ac perdit, quibus veritas & nota est & invisa, insinuant se mentibus eorum, & instigant impios in furorem. Hi enim, quamdiu pax est populo Dei, fugitant iustos & pavent; & cum corpora hominum occupant, animasque divexant, adiurantur ab his & nomine Dei veri fugantur. Quo audito tremunt, exclamant, & uri se verberarique testantur; & interroganti, qui sint, quando venerint, quomodo in hominem irreperint, confitentur. Sic extorti, excruciatique virtute divini nominis, exsultantur. Propter hæc verbera & minas sanctos & iustos viros semper oderunt. Et quia per se nocere his nihil possunt, publicis eos odiis prosequuntur, quos sibi graves sentiunt." S. ANTONIUS abbas in sæpe laudata oratione ad monachos, quæ in eo versatur argumento, ut suis Panicum timorem, quem dæmones variis aggressibus & monstris incutiebant, eximeret animo, tum etiam ex potestate eiicendorum dæmonum vanam gloriam; „Neque porro (inquit) decet eiicendorum dæmonum virtute gloriari, neque de morborum curationibus extolli: nec eum, qui dæmonia eiicit, admirari, eum, qui non eiicit, despicere; sed singulorum exercitationem quivis ediscat, & vel imitetur, æmuleturque, vel corrigit. Nam signa facere non nostrum, sed Salvatoris opus est: quare discipulis ait: *Nolite gaudere, quia spiritus vobis subiiciuntur: gaudete autem, quod nomina vestra scripta sunt in cælis.* Nam quod nomina nostra in cælis scripta sunt, virtutis vitæque nostræ testimonium illud est; eiicere autem dæmonia, Salvatoris donum."

In progressu eiusdem sæc. IV. S. ATHANASIUS *de Incarnatione Verbi Dei* hoc etiam divinitatis eius argumentum extollit n. 18. „Nam illum dæ-<sup>T. I. P. 1</sup>monibus imperare, eosque fugare non humanum, sed divinum opus est." <sup>P. 62.</sup>Et postea n. 25. „Præterea si diabolus nostri generis hostis e cælo de-<sup>pag. 68.</sup>



lapsus circa hunc infimum aerem vagatur, ubi aliis dæmonibus utpote in contumacia sui similibus imperans, eorum opera homines seducit, & his, qui sursum sunt, obstare nititur: qua de apostolus: *secundum principem potestatis aeris, spiritus, qui nunc operatur in filiis contumaciæ*. Si insuper venit Dominus, ut diabolum prosterнат, aerem purget, ac nobis vitam in cœlum per velamen, id est, carnem suam, ut ait apostolus, aperiat: denique si id morte faciendum fuit, quam amabo, alia morte hæc potuissent peragi, nisi ea, quam in aere in cruce pertulit Dominus? Solus enim ille in aere moritur, qui in cruce vitam ponit. Quapropter huiusmodi mortem convenienter subiit Dominus. Hoc enim modo sursum elatus, aerem a diabolicis omnibusque dæmonum insidiis purgavit, uti his verbis testatus est: *videbam satanam sicut fulgur cadentem*."

pag. 74.

pag. 48.

Libenter utor huius *de Incarnatione Verbi Dei* operis testimonio, cuius passim alii abutuntur quibusdam sententiis, quibus post mortem Christi recte quidem, ut supra declaravimus, omnem virtutem diabolicam prostratam asserit: „Nam (ut n. 32. loquitur) si Christus mortuus iaceret, certe dæmones non fugaret, nec idola exspoliaret; nec enim mortuo obtemperarent dæmones. Sed si eius nomine prolato palam fugantur, mortuum illum non permanere certissimum hoc indicium fuerit, præsertim cum dæmones, qui ea, quæ ab homine non videntur, ipsi vident, cognoscere facile possent, an vere Christus mortuus iaceret, nec proinde illi morem gererent. Nunc autem illum ipsum, cui impii non credunt, vident dæmones Deum esse, eamque ob causam fugiunt, ac coram eo procidunt, eadem, quæ olim, cum in corpore esset, dicentes: *Novimus tu quis sis &c.*“ Adhuc apertius vero, quomodo per Christum dæmones cum suis portentis magicis, præstigiis, & veneficiis propulsentur, postea explicat n. 48. „Veniat & quisquis ea, quæ diximus, experiri cupit, atque in mediis ipsis dæmonum præstigiis, & oraculorum fallaciis, ac magiæ prodigiis, signo crucis, quæ apud ipsos ludibrio est, utatur, solumque Christum nomet: mox videbit, quomodo per ipsum fugentur dæmones, cessent oracula, ars omnis magica veneficaque evanescat... Quodsi magum eum esse dicant, qui fit, ut a mago omnis ars magica destruat, & non potius confirmetur? Namque si dumtaxat homines magos vicisset, vel uno tantum fuisset superior, non immerito suspicarentur, eum arte quadam præstantiori fuisse victorem. Si vero de universa arte magica eiusque nomine crux Christi triumphavit; perspicuum sane inde fuerit, Salvatorem magum non fuisse, utpote quem dæmones, quos alii magi invocant, tanquam Dominum fugiunt.“

Unum

Unum adhuc brevem eiusdem S. Doctoris locum aliunde, nempe *de passione & cruce Domini* adscribam: „Nam qui hactenus idololatræ fuere, *T. II. p. 104.* atque Christum ut hominem calumniati sunt, eum deinceps idolis abnegatis, Deum agnoscunt: & quos in idolis dæmones reformidabant, ipsos agnito Domino demum deferunt, atque ex aliis pellunt: quam item, idololatræ dum essent, voluptatem metuebant, eam in Christo despiciunt: peccatumque, a quo pridem superabantur, iam signo crucis vincunt, ludibrioque habent.“ Sic EUSEBIUS *Cæsarensis* in opusculo a SIRMONDO edito *ma-* *T. I. Opp. p. 127.* iorem post resurrectionem Domini virtutem in dæmones agnoscit: „Sub præsentia (inquit) Domini unum dæmonem eiicere non poterant apostoli: post resurrectionem autem eius non solum illi, sed & hi, qui ab illis istius virtutis semen acceperunt, eiiciunt.“ S. HILARIUS vero Divinitatis Verbi in Occidente, ut S. ATHANASIUS in Oriente invictus assertor, tempora ante & post Christum comparans in illud Psal. LXIV. 8. *Qui conturbat fundum maris*, dæmonia fundum maris interpretatur: „In harum enim, inimicarum virtutum fiducia sæculum consistebat, & hæc in invisibilibus sæculi huius profundis latebant. Sonus autem fluctuum cum fundo maris perturbatur. Turbato enim diabolo, omnia terroris sui ministeria turbantur: & ipse, quo gentes pavebant, adversantium potestatum sonus trepidat. Recordamur vatum murmura, & inconditos bachantium fremitus, & nonnunquam confuso audientium sensu incertum, nescio quid, simulacrorum æra sonuisse, omnem denique profano cerimoniarum cantu mundum resultantem. Nunc vero Domino Christo prædicato, filere omnia confutata & trepida, cum hi templorum & gentium dii virtute fidelium subiciuntur ad poenam: cum credentium verbis torquentur, laniantur, uruntur, & invisibiles nobis, atque incomprehensibiles naturæ verbo continentur, puniuntur, abiguntur, cum vates silent, cum muta sunt templa.“

S. IOANNES *Chrysostomus* etiam argumento hoc corruptos atque excusso metu sensuque æternarum rebus præsentibus deditos Christianos stringit Hom. XIII. in MATTHÆUM: „Si enim (ait) nulli alii credis, dæmonibus saltem adsta, dum verberantur, iis scilicet, qui in perniciem nostram nihil non dicunt & agunt. Neque enim hoc negaturus es, ipsos nempe nihil non agere, ut desidiam nostram augeant, gehennæ metum auferant, efficiantque, ut futuro iudicio fidem negemus. Attamen, qui hæc cupiunt, clamantes & ululantes sæpe tormenta illic adhibita prædicant. Unde igitur hæc dicunt, &, contra quam volunt, loquuntur? Non alia de causa, quam quod maiori cruciatu cogantur. Neque enim vellent sponte confiteri, vel se a mortuis hominibus torqueri, vel se omnino



nino grave quidpiam pati. Qua ergo de causa hæc a me dicta sunt? Quia dæmones, qui nolunt credi gehennam, tamen gehennam confitentur: tu vero, qui tanto dignaris honore, quique ineffabilium confors es mysteriorum, nec illos imitaris, sed etiam illis deterior factus es. *Ecquis, inquires, ab inferno venit, & hæc nunciavit? Sed & de cælis quis venit, dixitque Deum esse, qui omnia creavit?* “

Nostro prohi dolor! hoc ævo non unum est scepticorum incredulorumque genus, quos hæc S. CHRYSOSTOMI argumentatio petit: quique cum magno numero eorum, quorum retulimus in eandem rem testimonia, ætatem illam excedit, quam passim neoterici acatholicique donis illis extraordinariis, quæ *gratiæ gratis datæ* vocantur, statuunt suo ex ingenio, definiuntque, modum divinæ ponentes largitati. Signa infidelibus data esse, non fidelibus aiunt, apostoli ad suam infidelitatem abusi auctoritate contra consensum omnium veterum scriptorum ac historiam temporum, experientiamque innumeris documentis, testimoniisque assertam, atque in ecclesia & ab ecclesia comprobata, semperque conspicuam in hoc præsertim, quod tractamus, argumento, potestate, inquam, ecclesiæ in dæmones constanter exercita, hodieque non spernendo, ad revocandam. aut roborandam vacillantem fidem, effectum, quod certis mihi indiciis, spontanea que confessione quorundam constat: ut adeo non frustra benignissimum Numen hæc invicta veritatis Christianæ argumenta, firmamenta que nobis reliquerit, nostris fortasse temporibus, si unquam alias, a quo tempore orbis in Christum credidit, salutaria. Inscribit S. AUGUSTINUS lib. XXII. caput octavum *de miraculis, quæ, ut mundus in Christum crederet, facta sunt, & fieri mundo credente non desinunt.* Inter ea vero, quæ cumulate recenset, non pauca sunt, quæ ad nostrum hunc pertinent tractatum de potestate in dæmones, quæ in vera Dei ecclesia conspicua est, ac semper erit, tam certo, quam indubitato ex divina promissione *portæ inferi non prævalebunt adversus eam.*

T. VII. p.  
663.

Hom.  
XXIX. in  
evang.

Neque enim falso eam sibi adscribit, omnium tractu sæculorum, ex quo illam apostoli acceperunt a Christo, præscriptam confirmatamque potestatem. „Sancta ecclesia (inquit S. GREGORIUS M. cuius auctoritate toties iam ad dæmonurgiam demonstrandam sumus usi, utemurque porro) quotidie spiritualiter facit, quod tunc per apostolos corporaliter faciebat. Nam sacerdotes eius, cum per exorcismi gratiam manus credentibus imponunt, & habitare malignos spiritus in eorum mente contradicunt, quid aliud faciunt, nisi dæmones eiiciunt? “ Quam sententiam postea Ven. BEDA lib. IV. in cap. 16. MARCI his verbis expressit: „An non habemus de his signis atque virtutibus, quæ adhuc subtilius considerare de-

bea-

beatus? sancta quippe ecclesia quotidie spiritualiter facit, quod bene per apostolos corporaliter faciebat. Nam sacerdotes eius cum per exorcismi gratiam manum credentibus imponunt, & habitare malignos spiritus in eorum mente contradicunt, quid aliud faciunt, nisi dæmonia eiiciunt? "

IV. Perspicuum est, hic agi de exorcismis aliis, quam quorum usus Exorcismi est in obfessos a dæmone corporaliter, imo quoad utrumque hominem: siquidem GELASIUS P. in iam laudata epistola ad episcopos per *Lucaniam* constitutos c. 21. in energumenis proprie seu stricte sic dictis mentis abreptionem spectat, dum eos a sacris ministeriis arcendos sciscit: „Postremo (inquit) si corpore fortassis aut debilem, nequaquam sancta contingere lex divina permittit; quanto magis doni cœlestis dispensatores esse non convenit (quod est deterius) mente percussos.“ Sunt hi duo illi celeberrimi Pontifices *Romani* GELASIUS & GREGORIUS M. quorum nomine etiamnum extant liturgiæ, ex quibus compositæ sunt nostræ *Alemanica*. Continent vero diversi generis exorcismos seu adiurationes rerum etiam inanimatarum salis, aquæ, olei &c. hodieque usitatas; quarum exordium quoddam (sc. *Exorcizo te per Deum verum*) in antiquissimis scriptoribus *Latinis* notatur. Sic S. CYPRIANUS *de idolorum vanitate* dæmonia homines obfidentia perstringens: *Hi tamen, ait, adiurati per Deum verum a nobis statim cedunt, & fatentur, & de obfessis corporibus exire coguntur.* Item iam laudatus MINUTIUS Felix: *Adiurati per Deum verum & solum inviti & miseri corporibus inhorrescunt.* Et LACTANTIUS T. IV. BIBL. lib. IV. divin. institut. c. 27. Idem damones adiurati per nomen Dei veri PP. p. 305- *protinus fugiunt.* Voce tamen *Græca* (iam IUSTINO aliisque, quos modo citavimus, *Græcis* auctoribus frequentata) his omnibus vetustior antiquissimus scriptorum *Latin.* TERTULLIANUS utitur in lib. *de Idol.* c. 11. „Quo ore (inquit) Christianus thurarius, si per templa transibit, fumantes aras despuet, & exsufflabit, quibus ipse prospexit? Qua constantia exorcizabit alumnos suos, quibus domum suam cellarium præstat? Ille quidem, si excluderit dæmonium, non sibi placeat de fide.“

Alio sensu occurrit ea vox apud OPTATUM *Milevitanum* lib. II. de pag. 42. *schismate Donatist.* *Exorcizastis, ait, & lavistis sine causa parietes: ut hoc nequitiae genere subrueretis simplicissimorum hominum mentes.* Et pag. 53. paullo post: *Quid iniquius, quam exorcizare Spiritum sanctum? altaria frangere? Eucharistiam animalibus proicere?* Quibus verbis ostendit, ut pluribus explicat abb. DUGUET, quam inique templa Catholicorum, ac Dis sur les Exorcismes p. 86. seq. personas sacras violaverint ceu prophanatas, lavando parietes, capita sacerdotum radendo, rebaptizando præsertim, ut lib. IV. n. 6. obiicit: „Vos



rebaptizando exorcizatis fidelem, & dicitis Deo habitanti: *Maledicte exi foras*; ut compleatur, quod a Deo dictum est per prophetam EZECHIELEM: *Et maledicebant mihi in populo meo.* Verba illa etiamnum in exorcismo catechumenorum habentur, de quo S. AUGUSTINUS in lib. I. *de peccat. merit. & remiss.* c. 34. & passim alibi contra *Pelagianos* argumentum petit: „Vellem (inquit) aliquis istorum, qui contraria sapiunt, mihi baptizandum parvulum afferret. Quid in illo agit exorcismus meus, si in familia diaboli non est? Ipse certe mihi fuerat responsurus pro eodem parvulo, quem gestaret, quia ille pro se respondere non posset. Quomodo ergo dicturus erat, eum renunciare diabolo, cuius in eo nihil erat? In veritate itaque non in falsitate potestas diabolica exorcizatur in parvulis.“

Exorcistæ.

*Act.* 19, 13.

*T. II. Bibl.*  
*PP. p. 500.*

V. Vox ἐξορκισμός passim in novo testamento adhibetur, eaque Pontifex maximus erga Christum usus *Adiuro te*, inquit, *per Deum vivum*; sic & *Iudæi* exorcistæ tentaverunt invocare super eos, qui habebant spiritus malos dicentes: *Adiuro vos per IESUM, quem Paulus prædicat.* Exorcistarum apud *Iudæos* originem & modum admodum fabulosum describit IOSEPHUS lib. VII. *belli Iudaici* & lib. VIII. *antiq. Iudaic.* c. 2. Extat S. HIPPOLYTI Episc. & Mart. post initia sæc. III. *de Charismatibus. Traditio apostolica*, ut inscribitur, relata in *Constitut. Apost.* lib. I. c. 1. & 2. intelliguntur autem signa eos, qui crediderint, secutura: *In nomine meo demonia eiicient* &c. „Quæ charismata (ita ibi) seu dona prius quidem nobis apostolis tradita sunt, qui omni creaturæ prædicaturi eramus evangelium; postea vero necessario iis, qui per nos crediderunt, præbentur; non ad utilitatem ea operantium, sed ad infidelium assensionem; ut quibus non persuasit sermo, hos virtus signorum flectat ac pudore afficiat. Signa enim non nobis fidelibus eduntur, sed infidelibus, cum *Iudæorum* tum *Græcorum*. Neque enim dæmones eiicere nostrum emolumentum est, sed eorum, qui per Domini operationem purgantur; sicut ipse Dominus nos erudiens ostendit, dicendo: *Nolite gaudere; quia spiritus vobis obediunt; sed gaudete, quod nomina vestra scripta sunt in cælo*: quando illud quidem ipsius virtute fit; hoc autem nostro affectu & studio, nobis videlicet ab eo adiutis. Non ergo necesse est, ut omnis fidelis dæmones expellat, aut suscitet mortuos, aut linguis loquatur; sed is, qui charismate dignatus est propter aliquam causam utilem ad salutem infidelium, qui sæpe non sermonum demonstratione, sed signorum operatione commoventur, quippe digni sunt salute; non enim omnes impii miraculis convertuntur.“

*De*

*De exorcistis* eadem omnino leguntur in *Constitutionibus Apostol.* lib. VIII.c. 25. item: „Exorcista non fit ordinatione. Animi enim plane voluntarii certamen est, ac gratiæ Dei per Christum ex adventu Spiritus sancti. Qui enim accipit donum sanationum per revelationem declaratur a Deo; omnibus siquidem manifesta est gratia huiusmodi. Si autem opus eo fuerit, episcopus aut presbyter aut diaconus ordinetur.“ Unde ad hodiernum usque diem ecclesia *Græca* caruit peculiari hoc ordine. Qui apud EUSEBIUM in libello *de martyribus Palæstinis* memoratur *Cæsareensis* in *Palæstina* ecclesiæ exorcista ROMANUS, simul diaconus dicitur. PRO-  
Cap. 2. n. 5.  
apud Rui-  
nart. p. 318.  
 COPUS autem, qui primus inter martyres *Palæstinos* notatur, tria in ecclesia *Scythopolitana* ministeria præbuisse perhibetur in eius passione inter acta sincera apud RUINARTUM, unum in legendi officio, alterum in *Syri* interpretatione sermonis, & tertium adversus dæmones manus impositione consummans. Acta hæc ad annum 303. referuntur: dum circa medium iam sæc. III. CORNELIUS P. in epistola ad FABIUM *Antiochenum* exorcistas cum reliquo Romano clero connumerat apud EUSEBIUM: *exorcistas & lectores cum ostiariis quinquaginta duos.* Eodem tempore S. CYPRIANUS ad MAGNUM scribens: „Quod hodie (ait) etiam geritur, ut per exorcistas voce humana & potestate divina flagelletur, & uratur, & torqueatur diabolus, & cum exire se & homines Dei dimittere sæpe dicat, in eo tamen quod dixerit, fallat.“  
pag. 353.  
Hist. eccl.  
lib. VI. c. 43.

Ad eundem vero S. CYPRIANUM FIRMILIANUS perscribens de supra memorata pseudoprophetissa a dæmone incantata inter epistolas eius 75. „Subito (pergit) apparuit illi unus de exorcistis vir probatus & circa religiosam disciplinam bene semper conversatus, qui exhortatione quoque fratrum plurimorum, qui & ipsi fortes ac laudabiles in fide aderant, excitatus, erexit se contra illum spiritum nequam revincendum, qui subtili fallacia etiam hoc paullo ante prædixerat, venturum quendam adversum & tentatorem infidelem. Tamen ille exorcista inspiratus Dei gratia fortiter restitit, & esse illum nequissimum spiritum, qui prius sanctus putabatur, ostendit.“ Occurrit exorcistæ nomen in vulgata *Brixienſi* inscriptione FL. LATINO episcopo, qui fuerit prius presbyter annis XV. & exorcista annis XII. S. MARTINUS, qua ratione exorcista primum ecclesiæ *Pictaviensis* a S. HILARIO fuerit factus, in eius vita *Sulpitius SEVERUS* his enarrat verbis: „Tentavit autem idem HILARIUS, imposito diaconi officio, sibi eum arctius implicare, & ministerio vincere divino; sed cum sæpissime restitisset, indignum se esse vociferans, intellexit vir altioris ingenii, hoc eum modo posse constringi, si id ei officii imponeret, in quo quidam locus iniuriæ videretur. Itaque exorcistam eum esse præcepit.“  
pag. 323.  
Cap. 5.



Quam ille ordinationem, ne despexisse tanquam humiliorem videretur, non repudiavit.

Hoc tamen non obstante in isto ordine ob officii genus & charisma spectanda imprimis virtus & probitas fuit. Quemadmodum S. PAULINUS epist. V. ad AMANDUM, *prorsus, scribit, per omnia CARDAMUS nobis tam bellus apparuit, ut clericum probabilem hominibus, & exorcistam dæmoniis* *terribilem videremus.* S. AMBROSIVS, *alius, inquit, distinguendæ lectioni aptior, alius psalmo gratior, alius exorcizandis, qui malo laborant spiritu, sollicitior.* Faciunt huc preces, quas in eorum ordinatione fundit ecclesia, brevissimæ quidem in sacramentario *Gelasiano*, eadem ac in missali *Francorum*, ut sit *spiritualis imperator ad abiiciendos dæmones de corporibus obsessis cum omni nequitia eorum multiformi.* Et mox: *ut per impositionis manuum & oris officium eum eligere digneris: & imperium habeat spirituum immundorum coercendorum, & probabilis sit medicus ecclesiæ tuæ, gratiæ curationum vir-* *tute confirmatus.* In antiquissimis sacramentariis *Gelasiano* & aliis eadem ordinationis forma, quæ hodieque obtinet, præscribitur, qualis iam in concilio *Carthaginiensi* IV. Can. 7. habetur: „Exorcista cum ordinatur, accipiat de manu episcopi libellum, in quo scripti sunt exorcismi, dicente sibi episcopo: *Accipe & commenda memoria & habeto potestatem imponendi manus super energumenum sive baptizatum, sive catechumenum.* can. 90. „Omni die exorcistæ energumenis manus imponant. can. 92. Energumenis in domo Dei assidentibus victus quotidianus per exorcistas opportuno tempore ministretur.“

Promiscuus a primis sæculis exorcizandi usus fidelium. VI. Ex allatis paullo ante testimoniis SS. IUSTINI, IRENÆI & aliorum antiquissimorum doctorum elucescit, quando de potestate excludendi dæmones, ut passim loquebantur, erat sermo, indiscriminatim fere eos loqui: tum quod necdum statim ab ecclesia certis personis in clerum assumptis id muneris assignaretur, cum etiam quod ex Christi promissione ac gratia communis in devictum iam diabolum virtus fide pollentibus super omnem virtutem inimici, tunc præcipua esset, ac promiscuum charisma. Sic S. IUSTINUS M. quem ipsum non constat sacri ministerii quodam gradu fuisse insignitum, generaliter loquitur in dialogo cum TRYPHONE n. 76. *Et nunc, qui in crucifixum sub Pontio Pilato IESUM Dominum nostrum credimus, dæmonia omnia & malos spiritus adiurando potestati nostræ subiicimus.* TERTULLIANUS provocat gentiles in apologetico c. 27. „Edatur hic aliquis sub tribunalibus vestris, quem dæmone agi constat. Iussus a quolibet Christiano loqui spiritus ille, tam se dæmonem confitebitur de vero, quam alibi Deum de falso.“ Passim alibi hinc petito argumento

gumento incessit eos ex Christianis, qui se, ut tunc proclive erat, superstitionibus quibusdam abripi sinerent. „Quo ore Christianus, (scribit in libro *de idololatria*) thurarius, si per templa transibit, fumantes aras despuet, & exsufflabit, quibus ipse prospexit? Qua constantia exorcizabit alumnos suos, quibus domum suam cellarium præstat?“ Et in libro *de corona militis*: „Et quos interdum exorcismis fugavit, noctibus defensabit.“

Quæ alibi iam relata studiose hic repeto, suntque probe observanda ad exstimulandum fidelium studium contra quotidianos etiam dæmonum insultus in utrumque hominem, insidiasque inimici occultas & manifestas in anima & corpore: cum adversus ea omnia, ut mox videbimus, invicta nobis sint arma, ac divina virtus cuique perinde contra dæmones ac alios salutis nostræ hostes necessaria. „Persuasum enim nobis est (sunt ORIGENIS verba) facta corporis, & ortas a prudentia carnis cum Deo inimicitias divino spiritu mortificari. Si autem extra se rapitur, si sui compos non est Pythia, dum vaticinia edit, cuiusnam alius generis censerī oportet spiritum illum, qui menti & rationi tenebras offundit, præterquam illorum dæmonum, quos ex obsessis profligant e Christianis multi, idque sine ullo inutili magiæ aut incantationis auxilio, sed solis precibus, simplicibusque adiurationibus, & quales vel simplicior homo possit adhibere? Hoc enim plerumque faciunt idiotæ. Quo quidem ea, quæ doctrinæ nostræ inest gratia Christi, manifeste prodit, cum, ut vincantur, cedant, & ex animo corporeque hominis fugentur, non opus sit sapiente & in probandis fidei rebus versato.“

Distinctione hic multiplici opus est quoad circumstantias rerum, locorum, atque adeo etiam personarum; exorcizandi item usum publicum in ecclesia aut privatum: prout exempli causa a TERTULLIANO notantur *de præscriptionibus hæreticorum* c. 41. *ipsæ mulieres hæreticæ quam procaces, quæ audeant docere, contendere, exorcismos agere, curationes re-promittere, forsitan & tingere.* Ubi manifestum est, de statis solemnibus ante baptismum in ecclesia agi exorcismis, qui a ministris utique ad id ordinatis debet fieri; cum econtra charisma expellendi dæmones usu privato potuerit esse aliis etiam concessum, quam clericatui addictis, sicut S. GREGORIUS *Taumaturgus* teste SOCRATE, dum adhuc laicus esset, *multa fecit miracula nunc egrotos sanans, nunc dæmonas per epistolam fugans.*

VII. Cum primum vero suus esse coepit in coetibus Christianorum peculiaris energumenorum locus, ac statio, statique circa eos ritus, opus etiam fuit certis formulis seu orationibus pro energumenis, qualem iam

Lib. VII.  
contra Cels.  
n. 4. p. 696.

Hist. eccl.  
lib. IV. c. 27.

Statæ exor-  
cismorum  
formulæ.



*Lib. VIII. c. 7.* suo loco ex constitutionibus apostolicis, aliisque monumentis ecclesiasticis notavimus. In paullo ante citato Conc. *Carthaginensi* can. 91. statuitur: ut *omni die exorcistæ energumenis manus imponant*: fit autem canone mox antecedenti mentio libelli, in quo scripti sunt exorcismi. Invenimus nonnunquam eiusmodi libellos peculiares Mss. præterquam quos ex ipsis sacramentariis antiquis iam notavimus.

*Lib. VIII. antiq. Iudaic. c. 2. Serm. 35. in Matth.* Discimus autem ex ORIGENE imposturam tunc temporis a *Iudæis* Christianis factam, formulis illis incantationum, quas IOSEPHUS *Iudæus* a SALOMONE compositas tradit, de quibus ORIGENES: „Quæret aliquis (ait) si convenit vel dæmones adiurare: & qui respicit ad multos, qui talia facere ausi sunt, dicet, non sine ratione fieri hoc. Qui autem aspiciat IESUM imperantem dæmonibus, sed etiam potestatem dantem suis discipulis super omnia dæmonia, & quod infirmitates sanarent, dicet, quoniam non est secundum potestatem datam a salvatore adiurare dæmonia, *Iudaicum* est enim. Hoc etsi aliquando a nostris tale aliquid fiat, simile fit ei, quod a SALOMONE scriptis adiurationibus solent dæmones adiurari. Sed ipsi qui utuntur adiurationibus illis, aliquoties nec idoneis constitutis libris utuntur: quibusdam autem & de *Hebræo* acceptis adiurant dæmonia.“

*T. VII. pag. 699.* S. IOANNES *Chrysostomus* Hom. LXXI. in MATTHÆUM n. 4. varias, quæ in liturgia præmitti solent, orationes notans, *Et prima*, inquit, *precatio, quam pro energumenis adhibemus, misericordiæ commemoratione plena est.* Alibi rationem reddens: „Qua de causâ hæc oratio cætera præcedat, & cur dæmoniacos ac mente captos tunc diaconus induci, & capita inclinare iubeat: Mala (ait) gravisque catena est agitatio dæmonum; catena, inquam, ferro validior. Quemadmodum igitur iudice prodituro, ut in excello tribunali sedeat, carceris custodes, detentos omnes eductos domicilio, ante cancellos & tribunalis vela collocant, squallidos, fordescentes, passis capillis, scissis pannis indutos; ita Patres faciendum statuerunt, quando futurum est, ut Christus ceu in excello tribunali sedeat, in ipsisque mysteriis appareat, ut scilicet dæmoniaci, quasi vincli quidam inducantur; non ut poena supplicioque afficiantur; sed ut populo urbeque tota intus præsentē communes supplicationes fierent, omnes animo uno communem Dominum illorum gratia precantibus, magnaque voce misericordiam poscentibus.“

Pro brevi quadam formula haberi potest apostoli *Rom. XVI. 20.* votum ac pro fidelibus oratio: *Deus autem pacis conterat satanā sub pedibus vestris velociter*, siquidem continuas illas tentationes, ac infestationes diabolicas, quibus obnoxii sumus, pie consideremus, assertorque  
spe-

specimen illud inter alia abbas DUGUET in sæpe citata dissertatione, qua pag. 132. probandum suscepit, quam recte & salubriter exorcismi etiam adhibeantur post baptismum, si forte antea omissi fuissent; tum vero parte quarta effectus exorcismorum post baptismum explicans, optat, ut sæpius etiam promiscue inter fideles repeterentur. a) Olim, quando in quotidiano sacro publice orationes super energumenos fundebantur, poterant fideles sua etiam coniungere vota ac suspiria, *ut quidquid communis hostis ac insidiator adhuc residui habet tyrannidis, deiiciatur: tentationes omnes infestationesque discedant, ac latentes insidiæ inimici: increpetque malos spiritus Deus ac liberet opera manuum suarum ab alieni spiritus vexatione*, ut habet formula constitut. apostol. *Gabriel*. ALBASPINÆUS perinde ac catechumenos, & energumenos ita etiam poenitentes in tertio gradu exorcismis purgatos fuisse probat. b)

*De l'Eucharistie lib. I. c. 15. p. 220.*  
b

VIII. Probandum equidem ibi suscipit, energumenos ab ipso etiam aspectu sacræ Eucharistiæ fuisse remotos, quod porro explicat initio capitis sequentis nempe 16. eiusdem libri; mutatam vero postea eam severiorem disciplinam, concessamque communionem & eucharistiam, de energumenis, *qui non perpetuo vexarentur*, intelligi vult not. ad Can. 14. Concilii *Arausicani* I. huiuscemodi: „Energumeni iam baptizati, si de purgatione sua curent, & se sollicitudini Clericorum tradant, monitisque obtemperent, omnimode communicent, vel muniendi ab incurso dæmonum, quo infestantur, vel purgandi, quorum ostenditur iam vita purgator.“

Varia disciplina circa SS. Eucharistiam contra dæmonurgiam.

Apud

a) „Les plus Saints & les plus justes, seroient ceux qui les recevroient avec plus de foi & plus de sentiment de leur misere. Car ils savent bien qu'ils ne sont remplis de l'Esprit de J. C. qu'imparfaitement; que son ennemi retient encore en eux plusieurs choses usurpées; & qu'il n'appartient qu'à celui qui l'a vaincu de dire ces paroles: *Le prince de ce monde va venir. Mais il n'a aucun droit sur moi.* Tous les autres ont quelque chose, qui est au prince du monde; & par consequent le prince du monde a quelque chose dans leur personne qui est à luy.“

b) „Car combien qu'ils ne fussent demoniaques ils estoient toutefois exorcisez & purgez, comme etants en quelque façon en la possession du diable, comme les catechumens. Les preuves s'en trouvent dans les canons de SIRICIUS, COELESTINUS, LEON, FELIX, au Concile de *Vaison*, d'I-

lerde & autres, qui tous usent de ce mot de purger ou de purgation & ordonnent, que les Penitens seront purgez par l'imposition des mains, qui est à dire, qu'ils seront exorcisez par les oraisons. Car purger a la meme signification dans les auteurs *Latins*, que exorciser dans les *Grecs* comme nous avons montré cy dessus par le Concile de *Carthage*. Un passage de Saint LEON suffira pour tous les autres. Il écrit à l'Eveque de *Narbonne* ces paroles: Ceux qui ont usé de viandes immolées peuvent estre purgez par les Jeunes & par les impositions des mains. Cette coutume qu'ils avoient des faire des exorcismes particulieres, & des insufflations, quand ils se sentoient tentez, montre bien, qu'ils tenoient les pecheurs en la puissance du diable, puisqu'ils le tenoient actuellement present aux tentations, & qu'ils les chassoient par les sufflemens.“



Apud CASSIANUM Collat. VII. c. 29. *de his, qui spiritibus vexantur immundis*, hanc GERMANUS instituit quæstionem: „Quomodo non solum „eos despici ab hominibus vel horreri, sed etiam a communione dominica „in nostris provinciis perpetuo videmus abstinere secundum illam evangelii „sententiam: *Nolite dare Sanctum canibus, neque mittatis margaritas vestras ante porcos*, cum de illis, quemadmodum dicis, ita credendum sit, „quod eis purgationis vel utilitatis obtentu huius tentationis humiliatio „tribuatur? “ Respondet vero SERENUS, communionem eis sacrosanctam a senioribus nostris nunquam se meminisse interdictam „quin imo si possibile esset (addit) etiam quotidie eis impertiri eam debere censebant. Nec „enim secundum evangelii sententiam, quam incongrue huic sensui coaptastis, *Nolite Sanctum dare canibus*, ad dæmonis escam sacrosancta communio, & non potius ad purgationem ac tutelam corporis animæque pervenire credenda est: quæ ab homine percepta, eum, qui in membris „eius insidet, spiritum, seu in ipsis latitare cognoscitur, velut quoddam „exurens fugat incendium. Hoc namque modo curatum & abbatem ANDRONICUM nuper aspeximus, aliosque quamplures. Magis namque ac „magis inimicus insultabit obseffo, cum eum a cœlesti medicina viderit „segregatum, tantoque dirius ac frequentius attentabit, quanto eum a spiritali remedio longius senferit abdicatum.“

c. 6. Opp.  
S. Prosperi  
Appendic.  
pag. 125.

Circa CASSIANI tempora accidit, quod supra ex auctore *de promissionibus & prædictionibus Dei* de iuvenula *Araba* ancillæ Dei habitum gestante in balneo a dæmone obseffa narravimus, nunc opportune persecuturi, quomodo liberata sit. „Accidit autem (scribit) ut quintus decimus dominicus illucesceret dies. Ascendente nobiscum sacerdote, ut matutinum illic sacrificium solito offerretur; puellam præpositus ad altare perduxit, eo incessu & habitu, quo solent rubore perfusæ ex epulis poculisque mulieres advenire. Sed ut se illa prostravit altari, clamore fletus sui cunctis adstantibus gemitus lacrymasque induxit, quibus tantum malum auferendum præsens plebs Dominum exorabat. Erat enim iam indecens murmur in populo. Peracto itaque sacrificio, cum eadem inter ceteras brevem particulam Corporis Domini tinctam a sacerdote perciperet, femihora mandens traicere non valuit, nondum illo fugato, de quo dicit apostolus: *Quæ consonantia Christi ad Belial?* Et iterum: *Non potestis calicem Domini bibere, & calicem dæmoniorum. Non potestis mensæ Domini participare, & mensæ dæmoniorum.* Manu igitur faciem eius sustentante sacerdote, ne Sanctum proiiceret, a quodam diacono suggestum est, ut calicem salutarem gutturi eius pontifex applicaret. Quod ut factum est, statim ut locum illum, quem diabolus obsefferat, Salvatoris

imperio reliquit, sacramentum, quod ore gestabat cum laude redemptoris transglutisse puella clamavit. Hinc lætitia, hinc voces in gloriam Dei, quod post octoginta & quinque dies, diabolo expulso, puella de potestate fuerit eruta inimici, oblatio itaque rursus gratiarum actionis pro ea fit, Sacrificiique percipiens certam partem, prisco est reddita ului. Tunc etiam, dum hæc aguntur, spiritu divino actus diaconus eiusdem tituli statuam illam (*Veneris*) sublatam confregit in pulverem, omnemque insidiantis astutiam superavit divina maiestas."

De S. BERNARDO ERNALDUS in eius vita lib. II. c. 2. narrat, cum *T. II. pag. 1092.* ex concilio *Pisano* redux *Mediolani* ad ecclesiam S. AMBROSII divina celebraturus processisset, expectante innumera populi multitudine inter ipsa missarum solemnia, dum clericis canentibus ipse secus altare federet, puellam ei parvulam esse oblatam, quam vehementi impetu vexabat diabolus, cuius compassus ætati & vehementiæ anxietatis, „patenam calicis, in quo divina celebraturus erat mysteria, accipit: & digitis latice superfuso, orans intra se, & Domini virtute confidens ori puellæ salubrem potum applicat, & corpori eius stillam medicinalem infundit. Nec mora, quasi ureretur satanas, infusionis illius virtutem ferre non potuit, sed urgente intrinsecus crucis antidoto, festinanter egrediens, vomitu sordidissimo tremebundus erupit. Sic purgata persona, diabolo profugo & confuso, laudes debitas Deo canit ecclesia."

Mox sequenti capite refertur, quomodo *Mediolani* item dæmonem *pag. 1097.* in obfessa muliere ipsum pede percutientem sit aggressus sub ipsa immolatione hostiæ salutaris: „Quoties eandem sacram hostiam signat, toties ad mulierem quoque conversus, eodem signo crucis edito spiritum nequam athleta fortis impugnat. Nam & ille malignus, quoties adversus eum signum crucis intenditur, percussus se indicans, acrius sævit, & recalcitrans contra stimulum, quidnam toleret, prodit invitus. Expleta autem oratione dominica, efficacius hostem aggreditur vir beatus. Patenæ siquidem calicis sacrum Domini corpus imponens & mulieris capiti superponens, talia loquebatur: *Adest, inique spiritus, iudex tuus, adest summa potestas. Iam resiste si potes. Adest ille, qui pro nostra salute passurus, Nunc, inquit, princeps huius mundi eiicietur foras. Hoc illud corpus, quod de corpore Virginis sumtum est, quod in stipite crucis extensum est, quod in tumultu iacuit, quod de morte surrexit, quod videntibus discipulis ascendit in cælum. In huius ergo maiestatis terribili potestate tibi, spiritus maligne, præcipio, ut ab hac ancilla eius egrediens contingere eam deinceps non præsumas. Cumque eam invitus deferens, & manere ultra non valens atrocius affligeret, tam magnam iram, quam modicum tempus ha-*  
V  
bens,



bens, rediens Pater sanctus ad altare, fractionem hostiæ salutaris rite complevit, diffundendamque in populum pacem ministro dedit, & confestim pax & salus integra reddita est mulieri.“

*T.VII. pag. 666.* Quomodo S. UDALRICUS *Cluniacensis* monachus arreptitium Corpore dominico vi refecerit, legitur in eius vita apud MABILLONIUM *Act. O. S. B. sæc. VI. T. II. n. 23.* Teste S. AUGUSTINO lib. XXII. *de Civit. Dei* c. 8. n. 6. „Vir tribunitius HESPERIUS, qui apud nos (inquit) est, habet in territorio *Fusalsensi* fundum, *Cubadi* appellatum: ubi cum afflictione animalium & servorum suorum, domum spirituum malignorum vim noxiam perpeti comperisset, rogavit nostros, me absente, presbyteros, ut aliquis eorum illo pergeret, cuius orationibus cederent. Perrexit unus: obtulit ibi sacrificium Corporis Christi, orans quantum potuit, ut cessaret illa vexatio: Deoque protinus miserante cessavit.“ Sed hæc singularia sunt & extraordinaria, nec facile in exemplum trahenda, nisi altiore quodam afflatu seu auctoritate.

Exorcismus  
in nomine  
Dei,

*Lib. II. Institut. div.*  
c. 15.

*Post opera  
S. Iustini p.*  
354.

IX. Id vero in ecclesia Christi semper & ubique obtinuit, ut sancto & terribili nomine eius maligni spiritus cum eorum infestationibus revincerentur per veros Dei cultores; quos veritate victi dæmones confiteri coguntur, veluti in Actis Apost. XVI. 17. legimus spiritum pythonem clamantem: *Isti homines servi Dei sunt, qui annuntiant vobis viam salutis.* Hoc tamen nihil morante exire iussus in nomine IESU Christi a PAULO, confestim obtemperavit. Sicque semper in ecclesia Dei, eiusque nomine ad confessionem veritatis, & obediendum sunt compulsi dæmones, qui & quales ipsi sint haud diffessi, quod olim ad abolendam idololatriam plurimum iuvit. „Iustos autem (inquit LACTANTIUS) id est cultores Dei metuunt: cuius nomine adiurati de corporibus excedunt, quorum verbis tanquam flagris verberati, non modo dæmonas se esse confitentur; sed etiam nomina sua edunt, illa, quæ in templis adorantur, & quod plerumque coram cultoribus suis faciunt, non utique in opprobrium religionis, sed honoris sui: quia nec Deo, per quem adiurantur; nec iustis, quorum voce torquentur, mentiri possunt. Itaque maximis sæpe ululatibus editis, verberari se & ardere, & iam iamque exire proclamant, tantum habet Dei cognitio ac iustitia potestatis. S. THEOPHILUS lib. II. ad AUTOLYCUM ut demonstret HOMERUM & HESIODUM vero Numine non fuisse afflatos, quod suis in carminibus venditant poetæ illi, inde argumentum petit: *Quod qui a demonibus interdum corripiuntur, ii etiamnum adiurentur per nomen veri Dei, tuncque fallaces illi spiritus dæmones se esse fateantur, qui etiam olim in istis scriptoribus operabantur.* Paulo ante alia SS. Patrum loca

loca citavimus, in quibus formula adiurationis *per Deum verum*, ut hodieque solemne est, exprimitur. S. IRENÆUS lib. II. *contra hæreses* c. 6. quo contra *Valentinianorum* deliria demonstrat, ab angelis, aut a demiurgo, seu mundi fabricatore, quem illi fingeant, supremum Deum ignorari nunquam potuisse: „Et propter hoc (inquit) Altissimi & Omnipotentis appellationi omnia subiecta sunt: & huius nominis invocatione etiam ante adventum Domini nostri salvabantur homines, & a spiritibus nequissimis, & a dæmoniis universis. . . . Et propter hoc *Iudai* usque nunc hac ipsa adfatione (*advocatione*) dæmones effugant, quando omnia timeant invocationem eius, qui fecit ea.“ pag. 127.

Clarius hanc rem explicat S. IUSTINUS M. in Dialogo cum TRYPHONE *Iudæo*: *Sin vos, ait, per nomen quodvis, qui vobis fuere, regum, aut virorum iustorum, aut prophetarum, aut patriarcharum adiuratis, non subiicietur vobis demonium aliquod: Caterum si quis vestrum adiuret per Deum Abraham, & Deum Isaac, & Deum Iacob, forte subiicietur.* De hoc adiurationis seu exorcismi genere, quo Deus ABRAHAM, Deus ISAAC, & Deus IACOB etiamnum in variis exorcismis, quorum usus est quotidianus in ecclesia, invocatur, non semel mentionem facit ORIGENES in libris contra CELSUM, ac si etiam ab aliis gentibus adhiberetur. „Multis etiam eorum (scribit lib. I. num. 22.) qui incantant dæmonia, usurpatur illud: *Deus Abrahami*; hincque indicant, qua cum Deo vir ille iustus fuerit familiaritate coniunctus. Quocirca Deum ABRAHAMI invocant, etiam si nesciant, quis ille fuerit ABRAHAMUS. Quod idem de ISAAC, de IACOB, de ISRAEL dicendum: quæ nomina, licet, ut in confesso est, *Hebraica* sint, in suis tamen ritibus adhibent *Ægyptii*, cum aliquid mirabile pollicentur.“ Et libro IV. n. 33. „Manifestum est *Iudæos* ortos esse a tribus illis patribus ABRAHAM, ISAAC, & IACOB: quorum nomina, si cum Dei nomine coniunguntur, tantam vim habent, ut non solum *Iudaica* gens in suis ad Deum precibus, & in excantandis dæmoniis usurpet istud: *Deus Abraham, & Deus Isaac, & Deus Iacob*; sed etiam quotquot fere incantationibus & magicis artibus operantur. Sæpe enim in libris magicis invenitur hæc Dei appellatio, & Dei nominis usurpatio, ut quæ arctam habeat cum illis hominibus necessitudinem contra dæmones. Arbitror igitur hæc, quæ *Iudæi* & Christiani adhibent ad probandum ABRAHAM, ISAAC, & IACOB *Iudaicæ* gentis patres fuisse viros sanctitate insignes, CELSO non fuisse incomperta: & quod illa non perspicue proposuit causam fuisse vim eorum, quam frangere posse desperabat.“ Ubi vides ORIGENEM usum horum nominum in exorcizando etiam apud Christianos agnoscere. ABRAHAM, ISAAC, & IACOB, ISRAEL, SABBAOTH, ADONAI. T.L. p. 339. pag. 526.



pag. 612.

At vero superstitiones sunt, quæ idem lib. V. n. 45. 46. de his aliisque nominibus *Hebraicis* in exorcismis adhiberi solitis differit: „Nomina ABRAHAM (ait) ISAAC, & IACOB in *Græcum* conversa aliquid significant: & qui aut in cantando aut in iurando nominaverit Deum ABRAHAM, & Deum ISAAC, & Deum IACOB, quædam per naturam vel potestatem illorum nominum efficiet, adeo ut etiam dæmones victi ipsius iussis obtemperent. Sin autem dixeris: Deus *patris electi soni*, & Deus *risus*, & Deus *supplantatoris*, nihilo magis efficiet his nominibus, ac si illa pronunciaris, quæ nulla potestate sunt. Item nomen ISRAEL si in *Græcam* aliamque linguam convertatur, nullius roboris erit: servatum vero & coniunctum cum iis, quibuscum periti coniungere solent, efficiet: id incantatores ex quarundam vocum pronuntiatione sperandum esse prædicant. Idem dicendum & de voce *Sabbaoth* in incantationibus frequenter usurpata. Nam si pro ea dicatur, Dominus virtutum, aut Dominus exercituum aut omnipotens (diverse enim illam interpretes explicant) nihil proficitur, quod secus accidet, ut affirmant harum rerum artium consulti, si propria sua lingua pronuncietur. De ADONAI idem quoque dicere licet.“ Uti vero legitimus fuit semper horum aliorumque Dei in S. scripturis notatorum nominum usus, ita etiamnum superstitionibus variis inservit more a *Iudæis* tracto.

In nomine  
Christi Do-  
mini

De errore  
& falsitate  
profan. re-  
lig. c. 14.

Ser. XVIII.  
pag. 33.

X. Nobis autem præ omnibus aliis adest Christi nomen, ac virtus verbi divini, per quam omnis diaboli potestas, & superstitio, qua mundum & in eo homines obsidebat in cultu idolorum, dissoluta est. „Sic (ut cum IULIO Firmico loquar) apud nos Deos vestros, cum hominibus nocere cœperint, religiosi sermonis flagella castigant. Sic in corpore hominum constituti Dei vestri, verbo Dei spiritualium flammarum igne torquentur.“ Et S. PETRUS *Chrysologus* in illud *Matth.* VIII. 16. & *eiiciebat spiritus verbo*: „Quia ad nos Christus (inquit) carne non venit, venit verbo: ubi ergo venit fides ex auditu, auditus per verbum, nos fecit liberos dæmoniaca servitute: dæmones reddidit ex impia dominatione captivos. Hinc est, quod dæmones sub manibus nostris torquentur imperantibus nobis, qui nos subiiciebant, & vacuas quotidie per figuras inani timore vexabant.“

Opus illud Christus in terris existens aggressus est per se ac suos discipulos dæmonia ex obsessis eiiciendo corporibus. *Reversi sunt autem septuaginta duo cum gaudio dicentes: Domine etiam dæmonia subiiciuntur nobis in nomine tuo.* Luc. X. 17. Perspicua est Christi Domini promissio, dum suos ad prædicandum in universum mundum misit *Marci* ultimo v. 17. In

nomine

*nomine meo demonia eiicient.* Palam semper de hac facultate gloriatus est Christianorum coetus, atque per continuam successionem inde ab apostolicis temporibus posteritati transmisit hanc potestatem ex virtute nominis Christi verbi incarnati. „Per nomen ipsius Dei (S. IUSTINUS TRYPHONEM *Iudaum* alloquitur) & primogeniti creaturæ omnis, dæmonium omne adiura, tum vincitur, & in ditionem redigitur.“ Et TERTULLIA-pag. 23. nus gentiles in Apolog. c. 23. „Atqui omnis hæc nostra in illos dominatio, & potestas de nominatione Christi valet, & de commemoratione eorum, quæ sibi a Deo per arbitrum Christum imminencia expectant. Christum timentes in Deo, & Deum in Christo, subiiciuntur servis Dei & Christi.“

Modo laudatus IULIUS *Firmicus* non ita multo postquam a gentilismo ad Christianam religionem transivit sub CONSTANTIO & CONSTATE, cum iam totus pæne orbis esset Christianus: „Ecce (inquit) dæmon est, quem *L. cit. c. 25.* colis, cum Dei & Christi eius nomen audierit, contremiscit: & ut interrogantibus nobis respondeat verba trepidantia, vix se colligit: adhærens homini laceratur, uritur, vapulat, & statim de commissis sceleribus confitetur.“ S. ATHANASII *de incarnatione Verbi* opus insigne cumprimis in hoc versatur argumento, ut per Christum artes magicas, præstigiasque dæmonum in nihilum redactas declaret, ut iam supra eum loquentem induximus, demum *Quis igitur, concludit, & quantus est hic Christus, qui solo sui nominis vocabulo præsentia omnia adobruit & otiosa reddit.* S. GREGORIUS *Nazianzenus* in carm. ad NEMESIUM ethnicum ad propriam provocat experientiam de virtute nominis Christi contra cacodæmones: „Ipse (inquit) qui Christo nomen dedi, augustum illud nomen vix primumque pronuntiavi, cum statim dæmon non sine stridore gravissimoque dolore longissime se proripuit, Dei immortalis vim ac potentiam clamans.“ Add. Carm. iamb. 18. ad DEM. Sic in orat. I. Apologetica n. 144. „Ac *T.I. p. 32.* dæmones quidem (ait) etiamnum vocato Christo contremiscunt, nec ob nostram improbitatem huius nominis vis imminuta & extincta est: nos vero rem nomenque adeo venerandum contumelia afficere non veremur: idque, cum aperte propemodum, ac singulis diebus clamantem eum audiamus: *Nomen meum propter vos inter gentes blasphematur.*“

S. GAUDENTIUS *Brixienfis* ferm. XVIII. *de villico iniquitatis*, hunc diabolum interpretatus: „Qui (inquit) idcirco ob correptionem generis humani sæculo isto dimissus est, ut immanitatem crudelissimi huius villici fugientes, ad pietatem Dei suppliciter concurremus, cuius misericordia atque virtute contra omnes infestationes eius defensi esse possimus: quando-



quidem & ipse villicus sub potestate constitutus est Domini Dei, illius vere divitis, qui, sicut docet apostolus, *dives est in omnes, & super omnes, qui invocant eum. Omnis enim qui invocaverit nomen Domini, salvus erit.* Dissipat autem diabolus facultatem Domini sui, quando in perniciem generis humani grassatur, id est in nostram necem, qui possessio Dei sumus.“

T.III.P.II.  
pag. 344.

Huc vero cumprimis facit, quod S. AUGUSTINUS Tract. VII. in Cap. I. IOANNIS n. 6. vehementer dolet, ipsum Christi nomen ad superstitiones dæmonicas a Christianis adhiberi: „Fingunt enim (inquit) spiritus mali umbras quasdam honoris sibimetipsis, ut sic decipiant eos, qui sequuntur Christum. Usque adeo, fratres mei, ut illi ipsi, qui seducunt per ligaturas, per præcantationes, per machinamenta inimici, misceant præcantationibus suis nomen Christi: quia iam non possunt seducere Christianos, ut dent venenum, addunt mellis aliquid, ut per id, quod dulce est, lateat, quod amarum est, & bibatur ad perniciem. Usque adeo, ut ego noverim aliquo tempore illius PILLEATI sacerdotem sole-re dicere: *Et ipse PILLEATUS Christianus est.* Ut quid hoc fratres, nisi quia aliter non possunt seduci Christiani?“

Post opera  
S. Leonis  
pag. 166.

pag. 185.

S. MAXIMUS *Taurinensis* episcopus in sermone 67. *de defectione lunæ*, ecclesiam lunæ comparans: „Quoties eam (inquit) sicut lunam putatis magorum carminibus laborasse? quoties eam malæ artes de cœli regno, deducere voluerunt? Nam primum utique IANNES & MAMBRES magi cum MOYSE signis prodigiisque resisterent, ecclesiam subvertere cupiebant; sed sacris vocibus veneficorum carmen nocere non potuit. Nihil enim incantationes valent, ubi Christi canticum decantatur &c.“ Et infra Homil. II. *de ieiunio quadrages.* explicata Christi per satanam tentatione. „Triumphus ille (inquit) quantæ sit gloriæ, obsequia nos docent angelorum. Nec mirum fane, si eius angeli ministeriis occurrerunt, cuius victoriam mirabantur. Et ideo, fratres, si nolumus a diabolo superari, inhæreamus ei, qui diabolum triumphavit. Adhærere autem est Christo credere, & paternæ illi Deitatis esse naturam, & materni corporis veritatem. Vincere autem diabolum ipso suffragante Domino poterit, quicumque salutaria Dei præcepta suspirans, studuerit exosam cunctis tumidæ mentis suæ inclinare superbiam &c.“ Et sic per singula it, quorum in nobis inimicus homo semina sparfit eradicanda omni studio a veris Christi cultoribus, diaboli in eius nomine & virtute triumphatoribus.

Et Salvato-  
ris IESU.

XI. Sanctum hoc nomen quam ipsis terribile esset, statim sensisse visi sunt dæmones. Siquidem animadversum est, primum apud Evangelistas

stas pronuntiatum legi illis clamantibus, ex homine qui dæmonium habebat immundum, voce magna: *Sine, quid nobis & tibi IESU Nazarene?* Marc. 1, 23. Luc. 4, 34. *Venisti perdere nos? Scio te, quis sis, sanctus Dei.* Inceperat tunc primum vocatis apostolis, prædicandi officium, itaque innotescebat tum primum nomen IESU, quod vocatum est ab angelo, priusquam in utero conciperetur: iusso nimirum per angelum IOSEPH *Math. 1. 21.* vocare nomen eius IESUM: ipse enim salvum faciet populum suum a peccatis eorum: quod nimirum ipsum etymon nominis est conveniens cum re, ut PETRUS significat principibus sacerdotum & populo, postquam in nomine IESU primum miraculum in claudi curatione fecerat: *Notum sit omnibus vobis, & omni plebi Israel: quia in nomine Domini nostri IESU Christi Nazareni, quem vos crucifixistis: quem Deus suscitavit a mortuis, in hoc iste adstat coram vobis sanus. Hic est lapis, qui reprobatus est a vobis ædificantibus, qui factus est in caput anguli. Et non est in alio aliquo salus. Nec enim aliud nomen est sub cælo datum hominibus, in quo oporteat nos salvos fieri.* Sic PAULO postea præcipiente pythoni seu cacodæmoni puellam obsidenti, *In nomine IESU Christi exire ab ea: exiit eadem hora.* Factum hinc, ut tentarent & quidam ex Iudæis exorcistis adiurare spiritus malos *per IESUM, quem Paulus prædicat.* Acl. 19.

Hanc vim nominis IESU S. IUSTINUS M. in Apologia sua pro Christianis ad senatum Romanum opportune exponens: „Iesus autem (ait) & hominis & Salvatoris nomen & significationem habet. Nam & homo factus est, ut antea diximus, de Dei & Patris voluntate partu editus pro credentibus hominibus, & ad dæmonum everfionem. Id profecto ex his, quæ in omnium oculis geruntur, perspicere potestis. Plurimos enim dæmoniis agitados in toto orbe & in urbe vestra, multi ex nostris Christianis, cum per nomen IESU Christi sub PONTIO PILATO crucifixi adiurarent, ab aliis adiuratoribus, incantatoribus & veneficis non sanatos sanaverunt, atque etiamnum sanant, fractis & eiectis dæmonibus homines detinentibus.“ Neque abludunt plerique ex Græcis doctoribus, qui originationem Græcam etiam consecrati, ab ἰσραδα, Ionice ἰσραδαῖ sanare, curare derivant, antesignano S. IGNATIO Martyre, quoad rem ipsam recte quidem; melius tamen ad linguam originalem inter alios post IUSTINUM S. HILARIUS in illud Psalmi: *Et expectabo nomen tuum, quoniam bonum est in conspectu Sanctorum tuorum*, commentatus, „Huius ergo (inquit) nomen expectat IESUM scilicet videre, id est, salvatorem suum nosse, Angelo dicente: *Et cognominabis nomen eius IESUM: ipse enim salvum faciet populum suum a peccatis.* Christum conspiciere ut per professionem generosæ familiæ sit Christianus, expectat. Bonum autem hoc



hoc nomen est, quod angeli atque archangeli adorant, quod dæmones tremunt, & ferre non possunt, quod ad salutem homines assumunt: quia scriptum est: *Et omnis qui invocaverit nomen eius, salvus erit.*“ S. CYRILLUS Hieros. Catech. X. de uno Domino IESU Christo n. 13. „IESUS itaque (ait) iuxta *Hebraeos* salvatorem sonat, in lingua vero *græca* eum, qui sanat. Quandoquidem animarum est & corporum medicus, & spirituum curator: eos quidem, qui sensibilibus oculis cæci sunt, sanans, mentibus vero etiam lumen inducens: claudorum visibilium medicus, peccatorumque pedes ad pœnitentiam dirigens, qui dicit paralytico: *Ne amplius pecces.* &: *Tolle grabatum tuum, & ambula.* Quoniam enim propter animæ peccatum paralyti traditum corpus fuerat; prius curavit animam, ut deinde corpori quoque adferret medicinam. Si cuius igitur mens peccatorum ægritudine teneatur, medicum habet, si quis hic est modicæ fidei, dicat illi: *Adiuva incredulitatem meam.* Si quis etiam corporeis occupatus est morbis, ne diffidat, sed accedat (his enim etiam medetur) & noverit, quod IESUS est Christus.“ Quæ hic citat *Marc. IX. 23.* verba sunt patris, qui filium dirissime a dæmone habitum ad Christum attulit liberandum. S. AMBROSIIUS in expositione Evangelii secundum LUCAM lib. IV. in illum, quem modo attulimus locum Luc. IV. quo expulsus dæmon nomen IESU acclamans narratur, ceu primum hoc ex operibus Christi id notans: „A minoribus (ait) incipit, ut ad maiora perveniat. Liberare a dæmone & homines, sed in verbo Dei possunt, resurrectionem mortuis imperare divinæ solius est potestatis. Nec quemquam movere debet, quod IESU *Nazareni nomen* in hoc libro diabolus dixisse primus inducitur. Nec enim ab eo Christus nomen accepit, quod de cœlo angelus ad Virginem detulit.“ Idem lib. I. de pœnitentia c. 13. expendens, quod S. PAULUS *Corinthiam* iusserit tradere satanæ in interitum carnis, ut spiritus salvus sit, Iobumque in exemplum adducens: „Manducet ergo (inclamat) terram meam serpens, dentem carni infigat, conterat corpus, dicat Dominus & de me: *Trado tibi eum, tantummodo animam eius custodi.*“ Quanta vis Christi, ut custodia hominis imperetur etiam ipsi diabolo, qui semper vult nocere. Dominum ergo IESUM nobis propitiemus: imperante Christo & diabolus ipse fit prædæ suæ custos, vel invitus mandatis obsecundat cœlestibus: & quamvis immitis, tamen mansuetis sequitur imperiis. Sed quid ego commendo obsequium eius! Sit ille semper malus, ut sit bonus Deus semper, qui malitiam eius in gratiam convertit. Vult nocere ille, sed non potest, si Christus obsistat: carnem ulcerat, sed custodit animam; terram devorat, sed reservat spiritum.“

Egregie

Egregie hoc facit ad id, quod superiore capite diximus de malis corporeis a dæmone advenientibus: quod S. Doctor sequenti capite porro explicat de infidiis, quas idem immundus spiritus puritati corporis struit, Iesu Christi virtute pariter in nihilum redigendis, sic auspicatus: *Hanc terram serpens manducat, si propitius est Dominus IESUS, ut non pag. 516. compatiatur anima carnis debilitati, non accendatur vapore carnis, & calore membrorum.*

Sic ORIGENES intelligi potest, dum lib. I. contra CELSUM virtutem *T. I. p. 343. nominis IESU explicat: „Quod innumeros ex animis corporibusque dæ- n. 25. mones palam omnibus fugavit, vim exerens suam in eos, e quibus eieci sunt illi dæmones.“* Sic postea: „Et hodieque Iesu nomen perturbatos *Ib. n. 67. animos componit, exigit dæmones, medetur morbis: miram quoque pag. 382. mansuetudinem inserit, mores in officio continet, humanitatem, comitatem, suavitatem inspirat iis, qui non propter vitæ commoda, humanasque necessitates se Christianos simulant, sed, quo par est, animo traditam de Deo, Christo, futuroque iudicio doctrinam amplexantur.“* Incessit ibidem CELSI calumniam blasphemiamque, qua Christi opera cum præstigiis magorum confert. ARNOBIUS lib. I. contra gentiles eorum exceptionem prævertens: „Iesu nomen auditum (inquit) fugat noxios spiritus, imponit silentium vatibus, haruspices inconsultos reddit, arrogantium magorum frustrari efficit actiones, non horrore, ut dicitis, nominis, sed maioris licentia potestatis.“ Laudatus modo ORIGENES eodem lib. I. contra CELSUM tantam vim nomini Iesu contra dæmones inesse profitetur, *ut nonnunquam etiam a malis nominatum sit efficax; toto autem fere libro III. virtutem potissimum nominis Iesu extollit, atque contra exempla eiusmodi ex fabulis & historia Paganismi tuetur a conditore omnium rerum IESUM dignum declaratum, asserens alicubi, „qui coleretur non ab Ib. n. 36. p. iis modo, qui vitam emendare suam vellent: sed etiam a dæmonibus, 471. aliisque potestatibus, quæ sub sensus non cadunt. Quo fit, ut illæ adhuc videantur aut formidare Iesu nomen tanquam se potentioris, aut legibus eius tanquam Domini reverenter obtemperare. Nisi enim sic a Deo constitutus fuisset, dæmones, solo eius pronunciato nomine non exirent e corporibus, quæ obsidebant.“*

Sic teste S. ATHANASIO in vita S. ANTONII ab eo increpatus demon *T. I. P. II. in nomine Domini IESU Christi exiit: sanusque fuit homo. S. HIERONYMUS n. 63. pag. vero narrat, quomodo S. HILARION integram etiam legionem ex ORIONE 843. viro primario, & ditissimo urbis Aila, invocato nomine Iesu, expulerit: Vita S. Hil. T. IV. Domine, inquit, IESU solve miserum, solve captivum. Ut unum, ita & p. 79. plures vincere tuum est. „Rem loquor inauditam (pergit S. HIERONIMUS)*



ex uno hominis ore diversæ voces, & quasi confusus populi clamor audiebatur. Curatus itaque & hic, non post multum temporis cum uxore & liberis venit ad monasterium plurima, quasi gratiam redditurus, dona afferens. Cui Sanctus: *Non legisti*, inquit, *quid GIEZI, quid SIMON passi sint, quorum alter accepit pretium, alter obtulit: ut ille venderet gratiam spiritus sancti, hic mercaretur?* Quumque ORION flens diceret: *Accipe, & da pauperibus*, respondit: *Tu melius potes tua distribuere, qui per urbes ambulas, & nosti pauperes. Ego qui mea reliqui, cur aliena appetam! Multis nomen pauperum occasio avaritiæ est: misericordia vero artem non habet. Nemo melius erogat, quam qui sibi nihil reservat.* Tristi autem & in terra iacenti: *Noli*, inquit, *contristari fili: quod facio pro me, & pro te facio. Si enim hæc accepero, & ego offendam Deum, & ad te legio revertetur.* Breviter expedit dæmoniacum, qui ex *Francia in Palaestinam* ad S. Virum opis causa advenerat, dæmone „multas incantationum occasiones & necessitates magicarum artium obtendente, *non curo*, ait, *quomodo intraveris, sed ut ex eas in nomine Domini nostri IESU Christi, impero.* Quumque curatus esset, simplicitate rustica decem auri libras offerens, hordeaceum ab eo panem accepit: audiens, quod qui tali cibo alerentur, aurum pro luto ducerent.“

pag. 76.

Iam supra memoravimus, quæ ei obiecerint dæmones spectra: cuiusmodi ut semel clamores tantum audivit, „Intellexit (narrante S. HIERONYMO) dæmonum ludibria, & provolutus genibus Christi crucem signavit in fronte: talique armatus casside & lorica fidei circumdatus iacens fortius præliabatur, quodammodo videre desiderans, quos horrebat audire, & sollicitis oculis huc illucque circumspiciens. Quum interim ex improvviso splendente luna cernit rhedam ferventibus equis super se irruere: quumque inclamasset IESUM, ante oculos eius repentino terræ hiato, pompa omnis absorpta est. Tunc ille ait: *Equum & ascensorem proiecit in mare. Et: Hi in curribus, & hi in equis; nos autem in nomine Dei nostri magnificabimur.*“

Crucifixi,

T. I. PP.

Apost. p. 28.  
seq.

XII. Intime cum nomine IESU coniunctum est crucis mysterium, quod S. BARNABAS in sua epistola explicat, combinatque utrumque ex decem & octo & trecentis viris, quos ABRAHAM circumcidit: „In spiritu (inquit) prospiciens in filium. Quæ ergo (pergit) illi in hoc data est cognitio? Discite: primo decem & octo; dein trecentos: decem autem & octo exprimuntur per *Iota* decem, *Eta* octo: habes initium nominis *Ἰησους*: quia vero crux in figura T quæ designat numerum CCC. habitura erat gratiam; ideo ait & trecentos. Ostendit itaque IESUM in duabus litteris;

litteris; & crucem in tertia. Scit hoc, qui insitum donum doctrinae suae posuit in nobis.“ S. IUSTINUS vero earundem rerum mysteria consecratur in MOYSE & IOSUE in dialogo cum TRYPHONE. „Alter enim (in-<sup>pag. 204.</sup>quit) expansis manibus in colle ad vesperam usque permanfit, cum manus eius sustentarentur, quod sane nullam aliam, nisi crucis figuram exhibet, Alter autem Iesu nomine cognominatus, dux erat pugnae, & *Israel* vincebat, Illud etiam in ambobus illis sanctis viris & Dei prophetis factum intelligere est, nempe duo illa mysteria neutrum illorum portare solum potuisse, id est, crucis, & cognominis impositi signum. Est enim, & erat, & erit unius ac solius ista vis, cuius vel nomen principatus omnis reformidat, tabescens, quod per illum evertendus sit.“ Et postea idem <sup>N. 116. pag.</sup> mysterium seu revelationem *in nos factam* (gentiles intelligit) quoque ex-<sup>209.</sup>plicat: „Qui (inquit) in Christum summum sacerdotem, hunc crucifixum, credimus: qui cum in stupris ac omni prorsus sordida actione versaremur, per gratiam a nostro Iesu, secundum voluntatem ipsius Patris concessam sordida omnia, quibus induti eramus, mala exuimus: quibus diabolus instat semper adversans, ac omnes ad se trahere volens; sed angelus Dei, id est, virtus Dei nobis per IESUM Christum immissa, increpat eum, & a nobis discedit. Ac tanquam ex igne extracti sumus, cum in prioribus peccatis expurgati, tum ex tribulatione eruendi, & ex incendio nobis a diabolo eiusque omnibus ministris admoto; ex quibus nos etiam rursus se extracturum Iesus Dei filius, ac praeparatis vestibus nos induturum, si mandata eius observamus, & regnum aeternum provisorum, promisit.“ Demum post multa in eandem sententiam ac allegoriam „Porro (inquit) <sup>N. 131. pag.</sup> AMALECHI memoriam etiam post filium NAVE manere liquet; at futurum, <sup>224.</sup>ut per IESUM crucifixum, cuius etiam res omnes his symbolis praesignificabantur, daemones exterminarentur, eiusque nomen formidarent, eumque pariter omnes principatus & regna metuerent, & ex omni hominum genere pii & pacifici ostenderentur, qui in illum credunt, scriptura declarat, idque etiam demonstrant, quae iam a me, TRYPHO, commemorata sunt.“

Istis vero, quae nos breviter selegimus ex S. Martyris sermone, explicatur totum illud, qua late patuit, diaboli imperium, quo genus humanum devictum tenuit sub peccato, suaeque potestate ante Christum salvatorem, qui per crucem inimicum deiecit, nobisque salutare nomen suum & crucis trophaeum reliquit: quae non dubitat S. CHRYSOSTOMUS *divinas* <sup>Hom. VIII. in cap. 4. ad Rom. n. 6. 7. T. IX. pag.</sup> appellare *incantationes*: „si & in diabolum (inquit) divinas incantationes canere noveris, statim vulnerabitur. Sunt enim nobis, sunt inquam nobis incantationes spirituales ipsum nomen Domini nostri IESU Christi, <sup>507.</sup>



pag. 854.

Hæres. 30.

tum ipsius crucis potentia. Huiusmodi incantatio non solum draconem a latibulo eiicit, & in ignem coniicit, sed & vulneribus quoque medetur. Quodsi multi hoc dicentes sanati minime fuerint, accusent illi modicam suam fidem, non dicti infirmitatem. Nam ipsum IESUM multi pellebant, & premebant, nec quidpiam lucrabantur. At quæ sanguinis fluxu laborabat, nec tacto quidem corpore, sed tantum fimbria, diuturnos sanguinis fontes cohibuit. Hoc nomen & dæmonibus terribile est, & perturbationibus, & ægritudinibus salutare. Hoc igitur ornemur ipsi, hoc tanquam muro nos muniamus." Concordat S. ANTONIUS apud S. ATHANASIUM, a quo invocato nomine IESU, cum vitale signum in nomine sanctissimæ Trinitatis pressisset in frontibus philosophorum, cum expulsis dæmonibus præsentium simul philosophorum confutata est sapientia. Nos, inquit, *Christum crucifixum nominantes omnes fugamus demones, quos ut deos timetis, & ubi signum crucis formatur, magica ars vires amittit, atque veneficia nihil virtutis habent.* Sic diaconus S. GREGORII Taumaturgi teste S. GREGORIO Nissæno in eius vita n. 26. balnei locum, in quo dominabatur dæmon quidam homicida intrepide est ingressus, se signo crucis muniens, & Christi nomen invocans: ulteriusque ad interiora progresso eadem arma fuere signaculum crucis & Christi nomen, & quod per magistri preces adferebatur auxilium. Experimento suo id didicit IOSEPHUS ille sub CONSTANTINO ex Iudæo Christianus, de quo S. EPIPHANIUS, ostenditque „quod prius in visione perceperat, in infano quodam homine, qui nudus per urbem circuibat, & cum sæpe vestis ei indueretur, eam dilaniabat, ut tales facere solent. IOSEPHUS igitur volens experiri visionem, dubitans autem adhuc, verecundia detinebatur. Assumit itaque hunc intro, & præclusis foribus, acceptaque aqua in manu, eaque crucis signaculo signata insanum hominem aspersit ac dixit: *In nomine IESU Nazareni crucifixi egredere demonium ab isto, & sanus fiat.* Homo vero magno clamore edito, humi prolapsus, & multa spuma ab ore emissa, lancinatus ad multum tempus, immotus permanfit; postea autem sanus, & a dæmone liber surgens, domum abiit, multis gratiis IOSEPHO actis." Necdum tamen hoc miraculo fractum est IOSEPHI obduratum pectus, donec novo iterum contra incantationes suorum contribulium Iudæorum igni vim suam restituit ad lateres coquendos pro ædificanda in Tiberiade ecclesia. Nempe vasi aquæ „magna voce crucis signaculum proprio digito imposuit, & invocato nomine IESU sic dixit: *In nomine IESU Nazareni, quem crucifixerunt patres mei, & omnium circumstantium, fiat virtus in hac aqua ad reprobationem omnis incantationis & magiæ &c.*"

Exper-

Expertus id etiam, quem supra commemoravi, S. GREGORIUS *Nazianzenus*, id de nominis Christi IESU virtute testatur, additque: *quod etiam mihi saepe usu venit, cum crucem ne in tabula quidem, sed in medio tantum aere descripsissem.* Sic S. MARTINUS *In nomine*, ait, Domini IESU, signo crucis, non clypeo protectus, aut galea, hostium cuneos penetrabo securus: militem vero Christi indutus militiam sub IULIANO apostata detrectavit, ut perhibet Sulpicius Severus de vita S. MARTINI c. 4. In hoc ergo divinam adoramus providentiam, & grato agnoscimus animo, quomodo Christus iuxta apostolum *Phil. II. 8. &c. humiliavit semetipsum factus obediens usque ad mortem, mortem autem crucis: propter quod & Deus exaltavit illum, & dedit illi nomen, quod est super omne nomen: ut in nomine IESU omne genu flectatur, caelestium, terrestrium, & infernorum.*

XIII. Quid vero dignius divina sapientia, quid providentia illa mirabilius, quam dum nos cum eodem apostolo *pradicamus Christum crucifixum: Iudæis quidem scandalum, gentibus autem stultitiam, patibulum crucis terrorem esse infernorum, mastigiam dæmonum, in quo eorum illusa est superbia, deiecta potentia. Quid timent dæmones? Quid tremunt? Sine dubio crucem Christi, in qua triumphati sunt; in qua exuti sunt principatus eorum, & potestates. Timor ergo, & tremor cadent super eos, cum signum in nobis viderint crucis fideliter fixum, & magnitudinem brachii illius, quod Dominus expandit in cruce...* Non te ergo aliter timebunt, nec aliter tremor tuus veniet super eos, nisi videant in te crucem Christi.

Crucis signo  
pelluntur  
dæmones.  
1. Cor. I, 23.

Origenes  
hom. VI. in  
Exod.

LACTANTIUS lib. IV. Institut. divin. caput 27. inscriptum de *mirandis per crucis virtutem effectis, ac de dæmonibus*, sic orditur: „Nunc satis est, huius signi potentia quantum valeat, exponere. Quanto terrore sit dæmonibus hoc signum, sciet, qui viderit, quatenus adiurati per Christum de corporibus, quæ obsederunt, fugiant. Nam sicut ipse cum inter homines ageret, universos dæmones verbo fugabat, hominumque mentes emotas, & malis incurfibus furiatas in sensus pristinos reponerebat; ita nunc sectatores eius eosdem spiritus inquinatos de hominibus, & nomine magistri sui, & signo passionis excludunt.“ EUSEBIUS *Casareensis* „si non (ait) increpantur nomine crucis eorum dii & dæmones, non resurrexit, qui his, qui non sunt, terribilis habetur. Confitentur enim & dæmones resurrectionem Christi. Qui enim exorcisant, crucem Domini nominant, & resurrectionem; & nomine eius, qui mortuus est & resurrexit, increpantes, non ut inobedientes aut contradicentes habent dæmones, sed obediētes & consentientes resurrectionem.“ Apposita si-

Apud Sir-  
mondum T.  
I. p. 62.



Hom. LV.  
in Matth.

militudine S. Io. Chrysostomus utitur, si, inquit, ingenti horrore concutimur, cum solummodo videmus loca, in quibus capite damnati pœnas persolvunt, quid passurum putas diabolus, cum hastam viderit, qua lethale vulnus accepit? Quis vero omnia enumeret eiusmodi testimonia, aut etiam exempla fugatorum per signum sanctæ crucis dæmonum; præsertim ex corporibus obsessorum, & quidem, quod de S. GREGORIO Lingo-  
nensi specialiter GREGORIUS Turonensis notat, sine ullo tactu, factum tantum signo crucis.

De Vit. SS.  
PP. c. 7.

In eum finem idem etiam signum in catechumenis adhibetur, eosque S. BONIFACIUS Germanorum apostolus tanquam ecclesiæ hostes apud ZACHARIAM P. detulit: qui nec quærunt ab eis, quos baptizare student, abrenuntiationes satanæ, sed neque signaculo crucis Christi eos muniunt, ut legitur in epist. ZACHARIÆ ad S. BONIFACIUM. Solemnnes id loquuntur ecclesiasticæ formulæ, quæ dæmonibus imperant, ne unquam audeant violare signum hoc, quod nos fronti eorum, quos baptizamus, damus: tum etiam erga baptizatos energumenos hoc cum impressione signi S. Crucis præceptum iuxta sacramentarium Gregorianum: *Triumphatus recede in nomine Patris, & Filii, & Spiritus sancti: & da locum Spiritui sancto per hoc signum crucis IESU Christi.* Iterum: *Imperat tibi sacramentum crucis.*

Phantasma-  
ta fugantur.

T. III. Bibl.  
PP. p. 449.

XIV. Paulo ante retulimus de diacono S. GREGORII Taumaturgi, quomodo in balneo dæmonibus infestato se invocato Christi nomine signo crucis munierit, atque incolumis evaserit: de ipso porro S. GREGORIO Taumaturgo perhibetur, quemadmodum ex templo quodam idolorum crucis signo dæmones fugaverit ibi pernoctans. „Erat illud templum insigne, in quo, qui colebantur dæmones, ad ædituos aperte ventitabant, ut qui illic divinarent, & responsa dabant. Cum igitur templum unacum fociis subiisset, dæmones quidem confestim exterruit Christi nominis invocatione; figura autem crucis aere expiato, qui nidoribus inquinatus erat, ibi mansit totam noctem in orationibus & hymnis decantandis vigilans... diluculo autem rursus iter suum cœpit progredi. Cum autem ædituus mane consuetum dæmonibus cultum exhibuisset, apparentes ei dæmones dicunt, clamantes non licere eis templum ingredi propter eum, qui illuc manserat.“ Est hic ipse ædituus, qui postea diaconus, de quo supra, ad fidem, & quidem tantam, quam in eo vidimus, conversus, cum cerne-  
ret permisso S. GREGORII iterum reverti dæmones his schedulæ inscriptis verbis: GREGORIUS satanæ, ingredi: iterumque pro arbitrato expelli.

In vita S. PAULI primi eremitæ narrat S. HIERONYMUS, quomodo T. IV. p. 70. oculis S. ANTONII, eum invifuri, in itinere obiectus est homo equo mixtus, cui opinio poetarum *Hippocentauro* vocabulum indidit, quo viso falutaris impreffione signi armarit frontem. Idem de S. HILARIONE perhibentem paullo fupra audivimus. Plura autem horribilia fpectra dæmonum fascinationibus S. ANTONIO exhibita S. ATHANASIVS in eius vita defcribit, quos ille intrepidus fic aliquando eft allocutus: *Siquid valetis, fi vobis in me poteflatein Dominus dedit, ecce præfto fum, devorate conceffum; fi vero non poteflis, cur fruftra nitimini? Signum enim crucis & fides ad Dominum inexpugnabilis nobis murus eft.* „ Multa (pergit S. ATHANASIVS) contra S. ANTONIVM minantes fremebant dentibus fuis, quod nullus eorum tentamenta fequeretur effectus, fed maxime e contrario gigneretur illuffus.“ Ea propter poftquam S. ANTONIVS ipfe in fæpe laudata oratione apud eundem S. ATHANASIVM multa eiuſcemodi adumbraffet phantaſmata, ac formas varias enumeraffet mulierum, ferarum, reptilium, prægrandium corporum, militarium turmarum, „ Sed (ſubdit) neque hæ illorum phantaſiæ nobis funt pertimeſcendæ: nihil enim cum ſint, ſubito evaneſcunt, ſi maxime fide & ſigno crucis ſe quis munierit.“ Et poſtea: „ Cum ergo noctu vos adibunt, volentque futura loqui, ac dicent: *ſumus angeli*; ne fidem habeatis, mentiuntur quippe. Si aſceticum veſtrum laudent inſtitutum, voſque beatos prædicaverint; ne audiatſ eos, nec advertere quidem videamini, ſed potius obſignate voſ domumque & precemini, videbitiſque eos evaneſcere: timidi quippe ſunt, & ſignum dominicæ crucis admodum pertimeſcunt: illo quippe ipſos Salva-  
tor ſpoliatos palam traduxit.“ His porro conformiter ipſe S. ATHANASI-  
us: „ Olim dæmones variis ſpectris hominum mentes decipiebant (inquit) iam vero poſt divinum Verbi adventum evanuerunt huiusmodi fallaciæ. Siquidem ſolo crucis ſigno adhibito omnes illæ dæmonum fraudes repel-  
luntur.“

*De Incar-  
nat. Verbi  
T. I. p. 88.*

In vita S. MARTINI, eadem PAULINUS, & SULPITIUS *Severus* paſſim narrant, frequenter diabolum, dum mille nocendi artibus ſanctum virum conabatur illudere, viſibilem ſe ei formis diverſiſſimis ingeſſiſſe. „ Nam interdum in *Iovis* perſonam plerumque etiam *Mercurii*, perſæpe etiam ſe *Veneris* & *Minervæ* tranſfiguratum vultibus offerebat. Adverſus quem ſemper interritus ſigno crucis, & orationis auxilio ſe protegebat.“ Sancti MARTINI nomen in memoriam revocat, quod GREGORIUS *Turo-*  
*nenſis* narrat, quomodo dæmon LANDULPHUM quemdam, epilepticum, qui  
diabolicas inſidias iam ſæpe crucis ſigno diſpulerat, in fraudem inducere  
tentarit, nempe „ componens ſe in ſpecie veterani venit ad eum dicens:

*De Gloria  
Conſeſ. c.  
24.*

*Ego*



*Theodor.*  
*lib. I. coll.*  
*Niceph. lib.*  
*XV. c. 24.*

*Lib. II. dial.*  
*c. 57.*

*Ego sum Martinus, quem invocas: Surge & adora coram me, si vis recipere sanitatem.* Cui ille ait, *Si tu es Martinus, fac super me signum crucis, & credam.* At ille, audito nomine signi sibi semper contrarii, tanquam fumus evanuit. Post hæc autem stans ad pedes gloriosi Domini, factus est in stupore mentis, & vidit beatam basilicam novo lumine effulgere: ex qua egrediens Sanctus, dixit ad eum: *Exaudita est oratio tua, & ecce eris sanus ab infirmitate, quam pateris.* Postea beatæ crucis signaculum super caput eius faciens abcessit. Ille vero ad se reversus amotis omnibus infidiis salutem se sensit integram recepisse. Formidandum est, quod THEODORUS lector & NICEPHORUS GENNADIO patriarchæ Cpolitano accidisse narrant; nempe cum noctu ad altare sacrificii orans staret, spectrum quoddam dæmoniacum ei apparuisse, quod ille protinus signo crucis, velut immisso telo fugavit, cumque recederet, hæc est humana voce locutum: *Abeo & te vivente quiescam, reversurus post obitum tuum, & modis omnibus eversurus ecclesiam.* Tragicum imprimis est, quod S. GREGORIUS M. narrat de THEODORO puero in monasterio non satis religiose ad regulam monasticam vivente, cui, cum extremum spiritum ageret, horribilis draco veluti devoraturus apparuit. „*Caput meum,* aiebat, *iam ore suo absorbuit: date locum, ut non me amplius cruciet, sed faciat, quod facturus est. Si ei ad devorandum datus sum, quare propter vos moras patior?* Tunc fratres cœperunt ei dicere: *Quid est, quod loqueris frater? signum tibi S. Crucis imprime.* Respondit ille dicens: *Vole me signare, sed non possum, quia squamis huius draconis premor.* Cumque hoc fratres audirent, prostrati in terram cum lacrymis cœperunt pro ereptione illius vehementius orare. Et ecce subito cœpit æger clamare dicens: *Gratias Deo. Ecce draco, qui me ad devorandum acceperat, fugit, orationibus vestris expulsus stare non potuit.* De S. MARTINO monacho, cui tribus annis dæmon in forma draconis adhæserit, alia occasione fecimus mentionem ex eodem S. GREGORIO lib. III. Dial. cap. 16. Prætereo alia exempla crucis signo interemptorum draconum apud eundem S. GREGORIUM, & THEODORETUM in historia religiosa, quæ aliaque multa collegit Iac. GRETSERUS lib. IV. de Cruce.

Nihil his addam, qui ægre hæc modo attuli, facile in animum mihi inducens, fore, ut multi narrata subsannent, non obstante gravitate, sanctitateque auctorum, qui hæc litteris mandarunt: quibus si imponi potuisset in iis, quæ ex aliorum fide sibi imparium relatione acceperunt, concedatur, tam facile tamen nimia credulitate se decipi siviisse haud magis censebunt, quam fallere in animo habuisse. Quæ cum ita sint, nemo in dubium ea vocet, quorum viri sanctissimi de seipsis suisque fidem faciunt.

veluti

veluti S. ANTONIUS luculentus nobis testis est in sæpe citata oratione, quam S. ATHANASIUS nobis in eius vita descriptam reliquit, atque alia præterea de eo nobis exposuit cum illo conversatus, uti etiam SULPITIUS Severus cum S. MARTINO; S. HIERONYMUS autem nec loco nec tempore remotus etsi fugillatus de iis, quæ in vita S. PAULI primi eremitæ scripsit, in vita nihilominus S. HILARIONIS plura adhuc nobis descripsit monstra diabolica.

Quæ quod sanctissimis illis viris obiecta sint, non inde vulgi fabulæ de spectris confirmantur, anilesque phantasiæ illusiones. Rationem supra attulimus ex S. ANTONIO, cur sui similes potius strenuos athletas, qui monasterii probatione diuturna, ut verbis S. BENEDICTI utar, didicerunt *S. Reg. c. 15* contra diabolum pugnare, sic quasi eminus aggrediatur spectris evanidis & phantasiis, non iam ausus propius appropinguare longius propulsatus, talesque nactus adversarios, qui veluti levi brachio, unoque crucis signaculo dæmonum præstigias procul abigant ac eludant, veluti muscas, aut parvas aviculas, ut de S. BENEDICTO S. GREGORIUS perhibet lib. II. Dial. c. 2.

XV. Neque vero hic se continuit salvificæ crucis virtus, tum maxime resplendens, cum adhuc operam suam abominationibus idololatriæ cultus præstabant dæmones. „Nam (ut testatur LACTANTIUS scriptor suppar) cum diis suis immolant, si assistat aliquis signatam frontem gerens, sacra nullo modo litant, *Explosæ magicæ præstigiæ. Lib. IV. Divinar. institut. c. 27.*

*Nec responsa potest consultus reddere vates.*

Et hæc sæpe causa præcipua iustitiam persequendi malis regibus fuit. Cum enim quidam ministrorum nostrorum sacrificantibus dominis assisterent, imposito frontibus signo, deos illorum fugaverunt, ne possent in visceribus hostiarum futura depingere. Quod cum intelligerent aruspices instigantibus istis dæmonibus, quibus profecant, conquerentes profanos sacris interesse, egerunt principes suos in furorem, ut expugnarent Dei templum, seque sacrilegio contaminarent, quod gravissimis persequentium poenis expiaretur.“ Exemplum profert in libro de mortibus persecutorum c. 10. ipsum DIOCLETIANUM ad finem sæc. III. „Cum ageret (inquit) in partibus Orientis, ut erat pro timore scrutator rerum futurarum, immolabat pecudes, & in pectoribus eorum ventura quærebat. Tum quidam ministrorum scientes Dominum, cum assisterent immolanti, imposuerunt frontibus suis immortale signum. Quo factò, fugatis dæmonibus, sacra turbata sunt. Trepidabant aruspices, nec solitas in extis notas videbant, & quasi non litassent, sæpius immolabant; verum identidem mactatæ hostiæ nihil ostendebant, donec magister ille aruspicum TARGIS, seu suspicione, seu visu, ait, idcirco non respondere sacra, quod



rebus divinis profani homines interessent.“ Geminum est, quod de IULIANO apostata in *histor. eccles.* SOZOMENUS, & THEODORETUS narrant, *Lib.V. c. 2.* fusiusque ante hos coævus GREGORIUS *Nazianzenus* oratione III. invektiva in IULIANUM: eum magicis sacris operam dantem subito terrore consternatum ad crucem confugisse, eaque se adversus terrores consignasse, & quem persequabatur, in auxilium adscivisse. „Valuit signaculum (addit) cedunt dæmones, pelluntur timores. Quid deinde? reviviscit malum, rursus ad audaciam redit, rursus aggreditur, rursus iidem terrores urgent, rursus obiecto signaculo dæmones conquiescunt, perplexusque horret discipulus.“ PRUDENTIUS in *apothefi* eandem rem latius circumscribit.

*Orat. 18.* In vulgus apud nos notum, quod S. GREGORIUS *Nazianzenus*, & PHOTIUS in bibliotheca cod. 183. recensent ex EUDOXIÆ, THEODOSII iunioris uxoris poematibus de SS. CYPRIANO, & IUSTINA, CYPRIANUM nempe *Antiochenum* (quem *Nazianzenus* perperam cum celebri *Carthaginensi* confundit) omnes magicæ artis rationes incassum tentantem, violentissimos quosque ac perniciosissimos dæmones oppugnandæ virginis castitati immisisse; hos vero pudore suffusos, victosque sacro-sanctæ crucis signo reiectos fuisse; uti etiam in confessione S. CYPRIANI habetur, quæ ad calcem quarundam editionum S. CYPRIANI *Carthaginensis* legitur. Ipseque postea CYPRIANUS a dæmone correptus Deo IUSTINÆ invocato, crucis signo immundum a se spiritum exclusit. Eiusdem argumenti est, quod S. EPIPHANIUS hæc. 30. narrat ex ore IOSEPHI comitis, cuius iam meminimus, de iuvene quodam, qui ad labefactandam Christianæ feminæ pudicitiam, cum nihil proficerent sua allicimenta, illa signante se in nomine Christi, veneficorum operam frustra adhibuit, incantationes nempe & eiurationes in monumento quodam seu sepulchro. „Post exitum igitur (sunt verba EPIPHANII) sceleratissimorum ex monumento ingressus est IOSEPHUS, ac deprehendit etiam alia quædam curiositatis studia humi prostrata. Cognovit autem insidias, ob qualem foeminam hæc ab ipsis malefice perpetrata essent, & observabat, an prævalerent. Ubi igitur non prævaluerunt præstigiatores (nam per signaculum Christi & fidem, mulier auxilium percepit) cognovit per tres noctes tolerare ac expectare foeminæ accessum. Deinde vero pugnare adversus eos, qui hanc curiositatem fecerant, quod affecutus illam non esset. Hoc tertium instructionis ad fidem opus IOSEPHO contigit, quod non valuit incantationis vis, ubi erat nomen Christi, & signaculum crucis; non tamen persuasus est, ut Christianus fieret.“

CASSIANUS Collat. VIII. c. 18. SERENI abbatis narrationem de S. ANTONIO

TONIO refert, nempe eum a gentilibus quibusdam magicis incantationibus aliquando vexatum fuisse immixtis illi nequissimis sæpe dæmonibus: „Cumque illo (verba SERENI recito) nunc quidem imprimente pectori suo frontique signaculum crucis, nunc vero orationi suppliciter incumbente, ne approximare quidem dirissimi dæmones eidem prorsus audent, atque ad eos, qui illos direxerant, absque ullo reverterentur effectu, & alios illi in nequitiam vehementiores rursus immitterent, itidemque ipsis incassum suarum nequitiarum expendentibus vires, atque inaniter redeuntibus, potentiores nihilominus adversus militem Christi victorem iterum destinati nihil penitus prævalerent &c.“ Addit tandem ad S. ANTONIUM venientes Christianos fieri poposcisse. Nec illud prætereundum, quod venientibus ad se atque dæmonum cum ipso certamina audientibus, dicebat: *Signate vos, & abite securi*, ut S. ATHANASIUS refert in eius vita, aliaque ipsius S. ANTONII verbis a nobis iam allata; qui etiam hoc consilium dat in lib. de Incarnatione Dei: *Nam, inquit, T. I. p. 74. solo crucis signo utens homo fraudes illius repellit.*

Iam passim usus sum, libenterque utor in hac re S. ATHANASII auctoritate, præstantissimi præsertim operis illius de incarnatione Verbi Dei, quo nempe incarnati Verbi divinitatem demonstrandam suscepit hoc imprimis etiam argumento contra gentiles artem magicam demiratos: „Nempe illa quidem (inquit) ante verbi Dei adventum apud *Ægyptios & T. I. P. I. Chaldæos* maxime valebat & vigeat, spectantesque miro afficiebat stupore; p. 88. verum veritatis præsentia, & verbi adventu ipsa quoque convicta ac prorsus destructa est.“ Provocat postea quemque, ut supra attulimus, „qui in mediis ipsis dæmonum præstigiis, & oraculorum fallaciis, ac magiæ prodigiis signo crucis, quæ apud illos ludibrio est, utatur, solumque Christum nominet.“ Et non ita multo post n. 55. „Neminem quoque *Ibid. p. 95.* iam (inquit) dæmones præstigiis, oraculis, aut incantationibus decipiunt; sed vel id solum tentantes & aggredientes, signo crucis confunduntur. Et, ut summatim dicam, attende, quomodo Salvatoris quidem doctrina per totum terrarum orbem diffundatur; contra autem universa idololatria, & quidquid Christi fidei adversatur, quotidie decreseat, debiliteturque, & cadat. Quæ cum vides, Salvatorem omnium Dominum & potentissimum Dei Verbum adora: eos autem, quos ille deficere, & evanescere cogit, sperne & reiice.“

In fragmentis T. V. Bibl. PP. *Venetæ* ed. de amuletis hæc leguntur: pag. 214. „Si quis in ægritudinem curatu difficilem lapsus sit, psallat: *Ego dixi Domine miserere mei: sana animam meam, quia peccavi tibi*; precibus scilicet intentus, ac misericordiam implorans, coelesti sapientiæ obsequens dicentj:



dicenti: *Tili in tempore infirmitatis tuæ ne despicias; sed ora Dominum & ipse curabit te.* Amuleta enim & præstigiæ, vana sunt auxilia. Siquis vero iis utatur, is clare discat, quod seipsum effecerit pro fideli infidelem, pro Christiano ethnicum, pro prudenti imprudentem, pro rationabili irrationabilem. At enim vetula viginti obolorum, aut quartariæ vini pretio serpentis incantationem tibi exhaurit: tuque stas hianti ore tanquam asinus, quadrupedum sordes a collo gestans, repulso salutaris crucis sigillo. Quod sigillum non morbi tantum reformidant, sed etiam omnis dæmonum cohors pertimescit, & horret. Quamobrem omnis præstigiator huiusmodi sigillo vacuus est." Nemo S. CHRYSOSTOMO frequentius contra omnis generis magicas superstitiones, imprimis amuletorum usum perorat. Supra retulimus locum ex lib. VIII. contra *Iudæos*, ad quos ipsi Christiani impium habebant recursum synagogas etiam adeundo: hinc loco citato:

T. I. p. 687.

„Et quomodo (inquit) ingredieris synagogam? si namque signaveris frontem tuam, illico fugiet prava potestas synagogam inhabitans. Si vero non signaveris, in ipsis foribus protinus arma abiecisti, mox nudum, & inermem abreptum te diabolus malis innumeris afficiet." Quod amuleta attinet, notat, incessitque inter alia etiam aurea ALEXANDRI *Macedonis* numismata (quorum passim ideo tanta hodieque occurrit copia) circumligantes capiti vel pedibus Christianos sic allocutus Hom. 21. ad *Antioch.* *Tu in cruce non confidis; Et ibidem Christianos item incessit. Non ligaturas tantum, sed etiam incantamenta tibi inducis, vetulas ebriasque & titubantes domum ducens.* Excusationem ibidem atque etiam alibi, veluti homilia VIII. in epist. ad *Coloss.* c. 3. prævertit, dum usi huiusmodi superstitionibus dicunt: „Deum invocamus & nihil amplius facimus, & quæ sunt huiusmodi: & Christiana est, vetula & fidelis: ea est idololatria. Es fidelis, signa te, dic, hæc arma habeo sola, hoc medicamentum; aliud autem nescio." Et mox: „Dictitantibus hic autem non est idololatria, sed solum incantatio: Hæc est (subdit) cogitatio satanica, hæ sunt diabolicæ insidiæ; tegere errorem, & in melle dare venenum. Quoniam novit se illa hac via non persuasurum, ingressus est ad amuleta, & aniles fabulas. Et crux quidem affecta est ignominia; litteræ autem in maiori honore sunt habitæ. Christus fuit eiectus, & introducitur anus ebria & delirans, conculcatum est nostrum mysterium, & choros ducit fraus diaboli." Et post pauca: „Quousque hæc satanica? Quomodo non ridebunt *Græci*? Quomodo non subsannabunt? Dicemus magnam esse virtutem crucis? Quomodo id eis persuadebitur, cum videant nos opus habere iis, quæ ipsi irrident?" In epistolam I.

T. XI. pag. 387.

Tom. X. p. 107. 108.

ad *Corinth.* Hom. XII. „Quid dixeris (inquit) de ligaminibus, & de

cre-

crepitaculis manui appensis, & de stamine coccineo, deque aliis multis infania plenis; cum oporteret nihil aliud puero circumponere, quam crucis custodiam? "

Mox aliam incescit superstitionem, dum lutum mulieres in balneo accipientes, nutrices & ancillæ, digito tingentes in pueri fronte imprimebant. „Certe (subdit) quod apud *Græcos* talia fiant, mirum non est; quod autem apud eos, qui crucem adorant, & mysteriorum arcanorum participes sunt, & tanta philosophantur, id certe multis lacrymis est dignum. Deus te unguento spirituali honoravit, & tu luto filium deturpas? Deus te decoravit, & tu teipsum dedecoras? Et cum oporteret in fronte crucem adscribere, quæ insuperabilem tutelam præbet, tu his dimissis in satanicam amentiam decidis? . . . . Quomodo precaris, ut presbyteri manu signaculum in fronte apponatur, ubi luto unxisti? Ne, fratres, ne hæc faciatis; sed ab ineunte ætate pueros spiritualibus armis munite, & docete eos manu frontem signare; etiam priusquam possint hoc manu facere, vos ipsi eis crucem imprimate. Quid dixeris de aliis satanicis observationibus in doloribus uteri, & in partu adhibitis, de iis item, quæ in morte, & cum corpus effertur, adhibentur: eiulatus nempe, planctus infani, stulta in sepulcris admissa, circa monumentum studium, intempestivum & ridiculum præficarum agmen, dierum observationes, nec non ingressus & exitus? " S. AUGUSTINUS, qui in libris de doctrina Christiana & alibi magicas superstitiones vanasque observantias *In psal. 93.* passim pro merito reprehendit ac damnat, alicubi vero, quid pii Christiani ad solum nomen eiusmodi fascinationum agant, edicit: *Quare (inquit) non remedia & ligaturas adhibes? Quare non mathematicos, & aruspices consulis, sicut & alii? Et tu signas te, & dicis: Christianus sum, ut repellas istos nescio quos.*

XVI. Prætereo alia stupenda miracula, crucis munimine in quibus- *Crucis mu-*  
vis malis nullo non tempore diversisque occasionibus facta, *quippe hoc si-* *nimen in*  
*gnum*, iuxta S. CYRILLUM *Hieros. Catech. XIII. hodieque morbos sanat,* *confessione*  
*dæmones pellit, veneficiorum, & incantationum præstigias evertit.* *christiana,*  
EUSEBIUS usum quemdam consuetudinemque piorum Christianorum testatum *Vid. Gretf.*  
reliquit, ad ipsa etiam loca, ubi dæmonum cultores, gentiles habitabant, *lib. de*  
signandi sese sancta cruce: „Cum quis (inquit) ingreditur civitatem gen- *Crucis, &*  
tilium, & religione exposcente fronti imponere signaculum crucis con- *de bened.*  
fusus fuerit, qui ingreditur, suam glorificationem, & virtutem crucis in  
fronte non ostenderit, iste etiam sine tormentis negabit & sacrificabit.“  
Nemini dubium, agitantibus gentiles dæmonibus, in Christianos sæviisse



tam diris persecutionibus, mortibusque; unde etiam cruce se muniebant, ingressuri stadium.

S. THECLA incendio damnata, teste BASILIO *Seleuciensi* in eius vita, signo in se crucis expresso in rogam infiliit. „Unde & ignis naturæ suæ „oblitus ob crucis metum, ac reverentiam virgini thalami loco potius „fuit, quam camini.“ Aliud est exemplum, quod apud RUINART legitur in actis S. THEODOTI, & septem virginum auctore NILO teste oculato: „Cum vero (inquit ille) pervenissent ad locum, in quo solent rei cruciari, locum horribilem, & quem nemo post Solis occasum audebat intrare (quia istic præcisa capita, aut contis infixæ stabant, aut dispersa iacebant igne combusta) horrore non modico correpti etiam ipsi sunt: sed vocem audierunt dicentem: *Fidenter accede Theodote.* Rursus ergo perterrefacti crucis signum suæ quisque impressit fronti, & mox apparuit eis crux illustris, quæ videbatur ex parte orientali radium ignitum emittere: ad quam apparitionem mixtus gaudio timor fuit, & genibus flexis adoraverunt versus locum, unde crux apparebat.“ Idem paullo post sanctus martyr dicitur, *totum corpus suum signo crucis muniens in stadium processisse animo imperterritito.* De S. GORDIO martyre S. BASILIUS, cum ultimum retulisset sermonem: *Hæc*, inquit, *cum dixisset, crucisque signo se circumscripsisset, ibat ad ictum, nihil immutato colore, nihil alterata faciei alacritate.*

IULIANUS *Apostata*, ut vel ignaros imprudentesque Christianos induceret ad thus diis immolandum, altare posuit, ubi militibus aurum distribuebat; „Fertur autem quosdam (ut narrat SOZOMENUS) ex iis, qui istud „sceleris imprudentes admiserant, cum in convivio, ut fieri solet, sibi „mutuo propinarent, benevolentia testificandæ causa Christum ad singula „pocula nominasse.“ Addit THEODORETUS: „Horum unus sumpto poculo, non prius bibit, quam salutare signum imprimeret.“ Sic cum S. PAULINO in Natali VIII. S. FELICIS canere licet:

*Nos crucis invictæ signum, & confessio munit,  
Armatique Deo mentem non quarimus arma  
Corporis: & quamquam membris videamur inermes  
Arma tamen gerimus: quibus & sub pace serena  
Contra incorporeos animis decernimus hostes.*

In tentationibus variis.

XVII. In comparatione autem horum, quos commemoravimus, athletarum SS. MM. recte nos etiam tangit, quod *Hebr. XII. 4.* dicit D. PAULUS: *Nondum usque ad sanguinem restitistis: dum interim facile nobis est trophæum crucis contra externum illud tentationum genus erigere, de quo idem*

idem apostolus : *Non est nobis colluctatio adversus carnem & sanguinem, sed adversus principatus & potestates, adversus principes tenebrarum harum*, qui ut olim gentiles contra Christianos, ita nunc Christianos inter se committunt, bella, oppressiones, inimicitias ferunt, nihilque magis curant, quam vinculum pacis & charitatis inter homines rumpere. De hoc S. CHRYSOSTOMUS illud D. PAULI *Ephes. IV. 27. Nolite locum dare diabolo* interpretatur : „Itaque (inquit) bellum tibi mutuo inferre, est locum dare diabolo. Nam cum oporteret omnes simul esse constipatos & condensatos, & adversus illum stare, solutis, quæ sunt nobis cum illo, inimicitias, iubemus, ut alter in alterum convertamur. Nunquam enim locum sic habet diabolus, ut in inimicitias.“ Homilia paullo ante citata 21. ad populum *Antioch.* nobis eadem arma, quæ modo ex S. PAULINO audivimus, dat : „Ne ipse (inquit) diabolus te quicquam lædere poterit, cum his te cernens armis ubique apparentem. Et hæc te ipsum iam doce, ut cum signum ceperis, sis miles paratus, & contra diabolum trophæum erigens, iustitiæ coronam capias.“

Est hæc igitur panoplia nostra, qua si ea utamur fide, quam idem nobis alibi inculcat S. Pater, omnes diabolicos insultus tentationumque laqueos facile eludemus. „Crucem (inquit) non simpliciter digito in corpore, sed magna profecto fide in mente prius formare oportet. Nam si hoc modo eam faciei tuæ imprefferis, nullus scelestorum dæmonum, cum hastam videat, qua lethale vulnus suscepit, congregari tecum audebit.“ S. CYRILLUS *Alex. Commentar. in ISAIAM* columnam interpretatur sanctæ crucis signum, quo obsepri credentes solent & communiri. „Uti enim semper sumus hac re, cum omnem diaboli insultum evertimus, & dæmonum impetus infringimus. Murus enim infractus est nobis crux & in ea gloriatio vere salutem afferens.“ S. EPHREM, qui in *paranesi* I. ad eos, qui in relig. rud. se exercent, breviter dicit : *strenuus cruce Christi, laqueos fugat diabolicos.* in *paranesi* II. ad monachos iam profectiores *Crucem*, inquit, *fronti impressam tenentes spectaculum diabolo tremendum habebitis, honorantes iustitiam, castimoniamque servantes iam incolæ paradisi evasistis.* CASSIANUS *Coll. VII. c. 23.* cum animadvertisset, non tanta tunc feritate atrocitateque dæmones in cœnobiis quam olim grassatos, „aut virtute crucis (subdit) etiam deserta penetrante, & ubique eius gratia coruscante, retusa est nequitia dæmonum, aut negligentia nostra illos ab impugnatione pristina reddit lentiores, dum dedignantur adversum nos illa intensione configere, qua tunc contra illos probatissimos Christi milites sæviebant, hac scilicet nos fraudulentia invisibilium tentationum dirius elidentes.“



Frequens S.  
Crucis usus  
privatus &  
publicus in  
ecclesia.  
Cap. 5.

pag. 102.

XVIII. Ea vero res (cum temporibus persecutionum tantopere sævi-  
ret cacodæmon impatiens veluti attriti sui regni per Christum) in causa  
fuerit, quod apud fideles tunc longe maior quam nunc, deprehendatur  
signandi se cruce frequentia, ut latere ob id Ethnicos non possent: *La-  
tebisne*, ad uxorem scribit TERTULLIANUS, *tu, cum lectulum, cum corpu-  
sculum tuum signas?* In libro autem de corona milit. c. 3. *Ad omnem  
progressum, inquit, atque promotum, ad omnem aditum & exitum, ad  
vestitum & calceatum, ad lavacra, ad mensas, ad lumina, ad cubilia, ad  
sedilia, quacunque nos conversatio exercet, frontem crucis signo terimus.*  
*Harum & aliarum eiusmodi disciplinarum, si legem expostules scriptura-  
rum, nullam invenies: traditio tibi prætendetur auctrix, consuetudo con-  
firmatrix, & fides observatrix.* Perinde S. BASILIUS lib. de spiritu S.  
c. 27. *Si, inquit, consuetudines, quæ scripto proditæ non sunt, tanquam  
haud multum habentes momenti, reiicere conemur; imprudentes & ea  
damnabimus, quæ in evangelio necessaria ad salutem habentur, imo po-  
tius ipsam fidei prædicationem ad nudum nomen contrahemus: quod ge-  
nus est, ut eius, quod primum est, & vulgatissimum, primo loco men-  
tionem faciam, ut signo crucis eos, qui spem collocarunt in Christum, si-  
gnemus, quis scripto docuit?*

Catech. IV.  
p. 58.

Intelligi hoc potest de celebri initiandos cruce signandi ritu. Ad  
hos vero verba faciens ad communem etiam ac promiscuum ulum hor-  
tatur fideles S. CYRILLUS *Hierosol.* cum forte iam tunc salutaris ille  
mos remitteret: „Crucifixum annuntiamus & tremunt dæmones, multi  
diversis temporibus cruci affixi sunt: verum cuiusnam alterius in cru-  
cem acti invocatio dæmones usquam effugavit? Nec ergo Christi cru-  
cem erubescamus. Sed etiam si alter abscondat, tu palam in fronte ob-  
signa, ut dæmones regium signum intuentes, procul fugiant tremebun-  
di. Fac vero hoc signum, dum manducas, & bibis, sedes, recubas,  
exurgis, loqueris, ambulas, verbo dicam, omni in negotio.“ Sic etiam

Tract. I. de  
lect. Evang.

S. GAUDENTIUS *Brixienfis*: „Sit sermo Dei & signum Christi in corde,  
in ore, in fronte: inter cibos, in lavacris, in cubilibus, & in ingressu  
& egressu, in lætitia, in mœrore.“ Eadem ac plura adhuc alia recen-  
set ex S. EPHREM imprimis *Iac. GRETSERUS* lib. IV. de cruce cap. 10.  
*veteres Christianos omnibus rebus crucis signum adhibuisse.* Diutius  
hunc usum in coetibus monasticis perseverasse colligimus ex GREGORIO  
*Turonensi de vit. SS. PP. c. 5. Veniat benedictus, veniat religiosus, qui  
orare non desinit, qui crucem auribus & oculis semper imponit, qui viis  
suis itineris sui salutaria vexilia præmittit.*

T. I. Opp.  
p. 351.

Ecclesia porro hætenus in publicis suis ritibus antiquam illam cele-  
bri-

britatem conservat, de qua antiqui SS. PP. testantur, veluti S. CHRYSOSTOMUS: „Omnia per illud administrari, quæ apud nos transiguntur mysteria. Sive enim regenerari oportet; adest crux: sive mystica illa nutriri oportet alimonia: sive ordinibus initiari, sive quid aliud facere, ubique salutis hoc adest signum: ac propterea & in ædibus, & in parietibus, & in fenestris, & in fronte, & in mente magno studio illud inscribimus.“ Et S. AUGUSTINUS: „Quod signum nisi adhibeatur sive frontibus credentium, sive ipsi aquæ, qua regeneramur; sive oleo, quo chrismate ununtur; sive sacrificio, quo aluntur, nihil eorum rite perficitur.“ Et in append. T. V. Ivo Carnotensis: „Huius crucis Mysterio rudes catechizantur: eodem Mysterio fons regenerationis consecratur: eiusdem crucis signo per manus impositionem baptizati dona gratiæ accipiunt: cum eiusdem crucis charactere basilicæ dedicantur, altaria consecrantur, altaris sacramenta cum interpositione dominicorum verborum conficiuntur: Sacerdotes & Levitæ per hoc idem ad sacros ordines promoventur: & universaliter omnia ecclesiastica sacramenta in huius virtute perficiuntur.“

Hom. 54. 773  
Matth.

Tract.  
CXVIII. 172  
Ioan. T. III.  
P. II. p. 801.

Serm. 25. de  
diversis.

XIX. S. AMBROSIIUS in libro de initiandis cap. 3. de aquæ consecratione ad solemnem in ecclesia baptismum agens „*Merrha* (inquit) fons amarissimus erat: misit in eum MOYSES lignum, & dulcis est factus. Aqua enim sine prædicatione dominicæ crucis ad nullos usus futuræ salutis est: cum vero salutaris fuerit crucis mysterio consecrata, tunc ad usum spiritualis lavacri & salutaris poculi temperatur: sicut ergo in illum fontem MOYSES misit lignum, hoc est, propheta; ita & in hunc fontem sacerdos prædicationem dominicæ crucis mittit, & aqua fit dulcis ad gratiam.“ De consecratione huius aquæ baptismalis diximus alibi: eam exorcizari, ac purgari, in concilio Carthaginensi sub S. CYPRIANO non unus ex episcopis ceu rem assertam accipit. Conveniuntque antiquissimæ liturgiæ, ac in Missali Gothico quidem hæc leguntur. *Exorcizo te creatura aquæ. Exorcizo te omnis exercitus diaboli, omnis potestas adversaria, omnis umbra demonum &c.* Habetur in aliis præterea veluti in Gelasiano sacramentario peculiaris benedictio aquæ ad succurrendum, in firmo scilicet, sicque incipit: *Exorcizo te creatura aquæ per Deum vivum &c.* Et altera: *Exorcizo te creatura aquæ in nomine Dei Patris omnipotentis, & in nomine IESU Christi Filii eius, & sancti Spiritus. Omnis virtus adversarii, omnis incurio diaboli, omne phantasma eradicare & effugare ab hac creatura aquæ &c.* Et postea in benedict. aquæ spargendæ in domo eadem ad verbum leguntur, quæ hodieque in benedictione aquæ benedictæ habentur iuxta Missale Romanum: ut creatura

Exorcismus  
aquæ.  
T. III. pag.  
411.

Lib. I. n. 73.  
seq.

N. 75.

Lib. III. n.  
75. & 76.



*mysteriis tuis serviens ad abiiciendos damones, morbosque pellendos divina gratia sumat effectus &c.* Et mox in oratione, quæ dicitur, *Exorcismus aquæ: Omnis virtus adversarii, omnis incursio diaboli, omne phantasma, omnem inimici potestatem eradicare, & effugare ab hac creatura aquæ &c.* Item orat. pro aspersione aquæ rogatur Deus, *ut nullam scævienti adversario tribuat potestatem; sed propria Deo dicta sit domus, ut nullam in ea inimicus licentiam habeat nocendi.*

Libro VIII. *Constitutionum apostol. c. 19. de benedictione aquæ & olei, MATTHÆO ea apostolo tribuitur; in decretalibus, ANASTASIO item bibliothecario, WALAFRIDO, aliis etiam recentioribus ALEXANDRO I. P.*

*Sæc. VII.  
Lib. I. de  
Gloria Mar-  
tyrum c. 24.*

Communi iam usu domum portatam fuisse ex GREGORIO *Turonensi* discimus: *Omnis, ait, populus pro devotione haurit, & vas plenum domi pro salvatione reportat, agros vineasque aspersione saluberrima tutaturus.* Constat eam tam in Oriente quam Occidente hauritam pro potu fuisse: eoque sensu sunt etiam, qui GREGORIUM *Turonensem* interpretentur.

Aquam in vigilia Epiphaniæ hodieque solemni imprimis ritu consecrari solitam, qui *Græcis μέγας ἀγιασμός* dicitur, iam S. CHRYSOSTOMO memoratur, quæ domi integro anno, atque adeo biennio & triennio sæpe servata ab omni corruptione immunis: *ac post tantum temporis cum iis, quæ nuper fuerint e fontibus eductæ, certat.* Ut loquitur in hom. de baptismo Christi.

Apud Edm. MARTENIUM T. II. *de rit. lib. III. c. 9. p. 994. legitur ritus & ordo conficiendi aquam benedictam tempore mortalitatis, seu etiam furoris hominum, vel rabiei bestiarum celebrandam, ut quicumque ex ea gustaverit, mentis & corporis recipiat sanitatem: ubi præter ordinarium exorcismum sequitur alius, ut per hanc creaturam aquæ savi artis inimici tota vis comprimatur, omnes fugentur diaboli exercitus, retundanturque satanæ incursiones.*

*Heres.  
XXX. n.  
12.*

Singularis est formula iam laudati IOSEPHI, qui ex *Iudæo* Christianus a CONSTANTINO M. facultatem nactus ædificandorum templorum, cum tale apud *Tiberiadem* moliretur, ignis vero artibus magicis *Iudæorum* impeditus calcem non excoqueret: „Commotus (ut rem ex ipsius ore narrat EPIPHANIUS) & zelo erga Dominum correptus accurrit: & ubi aquam in vase afferri iussisset, accepto vase coram omnibus (multitudo enim ingens *Iudæorum* confluxerat ad spectaculum, eventum videre cupidi, & quid IOSEPH facturus esset) magna voce crucis signaculum digito vasi imposuit, & invocato nomine IESU sic dixit: *In nomine IESU Nazareni, quem crucifixerunt patres mei, & omnium horum circumstantium fiat virtus in hac aqua ad reprobationem omnis incantationis ac magiæ,*  
quam

quam hi fecerunt, & ad efficaciam potentiae ignis ad perficiendam domum Domini: & sic accepit aquam in manum & de aqua singulas fornaces asperfit; & dissoluta sunt incantamenta, & ignis coram omnibus emerfit.

In vita S. HILARIONIS narrat S. HIERONYMUS, ITALICI *Gazensis* equis *T. IV. p. 80.* maleficio impeditis in cursu, ineptum quidem visum esse venerando seni, in huiusmodi nugis orationem perdere; „Rogatus tamen a fratribus, qui aderant, scyphum fidelem, quo bibere consueverat, aqua iussit impleri, eique tradi. Quem cum ITALICUS accepisset, stabulumque & equos & aurigas suos, & rhedam, carcerumque repagula aspersisset, sublatum subito est omne impedimentum. „Clamor fit vulgi nimius (subdit) ita ut ethnici quoque ipsi concreparent: *Marnas victus est a Christo.* Porro furentes adversarii HILARIONEM maleficum Christianum ad supplicium poposcerunt. Indubitata ergo victoria & illis, & multis retro Circensibus plurimis fidei occasio fuit.

Supra nonnulla exempla addidimus ex THEODORETI historia religiosa aquae a viris sanctis oratione signoque crucis sacratae in huiusmodi maleficiis salutaris. Ex eodem etiam THEODORETO refertur in historia tripartita lib. IX. MARCELLUM *Apameæ* episcopum iussisse fanum *Iovis* diruendum aspergi: *quod cum fuisset factum, demon effugit, non ferens aquae virtutem.* Plura ad rem collecta leges apud GRETSERUM lib. II. de benedictionibus cap. II. *Per aquam benedictam diabolicas machinationes, fraudes, incantationes, atque prastigias infringi ac deiici.* Et cap. 14. *Loca demonibus infesta per aquam benedictam purgata.* Cap. 15. *Dæmones aqua benedicta ab obsessis exacti.*

XX. Aquae exorcizatae misceri solet sal (ut de orientali etiam ecclesia ex nono canone constat) similiter exorcizatum ad expellendas & excludendas omnes demonum tentationes iuxta sacramentarium *Gelasianum*. Ubi sequitur rubrica: „Deinde mittis ipsum sal in aqua, & exsufflas in ea, dicis: *Deus qui ad salutem humani generis maxima quaque sacramenta in aquarum substantia condidisti.* Et cætera sicut superius scriptum est. Hic „mittis vinum in ipsa aqua.“ In oratione autem solius aquae fit mentio ad rem his verbis: *Ut ubicumque adpersæ fuerint, statim arreptus effugiat: & sit illi, Domine, hæc aqua adspersionis velut clibanus ardens ignis inextinguibilis.* Cætera vitiata sunt: ubi iterum diaboli fit mentio. In benedictione seu exorcismo aquae & salis in vigilia Epiphaniæ haud absimilia legantur. Sacramentarium *San-Gallense* sæc. circ. X. in orat. *Super aquam & sal ad animalia*, defendi rogantur *per hanc creaturam salis & aquæ . . .*

Cum sale,  
pulvere,  
oleo.

Apud Cotel.  
ler. T. I. p.

90.

Lib. III. n.  
76.



T. II Opp.  
p. 1098.

a laqueis diaboli, ab infirmitate, & a temptatione (nempe ut sequens oratio habet, ab omni temptatoris incurfu) & ab invidia, & a malitia, a malis hominibus, a malo loquente, a malis oculis, a veneficiis, & ab aruspibus &c. Quam supra ex eodem Gelasiano sacramentario retulimus benedictionem salis & aquæ ad fulgura, ea ad verbum continetur in *San - Blasiano*, & *San - Gallensi* modo citato sacramentario, quod ex Gelasiano, Gregoriano, & Ambrosiano compositum est. In eodem codice in ordine baptismi sal benedicitur ad effugandum inimicum: veluti in ordinaria apud nos benedictione seu exorcismo exprimitur pluribus. Exorcismum salis & aquæ ad succurrendum ei, qui a dæmonio vexatur, legere est apud MARTENIUM T. II. de Ritibus lib. III. c. 9. p. 979. Ex vita S. BERNARDI auctore ERNALDO lib. II. c. 3. discimus tunc, sæc. XII. nimirum, energumenos ecclesiam ingressos salibus exorcizatis aspergi solitos, ad quod dæmon perinde, ac ad crucis signum, evangelium, vel S. liturgiam puerum vexabat, quem S. BERNARDUS aqua benedicta ori eius infusa confestim expulit.

Lib. III.  
hist. Angl.  
c. 11.

Mos porro antiquitus fuit tam in Oriente, quam Occidente sepulchra Sanctorum lavare, aut pulverem sepulchrorum radere, eoque aquam salutarem reddere: quarum rerum exempla apud GREGORIUM *Turonensem* sunt notata in *Annalibus Francorum* & alibi. De pulvere, in quem effusa fuit aqua, qua B. OSWALDI ossa fuerunt abluta, perhibet V. BEDA, quod dæmoniacum liberaverit, apud quem nihil profecerunt exorcismi. Idem in illud LUCÆ: *Interrogavit autem illum IESUS dicens: Quod tibi nomen est? At ille dixit Legio;* ex plurium fidei dignorum relatione se intellexisse dicit, frustra perdi operam, nisi circumstantiæ obsessionis cognita sint: „Quæ (subdit) mendacio simillima res, sed adeo vera & plurimorum attestazione notissima, ut quidam vicinus mihi presbyter retulerit, se quandam sanctimoniam feminam a dæmonio curare cœpisse; sed quamdiu res latebat, nihil apud eam proficere potuisse. Confesso autem, quo molestabatur phantasmate, mox & ipsum orationibus, cæterisque, quæ oportebat, purificationum generibus effugasse, & eiusdem feminæ corpus ab ulceribus, quæ dæmonis tactu contraxerat, medicinali studio adiuncto, sale benedicto curasse &c.“ Lib. VIII. c. 29. *Constitut. apost.* in benedictione aquæ & olei sic rogatur: *Da vim effectricem sanitatis, morborum expultricem, dæmonum fugatricem, omnium insidiarum profligatricem per Christum &c.*

Unctio Olei.

XXI. TERTULLIANUS in libro, quem ad SCAPULAM *Africæ* præfectum pro christiana religione scripsit, ad beneficia provocans, quibus a Christianis

nis ethnici etiam sunt affecti: „Nam (ait) & cuiusdam notarius, cum a *Cap. 4. p. 71.* dæmone præcipitaretur, liberatus est: & quorundam propinquus & puerulus. Et quanti honesti viri (de vulgaribus enim non dicimus) aut a dæmonibus, aut valetudinibus remediati sunt. Ipse etiam SEVERUS, pater ANTONINI, Christianorum memor fuit. Nam & PROCULUM Christianum, qui *Torpacion* cognominabatur, EUBODIÆ procuratorem, qui eum per oleum aliquando curaverat, requisivit, & in palatio suo habuit usque ad mortem eius.“ In exordio libri, quem contra *Gnosticos* latenter venenum suum insinuantes, *Scorpiace* inscriptum, edidit „In remediis (scribit) naturalia plurima, aliquid & magia circumligat. . . Nobis fides præsidium, si non & ipsa percutitur diffidentia signandi statim & adiurandi, & urgendi bestię calcem.“ Ita legitur in *Parisiensi* RIGALTII editione an. 1674. cum notis Ph. PRIORII, quæ talis est ad hunc locum: *In Agobardino legitur un-* *pag. 487.*  
*guendi*: quod & in editis observare licet, atque contextui apprime congruit, alibique a TERTULLIANO de salutari apud Christianos olei unctione dicitur, quo in Baptismi & Confirmationis sacramento inungimur; atque ante baptismum quidem oleo exorcizato, de quo S. CYRILLUS *Hierosolymitanus Catech. XX. mystagog. II. de baptisimi caerimoniis* n. 3. sic ef- *pag. 312.*  
fatur: „Igitur exorcizatum oleum symbolum erat communicationis pinguedinis Christi, quod quidem omne adversarię potestatis vestigium extemplo fugat. Quemadmodum enim insufflationes Sanctorum & invocatio nominis Dei flammę instar vehementissimę dæmones urit, & effugat; ita & exorcizatum istud oleum, per invocationem Dei & orationem tantam vim adsumit, ut non modo urendo peccatorum vestigia depurget, verum etiam omnes invisibiles Mali (spiritus) potestates in fugam agat.“

De oleo exorcizato inter canones synodi *Romani* ad Gallos episcopos a SIRICIO P. missos hic legitur: „De oleo sane exorcizato capien- *Siricii P. epist. 8. m.*  
dus ne brevis numerus dierum, multum in hoc proficit sermo. Fide enim quis sua plena purgatur. Si enim chrisma infusum capiti gratiam <sup>11.</sup>  
suam toti corpori impertit, nihilominus & tertio scrutinio scrutatus si oleo fuerit contactus non sæpe sed semel, virtute sua Deus operatur in tempore.“ Existimo autem vexatum illum INNOCENTII I. locum in epistola ad DECENTIUM, de his, qui post baptismum a dæmonio corripiuntur, commode intelligi posse de oleo exorcizato, cuius usus est contra dæmoniacas infestationes ante baptismum, etiam post baptismum adhiberi posse cum impositione manuum. Sic vero habet: „De his vero *T. II. Cont. edit. Labb. p. 1247.*  
baptizatis, qui postea a dæmonio, vitio aliquo aut peccato interveniente, corripiuntur, quæsivit dilectio tua, si a presbytero vel diacono pos-  
fiat aut debeant consignari. Nam ei manus imponenda omnino non



Lib. I. n. 40.

est, nisi episcopus auctoritatem dederit ita efficiendi." P. COUSTANT in editione epistolarum summorum Pontificum ponit post QUESNELLUM ad fidem codicum Mss. *designari* pro *consignari*, adnotatque etiam vocem *adsignari* reperiri in Msc. regio DIONISII, in cæteris autem libris extare *consignari*: quæ mihi etiam retinenda videtur lectio *Labbeana*, atque in plerisque monumentis antiquis pro unctione accipitur: In sacramentario *Gelasiano* feria quinta Cœnæ Domini in prima missa, quæ *chrismalis* inscribitur, post benedictionem olei ad ungendos infirmos, expletoque Canone notatur a diacono oblatum, ad benedicendum, oleum, quod in iam laudato cod. *san-Gallensi*, ubi eadem habentur, vocatur oleum pro infirmis vel pro populo: rogatur autem in benedictione: *Ut si quæ illis adversantium spirituum inharere, inhælere, reliquiæ, ad tactum sanctificati olei huius abscedant. Nullus spiritalibus nequitiis locus, nulla refugis virtutibus sit facultas, nulla insidiantibus malis latendi licentia relinquatur.* Et in altera, quæ mox sequitur, *Olei exorcizati confectio: omnis nequissima virtus adversarii, omnis inveterata malitia diaboli, omnis violentiæ incursio, omne confusum & cæcum phantasma eradicare, & effugare, & discede a creatura huius olei.* Infra lib. III. n. 76. in Bened. aquæ spargendæ in domo, hæc legitur rubrica: *Post hæc mittis oleo sanctificato in aqua, & sic aspergis ea cum hyssopo per domus.* Sequitur in cod. *san-Gall. Benedictio olei Ambrosi.* cum exorcismo; demum *Exorcismus olei ad omnem languorem* ubi hoc ad rem: „*Impetum quoque demonum, vel incursiones spirituum immundorum, atque legionum malignarum vexationes, umbras, & impugnationes, & investigationes, malignorum artes quoque malefactorum, Chaldaorum, auguriorum & divinatorum incantationes, & venena promiscua, quæ spirituum immundorum, & virtute nefanda, & exercitio diabolico conficiuntur, iubeas Domine per hanc invocationem tuam ab imis visceribus eorum omnia expelli venena, ut exiens inimicus de corporibus famulorum famularumque tuarum omnium confusus & excruciat, & nullam in eis maculam relinquens, a tuis sanctis angelis constringatur, & in infernum, sicut eum expectat digna sententia, gehennæ ignibus mancipetur, nec ultra habeat ad eos ingrediendi locum, sed salvatio famuli tui ab his omnibus malis, referant honori tuo laudes in perpetuum.* Sed sua se simplicitate maxima commendat, quæ hodieque est in rituali Rom. benedictio olei simplicis, hocque exorcismo orditur: *Exorciso te creatura olei per Deum Patrem + omnipotentem, qui fecit cælum & terram, mare & omnia, quæ in eis sunt. Omnis virtus adversarii, omnis exercitus diaboli, & omnis incursus, omne phantasma satanæ eradicare, & effugare ab hac creatura olei &c.* Concisior est hic in suo fonte, quam

quam prior ille exorcismus, seu benedictio olei ad omnem, cuiusmodi ampla ibi fit recensio, languorem, quem in usum passim a viris sanctis fuit adhibitum oleum.

SULPITIUS *Severus* in vita S. MARTINI c. 16. de puella ab eo a paralyfi sanata agens „ac primum (inquit) quæ erant illius familiaria in huiusmodi rebus arma, solo prostratus oravit. Deinde ægram intuens, dari sibi oleum postulat: quod cum benedixisset, in os puellæ vim sancti liquoris infudit, statimque vox reddita est &c.“ In dialogo autem III. „itidem de virtutibus B. MARTINI c. 2. dicitur, pusillum olei cum exorcismi præfatione benedixisse, atque ita in os puellæ sanctificatum liquorem, cum & linguam illius digitis teneret, infudisse.“ Teste PALLADIO in historia *Lausiaca* S. MACARIUS puerum energumenum oleo benedicto liberavit. S. AUGUSTINUS lib. XXII. *de civ. Dei* c. 8. *Hipponensem* quandam virginem scio, inquit, cum se oleo perunxisset, cui pro illa orans presbyter instillaverat lacrymas suas, mox a dæmonio fuisse sanatam. Apud THEODORETUM in historia religiosa legitur, parvo lecytho oleo pleno ad T. III. p. MARCIANI cellam deposito dæmonem ex ore puellæ itinere quatuor die- 786. rum distantis, eiicientis se virtutem testatum fuisse. Et APHRAATES mulierem, de qua supra, eiulantem miseratus *præstigiæ vim precibus re-* lb. p. 818. *pressit*, & allatum ab ea vasculum olei divina invocatione sanctificans, eo virum inungi iussit. Quod illa cum fecisset, viri amorem in se transtulit, eique persuasit, ut illegitimo thoro legitimum anteponeret.

XXII. Conveniunt omnia hæc exorcizata, sal, aqua, oleum sacrum Campanæ. in benedictione campanarum a multis retro sæculis solemni admodum ritu, ut suo loco vidimus, fieri solita. In aquæ autem, qua perfunditur, consecratione orat pontifex: *Ubi cumq; sonuerit hoc tintinnabulum procul recedat virtus insidiantium, umbra phantasmatum, incursum turbinum &c.* post primam autem in modum S. Crucis tactam unctionem olei: *Prosternat aereas potestates dextera tuæ virtutis; ut hoc audientes tintinnabulum contremiscant, & fugiant ante sanctæ crucis filii tui in eo depictum vexillum, cui flectitur omne genu, cælestium, terrestrium, & infernorum*: post alteram unctionem consimilem, ex chrismate etiam, pariter rogatur: *Ut ante sonitum eius longius effugentur ignita iacula inimici, percussio fulminum, impetus lapidum, læsio tempestatum.*

XXIII. Quemadmodum vero Iobi exemplum, aliæque a nobis supra recensitæ auctoritates circa dæmonurgiam generatim superstitionis suspicio- Thymijama- ta. ac diver- nem auferunt, ita quæ *Tob. VI.* de fugando extricandoque omni genere farum re- rum exor- cismi, dæmoniorum fumo incensi iecoris piscis leguntur, indicium præbent, in rerum natura esse quædam ad propellandos dæmones a divina providentia desti-



destinata, quod imitari solet fidelium cura in fumo seu thymiamate ex rebus nonnullis benedictione sacratæ, aut ad usum ecclesiæ adhibitis.

Pertinet huc in actione baptismi uti habitus seu exsufflatio ministri baptismi, ita etiam sal cum terra seu cinere mixtum, atque in sæpe laudato sacramentario *San-Gallenſi ritu Ambrosi. Benedictio S. Ambrosii ad cinerem & cilicium, de ieiunio, vel ad competentes. Exorcizo te cinis &c.* Obtinet adhucdum ex veteris poenitentiae disciplina benedictio cinerum fer. IV. in capite ieiunii, atque etiam in pontificali *Romano benedictio cilicii impositi in expulſione publice poenitentium ab Ecclesia in fer. IV. Cin.* Sed sine exorcismo, qualis in laudato cod. sub nomine S. AMBROSII habetur. Ad eundem ritum *Ambrosianum* pertinet in eodem cod. *Exorcismus floris vel frondium dom. indulgentiae: id est in palmis. Exorcizo te omnis creatura florum & frondium in nomine Patris omnipotentis, & nomine IESU Christi filii eius, omnis virtus adversarii, omnis exercitus diaboli, omnis spiritus inimici, omnis incurſio demonum eradicare & explantare ab hac creatura florum &c.* Et iterum: *Unde supra, alia benedictio super olivas. Ambrosiana.* Suntque variae eiusmodi benedictiones ac exorcismi creaturarum, quæ per peccatum dæmonibus obnoxiae sunt redditæ, ecclesiæ autem potestas est data, instaurandi omnia in Christo. Facit huc imprimis *benedictio pomorum* in Sacrament. *Gelas. lib. III. n. 39. Ut qui esu interdictæ arboris lethalis pomi in protoparente iustæ funeris sententiæ multati sumus, per illustrationem unici Filii tui redemptoris Dei ac Domini nostri IESU Christi, & Spiritus Sancti benedictionem sanctificata omnia, atque benedicta, depulsis atque abiectis vetusti hostis, atque primi facinoris insidiis salubriter ex huius diei anniversaria solemnitate diversis terræ edendis germinibus sumamus. Qui vivis &c.*

Ad ea, quæ de thymiamate modo diximus, pertinet benedictio incensi in laudato sacrament. *Ut sit servulis tuis vel ancillis tuis, munimentum tutelaque defensionis, ne intret hostis in viscera eorum, aditumque & sedem habere non possit &c.* Sicque ecclesia in benedictione cereorum, ad lumen sc. quo nihil magis potestatibus tenebrarum oppositum dici potest, *talem benedictionem signaculo crucis impertitur: ut quibuscunque locis accensa sive posita fuerint (candelæ benedictæ) discedant principes tenebrarum, & contremiscant, & fugiant pavidæ cum omnibus ministris suis ab habitationibus illis: nec præsumant amplius inquietare aut molestare servientes sibi omnipotenti Deo &c.*

ENNODIUS *Ticinensis* huc etiam respicit in benedictione cerei paschalis: *Adversus flabra ventorum, adversus spiritus procellarum tua iussa faciens, sit illi (si quis hinc sumserit) singulare perfugium, sit murus ab hoste fide-*

*fidelibus.* Ordo Romanus vulgatus de cereo paschali extra urbem verba faciens, plebi distribui dicit ad fumigandum scilicet in domibus suis, seu ponendum in agris vel in vineis propter illusiones diabolicas, sive contra fulgura & tonitrua. Iuxta eundem vero ordinem Romanum intra civitatem Romanam non sic benedicitur, sed mane primo sabbato sancto venit archidiaconus in ecclesiam & fundit ceram in vas maius & miscitat ibidem oleum, & benedicit ceram, & ex ea fundit similitudinem agnorum. In octava pascae, ut postea habetur, dantur agni cerei ab archidiacono in ecclesia post missam & communionem populo, & ex eis faciunt intra domos suas incensum accendi ad fumigandum in domibus suis pro quacunque necessitate. Refert hæc etiam GRETSEUS lib. II. de benedict. postquam multa de eulogiis dixisset, quorum instar quoddam sunt hi agni cerei.

XXIV. Iam notavimus ex BURCHARDI decreto canonem quemdam Eulogia. concilii Namnetensis cum subiecta oratione ad eulogias benedicendas seu panem benedictum: *Ut sit omnibus salus mentis & corporis, atque contra omnes morbos & universas inimicorum insidias tutamentum.* Quæ verba hodieque leguntur in *Rituali Romano* ad benedictionem panis: *ut sit omnibus sumentibus &c.* In vita S. PACHOMII legitur dæmoniacus T. V. P. II. p. 250. seq. per panem benedictum liberatus; alia nonnulla profert laudatus GRETSEUS c. 25. Quibus adiungi potest prolixa, quam refert Fr. Benin. CASA ecclesiæ Pisane canonicus in vita RAYMUNDI Pisani, sæc. XII. solitarii sanctitate celebris in *Hetruria*, formula aquæ & panis benedicendi: *ut omnis per eum infirmitas tollatur, & omnis phantasia sive diabolica præsentia, sive etiam illusio procul pellatur.* Ut inter alia habet.

XXV. Nihil frequentius, ut ROSWEIDUS in vitis Patrum adnotavit, Sufflatio, insufflatio, insputatio. pag. 1015. in Sanctorum gestis dæmonum exsufflatione, insufflatione, insputatione. Rei utriusque iam meminit TERTULLIANUS in lib. de idololatria a nobis iam citatus; *Quo ore Christianus thurarius, si per templa transibit, fumantes aras despuet, & exsufflabit, quibus ipse prospexit?* In apologetico: *ita, ait, de contactu, deque afflatu nostro contemplatione & representatione ignis illius correpti, etiam de corporibus nostro imperio excedunt invitati, & dolentes, & vobis præsentibus erubescetes.* Quod de igne dicit, lucem accipit ex S. CYRILLO Hierosolymitano iam etiam citato ita *Catech. II. myst.* loquente: *Nam ut insufflationes, sanctorum & nominis Dei invocatio tanquam vehementissima quædam flamma urit dæmones & in fugam convertit.* Agit de Catechumenis, quos insufflare ritus est, eadem de causa abigendi dæmones.

De S. GREGORIO Taumaturgo scribit S. GREGORIUS Nissæus in eius T. III. Bibl. PP. p. 461. vita, quod anhelitu oris sui velum afflarit, & obfesso illud imponens dæ-



monem expulerit. „Est quidem (addit) sane etiam hoc ex magnis illius miraculis, quod non aliqua curiosa excogitatione miracula sanationum efficeret; sed & ad dæmones expellendos, & ad corporis sanandas infirmitates sufficeret oris eius anhelitus, qui per linteum ægrotanti admovebatur. S. ANTONIUS abbas ipse de se narrat apud S. ATHANASIUM, dæmonem sibi conspicuum admodum excelsum, dicere ausum, se virtutem Dei esse & providentiam. *At ego tum magis, inquit, in illum insufflavi, prolato Christi nomine.*

Verberibus  
pulsi dæmo-  
nes.

Lib. VI. hist.  
eccl. c. 18.

XXVI. Mox addit: *Atque verberare conatus sum, ac re ipsa verberasse visum mihi est: statimque ille tantus, cum omnibus suis demonibus, in nomine Christi evanuit.* Narrat SOZOMENUS APELLEM quemdam monachum circa *Achorim*, in monasterio *Ægypti* multa edidisse miracula, & aliquando cum noctu operas fabriles fecisset, spectrum dæmonis forma pulcræ & exornatæ mulieris ei apparuisse, & ad libidinem incitasse. Sed APELLEM candens ferrum ex camino arreptum, in faciem dæmoni imegisse, atque ita spectrum illud fugisse, stridore & lamentatione suum dolorem testatum. Sic vero malignus ille etiam in hominibus, quos infestabat, aut obsidebat, meritas suas pœnas (*Germani usu loquendi dicerent seine heilige Schläg*) accepit.

Lib. II. dial.  
c. 4. T. II.  
p. 221.

pag. 261.

Qua ratione S. BENEDICTUS vagantem monachum virga percussum a dæmone liberasse apud S. GREGORIUM perhibetur: Nempe *expleta oratione vir Dei Oratorium egressus, stantem foris monachum reperit, quem pro cæcitate cordis sui virga percussit: qui ex illo die nil persuasionis ulterius a nigro illo puerulo pertulit, sed ad orationis studium immobilis permansit: sicque antiquus hostis dominari non ausus est in eius cogitatione, ac si ipse percussus fuisset ex verberere.* Idem postea cap. 30. narrat, quadam die dum ad beati IOANNIS oratorium, quod in ipsa montis celsitudine situm est, pergeret idem S. vir, ei antiquum hostem obviam factum cornu & tripedicam ferentem. „Quem cum requisisset dicens: *Quo vadis?* Ille respondit: *Ecce ad fratres vado potionem eis dare.* Itaque perrexerit venerabilis Pater BENEDICTUS ad orationem, qua completa concitus rediit. Malignus vero spiritus unum senioremonachum invenit aquam haurientem, in quem statim ingressus est, eumque in terram proiecit, & vehementissime vexavit. Quem cum vir Dei ab oratione rediens tam crudeliter vexari conspiceret, ei solummodo alapam dedit, & malignum ab eo spiritum protinus excussit, ita ut ad eum redire ulterius non auderet.“ Sic LEONTIUS *Neapolis Cypri* episcopus in vita SIMEONIS *Salis* refert, SIMEONEM inflicta alapa dæmonicum curasse.

Aut incre-  
pando.

XXVII. Resplendet ex his, iisque, quæ porro dicturi sumus, ex-  
fors

fors quædam ac singularis potestas, iis eximio Dei beneficio, qui fide præpollent, concessa, ad extorquendos, excludendosque dæmones, veluti de primis Christianis de magia tractans TERTULLIANUS perhibet, „qui *De animæ* (inquit) spiritualia nequitie, non quidem socia conscientia, sed inimi-<sup>c. 57.</sup> ca scientia novimus, nec invitatoria operatione, sed expugnatoria dominatione tractamus multiformem luem mentis humanæ.“ Nempe iuxta S. CYPRIANUM, „quantum illuc fidei capacis afferimus, tantum gratiæ inundantis haurimus. Inde iam facultas datur castitate sobria, mente integra, voce pura, virtute sincera, in medelam dolentium posse venenorum virus extinguere, animorum desipientium labes, reddita sanitate, purgare, infestis iubere pacem, violentis quietem, ferocientibus lenitatem: immundos & erraticos spiritus, qui sese expugnandis hominibus immerferint, ad confessionem minis increpantibus cogere; ut recedant, duris verberibus urgere; conflantes, eiulantes, gementes, incremento poenæ propagantis extendere, flagris cædere, igne torrere. Res illic geritur, nec videtur; occulta plaga, poena manifesta.“ Quam dire in evangelio vociferatos legimus in obsessis hominibus dæmones ad solam præsentiam Christi, veluti MARCI I. 24. &c. „*Quid nobis & tibi est IESU Nazarene: venisti perdere nos? Scio qui sis, Sanctus Dei.* Et comminatus est eis IESU dicens: *obmutesce, & exi de homine.*“ Qui MARCI & LUCÆ IX. MATTH. XVII. memoratur dæmoniacus, quem liberare non potuerunt discipuli, solummodo increpavit illum IESUS, & exiit ab eo dæmonium, & curatus est puer ex illa hora. MARCI I. 34. & LUCÆ IV. 41. <sup>Matth. 17.</sup> dicuntur exiisse dæmonia a multis clamantia & dicentia: *Quia tu es filius Dei: & increpans non sinebat ea loqui.*

Locum hunc S. ANTONIUS versans in oratione ad monachos, qua id potissimum agit, ut suis timorem dæmonum excutiat, utpote <sup>T. IV Bibl. PP. p. 640</sup> *invalidorum*, Dominus ergo, ait n. 12. *utpote Deus os demonibus obturabat: nos vero a sanctis eruditos par est imitari illos, & illorum æmulari fortitudinem.* THEODORETUS huc gladium spiritus, qui est verbum Dei Eph. VI. 17. interpretatus, *Increpat enim*, ait, *homo spiritualis diabolum, & aufugit.* Illustria huius rei prostant in vitis SS. PP. specimina ipsius cumprimis S. ANTONII a S. ATHANASIO, in vita item S. PAULI tum S. HILARIONIS a S. HIERONYMO, S. MARTINI a SULPITIO Severo & aliis scripta: in historia religiosa THEODORETI &c. dictis demum apophthegmatibusque S. MACARII & aliorum apud ROSWEIDUM & alios, ex quibus passim quædam in medium attulimus.

LACTANTIUS, qui libri II. Institut. de origine erroris caput 17. inscribit: *dæmones nihil posse in eos, qui in fide solidati sunt*, initio mox



obiectioni, quæ posset obrepere menti, occurrit: „Dicat fortasse aliquis, colendos esse ne noceant, siquidem possunt nocere. Nocent illi quidem, sed iis, a quibus timentur, quos manus Dei potens & excelsa non protegit, qui profani sunt a sacramento veritatis. Iustos autem, id est, cultores Dei, metuunt; cuius nomine adiurati, de corporibus excedunt: quorum verbis tanquam flagris verberati non modo dæmonas se esse confitentur, sed etiam nomina sua edunt.“

At nisi vi adigantur ad dicendam veritatem, & sese, qui & quales sint, prodendos, omni studio agunt, ut lateant, suasque tegant infestationes sub causis etiam malisque naturalibus, uti iam in lunatico aliisque evangelicis energumenis vidimus. Neque adeo mirum videri debet, si cubi gentium ignorentur, tutique delitescant, ubi aut nulla est, aut certe non exeritur in eos potestas, quam formidolosi tantopere exhorrent, ac refugiunt ipsi: tantum abest, ut timeri debeant, audacter potius provocandi, excutiendique a suis latibulis, atque palam faciendi: quod in evangelio actisque apostolorum sola præsentia, aut præcepto factum in dæmoniis, ac spiritu pythone legimus *act. XVI. 16.* huiusmodi etiam exemplum in vita S. HILARII *Arelatensis* a S. HONORATO *Massiliensi* discipulo relatum legimus *cap. 14.* „Præcepit, ut abiret malignus spiritus. Tum, quia videbat se aperte proditum, nec postmodum decipien-  
dis animabus clandestina fraude valiturum: Quo, inquit, vadam? Et Sanctus advertens, quantum Dei gratia suo ministerio effecisset, lætus exclamat: *Maximum purgati orbis indicium est, nescire quo redeas.*“ Nempe sanctus episcopus suos *necessaria instructione* tum iam præmunierat, ut ibidem narratum est.

Cum indi-  
gnatione in-  
sta.  
pag. 261.

XXVIII. Apud S. GREGORIUM lib. II. dialog. cap. 30. de monacho a dæmone liberato solummodo inflictæ alapa, ut modo retulimus, quaerit PETRUS: „Velim nosse, si hæc tanta miracula virtute semper orationis impetrabat, an aliquando etiam solo voluntatis exhibebat nutu?“ Respondet S. GREGOR. „Qui devota mente Deo adhærent, cum rerum necessitas exposcit, exhibere signa modo utroque solent, ut mira quæque aliquando ex prece faciant, aliquando ex potestate. Cum enim IOANNES dicat: *Quotquot autem receperunt eum, dedit eis potestatem filios Dei fieri.* Qui filii Dei ex potestate sunt, quid mirum si signa facere ex potestate valeant? Quia enim utroque modo miracula exhibeant, testatur PETRUS, qui TABITHAM mortuam orando suscitavit, ANANIAN vero & SAPHIRAM mentientes morti increpando tradidit. Neque enim orasse in eorum extinctione legitur, sed solummodo culpam, quam perpetraverant, increpasse.“

Exem-

Exemplum lib. I. dialog. cap. 4. de EQUITIO abbate provinciæ *Vale-* pag. 165.  
*ria* attulerat, moniali in horto, dum oblita signo crucis benedicere lactu-  
 cam momordit, dæmone obsessa, *hic gravi indignatione vir Dei prace-*  
*pit, ut discederet, & locum in omnipotentis Dei famula non haberet. Qui*  
*protinus abscessit, nec eam ultra contingere prævaluit.* Idem lib. III. c. pag. 283.

4. narrat de DATIO *Mediolanensi* episcopo in itinere *Constantinopolim Co-*  
*rinthi* sibi hospitium feligente domum a maligno spiritu infestatam, ut  
 incolæ præmonebant; is vero nihilominus „securus illam, antiqui hostis  
 certamina toleraturus intravit. Itaque intempestæ noctis silentio, cum  
 vir Dei quiesceret, antiquus hostis, immensis vocibus, magnisque clamo-  
 ribus cœpit imitari rugitus leonum, balatus pecorum, ruditus afinorum,  
 sibilos serpentium, porcorum stridores, & soricum. Tunc repente DA-  
 TIUS tot bestiarum vocibus excitatus surrexit, vehementer iratus, &  
 contra antiquum hostem magnis cœpit vocibus clamare dicens: *Bene ti-*  
*bi contigit, miser, tu ille es, qui dixisti: Ponam sedem meam ad aqui-*  
*lonem & ero similis altissimo: ecce per superbiam tuam porcis & sorici-*  
*bus similis factus es: & qui imitari Deum indigne voluisti, ecce, ut di-*  
*gnus es, bestias imitaris.* Ad quam eius vocem, ut ita dicam, deiectionem  
 suam malignus spiritus erubuit. An non erubuit, qui eandem do-  
 mum ad exhibenda monstra, quæ consueverat, ulterius non intravit?“

Hæc S. GREGORIUS. Utriusque generis exemplum una sermonis rei que  
 gestæ serie S. BERNARDUS in vita S. MALACHIÆ c. 20. enarrat. „Erat  
 (inquit) mulier in civitate *Culratim* dæmonium habens. Vocatus est  
 MALACHIAS: orat pro addicta, urget invasorem, exit. Sed nondum ex-  
 saturata nequitia eius, miseram invadit mulierculam, quæ forte prope  
 assisteret.“ Et MALACHIAS, „Non ad hoc, inquit, tibi illam tuli, ut  
 hanc pervaderes; exi ab ea. Paret, sed repetit priorem. Qua denuo  
 pulsus, recurrit in alteram. Ita per aliquod spacium alternatim vexabat  
 illas, hinc inde refugiens. Tunc sanctus indignans sibi illudi a dæmo-  
 ne colligensque spiritum infremuit, & totis viribus fidei facto impetu in  
 adversarium, ab utraque fugavit, & quidem non minus vexatum his,  
 quam vexaverat ipse.“

T.I. p.673.

S. ATHANASIUS vero in vita S. ANTONII n. 64. in uno homine a dæmo- T.I. p.843.  
 ne vexato utrumque nobis ostendit. „Et (ut rem narrat S. doctor) tam  
 furiosus erat dæmon ille, ut ignarus esset se ad ANTONIUM adduci, imo  
 sui corporis comederet excrementa. Rogabant itaque, qui ipsum adduxe-  
 rant, ANTONIUM, ut oraret pro illo. ANTONIUS adolescentem miseratus,  
 precabatur, totamque noctem cum eo duxit insomnem. Iuvenisque circa  
 auroræ tempus de repente in ANTONIUM irruens, impulit eum. Quod



cum indigne ferrent comites eius, *Ne succenseatis*, ait ANTONIUS, *adolefcenti, neque enim illud agit ipse, sed qui in ipso est dæmon.* Increpat<sup>us</sup> autem dæmon, atque iussus in loca arida aufugere, id, furore percitus, aggressus est. . Domino itaque gloriam referte. Nam quod ille sic impetum in me fecerit, dæmonis exitus signum vobis fuit. Hæc loquente ANTONIO, statim sanatus est iuvenis: atque ad sanam rediens mentem, agnovit, quo esset loco, senemque amplexatus est gratias agens Deo.<sup>66</sup> Alterum ex Paralipomenis ad vitam S. PACHOMII de SS. PACHOMIO & THEODORO Abb. addam, ut a *Bollandianis* refertur T. III. *Maii* append. ad diem XIII. ubi cap. 3. dæmon utrique in specie formosæ fœminæ illudens, ad varias interrogationes S. PACHOMII respondet, a) sanctos viros frustra sollicitans, & facile explosus.

Iam

a) „Contigit quodam tempore, ut, dum PACHOMIUS unacum dilecto sibi THEODORO nocturnis horis intra monasterii septa deambularet, subito & a longe visum utrique non levis momenti obiiceretur, quod in magnum sane errorem incautos erat natum inducere. Species porro obiiciebatur mulieris supra modum formosæ, ita ut THEODORUS eam spectans, haud parum animo commoveretur & turbaretur vultu. Quem ut B. PACHOMIUS adeo turbatum ac paventem aspexit, hoc modo affatus est: *Confortare in Domino, Theodore, neque angaris animo.* Quo dicto, Sanctus orationi vacare cœpit, ut illam horrore plenissimam visionem a se abigeret. Illis vero orantibus, magis etiam magisque viris sanctis appropinquabat impurum spectrum. Mulier ergo inverecunda, cum per orationem non repelleretur, magna dæmonum caterva eam præcedente, ad viros sanctos propius accessit, & hoc modo affata est; *Frustra estis; non enim quidquam modo adversum me potestis efficere: facultas siquidem mihi ab omnipotente Deo facta est, ut quoscunque voluero, tentare valeam; nec parum impendi temporis, hoc ut a Deo obtinerem.* Cum vero Sanctus ex ea quæreretur: *Tu autem unde es, aut quæ?* & quosnam suscepisti tentandos? illa respondens dixit: *Ego filia sum diaboli, & virtus eius universa; mihi namque omnis dæmonum multitudo servitium præstat. Ego sum, quæ præcipua inter Sanctos luminaria in terram deiecti. Ego sum, quæ Iudam ex apostolorum cœtu deturbatum*

*rapui. Potestatem ergo accepi, o Pachomi, tecum ut bello contendam: neque enim perpeti potui tantum dæmonum opprobrium. Nemo ita vires nostras immittit, ac tu: hoc quippe agis, ut pueris me ac senibus & adolescentulis calcandam obicias. Cumque tantam adversus me multitudinem concites, muro illos inexspugnabili circumdas, timore Domini, sic ut ministrorum meorum nullus appropinquare ulli vestram libere audeat. Hoc autem infortunii post Verbi divini incarnationem mihi contigit; per hanc namque potestas vobis data est omnem nostram conculcandi potentiam, nobisque illudendi.*

Interrogante eam deinde S. PACHOMIO: *Mene solum, an alios ut tentares venisti?* Respondit: *Te enimvero. & omnes qui tecum sunt.* Rursus ad illam PACHOMIUS: *Nonne & Theodorum?* Tam contra te, subiicit illa, quam contra Theodorum agendi potestatem habeo, sed propius vobiscum congregari minime valeo. Quærentibus illis, *Quam ob causam?* Respondit: *Si enim vos aggrediar, causa existam vestri potius lucri quam detrimenti, quoniam digni estis reperti, qui gloriam Dei propius intueamini. Verumtamen non omnium cum eis tempore versabimini, quos modo vestris precibus sic quasi muro protegitis atque defenditis. Tempus siquidem veniet, postquam vos, qui illos nunc a mea violentia custoditis, mortem obieritis, quo plenius inter eos latitiis versabor. Vos nempe illi estis, qui a tanta monachorum multitudine obrui me & conculcari fecistis.*

Iam ex S. HIERONYMO S. HILARIONIS attulimus verba, hominum T. IV. p. 82:  
 causa diabolum etiam iumenta corripere, ubi exemplum narratur Bactri  
 immanis cameli, qui iam multos contriverat, quem vero vilipendens  
 sanctus cicuravit: „Non me, aiebat, terres diabole, tanta mole corporis:  
 & in vulpecula, & in camelo unus atque idem es. Et interim porrecta  
 stabat manu. Ad quem dum furens, & quasi eum devoratura bellua  
 pervenisset, statim corrui &c.“ SULPITIUS Severus narrat dial. II. c. 9.  
 S. MARTINO Treviris revertenti, se præsente tunc, obviam factam vac-

cam,

Cumque S. PACHOMIUS quæreret: Unde autem nosti, eos, qui successuri nobis sunt, commissos sibi subditos, non æque ac nos facimus, in DEI timore esse conservaturos, quantum quidem in ipsis futurum est? Tum illa: Probe equidem novi. Ac rursus magnus PACHOMIUS: Mendacium hoc ex impio tuo cerebro comminisceris, cum nihil omnino, quod futurum est, absque errore cognoscere valeas; Deo siquidem soli tantum prerogativa competit. Tum illa respondens dixit: Per præscientiam quidem, ut vere dicatis, nihil omnino novi, quod soli Deo proprium; sed coniectando præscire me, quæ deinde secutura sunt, asserui. Quærente porro PACHOMIO: Quam enim in coniectando rationem observas? Ex iis, reponit illa, quæ facta aliquando novi, de futuris coniecturam facio. At quomodo? interrogat PACHOMIUS: Tunc illa: Novi, inquit, quod omni rei principium intenso desiderio feratur in id, quod propositum est, maxime ubi de hominis cum Deo coniunctione & cælesti vocatione agitur; quam Dei voluntate, per signa & prodigia, & varias virtutes firmatam, sibi quasi murum circumdant, qui ad eandem contendunt. Primum porro istud ac vehementissimum desiderium postquam temporis tractu ad quandam veluti senectutem pervenerit, crescere mox atque augeri desinit: quod cum fit, tandem vel longitudine temporis plane interit, vel vitiis ita ut morbis, paulatim corrumpitur, vel neglectu atque contemptu hebes redditur.

Quid igitur est, quæsit rursus PACHOMIUS, quod ut tute dicebas, ad viros sanctitate magnos, ac non ad omnes potius fratres tentandos veneris? quoniam, ut modo etiam fatebare, proprium hoc tibi est, ut animas pessumdes, & tantis

supra demones omnes viribus polles, ut cum viris adeo præclaris congregari minime dubites. Ad quem illa: Iam nunc tibi dixi, quod ex quo tempore gratia ac virtus Servatoris in terra apparuit, viribus admodum debiles sumus redditi, ita, ut passeris in morem a viris Deo servire volentibus constricti, a spiritualibus præsertim hominibus ludibrio habeamur. Atamen quantumvis fracti viribus, non tamen quantum in nobis est adversari vobis, ac malitia nobis insita semen in eis, qui se nobis opponit, animum spargere cessamus. Quod quidem ab eo recipi cum videmus, & locus nobis datur hominem expugnandi, tum sane omnes ad voluptatem illecebras magis accendimus: econtra autem, si, quod iacimus semen, admittere per Dei gratiam & fidem recuset, non aliter ac fumus in aera resolvitur, ita & ipsi nos evanescentes. Hanc igitur ob rem permissum nobis non est, omnes indiscriminatim aggredi, quod non omnes ea sint virtute & perfectione conspicui. Etenim si adversus omnes depugnare nobis daretur, haud sane paucos, qui vestra nunc custodia protegentur, in fraudem impulissent. Tum ad eam Sanctus: O vestram sopiri nesciam perversitatem! non cessatis humanum genus impugnare, donec divina gratia vis vestros conatus omnino dissipet. Quo dicto, visionem omnem eo, quo voluerat modo, fecit ut desineret, iniungens impuro spiritui, ut numquam deinceps monasterii septis appropinquaret. Facto deinde mane, fratrum præcipuos in unum convocat, & quæcunque obiecta sibi fuerant, quæque a tentatore demone audiverat, exponit. Quin etiam ad reliquorum omnium monasteriorum rectores litteras exarans, proposita ob oculos universa rei, ut gesta erat, serie, in Dei illos timore conservavit.“



cam, quam dæmon agitabat: „Quæ relicto grege suo, in homines ferebatur, & iam multos petulca confoderat. Verum ubi nobis coepit esse contigua, hi, qui eam eminus sequebantur, prædicere magna voce coeperunt, ut caveremus. Sed postquam ad nos torvis furibunda luminibus propius accessit, MARTINUS, elevata obviam manu, pecudem confiltere iubet: quæ mox ad verbum illius stare coepit immobilis. Cum interea videt MARTINUS dorso eius dæmonem super sedentem: quem increpans, *Discede*, inquit, *funeste*, & *innoxium animal agitare desiste*. Paruit nequam spiritus & recessit. Nec defuit sensus in bucula, quin se intelligeret liberatam: ante pedes Sancti recepta quiete prosternitur: deinde iubente MARTINO gregem suum petit, seque agmini cæterarum, ove placidior, immiscuit.“

Soloque imperio.

pag. 20.

pag. 3.

XXIX. MATTH. VIII. 16. legimus, oblatos Christo vespere quodam multos dæmonia habentes: *Et eiiciebat spiritus verbo*. TERTULLIANO teste idcirco magus ac præstigiator habebatur Christus, quod etiam ex EUSEBIO confirmatur, qui lib. III. demonstrat. evang. c. 8. hanc blasphemiam copiose refellit. TERTULLIANI in *Apologetico*, qui eadem lib. III. contra MARCIONEM notat, hæc sunt cap. 21. „Quem igitur solummodo hominem præsumserant de humilitate, sequebatur, ut magum æstimerent de potestate, cum ille verbo dæmonia de hominibus excuteret &c.“ Et S. CYPRIANUS *de gratia Christi* ad DONATUM: „Quantus (inquit) hic animi potentatus, quanta vis est? non tantum ipsum (Christianum) esse subtractum perniciosis contactibus mundi, ut qui expiatus & purus, nulla incurfantis inimici labe capiatur; sed adhuc maiorem, & fortiolem viribus fieri: ut in omnem adversarii grassantis exercitum imperioso iure dominetur.“ Omnia complectitur ARNOBIUS lib. I. contra gentes de eadem facultate donisque, quæ vocantur gratis data, argumentum faciens in hæc verba: „Quid? quod virtutes, quæ sunt a nobis summatim (non ut poscebat magnitudo) depromptæ, non tantum ipse perfecit vi sua, verum (quod erat sublimius) multos alios experiri, & facere sui nominis cum adfectione permisit. Nam cum videret, futuros vos esse gestarum ab se rerum, divinique operis abrogatores, ne qua subesset suspicio, magicis se artibus munera illa beneficiaque largitum, ex immensa illa populi multitudine, quæ suam gratiam sectabatur admirans, piscatores, opifices, rusticanos atque id genus delegit imperitorum, qui per varias gentes missi, cuncta illa miracula sine ullis fucis atque adminiculis perpetrarent. Verbo ille compescuit verminantium membrorum cruces, & illi verbo compescuerunt furialium vermina passionum. Imperio ille uno exturbavit a corporibus dæmonas, & exanimatis suos restituit,

stituit sensus: sub eorum tortantes & illi se casibus, iussione non alia fanitati & constantiæ reddiderunt." Sic ille. *T. IV. Bibl. PP. ed. Ven. p. 143.*

Neque vero primis tantum illis nascentis adolescentisque ecclesiæ sæculis, nec penes eos tantum, qui ab ecclesia specialiter eam rite ordinati acceperunt potestatem, eam stetisse, exemplo demonstro ex S. GREGORIO lib. III. *Dial. c. 21.* de puella conversa, cuius solo imperio *pag. 328.* homo est a dæmone liberatus, a sanctimoniali nempe femina, quæ dæmoni „irato vultu magnis clamoribus imperavit dicens: *Exi ab eo, miser, exi ab eo, miser.* Ad cuius vocem mox per os vexati diabolus respondit, dicens: *Et si ab isto exeo, in quem intrabo?* Casa autem iuxta porcus parvulus pascebatur. Tunc sanctimonialis femina præcepit, dicens: *Exi ab eo, & in hunc porcum ingredere.* Qui statim de homine exivit, porcum, quem iussus fuerat, invasit, occidit, & recessit. " Ne vero de veritate dubium superesse queat, dicit S. Pontifex, rei, quam narrat, virum sanctissimum ELEUTHERIUM senem Patrem, de quo iam cap. 14. præclaram mentionem fecerat, testem extitisse, sibi que hoc intimare curasse. Id vero singulare prorsus præstigium est, quod ADAMANNUS in vita S. COLUMBÆ narrat, dum *quidam, qui maleficus erat, a Sancto iussus, de bove masculo, qui prope erat, lac arte diabolica expressit.* „Quod (addit) Sanctus, non ut illa confirmaret maleficia, fieri iussit, quod absit: sed ut ea coram multitudine destrueret. Vir itaque beatus vas, ut videbatur, tali plenum lacte, sibi ocysus dari poposcit: & lac cum sententia benedixit dicens: *Modo probabitur non esse verum, quod putabatis lac, sed demonum fraude ad decipiendos homines decoloratus sanguis:* & continuo lacteus ille color in naturam propriam, hoc est, in sanguinem versus est. Bos quoque, qui per unius horæ momentum turpi macie tabidus & maceratus erat, morti proximus, benedicta a Sancto aqua superfusus, mira sub celeritate sanatus est. " Narrat postea, quomodo idem vir sanctus fontem a veneficio expiarit, ex quo *bibentes aut in eo manus vel pedes de industria lavantes demoniaca, Deo permitte, percussi arte variis infirmitatibus revertebantur.*

XXX. De S. MARTINO ceu rem singularem refert SULPITIUS Severus *Contactu* Dial. III. c. 7. „Si quando autem (ait) exorcizandorum dæmonum MARTINUS operam recepisset, neminem manibus attrectabat, sicut plerumque per clericos rotatur turbo verborum; sed admotis energumenis, ceteros iubebat abscedere, ac foribus obferatis in medio ecclesiæ cilicio circumtectus, cinere respersus, solo stratus orabat. Tum vero cerneret miseros diverso exitu perurgeri hos sublati in sublime pedibus quasi de



nube pendere, nec tamen vestes defluere super faciem, ne faceret verecundiam nudata pars corporum. At in parte alia videres sine interrogatione vexatos & sua crimina confitentes: nomina etiam nullo interrogante prodebant, ille se *Iovem*, iste *Mercurium* fatebatur. Postremo cunctos diaboli ministros cum ipso cerneret auctore cruciari. Ut iam in MARTINO illud fateamur impletum, quod scriptum est: *Quoniam Sancti de Angelis iudicabunt.*“ Hæc SULPITIUS.

pag. 304.

De oratione dicemus postea; de *contactu* verò perinde deque *afflatu* paullo ante testimonium publicum TERTULLIANI gentilibus exprobratum in apologetico audivimus, quomodo dæmones *de corporibus nostro imperio excedunt inviti*: libenter autem testes etiam adhibemus graves ac idoneos posteriorum temporum, quibus huiusmodi virtutes cessasse dicuntur, quales a Christo tactu subinde factas fuisse testantur evangelistæ, imo etiam in veteri iam testamento legitur; modum vero illum haud raro secuti sunt servi Dei. Talem nobis præsentat S. GREGORIUS M. ISAAC nomine lib. III. Dialog. c. 14. Quem superbiæ spiritu inflatus quidam alapa cum percussisset „hunc repente ultor spiritus invasit, & ad viri Dei vestigia stravit, ac per os illius clamare cœpit: ISAAC *me eiicit.* Vir quippe peregrinus, quo censeretur nomine, nesciebatur; sed eius nomen ille spiritus prodidit, qui se ab illo posse eiici clamavit. Mox autem super vexati corpus vir Dei incubuit, & malignus spiritus, qui eum invaserat, abscessit.“ Ad Christi vero instar est, quod S. GREGORIUS *Turonensis* de S. PATROCLO abbate narrat in vit. PP. c. 9. „Ingressus (ait) altas silvarum solitudines venit ad locum, qui dicitur *Mediocantus*, ibique constructa cellula in opere Dei vacabat. Atque inibi cum multos energumenos manu imposita per signum crucis effugatis dæmonibus mente integra reddidisset, unus ad eum rabidus adductus est, qui rictibus patulis dentibusque cruentis, quod attingere poterat, dentibus propriis laniabat, pro quo per triduum in oratione prostratus obtinuit ad illam divinæ miserationis potentiam, ut mitigato furore leto obnoxius mundaretur, immisissque in os eius digitis, fugato feralis atrocitatis spiritu, personam restituit incolumitati . . . per crucis sanctissimæ virtutem.“

pag. 1199.

S. MARTINUS, ut in eius vita narrat SULPITIUS, ingressus *Treviris* patrisfamilias cuiusdam domum in limine ipso restitit, dicens: „Horribile in atrio domus dæmonium se videre. Cui cum, ut discederet, imperaret, quemdam e familia, qui in interiore parte ædium morabatur, arripuit: sævire dentibus miser cœpit, & obvios quoscunque laniare. Commota domus, familia turbata, populus in fugam versus. MARTINUS se furenti obiecit, ac primum stare ei imperat. Sed cum dentibus fremeret,

hian-

hiantique ore morsum minaretur, digitos ei MARTINUS in os intulit : *Si habes aliquid potestatis, hos devora.* Tum vero, ac si candens ferrum faucibus accepisset, longe reductis dentibus, digitos beati viri vitabat attingere : & cum fugere de obsessio corpore poenis & cruciatibus cogere-  
tur, nec tamen exire per os liceret, foeda relinquens vestigia fluxu ven-  
tris egestus est. Interea (pergit c. 18. atque ad rem persequi licet) cum de motu atque impetu barbarorum subita civitatem fama turbasset, dæmo-  
niacum ad se exhiberi iubet : imperat, ut, an verus esset hic nuntius, fa-  
teretur. Tunc confessus est, sedecim dæmones fuisse, qui rumorem hunc per populum diffeminassent, ut hoc saltem metu ex illo MARTINUS oppi-  
do fugaretur, barbaros nihil minus quam irruptionem cogitare.“

XXXI Ante hæc narraverat Sulpitius eodem tempore, eademque <sup>Impositione</sup> in urbe TETRADI cuiusdam proconsularis viri servum dæmonio corre-<sup>manuum.</sup>  
ptum, dolendo exitu esse cruciatum. „Rogatus ergo MARTINUS, ut ei  
„manum imponeret, deduci eum ad se iubet; sed nequam spiritus nullo  
„proferri modo ex cella, in qua erat, potuit : ita in advenientes rabidis  
„dentibus sæviebat. Tum TETRADIUS ad genua beati viri advolvitur, o-  
„rans, ut ad domum, in qua dæmoniacus habebatur, ipse descenderet.  
„Tum vero MARTINUS negare, se profani & gentilis domum adire posse.  
„Nam TETRADIUS eodem tempore adhuc gentilitatis errore implicitus te-  
„nebatur. Spondet igitur se, si de puero dæmon fuisset exactus, Chri-  
„stianum fore. Ita MARTINUS imposita manu puero, immundum ab eo  
„spiritum eiecit.“ De S. AMBROSIO perhibet PAULINUS in eius vita num. T. IV. Opp.  
28. „In civitate *Florentinorum*, cum in domo clarissimi quondam viri <sup>p. VIII.</sup>  
„DECENTIS, & quod est amplius Christiani, maneret, filius eius PANSO-  
„PHIUS nomine, admodum parvulus, cum spiritu laboraret, frequenti o-  
„ratione, & impositione manus sacerdotis ipsius est sanatus.“ Quomodo  
hunc ipsum PANSOPHIUM mortuum post aliquantos dies ad vitam revocavit, <sup>ib. p. XII.</sup>  
ad nostrum nunc institutum non pertinet; id vero quod post multa n. 43.  
idem præfens spectator eius vitæ auctor memorat : „Multos diebus illis,  
„imponente illo manus & imperante, ab spiritibus immundis vidimus esse  
„purgatos.“ De S. GERMANO episcopo *Parisiensi* refert in eius vita FOR-  
TUNATUS *Pictaviensis* episcopus coætaneus, quod obsessæ mulieri manum  
imposuerit, & crucem imprefferit, dæmon vero per nares in forma muscæ  
cum sanguine copioso exiverit.

Libenter vero & peropportune hos in exemplum adduximus, quorum  
ille, S. AMBROSIIUS sc. liturgiæ *Mediolanensis*, quæ a suo nomine appella-  
tionem accepit, auctor; S. GERMANUS autem ex primoribus habetur li-



turgiæ *Gallicana* instauratoribus, ut adeo statum in ecclesia suis temporibus ritum impositionis manuum secuti fuisse censendi sint, quomodo etiamnum in ordinatione exorcistarum potestas datur *imponendi manus super energumenos sive baptizatos, sive Catechumenos*. Apud MARTENIUM de ritib. lib. III. c. 9. de arreptitorum seu energumenorum adiurationibus legantur ordines ex codd. Reg. & *Vindocinensi*, in quibus præscribitur, ut sacerdos, ad quem ductus fuerit energumenus, omnium peccatorum eius confessionem excipiat, *ponat manum in summitate capitis*, ac post multas preces signet eum ad frontem, ad oculos, ad aures, ad nares, ad pedtus, ad os, ad pedes, ad ambas manus.

Hoc argumento utitur P. COUSTANT in not. ad iam laudatam INNOCENTII I. ad DECENTIUM epistolam: ubi de unctione paullo ante olei agentes, vocem *designari*, seu *consignari* de unctione accipi posse censuimus, P. COUSTANTIO vero neutram aliud sonare debere videtur, quam simplex *signare*, nec me refragante, si de signo S. Crucis accipitur, quod perinde adhibitum ostendimus, ac etiam nunc manus impositionem adhiberi constat: de qua in illa INNOCENTII epistola hæc adduntur: „Nam eis (energumenis) manus imponenda omnino non est, nisi episcopus auctoritatem dederit id efficiendi. Ut autem fiat, episcopi est imperare, ut manus eis vel a presbytero, vel a ceteris clericis imponatur. Nam quomodo id fieri sine magno labore poterit, ut longe constitutus energumenus ad episcopum deducatur; cum si talis ei casus in itinere acciderit, nec perferri ad episcopum, nec referri ad sua facile possit.“

Sola etiam  
præsentia  
Sanctorum,  
aut rerum  
ad eos per-  
tinentium.

XXXII. EUSEBIUS H. E. lib. VII. c. 10. partem nobis epistolæ S. DIONYSII *Alexandrini* conservavit, in qua causam exponit persecutionis sub VALERIANO imperatore, qui initio principatus Christianis impense faverat, „totaque eius familia (sunt verba EUSEBII) piis hominibus abundabat, ac Dei ecclesia esse videbatur. Verum magister & archisynagogus magorum *Ægypti* ei tandem persuasit, ut ab hoc instituto descisceret; iubens, ut castos quidem & sanctos viros persequeretur atque occideret, quippe qui scelestis ac detestandis incantationibus adversarentur atque obstarent. Erant enim & sunt etiamnum eiusmodi, qui vel præsentia atque aspectu suo, & insufflantes dumtaxat ac vocem edentes, dæmonum præstigias disturbare possint.“ Meminimus iam S. GREGORII *Taumaturgi*, qui tunc temporis circa medium sæc. III. vixit, ac teste SOCRATE *eccl. c. 27.* dæmones absens etiam per epistolam fugavit.

Neque vero eiusmodi virtus Sanctis defuit, postquam ecclesia sub imperatoribus christianis principatum tenuit, eiusmodi quidem, qualis *Act. XIX.*

12. de S. PAULO memoratur, ita ut etiam super languidos deferrentur a corpore eius sudaria, & semicinctia, & recedebant ab eis languores, & spiritus nequam egrediebantur. Sulpitio dial. II. c. 8. femina memoratur, quæ partem straminis, in quo S. MARTINUS quieverat, sibi pro benedictione collegerat, energumeno, quem spiritus erroris agitabat, de cervice suspendit. Nec mora, dicto citius eiecto dæmone, persona purgata est. Et dial. III. c. 6. „Monasterium (inquit) beati viri duobus a civitate erat millibus disparatum: sed si quoties venturus ad ecclesiam, pedem extra cellulæ suæ limen extulerat, videres per totam ecclesiam energumenos rugientes, & quasi adveniente iudice agmina damnanda trepidare, ut adventum episcopi clericis, qui venturum esse nescirent, dæmoniorum gemitus indiceret. Vidi quemdam appropiante MARTINO in aere raptum, manibus extensis in sublime suspendi, ut nequaquam solum pedibus attingeret.“ Et postea cap. 14. „Vidi præterea ad pseudothyrum (posticum) monasterii ipsius adductum energumenum, & prius quam ad limen attingeret, fuisse curatum.“

Vid. Ioan.  
Vorstii not.  
ad hunc locum.

En oculatum testem Sulpitium S. MARTINI discipulum. Cuiusmodi alterum producere licet Paulinum vitæ S. AMBROSII scriptorem. Is postquam narrasset, mortua IUSTINA haruspicem INNOCENTIUM nomine, cum pro causa maleficiorum a iudice torqueretur, aliud quam interrogaretur, fateri cœpisse. „Clamabat enim (pergit n. 20.) ab angelo maiora tormenta sibi adhiberi eo, qui custodiret AMBROSIVM: quoniam temporibus IUSTINÆ ad excitanda odia populorum in episcopum, cacumen tecti ecclesiæ conscendens, medio noctis sacrificaverit. Sed quanto instantius & sollicitius opera maligna exercebat, tanto magis amor populi circa fidem catholicam, & Domini sacerdotem convalescebat. Misisse etiam se dæmones, qui illum necarent, fatebatur: sed dæmones renuntiassse, se non solum ad ipsum appropinquare minime posse, verum etiam nec ad fores domus, in qua manebat episcopus: quia ignis insuperabilis omne illud ædificium communiret, ut etiam longe positi urerentur: atque ita cessasse artes suas, quibus adversus Domini sacerdotem se aliquid posse arbitrabatur.“ Hæc, inquam, postquam narrasset, „Per idem tempus (subdit) cum vir illustris GROBUS puerum suum notarium, qui spiritu immundo graviter vexabatur, direxisset ad episcopum, egressum ex urbe dimisit diabolus, timens ad virum sanctum perducī. Atque ita puer, quamdiu Mediolani apud episcopum fuit, nulla comminatio diaboli apparuit. Sed ubi egressus Mediolano est, & prope urbem pervenit, idem spiritus, qui illum antea habuerat, vexare eum cæpit. Qui cum interrogaretur ab exorcistis, cur, quamdiu Mediolani fuisset, non in illo ap-



paruisset, confessus est diabolus timuisse se AMBROSIIUM, & ideo recessisse ad tempus, atque expectasse in illo loco, ubi ab illo recesserat, donec reverteretur: quo revertente, vas, quod deferuerat, repetisse. " Narrat postea n. 33. rem, cui ipse aderat, translationi nimirum S. CELSI M. ad basilicam apostolorum, ubi „cum tractaret episcopus, quidam de populo repletus spiritu immundo clamare cæpit, se torqueri ab AMBROSIO. At ille conversus ad eum ait: Obmutescere diabole; quia non te torquet AMBROSIIUS, sed fides Sanctorum, & invidia tua, quoniam illo vides ascendere homines, unde tu deiectus es: nam AMBROSIIUS nescit inflari. Quo dicto, ille, qui clamabat, obmutuit, prostratusque in terram est, nec amplius vocem, qua obstrepere posset, emisit. " Quodsi hæc energumenum ad captandum præsentis tunc & adhuc viventis S. Pastoris favorem finxisse, simulasseque forte quis in animum inducat, audiat, quid acciderit mortuo sancto pastore: „cum (ut idem refert n. 48.) corpus illius peractis sacramentis divinis de ecclesia levaretur portandum ad basilicam *Ambrosianam*, in qua positus est, ita ibi dæmonum turba clamabat, se ab illo torqueri, ut eiulatus eorum ferri non posset. Quæ gratia sacerdotis non solum in illo loco, verum etiam in plurimis provinciis usque in hodiernum diem manet. "

Ad Sancto-  
rum lipsa-  
na.

XXXIII. Præfens vero his omnibus aderat PAULINUS clericus ecclesiæ *Mediolanensis* sub S. AMBROSIO, eiusque plerumque, ut ex sermonis serie coniicitur, adhærens lateri. Conveniunt etiam PAULINI dicta cum iis, quæ scribit S. AMBROSIIUS, exempli causa, de solemni elevatione corporum SS. GERVASII & PROTASII, quando inter alia miracula „obsessa „etiam corpora a spiritibus immundis curata, summa cum gratia domum „repetebant, ringente tum IUSTINA cum *Arianis* in palatio, " contra quos dæmones ipsi testimonium reddere compellebantur. „Unus itaque (sunt „PAULINI verba) ex ipsa multitudine subito arreptus a spiritu immundo „clamare cæpit, ita torqueri eos, ut ipse torquebatur, qui negarent martyres, vel qui non crederent in Trinitatis unitatem, quam docet AMBROSIIUS. " Verba eadem fere S. AMBROSIIUS in epistola ad sororem suam habet, subditque n. 22. „Non accipio a diabolo testimonium sed „confessionem. Invitus dixit diabolus, sed exactus & tortus. . . Dicebant „hodie & superiore die vel nocte dæmones: *Scimus, quia martyres estis.* „Et *Ariani* dicunt: *Nescimus, nolumus intelligere, nolumus credere.* Dicunt dæmones martyribus: *Venistis perdere nos; Ariani dicunt: Non sunt dæmonum vera tormenta, sed ficta & composita ludibria.* Audivi „multa componi, hoc nemo unquam fingere potuit, ut dæmonem se „esse

Class. I. ep.  
22. T. III.  
p. 934.

„esse simulet. Quid illud, quod ita exagitari eos videmus, quibus  
 „manus imponitur? Ubi hic locus fraudi est? ubi suspicio simulandi?“  
 Qui his aderat præsens tunc *Mediolani* S. AUGUSTINUS lib. IX. Confess.  
 c. 7. eadem confirmat. „Cum enim (inquit) propalata, & effossa digno  
 „cum honore transferrentur ad *Ambrosianam* basilicam, quos immundi  
 „vexabant spiritus, confessis eisdem spiritibus sanabantur.“ Addantur, quæ  
 narrat lib. XXII. *de civitate Dei* c. 8. *de miraculis, quæ, ut mundus in*  
*Christum crederet, facta sunt, & fieri mundo credente, non desinunt.*  
 PAULINUS vero postea iterum, cum S. AMBROSIIUS in civitate *Florentia* N. 29.  
 reliquias SS. Martyrum VITALIS & AGRICOLÆ, quorum corpora in *Bono-*  
*nienſi* civitate levaverat, deponeret, magnam totius plebis lætitiā, pæ-  
 nam vero dæmonum confitentium martyrum merita commemorat. Et S.  
 AMBROSIIUS in sermone de his SS. NAZARIO & CELSO, *Cur autem, in-*  
*quit, non honorent corpus illud fideles, quod reverentur dæmones?* Argu-  
 mento hoc utitur S. HIERONYMUS contra VIGILANTIUM eiusque sectato-  
 res: etiam in cap. 65. ISAIE.

In epitaphio PAULÆ eadem etiam de sepulchris prophetarum ex ore *Epist. 86.*  
 ipsius PAULÆ cum viveret, affirmat: „Namque (inquit) cernebat variis *T. IV. pag.*  
 dæmones rugire cruciatibus; & ante sepulcra Sanctorum ululare homines *677.*  
 more luporum, vocibus latrare canum, fremere leonum, sibilare serpen-  
 tum, mugire taurorum: alios rotare caput, & post tergum terram ver-  
 tice tangere, suspensisque pede feminis, vestes (non) defluere in faciem.“  
 Est hic particula negativa addenda, ut in locis synonymis aliorum SS.  
 PP. Sic S. HILARIUS in libro contra CONSTANTIUM n. 8. „Plus cru- *pag. 1243.*  
 delitati vestræ (inquit) NERO, DECI, MAXIMIANE, debemus. Diabolum  
 enim per vos vicinus. Sanctus ubique beatorum martyrum sanguis ex-  
 ceptus est, & veneranda ossa quotidie testimonio sunt: dum in his dæ-  
 mones mugiant, dum ægritudines pelluntur, dum admirationum opera  
 cernuntur, elevari sine laqueis corpora, & suspensis pede feminis, vestes  
 non defluere in faciem, uri sine ignibus spiritus, confiteri sine interro-  
 gatione vexatos, agere omnia non minus cum profectu examinantis, quam  
 incremento fidei.“ His, quæ supra ex SULPITIO Severo dial. 3. de S. MAR-  
 TINO retulimus, congruunt. Eadem etiam leguntur in Nat. VII. S. FE-  
 LICIS apud PAULINUM. Idem in Nat. VI. S. FELICIS sic canit:

*Quis tantos agit huc populos! quanam manus urget  
 Dæmonas, invitosque rapit, frustra que rebelli  
 Voce reclamantes compellit ad usque sepulchrum  
 Martyris, & Sancto quasi fixos limine sistit?*

Facit



Facit ad rem S. VICTRICII *Rothomagensis* episcopi circa finem sæculi IV. liber *de Laude Sanctorum*, quem haud pridem abb. LE-BEUF ex msc. cod. S. GALLI annorum plus mille edidit, recusque extat T. VIII. Bibl. PP. edit. novæ *Veneta*. Ubi sic etiam perorat de sacris reliquiis, quas ex *Britannia* attulerat: „Ecce incumbit immundi pollutique spiritus tortor, nec venit sub aspectu illius, qui torquet. Nulla sunt vincula, & ligatur ille, qui patitur. Equuleum aeris habet ira cœlestis Nulla ungula est, & tanta sunt crimina confitentium: nullum vulnus apparet, & dentium stridor auditur: nulla interrogatio disceptantis, & sequitur permissio recedentis.“ Addit mox votum: „Sed nunc nobis, amantissimi, orandum est, non perorandum (orandum) inquam, ut a nobis omnis diaboli impetus repellatur, qui clandestino lapsu nostrum pectus ingreditur. Firmate igitur Sancti, vestros firmate cultores, ac petra angulari pectus instruite. Periculosus est hostis: omnes aditus, omnes explorat egressus. Sed nihil est verendum, grandis est occurrentium multitudo Sanctorum.“ Nec illud omittendum, quod ante hæc omnia idem n. 8. dixerat: „Ecce nobis velut prælato Reliquiarum suarum lumine tramitem veritatis ostendunt. Docent reverentiam, fidem, prudentiam, iustitiam, fortitudinem, concordiam, continentiam, castitatem, dum in obsessis corporibus, his quæ sunt contraria puniunt, & vitiorum amovent labes.“

pag. 231.

Ex *Græcis* SS. Patribus argumento hoc prima in IULIANUM invektiva & alibi veluti carmine iambico T. II. p. 216. usus est S. GREGORIUS Naz.

*Quid si commemorem illud, quod morborum ac demonum*

*Purgatio inde oritur incredibilis, vel ex tumultis ipsis.*

*Qui corpora quondam recipere meruerunt pretiosa,*

*Quæ spirituum malorum incursionibus restiterunt.*

Lib. I. T. I.

pag. 155.

Rememoranda hic sunt, quæ supra ex S. CHRYSOSTOMI sermone ad STAGIRIUM dæmone vexatum attulimus, ac imprimis arreptitio illi scrupulum illum eximere animo allaborat: „Cum tantum (inquit) tempus in ieiuniis ac pernoctationibus, & reliqua vitæ austeritate contriveris, nullam ærumnarum tuarum liberationem hætenus inveneris. Tertio: quod cum sanctus ille vir tantam in reliquis viris potentiam ostenderit, nihil eiusmodi potuerit in tua dilectione perficere, neque ipse, neque ii, qui cum illo erant, illo etiam in hoc genere potentiores, verum omnes re infecta abs te cum rubore discesserint.“ Loquitur hic de sancto viro adhuc in vivis existente, qui frustra operam suam, Deo ita in salutem haud dubie STAGIRII volente, impenderit, cum in aliis tantam potentiam ostenderit.

Alibi contentionem fidelium declarat ad Sanctos recurrenti, ut obsessi *T. III. pag. 321.*  
 liberentur: „Rursus (inquit) a dæmone si correptum videas, ad omnes  
 Sanctos curris, & eos, qui cacumina montium incolunt, interpellas, ut  
 illam eiusmodi furore liberent.“ In S. IULIANUM dum ostendit, quam *T. II. p. 674.*  
 dæmones martyrum sepulchra formident, sic argumentatur: „Quodsi  
 nunc tanto post tempore, cum pulvis & cinis est factus, suspicere in  
 monumentum non audent, nec in nuda Sancti ossa; minime dubium est,  
 quin tum quoque, cum illum sanguinem purpuratum videbant, vulneri-  
 bus undique amplius, quam solem radiis refulgentem, perculsi fuerint,  
 & oculis læsi recesserint.“ Homilia XIII. in MATTHÆUM hinc dæmonum *T. VII. pag. 175.*  
 cruciatus ac vim, quam patiuntur, ac ipsi ad sepulchra Sanctorum cla-  
 mantes, & ululantes fatentur inviti, expendens, „Unde igitur (inquit)  
 hæc dicunt, & contra, quam volunt, loquuntur? Non alia de causa,  
 quam quod maiori cruciatu cogantur. Neque enim vellent sponte con-  
 fiteri, vel se a mortuis hominibus torqueri, vel se omnino grave quid-  
 piam pati.“ Hom. XXVI. in ep. II. ad *Cor.* „Sanctorum ossa (inquit)  
 dæmones sistunt & excruciant, acerbissimisque illis vinculis eos, qui ad-  
 stricti sunt, solvunt. Quid hoc tribunali terribilius fingi potest? Cum  
 nemo cernatur, nemo dæmonis lateri incumbat, voces & dilacerationes,  
 verbera & cruciatus, linguæ conflagrantes audiuntur, dæmone admirabi-  
 lem potentiam minime ferente. Atque isti, qui corpora gestarunt, vir-  
 tutes corpore vacantes superant, pulvisque, ossa, & cinis naturas illas  
 invisibiles dilacerant. Ideo nemo est, qui peregrinationem unquam in-  
 ire sustineat, ut imperatorum aulas videat; contra multi plerumque im-  
 peratores peregre profecti sunt, ut hoc spectaculo fruerentur. Siquidem  
 sanctorum martyrum templa futuri iudicii vestigia & signa exhibent, dum  
 dæmones flagris cæduntur, hominesque castigantur, ac liberantur.“

Hæc passim spectacula ac beneficia alibi, tum alii etiam SS. PP. extol-  
 lunt, sermonibus publicis ad ipsa martyrum lipsana rem professi, veluti  
 MAXIMUS *Taurinensis* hom. de natali *Tauricorum* martyrum. „Cerni-  
 mus enim (inquit) ab iis frequenter obsessos immundissimis dæmonibus  
 homines liberari; ita ut cœlesti medicina & captiva anima de diaboli la-  
 queis eruatur; & ipse diabolus vinculis igneis alligatus producat de  
 sua captivitate captivus: ut qui prædam paullo ante ceperat, ipse subda-  
 tur in prædam. Hæc & alia potiora mirabilia per sanctos fieri omnibus  
 notum est.“ Et S. GREGORIUS M. Homil. XXXII. „Ad sanctorum  
 martyrum corpora consistimus, fratres mei. Nunquid isti carnem suam  
 in mortem darent, nisi eis certissime constitisset, esse vitam, pro qua mori  
 debuissent? Ecce qui ita crediderunt, miraculis corruscant. Ad extincta



namque eorum corpora viventes ægri veniunt, & a dæmonio vexantur, dæmoniacy veniunt, & liberantur. " De SS. Apostolorum præsertim PETRI & PAULI non solum martyriis, verum etiam S. PETRI vinculis similia memorantur ab aliis etiam posterioris ætatis scriptoribus, dum occasio se offert, veluti SIGEBERTUS testatur, quemdam OTHONIS imp. comitem a dæmone tam dire vexatum, ut se ipsum dentibus dilaniaret, ad catenarum S. PETRI contactum subito ab omni vexatione liberum remansisse. Sic apud GAUFRIDUM in vita S. BERNARDI dæmon ubi de capillis, & barba, dens item unus S. Patris pectori energumeni imponeretur, *Germanica* lingua per os eius capit horrendis vocibus nequam spiritus exclamare: *Tollite, tollite, amovete BERNARDUM*: & dicebat: *Heu quam ponderosus factus es BERNARDE, quam gravis, quam intolerabilis factus es mihi?* Cumque hæc & similia aliquamdiu clamitans loqueretur, factum est breve silentium, & subito frater idem Domino miserante purgatus &c.

Lib. IV. c. 4.  
T. VI. pag.  
1140.

Angelorum  
custodia.

Lib. VIII.  
27. T. I. p.  
761.  
Ib. n. 36.  
pag. 769.

Contra Cel.  
sum.

XXXIV. Quæ supra de duobus geniis, five bono & malo angelo, homini adhærente ex antiquissimis SS. Patribus attulimus, abunde nobis etiam præsidium illud, quod nobis angelus custos contra cacodæmonem continuo insidiantem infestantemque præstat, declarant; nostraque solum culpa accidit, ut maligno locus sit. ORIGENES Hom. XXXV. in LUCAM, & contra CELSUM ad allatum a nobis HERMÆ *Pastoris* locum provocat de duobus assistentibus cuique homini geniis, bono profligante conatus maligni, nisi secus culpa nostra accidat; quod nec S. PROSPER contra Collatorem seu CASSIANUM ad eundem PASTOREM Collat. VIII. c. 17. & Coll. XIII. c. 12. provocantem fieri negat, si illorum maleficio obnoxios nos reddamus. „ Neque enim (inquit ORIGENES) etiam si non ipsis benevoli „ sint dæmones, quidquam ab illis pati possunt. Hos quippe custodit sum- „ mus Deus ipsorum pietati benevolus, qui & divinos angelos eorum cu- „ stodiæ præficit, quos custodia dignos videt, ut nihil illis dæmones no- „ ceant.“ Et postea: „ Christianus (ait) verus inquam Christianus, qui so- „ lius Dei verbique imperio se subdit, cum dæmonibus præstantior sit, ni- „ hil a dæmoniis pati potest. Cuius rei causa est, quia castra metabitur an- „ gelus Domini in circuitu timentium eum, & eripiet eos, & eius ange- „ lus, qui semper videt faciem Patris cœlestis, eius preces per solum Sacer- „ dotem magnum semper universorum Deo offert, & ipse precatur cum „ eo, cuius ipsi commissa cura est. Ne igitur nos inanibus larvis terrefa- „ ciat CELSUS, minitans, nos dæmonibus, quos nihili ducimus, luituros „ poenas. Nihil enim spreti dæmones nocere possunt nobis, qui consecra-

„ ti

„ti sumtis illi, qui solus omnes suo auxilio dignos adiuuvare potest, qui-  
 „que præterea suos piis in illum angelos præficit, ut nec adversarii angeli,  
 „nec eorum princeps, vocatus huius sæculi princeps, facere quidquam  
 „possint adversus eos, qui Deo consecrati sunt.“

Idem lib. III. de Princip. c. 3. illud D. PETRI versans: *Quia adversarius* T. I. p. 145.  
*vester diabolus tanquam leo rugiens circuit, quarens quem devoret.* „Pro-  
 „pter quod (ait) die noctuque cor nostrum omni custodia servandum est,  
 „& locus non est dandus diabolo, sed omnia agenda sunt, quibus ministri  
 „Dei, hi videlicet spiritus, qui ad ministerium missi sunt eorum, qui ad  
 „hereditatem salutis vocati sunt, inveniant in nobis locum, & delectentur  
 „ingredi hospitium animæ nostræ, & habitantes apud nos consiliis suis re-  
 „gant; si tamen habitaculum cordis nostri virtutis & sanctitatis cultu inve-  
 „nerint exornatum.“ S. GREGORIUS Niss. in lib. seu Theoria de Vita MOYSIS T. I. p. 195.  
 ad veterem traditionem de duobus angelis provocat, asserens: „Deum la-  
 „psum nostrum providentia sua minime destituisse; sed angelum quem-  
 „dam ex iis, qui naturam corporis expertem sortiti sunt, adhibuisse ad  
 „uniuscuiusque vitæ tutelam, ac præsidium. At ex adverso naturæ cor-  
 „ruptorem pari machinatione contra niti, & pravo quodam, ac malefico  
 „adiuncto demone, humanæ vitæ perniciem afferre: porro hominem in am-  
 „borum medio constitutum, alterutrius adiunctum scopum ac propositum,  
 „( τὸν ἐκατέρω τῶν παρεπομένων σκοπὸν ) alterius propositum contrarium suo-  
 „pte momento valentius reddere.“ Vid. PETAV. de Angelis. lib. II. c. 8. pro-  
 ximeque antecedentibus & consequentibus, in quibus de custodia humano  
 generi ab angelis impendi solita copiose tractat. Referri huc etiam possunt,  
 quæ capite primo n. 39. de demonibus aereis potestatibus diximus descri-  
 psimusque visionem S. ANTONII ex S. ATHANASIO in eius vita n. 65. T. I.  
 opp. P. II. p. 843.

XXXV. Familiaris a prima ecclesiæ ætate SS. Patribus fuit EVÆ & B. Dei geni-  
 TRIÆ antithesis, quam non uno tantum edisserit loco S. IRENÆUS M. triciæ MA-  
 his autem dissertis verbis lib. V. c. 19. n. 1. quo cum EVA inobediente RIAE tutela,  
 & prævaricante comparatur B. Virgo MARIA, illius advocata. „Quemad-  
 modum enim (ait) illa per angeli sermonem seducta est, ut effugeret Deum,  
 prævaricata verbum eius; ita & hæc per angelicum sermonem evangeli-  
 zata est, ut portaret Deum, obediens eius verbo. Et si ea inobedierat  
 Deo, sed hæc suasa est obedire Deo, uti virginis EVÆ virgo MARIA fie-  
 ret advocata. Et quemadmodum adstrictum est morti genus humanum  
 per virginem, salvatur per virginem: æqua lance disposita, virginalis in-  
 obedientia, per virginalem obedientiam. Adhuc enim protoplasti pec-  
 catum per correptionem primogeniti emendationem accipiens, & serpen-  
 tis



tis prudentia devicta in columbæ simplicitate, vinculis autem illis resolutis, per quæ alligati eramus morti &c.“ Posteriores hanc periodum affert S. AUGUSTINUS lib. I. contra IULIAN. c. 3. Sententiam vero conformiter ad lectionem vulgatæ *Gen. III. 15. Ipsa conteret caput tuum* expressit altero post IRENÆUM sæculo, Christi tertio, martyr item ac episcopus *Patarensis* S. METHODIUS in sermone de SIMEONE & ANNA, quo die Domino in templo occurrerunt, ac de sancta Deipara, sic beatam virginem devoto compellans affectu: *Tu potentem illum decora corporis armatura induisti, quæ & is mihi redditus est oculis aspectabilis, ipseque, ut libere intuiturus possim accedere, accepi, quæ etiam omnia Mali illius ignita tela extinguere habent.* Quam vero beata virgo mater studiosa semper fuerit rerum, quæ ad salutem nostram attinent, fatagendi, illustre exemplum ante S. METHODIUM exhibet S. GREGORIUS *Nissanus* in vita S. GREGORII *Taumaturgi*. a) Extat etiamnum fidei expositio, quam per revelationem a beato IOANNE *Evangelista* mediante Dei genitrice MARIA V. accepit, cum adversus petram ecclesiæ portæ inferi impingerent. Huc cum primis facit, quod S. GREGORIUS *Nazianz.* orat. XVIII. de S. IUSTINA M. commemorat, quomodo tum S. Crucis signo, cum etiam invocatione B. Mariæ Virginis a CYPRIANO castitati structas magicis artibus infidias infregerit: *Virginem, inquit, MARIAM supplex obsecrans, ut periclitanti virgini suppetias ferret, ieiunii & chameuniæ pharmaco se se communit.*

T. III. Bibl. PP. p. 815.  
Ibid. p. 10.

Ibid. p. 385.  
& 447.

In editione operum S. GREGORII *Naz.* extat tragoedia *Christus patiens* inscripta, cuius auctor concilio *Ephesino* antiquior habetur: ibi autem frequens est ad B. M. V. supplicatio certa cum fiducia contra malignum av.

2609.

Ne

a) „Hic enim, cum per totam aliquando de ratione atque sermone fidei specularetur, variasque secum cogitationes agigaret (erant enim & tunc aliqui, qui piam religionis doctrinam adulterarent, per probabiles argumentationes sæpe etiam intelligentibus ac doctis veritatem ambiguam reddentes) pro qua tunc ei vigilant, & sollicitè noctem agenti quidam evidenter apparet in forma humana . . & ex adverso eius, quod prius apparuerat, aliud quoddam excellentius, & augustius, quam pro humana conditione, spectaculum in figura muliebri conspexit. Rursus autem perterritus, & facie averfa vultum in se ipsum inclinans, dubio ac plane perple-

xo fuit animo propter spectaculum, ut qui oculis apparitionem ferre nequirit. Etenim in hoc potissimum consistebat miraculum visionis, quod, cum profunda nox esset, lumen una cum illis, qui ei apparuerant, velut lucida aliqua fax resplendebat. Cum igitur oculis ferre apparitionem non posset, audivit fermocinationem quandam eorum, qui a se visi fuerant, explicantium inter sese rationem eius rei, de qua ambigebatur: per quos, non solum veram fidei cognitionem accepit, verum etiam nominatim eos, qui apparuerant, cognovit, utroque eorum propria appellatione alterum compellente, & alloquente. T. III. Bibl. PP. p. 447.

*Ne me ergo tradi tu finas tanquam ad crucem,  
Ludibrioque illius exponi, omnium  
Iuratus hostis qui sit, & mortalium  
Pestis, tuere me.*

A S. CYRILLO *Alexand.* homilia *Ephesi* in NESTORIUM habita, quando se- T. III.  
ptem ad sanctam *MARIAM* descenderunt, pie salutatur, depredicaturque Conc. edit.  
per quam daemones fugantur, per quam tentator diabolus cælo decidit &c. Labb. pag.  
BALSAMON in Can. 83. epistolæ BASILII ad AMPHILOCHIUM contra pytho- 586.  
nicos, veneficosque inducentes, *Eos ergo, scribit, qui vaticinantur, &*  
*non credunt per invocationem nominis Domini, & Dei, & Servatoris no-*  
*stri IESU Christi, Dei matris, & omnium Sanctorum omnem morbum &*  
*omnem ægritudinem curari, omneque veneficium & imposturam satani-*  
*cam virtute, & præsentia preciosa & vivifica Crucis a fidelibus expelli, sed*  
*potius miraculorum ostentatores, præstigiatoresque & gentium consuetudines*  
*sequuntur, & eos in ædes suas introducunt ad purgandam forte ægritudi-*  
*nem, quæ ex veneficio oritur, dicit Sanctus, esse sexennio puniendos.* Silen-  
tio prætereo, quæ apud CÆSARIUM & alios sequiori ævo narrantur por-  
tenta.

XXXVI. ORIGENES CELSUM, qui Christianorum potestatem incan- Evangelia.  
tandi expellendique daemones ex quorundam daemonum nominibus & in-  
cantationibus esse cavillabatur, confutans, „Neque enim (inquit) huiusmo-  
di incantationibus potestatem habere videntur, sed pronuntiando nomine  
IESU recitandisque evangeliis: hæc enim sæpe ex hominibus daemones ex-  
truserunt: idque maxime, cum ii, qui recitant, pro animo recitant &  
integra fide. Quinimo tanta nominis IESU contra daemones vis est &  
potentia, ut eos aliquando vincat etiam ab improbis pronuntiatum. Quod  
nobis IESUS ipse prænuncians ait: *Multi dicent mihi in illa die, in no-*  
*mine tuo demonia eiecimus, & virtutes fecimus.* Quod nescio spontene  
ac maligne præterierit CELSUS, an prorsus ignoraverit. Accusat postea  
& ipsum Salvatorem, quod magicis artibus fecerit ea, quæ facere visus  
est; & quod, cum præsciret multos postea futuros, qui earundem ar-  
tium periti eadem ac ipse efficerent, iactarentque se divina effecisse poten-  
tia, illis sua societate interdixit: illum enim, si iuste alios reiecit, im-  
probum esse, cum eorundem criminum sit reus; aut si, cum hæc facit,  
extra culpam est, abesse etiam a culpa eos, qui eadem faciunt. Verum-  
tamen licet, qua virtute IESUS hæc fecerit, demonstrari posse non vide-  
retur, nihilominus evidens est, nullam a Christianis incantationum artem  
adhiberi, sed IESU nomen, aliaque nonnulla, quæ scripturæ divinæ cre-



- Ib. p. 461.* denda esse docent.“ Et lib. III. n. 24. in curatione mirifica iterum evangelium indigitat, dum nihil invocari dicit quam „supremum Deum, Iesuque nomen adiuncta de isto historia. His & nos vidimus multos gravibus incommodis liberatos, alienatione mentis, infania, aliisque sexcentis, quæ neque homines neque dæmonia sanaverunt.“ Idem videtur IULIUS *Firmicus* innuere his verbis: „Sic apud nos Deos vestros, cum hominibus nocere cæperint, religiosi sermonis flagella castigant. Sic in corpore hominum constituti Dei vestri, verbo Dei spiritualium flammarum igne torquentur.“ Hinc mos ille haud dubie inolevit, de quo S. IO. *Chrysost.* Hom. XIX. ad populum *Antioch.* „Non cernis (inquit) ut mulieres & parvi pueri pro magna custodia collo evangelia suspendunt, & ubique circumferunt, quocunque abierint? Tu evangelii mandata & leges mente describas: non auro nec argento hic est opus & pecuniis, nec librum emere: voluntate sola vobis est opus, & affectu animæ expergefactæ, & securius habebis evangelium non circumferens extrinsecus, sed in animæ penetralibus ipsum reponens.“ Alibi de more etiam mentionem faciens ad lectum suspendendi: „Non est (inquit) minus, eleemosynam reconditam esse, quam evangelium suspensum esse ad lectum. Nam si evangelium quidem suspenderis, & tu nihil feceris, non adeo magnam accipies utilitatem. Hanc autem habens arculam, habes arma adversus diabolum, precationem reddis alutam, sanctam domum construis, quæ habet alimenta regis intus recondita. Ideo & iuxta lectum sit arcula, noxque nullis perturbabitur visis & insomniis.“ S. HIERONYMUS post S. CHRYSOST. in illud *Matth. XXIII. dilatant enim phylacteria sua &c.* „Hoc apud nos (inquit) superstitionis mulierculæ in parvulis evangelii & in crucis ligno, & in istiusmodi rebus (quæ habent quidem zelum Dei, sed non iuxta scientiam) usque hodie factitant: culicem liquantes, & camelum glutientes.“ S. AUGUSTINUS Tr. VII. in IOANNEM *Evang. c. i.* „Cum caput (inquit) tibi dolet, laudamus, si evangelium ad caput tibi posueris, & non ad ligaturam cucurreris. Ad hoc enim perducta est infirmitas hominum, & ita plangendi sunt homines, qui currunt ad ligaturas, ut gaudeamus, quando videmus hominem in lecto suo constitutum, iactari febribus & doloribus, nec alicubi spem posuisse, nisi sibi evangelium ad caput poneret: non quia ad hoc factum est, sed quia prælatum est evangelium ligaturis.“ S. GREGORIUS ADULOUVALDO regi transmittit *phylacteria: id est crucem cum ligno sanctæ crucis Domini, & lectionem sancti evangelii theca Persica inclusam.* Alia *phylacteria* Conc. *Laodic. c. 36.* damnat.
- Lib. XIV. epist. 12 add lib III ep. 33. lib. IX. ep. 123.* Facile superstitioni in huiusmodi rebus fit locus, semperque a spiritu evangelii alienum est sic his hæcere, ut in hoc iam satis præsidii esse existime.

stimetur, neque ab externis symbolis ad id, quod repræsentant, abducatur consideratio. Quæ tamen ideo non penitus sunt abiicienda, quemadmodum reliquus omnis exterior religionis cultus, ipsaque sacramenta, signa visibilia coniuncta cum invisibili gratia. S. AUGUSTINUS in libro *de symbol.* c. 1. huiusmodi etiam contra diabolum munit armis: „Noverint (inquit) cum symboli sacramento, & crucis vexillo debere occurri, ut talibus armis indutus, facile vincat christianus, de cuius oppressione male ante triumphaverat nequissimus.“

XXXVII. LUCÆ & MARCI capite nono describitur sævum dæmonii Oratio. genus, quod frustra eiicere discipuli Christi tentaverunt. Postquam autem illud eiecisset Christus: „Et cum introisset in domum, discipuli eius *Marc. 9, 27.* secreto interrogabant eum: *Quare nos non potuimus eiicere eum?* Et dixit illis: *Hoc genus in nullo potest exire, nisi in oratione & ieiunio.*“ Iam nonnulla exempla protulimus, veluti S. ANTONII abbatis, qui cum eiusmodi dæmoniaco iuvene antequam eum aggredere, totam noctem duxit insomnem; nihilominus circa auroræ tempus de repente in Sanctum irruens, impulit eum. Apud CASSIANUM legitur Coll. 8. c. 18. duos philosophos magicis præstigiis, immixtis etiam nequissimis dæmonibus expellere S. ANTONIUM de sua cella conatos: *Cumque ANTONIUS nunc crucis signaculum imprimeret fronti suæ ac pectori, nunc Deum suppliciter exoraret, dirissimi demones nequaquam audebant appropinquare eidem, sed sine effectu redierunt ad magos.* Quod iterum iterumque incassum nequioribus mixtis dæmonibus factum fuit, cum abbas ANTONIUS modo prædicto resisteret. De S. MARTINO item memoravimus, eum ad motis energumenis cæteros iussisse abscedere, ac foribus obferatis in medio ecclesiæ cilicio circumtectum, cinere respersum, soloque stratum orare solitum. Sic passim non nisi præmissa oratione opus hoc aggressos Patres legimus, quemadmodum etiam in antiquis ordinibus ecclesiasticis apud MARTENIUM & alibi animadvertere licet præscriptum, ut sacerdos prostratus ante altare septem psalmos pœnitentiales cum variis orationibus dicat.

THEODORETUS in *historia religiosa* cum enarrasset, qualem PETRUS *T. III. pag. 823. seq.* insignis eremita *orans potestatem* haberet, quomodo porro oratione præmissa vir divinus imperaverit dæmoni, ut datæ sibi adversus Dei creaturam potestatis causam effaretur: respondit Satan inter alia, se scire cupidum fuisse, quo pacto a monachis expelleretur: *Nunc vero, addebat codæmon, perdidici, nec alia opus habeo experientia, quare iussu tuo mox exeo.* Mox aliam rem narrat de dæmoniaco, qui eodem modo ac prior interrogatus nihil respondit: „Cumque (pergit) tacitus ille subsisteret, nihilque responderet, genibus flexis Deum oravit, obsecrans, ut  
scelerato



scelerato famulorum suorum vires ostenderet. Iterumque surrexit, & ille contra renitens iterum obmutuit, atque hoc modo ad horam usque nonnam res processit. Postea vero, cum ardentiores Domino & intentiores preces obtulisset, surgens sceleratumque compellans: *Non tibi.* ait, *Petrus imperat, sed Petri Deus. Quare illius adactus potentia responde &c.* Sicque in nomine crucifixi exire iussus audiit ille & fugit.

Idem vero nobis in historia eccles. lib. IV. c. 10. de *Messalianorum heresi* exponit, quomodo FLAVIANUS celeberrimus pontifex *Antiochenus* virus *Enthusiastarum* istorum ex ADELPHIO sectæ auctore esset explicatus: „Nempe sacrum baptismum nullam iis, qui eum consequuntur, utilitatem afferre, sed sola sedula oratione inhabitantem dæmonem expelli. Omnes enim, qui eduntur in lucem, ex primo parente trahere aiebat, quemadmodum naturam sic & dæmonum servitutem. His autem per sedulam precem fugatis, advenire deinceps Spiritum sanctum præsentiaque suæ sensibus & oculis significationem dare tum corpus perturbationum motibus liberando, tum animam ab inclinatione ad deteriora penitus avocando, ita ut nec ieiunio iam opus sit corpus coercente, nec doctrina refrenante & ad modum ordinemque instituente &c.“ Secta illa potissimum monasteria infecerat, dementante religiosos etiam viros per speciem quandam evanidæ orationis, diabolo.

T. I. p. 388.

Recte vero S. MACARIUS contra diabolicas fraudes & insidias, nostramque insitam perversitatem suos (illud MATTHÆI VI. 21. proponens *ubi thesaurus vester est, ibi & cor vestrum erit*) instruit Hom. XXVII. his verbis: „Reliquum est, tuus animus, quali thesauro sit intentus, an totus plane Deo nec ne? sin minus est, exponatis mihi, quid impediat? Profecto satanas & dæmones sunt spiritus nequam, qui detinent mentem, atque animam subvertunt. Versutus enim est diabolus, instructus machinis, foribus ter geminis, ac vasritie multa occupata tenet pascua animæ, atque cogitationes, nec permittit recte precari, & accedere ad Deum: quoniam ipsa natura particeps est dæmonum ac spirituum nequitia; itidem angelorum ac Spiritus sancti: templum est satanæ, ac templum sancti Spiritus. Cæterum expendite animum vestrum fratres, cuiusnam estis participes, angelorum an dæmonum? cuius templum & domicilium estis, Dei an diaboli? cor quali thesauro sit repletum gratiæ an satanæ?“

Difficultas hic pulsat, quam supra attigimus, circa divinam providentiam ac tantam in homine, Dei creatura præstantissima, concessam satanæ potestatem adeo, ut non desint, qui *Manichæismum* clament perinde ac olim circa doctrinam S. AUGUSTINI de gratia & concupiscentia duobusque amoribus

*amoribus, seu delectatione victrici:* unde etiam eodem modo hic solvitur ea difficultas, atque removetur suppliciter recurring ad Deum, eiusque auxilium humili implorando prece: sicuti nos Christus in oratione dominica orare docuit: *Et ne nos inducas in tentationem; sed libera nos a malo:* ubi τὸν πονηρὸν constanti traditione SS. PP. hostem malignum seu cacodæmonem interpretatos fuisse supra ostendimus: vigilare etiam & orare nos Christus monuit, ne intremus in tentationem: Porro *vigilare nos*, ut cum S. HILARIO loquar, *propter adventum furis admonuit, & orationum assiduitate detentos omnium præceptorum suorum operibus inharere.* *In Matth. c. 26. pag. 734.* *Furem enim esse ostendit diabolus &c.* Difficultatem, quam moveri diximus, attingit S. AMBROSIIUS in libro de paradiso, unde prima mali origo habetur, diluitque: cuius nos argumenti tantum conclusionem ad rem præsentem adscribemus: „Itaque neque dubitandum, neque reprehendendum, quod in paradiso diabolus erat; quandoquidem occludere Sanctis non potuit iter, ne quis ascenderet. Neque enim iustis habitationem incolatus tanquam possessor eripuit. Esto enim, ut aliquos desides atque vitiosos ab incolatu supernæ possessionis averterit, illud multo augustius multoque pulcrius, quod Sanctorum orationibus excludetur, cum completum fuerit illud: *Videbam satanam sicut fulgur de cælo cadentem.* Ergo non metuamus eum, qui eousque infirmus est, ut & ipse casurus sit in terram. Accepit quidem tentandi licentiam, sed non accepit copiam subruendi, nisi sua sponte labatur infirmus affectus, qui sibi auxilium non norit arcessere.“ *Cap. 11. 13. 10.*

XXXVIII. ORIGENES tom. 13. in MATTHÆUM de lunatico agens, a quo discipuli dæmonium expellere nequiverunt. „Quin (ait) & ad illud animum advertamus: Hoc genus non eiicitur, nisi per orationem & ieiunium, ut si in curando aliquo cum eiusmodi malo conflictante opera aliquando a nobis ponenda sit, non exorcismum adhibeamus, neque interrogemus, nec immundum spiritum quasi audientem alloquamur, sed orationi & ieiunio vacantes, dum pro ægro preces fundimus, postulata assequamur, & nostro ieiunio spiritum immundum ab eo depellamus.“ *Cum ieiunio & elemosyna. T. III. Opp. pag. 579.* Sic orationi addit ieiunium S. MACARIUS *Ægyptius* ex Apostolo Eph. VI. 14. recensens, quomodo Christianus succinctus stare possit *adversus occultas technas diaboli malitiis imminetibus:* „Quibus (inquit) armis? omni oratione, perseveratione, obsecratione, ac ieiunio, imo vero per fidem acquisitis, bellum adversus principatus, & potestates ac rectores mundi gerere poterit: sicque devictis adversariis potestatibus, beneficio & auxilio spiritus, proprioque virtutum omnium studio æternæ vitæ dignus fiet.“ *Hom. XXI. T. I. pag. 312.*



Serm. VIII.  
p. 135.

S. GAUDENTIUS *Brixienſis* eundem apoſtoli locum præ oculis habens eleemoſynam adiungit: „Certamen noſtrum contra vitia carnis eſt, contra cupiditatem pecuniæ, contra animi iracundiam, quæ ſunt arma diaboli, quibus reſiſtendum eſt utique galea fidei, lorica continentia, miſericordiæ clypeo, *in quo poſſimus* ut ait apoſtolus, *omnia iacula nequiſſimi candentia extinguere*. Etenim ſicut aqua exſtinguit ignem, ita eleemoſyna reſiſtit peccato: id eſt, ſicut aqua baptiſmi ſalutaris exſtinguit flammam gehennæ per gratiam, ita eleemoſynarum fluvio omnis ille coacervatus poſt acceptam fidem peccatorum ignis exſtinguitur; ſi tamen poſt converſionem non iterum renovatis criminibus inardescat.“ Ubi facile animadvertes, ei clypeum miſericordiæ eleemoſynam eſſe.

T. VII. pag.  
659.

S. CHRYSOSTOMUS hom. 66. al. 67. in MATTH. poſtquam iterum, ut alias, rationem reddidiſſet, cur tam frequenter de eleemoſyna tractet, breviter nobis etiam ad rem propoſitam rationem explicat ex comparatione militum & pauperum, ad pugnandum pro præſidio conductorum: „Quodſi mihi (inquit) milites alleges, qui pro te contra barbaros pugnant, eſt quoque hic pauperum exercitus, qui pro te bellum gerunt, & pugnant. Cum enim accipiunt, precibus Deum tibi placant: placantes autem non barbaros, ſed dæmonum inſidias repellunt: non permittunt, ut te malignus ille fortiter invadat, nec ut frequenter inſurgat, ſed eius vires reſolvunt.“

T. II. pag.  
309.

De ieunio autem idem hom. V. de *pænitentia*, quam tremendum ſit dæmonibus, ad experientiam provocat: „Etenim (inquit) ſi lunaticus fuerit quis, ieunii ei faciem oſtende, atque lapidibus ipsis immobilior manet timore ſuffocatus, & veluti vinculo quodam detentus: idque poſſiſſimum cum viderit ieunio adiunctam ſororem contubernalemque orationem: ideo Chriſtus dicit: *Hoc genus non eiicitur, niſi in oratione & ieunio*.“ S. MAXIMUS *Taurinenſis* Hom. IV. in quadrag. ad eadem verba exemplumque Chriſti ieunantis alludens, „Et ideo (ait) fratres, dominici certaminis victoriæque exemplum ſequentes, & diabolicas præcaves inſidias, horum quadraginta dierum acceptabile Deo noſtro ieunium celebremus. Tunc enim dolos adverſarii ſuperare poterimus, ſi continuatis precibus, aut per caſta ieunia corporis vitia compescamus, aut cor noſtrum ab omni vanitate & ambitione purgemus, ut ait ipſe Salvator: *Hoc genus non eiicitur niſi ieuniis & oratione*.“ S. LEO, cui evangelium de tentatione Chriſti uti cæteris SS. PP. locum ampliſſimum alias dedit extollendi virtutem ieunii contra tentationes inſeſtationeſque diabolicas, ſerm. XIV. de *ieunio decimi menſis & eleemoſynis* diſſerte nobis deſcribens continuam pugnam Chriſtianis etiam renatis exantlandam. „Nam (inquit) & qui iam redempti, iam regenerati filii lucis effecti ſunt, quamdiu

quamdiu tamen in hoc mundo, qui totus in maligno positus est, detinentur: quamdiu infirmitati carnis corruptibilia & temporalia blandiuntur, non possunt istos dies sine tentatione transire. Nec facile provenit cuiquam tam incruenta victoria, ut inter multos hostes frequentesque conflictus, etiamsi sit liber a morte, sit quoque immunis a vulnere. Curandis igitur læsionibus, in quas sæpe incidunt, qui cum invisibili hoste confligunt, trium maxime remediorum est adhibenda medicina, in orationis instantia, in castigatione ieiunii, in eleemosynæ largitate. Quæ cum pariter exercentur, Deus propitiatur, culpa deletur, tentator eliditur. Argumentum id passim in illis sermonibus de statis ieiuniis per annum tractat, sermone LXXXV. imprimis, qui est de ieiunio septimi mensis secundus, ostendens, diabolo per continentiam esse resistendum, „Nam (inquit) in agone certaminis Christiani utilitas continentiae plurimum valet, ita ut quidam sævissimorum spiritus dæmonum, qui ab obsessis corporibus nullis exorcizantium fugantur imperiis, sola ieiuniorum & orationum virtute pellantur, dicente Domino: *Hoc genus dæmoniorum non eiicitur, nisi in ieiunio & oratione.* Grata ergo est Deo & terribilis diabolo ieiunantis oratio: nec latet, quantum acquirat salutis suæ, quæ tantum præstat alienæ.“ S. CHRYSOSTOMUS hom. 57. al. 58. in eum MATTHÆI locum, ubi discipulis interrogantibus: cur non potuissent ipsi dæmonium eiicere? respondet Christus *propter incredulitatem vestram*, deinde: *genus autem hoc non eiicitur &c.* „Adiecit (ait) ille: genus dæmonum omne dicit, non tantum genus lunaticorum. Viden' quomodo ieiunii femina iacit? Nec mihi raro exemplo dicas, quosdam sine ieiunio dæmonas eiicisse. Nam si unus aut alter increpando sic expulisse narratur, fieri nequit, ut si is, qui patitur, in deliciis vivit, ab hoc unquam furore liberetur. Ieiunio enim & oratione maxime opus est ei, qui hoc morbo laborat. Sed si fide opus est, inquires, cur opus est & ieiunio? Quia cum fide ieiunium non parvam addit fortitudinem: philosophiam quippe magnam indit, & angelum ex homine efficit, at cum incorporeis virtutibus pugnat. Verum non sufficit illud, sed addi debet oratio, quæ etiam præeat oportet. Vide ergo, quanta bona ex utroque gignantur: quia enim, qui precatur ut decet, & ieiunat, non multis indiget; qui autem non multis indiget, non pecuniæ amans fuerit; qui pecuniæ amans non est, ad eleemosynam pronus erit. Qui ieiunat levior est, & quasi alatus, vigilanterque orat, malas concupiscentias extinguit, Deumque placat, elatam animam humiliat. Ideo apostoli fere semper ieiunabant.“ Perhibente THEODORETO in historia relig. in MARCIANO, *fuit inter eius discipulos quidam SABINUS nomine, qui corpus immensis laboribus macerabat. Nam neque panis, neque obsoni*

T. VII. pag. 581.

T. III. pag.



ullo genere vescebatur. Addit autem, tantam a Deo adeptam esse gratiam, ut mulier quædam *Antiochena* genere nobilis & opibus florens ad eum confugerit, rogaritque, ut filia a dæmone vexatæ opem ferret. Visum enim sibi, aiebat, quemdam in somnis, qui, ut eo se conferret, hortabatur, & præsidis monasterii precibus salutem filia procuraret. Dicente autem illo, qui responsa dabat, præsidem loqui cum mulieribus non solere, cum instaret mulier cum lacrymis & eiulatu, vehementerque obtestaretur, præses venit; sed negabat mulier hunc esse: alium enim sibi dicebat ostensum fuisse, rubicundum, & qui pustulas quasdam haberet in genis. Ubi ergo cognoverunt, quem quærebat (erat autem is tertius monasterii non primus) adduxerunt eum ad mulierem, cuius vultu ab ea statim agnito, malus dæmon vociferans puellam relinquit.

¶ II. p. 993.

Apud MARTENIUM lib. III. de *Rit.* c. 9. præscribitur rigidissimum dæmoniacis ieiunium: „Et si firmiter istud ieiunium cum oratione & pura „confessione servaverit; credimus de misericordia Dei & vere confidimus, „quia de omnibus incentivis diabolicis, Domino largiente liberabitur.“ In primo statim ordine ad energumenos adiurandos hoc ante omnia constituitur: *Primitus faciat episcopus triduanum ieiunium cum elemosynis, & orationibus, & sic inchoet exorcismum.* Sic GREGORIUS *Turonensis* in libro de *gloria Confessorum* cap. 63. perhibet de filia LEONIS imperatoris per diaconum *Lugdunensem* iussu episcopi sui ad ipsam cum missis directum liberata: „Ad imperatorem veniens cum honore suscipitur. Audiens autem „de infirmitate puellæ, a spiritu immundo vexatæ, se ad basilicam B. PE- „TRI apostoli confert: ibique continuato cum vigiliis & orationibus tri- „duano ieiunio quarta die per invocationem Domini N. I. Ch. & crucis „vexillum, immundum spiritum a corpore puellæ depellit.“

¶ p. 973.

pag. 945.

Humilitate  
item, ac re-  
liquo virtu-  
tum agmi-  
ne,

¶ V. I. pag.  
171.

XXXIX. Hæc sibi notent, qui munere exorcistarum perfungi ge-  
stiunt, ne nisi speciali instructi facultate, quæ passim in recentioribus præ-  
fertim Synodis decretisque episcoporum requiritur, se se ingerant, ac bre-  
vi ceu manu exequendum suscipiant arduum negotium: in quo, cum fide  
eximia opus sit, præsumptio autem omnis omnino abesse debet. S. CHRYS-  
OSTOMUS Hom. XIII. in MATTHÆUM de tentatione diaboli agens: „Cur  
„ergo Christus (quærit) non indignatus, non exasperatus est, sed cum  
„mansuetudine multa rursus ex scripturis ipsum alloquitur dicens: *Non*  
„*tentabis Dominum Deum tuum*: ut nos doceat (respondet) non per signa,  
„sed per patientiam superandum diabolum esse, nihilque omnino ad osten-  
„tationem esse faciendum.“

In apophthegmatibus S. MACARII eum aliquando dæmon ita allocutus I. II. pag. refertur: „En quidquid agis, ego quoque facio. Tu cibo abstines; & ego: 249.  
 „vigilas; ego penitus non dormio. Unum solum est, in quo vincis me.  
 „Interrogavit abbas MACARIUS: Quodnam est illud? Respondit: Humilitas  
 „tua, ac propterea adversus te nihil possum.“ S. ANTONIUS, terror ille  
 dæmonum, nihilominus, ut de eo PALLADIUS in SS. Patrum historia narrat,  
 adolescentem quemdam diro obsessum dæmone, ad PAULUM *Simplicem* ab-  
 legavit, potentiorē causatus, quam ut a se expelli queat. Is in sæpe Vid. S. Pe-  
 trus Chrysosol.  
 Serm. 17.  
 p. 31. laudata oratione nihil non agit, ut suis animum contra dæmones adiiciat  
 procul omni timore, cum nec in porcos quidem aliquam vim habuerint.  
 „Rogabant enim, ut in evangelio scriptum est, Dominum dicentes: Sine  
 nos in porcos abire. Quodsi ne adversus porcos quidem habent potestatem Matth. 8,  
 31. (concludit) multo minus in homines ad similitudinem Dei factos imperium  
 obtinent. Deum itaque solum timere convenit, hos vero despicere, & nul-  
 lo modo formidare. Sed quo magis illi hæc agunt, eo ardentius nos asce-  
 ticæ vitæ operam demus. Magnum quippe contra illos telum est, proba  
 vita & fides in Deum. Timent sane illi ascetarum ieiunia, vigiliæ, ora-  
 tiones, mansuetudinem, tranquillitatem, pecuniæ & inanis gloriæ con-  
 tentum, humilitatem, pauperum amorem, eleemosynas, lenitatem, &  
 præ cæteris pietatem erga Christum. Quare nihil non agunt, ut nemo  
 existat, qui se conculcet. Norunt enim gratiam fidelibus adversum se  
 datam a Salvatore, qui ait: *Ecce dedi vobis potestatem calcandi super ser-  
 pentes, & scorpiones, & super omnem virtutem inimici.* Solet S. AN-  
 TONIO appingi porcus immundi spiritus symbolum.

Ut vero intelligis, non penes desides & salutis suæ incurios, sed vigiles  
 ac sedulos ascetas strenuosque athletas est ista virtus. „Nunc ergo fra- Doctr. de  
 instit. mo-  
 nachor. T.  
 V Bibl. PP.  
 p. 40.  
 „tres serio (exhortatur S. ORSIESIUS abbas *Tabennensis* ANTONIO suppar)  
 „Deo agente patienter, & nos ad poenitentiam provocante de gravi  
 „somno evigilemus, quia adversarius noster quasi leo rugiens circuit,  
 „quærens, quem devoret, cui acriter resistendum est, & sciendum, ea-  
 „dem etiam certamina nostris evenisse maioribus. Non deficiamus labo-  
 „rantes, iacentesque virtutum semina, ut in futuro gaudia metere pos-  
 „simus.“ Sic etiam S. MACARIUS itidem *Ægyptius* hom. IX. *promissio-  
 nes ac prophetias divinas per varias probationes & tentationes impleri:  
 & soli Deo adhærendo liberari nos ab infestationibus damonis illum inter  
 alios locum versans: In patientia vestra possidebitis animas vestras* Luc.  
 XXI. 29. *Fieri autem potest, inquit, ut quis sic decertans & continuo* T. I. p. 122.  
*sibi attendens, sive in precibus, sive in obsequio, sive in opere quocunque  
 secundum Deum perficiendo tenebras malitiosorum dæmonum effugere pos-*



pag. 132.  
seq.

pag. 307.

pag. 338.

T. II p. 45.

Hom. XV.  
in cap. II.  
Genesis T.  
IV. p. 114.

pag. 373.

Procul tri-  
stitia ac pa-  
vore animi.  
T. 4 p. 155.

fit. Legi in eandem rem meretur eiusdem homilia XI. quæ continet disputationes duas, unam quidem Christi cum nequissimo satana; alteram autem peccatorum cum eodem. Item XXI. *Christiano homini duplex incumbit bellum, internum videlicet & externum. Hoc quidem, cum recedit ipse a distractionibus terrenis; illud vero in corde adversus cogitationes spirituum malorum.* Demum XXVI. *De dignitate, præstantia, facultate, & operationibus immortalis animæ, & qua ratione ea a satana tentetur, & liberationem e tentationibus consequatur.* Continet vero quæstiones quasdam summa doctrina refertas. Ibi n. 12. sic loquitur: „Præcipua vero & maxime opportuna athletæ & decertantis arma sunt hæc: ut ex intimis penetralibus cordis bellum gerat adversus satanam, odio prosequatur seipsum, abneget animam suam, irascatur ei, atque reprehendat eam, infitis cupiditatibus renitatur, reluctetur cogitationibus, atque pugnet secum.“ In libro *de perfectione in spiritu* c. 13. charitatem Dei præ omnibus commendat: „Nam (addit) mors, &, ut ita dicam, suspendium diaboli est, quando in charitate & memoria indivulsa commorans mens humana reperitur.“ Et cap. 15. „Omni contentio & studium adversarii in hoc, ut dictum est, vigilat, ut an nitatur mentem nostram a Dei memoria, timore, amoreque avellere; terrenis ipsam avocationibus & delinimentis, a vero bono ad apparentia divertendo.“

S. CHRYSOSTOMUS populo porro christiano sedulum studium ruminationemque divinarum doctrinarum præ omnibus commendat: „Ut (inquit) huc omni cura vestra conversa, menteque in his occupata, possitis facile & turbulentas animi affectiones vincere, & diaboli insidias effugere. Nam cum malus ille dæmon videt animam de divinis rebus sollicitam, & perpetuo illas cogitantem & versantem, ne accedere quidem propius audet, sed celeriter resilit, a spiritus operatione quasi a succenso rogo abactus.“ Et infra Hom. XXXVII. in cap. XV. *Genesis*. „Ideo enim quotidie spiritualem hanc vobis apponimus mensam, ut admonitione continua, & multa divinarum scripturarum meditatione, omnes maligni dæmonis excludamus insidias. Cum enim nos viderit multum in spiritualibus occupari, non solum non invadet, sed neque obtueri audebit, sciens, se in vanum moliri, & adversus caput suum ausus suos convertere.“ Divinarum scripturarum meditationem sæpius alibi etiam hic commendat.

XL. iam digitum intendimus ad ea, quæ idem os aureum in libris ad STAGIRIUM dæmone vexatum disputavit contra tristitiam, posterioribus præsertim duobus, qui in eo toti versantur argumento, alter quidem quod

*Quod tristitia dæmone ipso sit deterior.* In tertio autem de tristitia inscri-  
 pto sic prope conclusionem operis rationem colligit: „Omni namque pag. 224.  
 „ obfessione diabolica potentior est ad nocendum mœroris magnitudo.  
 „ Namque & dæmon, quoscumque superat, per mœrorem superat; eum  
 „ si auferas, nihil a dæmone quisquam lædi poterit. Et quomodo, in-  
 „ quies, fieri potest, ut mœrore vacem? Ego contra te interrogabo, quid  
 „ causæ est, quod non liceat a mœrore vacare. Nam si adulterium, si  
 „ homicidium, si scelus aliquod huiusmodi perpetrasses, quod te regnis  
 „ cœlestibus excluderet, recte mœreret, ac iusta tibi causa lugendi esset,  
 „ nullusque te prohiberet. Quodsi per Dei gratiam ab his omnibus lon-  
 „ gissime remotus es, quid frustra teipsum concidis?“ Ut vero causæ  
 eiusmodi mœroris procul amoveantur, illud ex EVAGRII *Scitensis* mo- T. VII.  
 nachi capitibus practicis ad ANATOLIUM n. 14. probe est observandum: Bibl. PP.  
 „ Ne tradideris temetipsum iracundiæ cogitationi, mente pugnans cum eo, pag. 55.  
 „ qui te contristavit, neque etiam fornicationis, diutius voluptatis ima-  
 „ gines retinendo. Illud enim tenebras animæ offundit, hoc vero eam  
 „ provocat ad vitii probationem; & utraque mentem tuam fordidant:  
 „ cumque tempore orationis simulacra fueris imaginatus, Deo puram pre-  
 „ cem non offerens, incidis statim in acediæ seu tædii dæmonem, qui  
 „ præcipue in homines in huiusmodi statu constitutos infilit, & instar ca-  
 „ nis animam velut hinnulum diripit.“ Add. quæ idem ad eundem ANA- pag. 575.  
 TOLIUM de octo vitiosis cogitationibus scribit. In laudata orat. hoc suis  
 dedit consilium S. ANTONIUS: „si inimicum despiciere velimus, quæ do-  
 „ mini sunt, assidue cogitemus, sitque anima semper spe læta, tum dæmo-  
 „ num ludibria instar fumi videbuntur, atque fugientes illos potius quam  
 „ persequentes videbimus. Sunt namque, ut supra dixi, perquam timi-  
 „ di, quod semper expectent sibi paratum ignem.“

Hinc vero est, quod nihil magis curaverit, quam pavorem ex suo-  
 rum animis excutere: „Nam (aiebat) quales nos, & nostras reppererunt  
 „ cogitationes, tales se nobis præstare consueverunt, & si quod in pecto-  
 „ ribus pavoris semen invenerint, quasi latrones, qui deserta obtinent lo-  
 „ ca, captos cumulant timores, si autem alacres fuerimus in Domino, &  
 „ futurorum bonorum cupido nos succenderit; si semper omnia manibus  
 „ Dei committamus, nullus dæmonum ad expugnandum valebit accede-  
 „ re. Magis enim, cum munita in Christo corda conspexerint, confusi  
 „ revertentur.“ De omni formidine deponenda passim verba fecimus.

XLI. En militiæ Christianæ adversus hostem infernalem armaturam, Fidei iuxta  
 qua Apostolus *Ephesos* instruens: *De cætero fratres*, inquit, *conforta-* apostolum  
armatura.  
mini Eph. 6, 10.  
seq.



Ep. LVIII.  
pag. 255.

*mini in Domino, & in potentia virtutis eius. Induite vos armaturam DEI, ut possitis stare adversus insidias diaboli* &c. Quem locum S. CYPRIANUS circumscribens, „Armat nos (ait) & pręparat apostolus dicens: *Non est nobis colluctatio adversus carnem & sanguinem, sed adversus potestates, & principes huius mundi, harum tenebrarum, adversus spiritus nequitie in cęlestibus. Propter quod induite tota arma Dei, ut possitis resistere in die nequissimo; ut cum omnia perfeceritis, stetis accincti lumbos vestros in veritate, induti lorica iustitie, & calceati pedes in pręparatione Evangelii pacis, assumentes scutum fidei, in quo possitis omnia ignita iacula nequissimi extinguere, & galeam salutis, & gladium spiritus, qui est sermo Dei. Hęc arma sumamus, his nos tutamentis spiritalibus & cęlestibus muniamus, ut in die nequissimo resistere diaboli minis, & repugnare possimus. Induamus lorica iustitie, ut contra inimici iacula munitum sit pectus & tutum. Calceati sint evangelico magisterio, & armati pedes; ut cum serpens calcari a nobis & obteri cęperit, mordere & supplantare non possit. Portemus fortiter scutum fidei, quo protegente, quidquid iaculatur inimicus, possit extingui. Accipiamus quoque ad tegumentum capitis galeam salutarem, muniantur aures, ne audiant edicta feralia: muniantur oculi, ne videantur detestanda simulacra: muniatur frons, ut signum Dei incolume servetur: muniatur os, ut Dominum suum Christum victrix lingua fateatur. Armenus & dexteram gladio spiritali, ut sacrificia funesta fortiter respuat, & Eucharistie memor, quę Domini corpus accepit, ipsum complectatur, postea a Domino sumtura pręmium cęlestium coronarum.“ Sic S. CYPRIANUS plebem THIBARI consistentem ad instantem tunc armat persecutionem, quam gentiles in Christianos a dęmonibus agitati movebant in rabiem acti, quod eorum in idolis cultus destrueretur. Sic nobis S. AUGUSTINUS DACIANUM pręsidem S. VINCENTIUM M. torqueri iubentem describit, *habitatoremq; suum diabolum* prodit. „Per furiosas enim (inquit sermone in eundem) DACIANI voces, per truces oculos, & minaces vultus, & totius corporis motus ille habitator eius interior movebatur, & per hęc signa visibilia tanquam per signa sui vasculi, quod impleverat, creantis rimula providebatur.“ Notat porro apostolus aliquando ambulantes *Ephesios* secundum sæculum mundi huius. *Secundum principem potestatis aeris huius, spiritus, qui nunc operatur in filios diffidentie, in quibus & nos aliquando conversati sumus in desideriis carnis nostrę.* Eph. II. 2. 3.*

Neque vero cessat unquam intus forisque aciem contra nos instruere satan, ut perinde nobis, quam *Ephesiis* apostolus pręscribit, utilis ac necessaria

cessaria sit armatura Dei ad gerenda fortiter contra diabolum bella Domini. „Nam (ut S. CHRYSOSTOMUS in illum locum commentatur) quoniam bellum belli & pugnae meminit, ostendit esse pugnandum adversus daemonas. Evangelium enim est pacis. Illud bellum aliud bellum dissolvit, nempe adversus Deum. Si cum diabolo bellum gerimus, pacem cum Deo habemus.“ Egregie autem expeditum hoc lector reperiet apud fidelissimum PAULI interpretem CHRYSOSTOMUM, a calce ad caput cataphractum militem. In epistolae etiam ad Romanos caput IV. Hom. VIII. magnam imprimis fidei virtutem ostendens, quomodo nos tutos praestare possimus a facie colubri, breviter sic declarat: „Opus ergo habemus scuto fidei, galea salutis, gladio spiritus, non modo ne malum patiamur, sed etiam ut, si insilire velit, eius caput abscindamus. Frequentibus egemus precibus, ut sub pedibus nostris conteratur. Impudens enim est, & execrandus, etsi ab inferiori loco pugnet; attamen sic etiam vincit. In causa autem est, quod nos non studeamus plagis illius esse superiores. Neque enim potest admodum efferri, sed deorsum repit: huiusque figura est serpens. Si autem illum sic a principio constituit, multo magis nunc. Si ignoras autem, quid sit ex inferiore loco pugnare, ego tibi huiusce belli modum explicare conabor. Quid ergo est ex inferiore loco pugnare? a rebus inferioribus decertare a voluptate, a divitiis, a saecularibus omnibus. Ideo, si quempiam viderit ad coelum volantem; primo quidem in illum insilire non poterit; secundo etiam si id tentet, cito cadit; neque enim pedes habet, ne formides, non habet alas, ne timeas: supra terram repit, & supra res terrenas. Nihil ergo tibi cum terra sit commune, nec labore indigebis. Neque enim adversam pugnam novit, sed tanquam serpens in spinis occultatur, in divitiarum fallacia frequenter latitans. Si spinas excideris, formidolosus facile fugiet, si incantare in illum scias divinas illas incantationes, statim vulnerabitur. Quod si (addit paullo post) multi hoc dicentes sanati non sunt, id ex illorum modica fide, non ex dicti infirmitate provenit.“ TERTULLIANUS ad propositum suum nostrumque in *Scorpiaco* c. i. „Nobis fides (ait) praesidium, si non & ipsa percutitur diffidentia signandi statim & adiurandi & ungendi bestiae calcem. Hoc denique modo etiam ethnicis saepe subvenimus; donati a Deo ea potestate, quam apostolus dedicavit, cum mortuum viperæ sprevit.“

Solent SS. Patres prudentiam serpentinam inculcare, conspicuam omnibus modis in tuto ponendo ac conservando caput, quod Christum, seu fidem in Christum interpretantur. Locos colligit Paulus GALLEARDUS in not. ad S. GAUDENTII *Brixienfis* Serm. XVIII. ubi eadem prope finem utitur allusione



ne, sic vero concludens : „Quantum ille in opere iniquitatis suæ nocendū  
 „peritus est, tantum nos studiis salutaribus eruditi, & omni prudentia  
 „instructi, atque armati esse debemus, *induentes nos ipsos lorica[m] fidei,*  
 „& *galeam salutis, in quo possimus*, ut hortatur apostolus, *omnia iacula*  
 „*nequissimi ardentia extinguere* : ne nos incautos suggestionum suarum  
 „spiculis ubicumque configat; ne inermes opprimat, ne interficiat dor-  
 „mientes, ne & vigilantes & armatos, si usum belligerandi nesciamus, in-  
 „terimat.“

In allato vero textu idem apostolus *in omnibus sumi scutum fidei vult,*  
*in quo possimus omnia tela nequissimi ignea extinguere.* Quem locum præ  
 pag. 73. oculis habens S. CYRILLUS *Hierosolym. catech. V. n. 4.* „Estne quidquam  
 diabolo terribilius? Atqui nullum aliud adversus illum habemus armorum  
 genus præter fidem : scutum incorporeum adversus hostem invisibilem.  
 Emittit enim multiplicia tela, & sagittis configit in cæca nocte non vigi-  
 lantes. Sed quandoquidem obscurus est, nec conspicuus hostis, firmum  
 habemus integumentum fidem, quemadmodum apostolus ait : *In omnibus*  
 1. *Thes. 5.* *assumentes scutum fidei, in quo poteritis omnia tela mali ignita extinguere.*  
 Sap. 5. Ignitum sæpe foedæ voluptatis desiderii telum a diabolo emittitur : sed fi-  
 Eph. 6. des nobis iudicium depingens & mentem refrigerans telum extinguit.“  
 pag. 12. Idem in procatechesi n. 16. „Cæterum (ait) draco iuxta viam transeuntes  
 observat : cave ne te infidelitate mordeat : tam multos videt, qui salvi  
 fiunt, & quærit quem devoret. Ad patrem spirituum ingrederis, sed  
 per illum draconem transeundum est. Quomodo igitur tu illum per-  
 transibis? *Calcea pedes tuos in præparatione evangelii pacis*, ut etiam si  
 dentem infigat, non lædat tamen; fidem inhabitantem habe, spem fir-  
 mam, calceamentum forte, ut per hostem occupato aditu ad Dominum  
 ingrediare.“

Dum iuxta XLII. Draconis porro speciem ingerens sensibus horribilem S. CYRILLUS,  
 monitum D. ut monstri terribilis stupore animum excitet, ad locum 1. *Pet. V. 8.* respi-  
 PETRI resi- cit, ubi apostolorum princeps eandem in nobis attentionem rugientis leonis  
 stimus for- similitudine excitare contendit, atque adeo *fortes in fide* esse vult, fidem non  
 tes in fide. proletariam postulando. Quem locum S. CHRYSOSTOMUS simul cum alte-  
 ro D. PAULI ad *Ephes. VI. 12.* STAGIRIO a dæmone vexato proponit, o-  
 stenditque, quomodo ex diaboli hostilitate profectum capere debeamus.  
 Lib. I. n. 4. „Dum (inquit) illius immanitatem, perpetuasque insidias ac fraudes va-  
 T. I. pag. rias sollicitè metuimus, somnum immodicum excludimus, vigilamus, sem-  
 163. perque Domini reminiscimur. Quod autem hæc mea non sint, sed beati  
 PAULI, ipsum audi, eisdem fere verbis fideles dormientes excitantem. Nam

*Ephesius.*

*Ephesius* cum scriberet, sic ait: *Non est nobis colluctatio adversus carnem & sanguinem, sed adversus principatus & potestates, adversus mundi rectores tenebrarum huius sæculi, adversus spiritualia nequitiae in cœlestibus.* Hæc autem cum diceret, non delicere studebat auditorum animos, sed potius erigere. PETRUS item: *Sobrii estote & vigilate: quia adversarius vester diabolus tanquam leo rugiens circuit quarens quem devoret, cui resistite fortes in fide.* Hoc autem dixit, ut nos fortiores efficeret, & ad maiorem cum Deo familiaritatem induceret. Qui enim imminere sibi cernit inimicum, maiori ad illum currit desiderio, a quo defendi possit. Ita fere infantes pueri, cum quid horrendum viderint, ad matrum sinus protinus accurrunt, illarumque pendentes vestibus, eis se tuentur, ac protegunt, atque ita, ut sæpius retrahentibus plurimis, inde avelli non possint. At vero quando nihil eiusmodi perturbat, ne vocantes quidem illas exaudiunt, neque trahi patiuntur: imo appellantes respuunt, & cum plurima illæ moliantur, ut ad se eos pertrahant, semper eas averfantur, appositamque mentem despiciunt. Quocirca matrum plurimæ, cum nihil obsecrando proficere se viderint, larvas quasdam horrorisque figmenta parant, atque illos demum ad reditum impellunt, persuadentque ad se iterum recurrere. Hoc autem non in solis pueris contingit, sed etiam in nobis. Quando enim malignus ille perterret nos atque perturbat, tunc frugi efficimur, tunc nos ipsos agnoscimus, tunc ad Deum omni studio recurrimus. Quodsi deletus ab initio nequam ille fuisset, atque sublatus e medio, fortasse nec præterita credidissent plurimi: puta quod hominem fefellisset, quod bonis illis innumeris eum eiecisset, Deumque hoc invidia & livore commotum fecisse arbitrarentur. Quod enim ne modo quidem defunt, qui post tanta illius seductionis indicia id audent dicere, si non illius nequitiae & astus experimenta cepissent, quid non dixissent? quid non obloquuti fuissent? Hæc sancti Patris sententia, quoniam tot & tantos hodie perstringit, quibus puerilia tantum omnia videntur terriculamenta, quæ de dæmonurgia tanta consensione & in divinis scripturis & earum legitimis interpretibus SS. PP. dicta assertaque habentur, a nobis hucusque exposita, non gravabor alterum eiusdem S. Doctoris locum consimilem hic adscribere ex Oratione III. *in eos, qui primo Pascha ieiunant.* Ex qua nempe prava consuetudine contentioneque in ecclesia, occasionem arripit invehendi in domesticos fidei, dissidia & contentiones inter fideles concitantes. „Non sufficiunt (inquit) reliquæ hæreses, nisi nos ipsi nos di-

pag. 607

vidamus? Non tu PAULUM dicentem audis, *Quid si invicem mordetis, videte, ne ab invicem consumamini?* Extra gregem ambulas, & leonem foris circumeuntem non times? *Adversarius enim vester tanquam leo cir-*



*cuit, inquit, rugiens & quærens quem rapiat.* Vide sapientiam pastoris; neque reliquit intus inter oves, ne gregem perterrefaceret: neque ab exteris locis abegit, ut belluæ metu cunctos intus cogeret. Non revereris patrem? inimicum reformida: si teipsum a grege avulseris, ille sine dubio te excipiet. Poterat quidem etiam ab exteris locis illum Christus abigere: sed ut efficeret, ut vigilares, ac sollicitus esses, atque ad matrem semper confugeres, foris illum rugire permisit, ut qui sunt intus, dum vocem illius audiunt, magis copulentur, & ad se mutuo confugiant. Ita quoque matres faciunt, liberorum amantes, flentes infantulos frequenter se lupis devorandos obiecturas minantur, non ut obiciantur, sed ut desinant indignari. Propterea Christus omnia fecit, ut pacem colamus, ut coniuncti inter nos simus."

*Lib. V. epist.  
43. T. II.  
pag. 772.*

*pag. 153.*

Audiamus porro etiam S. GREGORIUM in simili domestico inter summos ecclesiæ præfules dissidio ac contentione, eodem utentem argumento, operamque contra superbiam IOANNIS *Cpolitani* episcoporum ac præcipuorum orientalis ecclesiæ, EULOGII *Alexandrini* & ANASTASII *Antiocheni* implorantem, ac apud Deum pro pace unitateque intestina vota facientem: „Quemadmodum (scribit) illius gubernante gratia petendum „est, ut nulla nos superveniens exterius unda conturbet; ita ex totis „orandum est visceribus, fratres charissimi, ut suæ providentiæ dextera „cumulum sentinæ in nobis interioris exhaustiat. Adversarius quippe dia- „bolus, qui contra humiles sæviens, sicut leo rugiens circuit quærens, „quem devoret, non iam, ut cernimus, caulas circuit, sed ita valide „in quibusdam Ecclesiæ necessariis membris dentes figit, ut nulli sit du- „bium, nisi unanimiter, favente Domino, cunctorum provida pastorum „turba concurrat, omne, quod absit, citius ovile dilaniet.“ Sed præ his omnibus S. CYPRIANUS *de zelo & livore* rem ab ovo repetens, dum nempe livore seu invidia *diabolus inter initia statim mundi & perit pri- mus & perdidit*, hinc exordium sermonis sumit, Dominum scilicet *pru- dentes* esse nos iussisse, & cauta sollicitudine vigilare præcepisse, „ne adver- sarius vigilans semper, & semper insidians, ubi in pectus obrepserit, de scin- tillis conflet incendia, de parvis maxima exaggeret, & dum remissis & in- cautis leniore aura & flatu molliore blanditur, procellis ac turbinibus excitatis ruinas fidei & salutis, ac vitæ naufragia moliatur. Excubandum est itaque, fratres dilectissimi, atque omnibus viribus elaborandum, ut inimico sævienti, & iacula sua in omnes corporis partes, quibus percuti & vulnerari possumus, dirigenti sollicita, & plena vigilantia repugnemus, secundum quod PETRUS apostolus in epistola sua præmonet & docet, dicens: *Sobrii estote & vigilate, quia adversarius vester diabolus tanquam*

*leo*

*leo rugiens circuit, aliquem devorare quarens.* Circuit ille nos singulos, & tanquam hostis, clausos obsidens, muros explorat, & tentat, an sit pars aliqua membrorum minus stabilis, & minus fida, cuius aditu ad interiora penetretur. Offert oculis formas illices, & faciles voluptates, ut visu destruat castitatem. Aures per canoram musicam tentat, ut soni dulcioris auditu solvat, & molliat Christianum vigorem. Linguam convicio provocat, manum iniuriis laceffentibus ad petulantiam cædis instigat: ut fraudatorem faciat, lucra opponit iniusta: ut animam pecunia capiat, ingerit perniciofa compendia: honores terrenos promittit, ut coelestes adimat: ostentat falsa, ut vera subripiat: & cum latenter non potest fallere, exerte, atque aperte minatur, terrorem turbidæ persecutionis intentans; ad debellandos Dei servos inquietus semper, & semper infestus: in pace subdulus, in persecutione violentus. Quam ob rem, fratres dilectissimi, contra omnes diaboli vel fallaces insidias, vel apertas minas stare debet instructus animus & armatus; tam paratus semper ad repugnandum, quam est ad impugnandum semper paratus inimicus. Et quoniam frequentiora sunt tela eius, quæ latenter obrepunt, magisque occulta & clandestina iaculatio, quo minus perspicitur, hoc & gravius & crebrius in vulnera nostra grassatur, ad hæc quoque intelligenda & depellenda vigilemus, ex quibus est zeli & livoris malum."

XLIII. Fortasse hic S. Martyrem rhetorem nimium suæ arti indul-  
fisse causentur, qui alios SS. PP. plerosque omnes in hac de dæmonur-  
gia materia *Platonismi* insimulare haud sunt veriti. In promptu vero sunt  
analogia verbi divini testimonia & exempla de omnibus iis, quæ tum hic  
S. CYPRIANUS, cum passim SS. Patres differuerunt, asserta locis & aucto-  
ritate S. Scripturæ veteris, ac novi præprimis testamenti: in historia item  
evangelica doctrinaque ipsius Christi ore prolata, atque ab Apostolis &  
Evangelistis nobis proposita, transmissa per traditionem & scripturas, in  
quibus haud minus frequenter, quam in scriptis Patrum de insidiis & in-  
festationibus dæmoniis commonemur, manifestis & occultis, in anima &  
corpore: quo tam variis modis afflictæ a dæmonibus repræsentantur apud  
evangelistas, non solum a Christo sed etiam a discipulis curati liberatique,  
uno illo excepto puero, quem pater ad Christum adducens lunaticum vo-  
cat, naturali tribuens malum causæ, ut neoterici, magis quam ille incre-  
duli, nec tam ad percipiendam fidem prompti. Ille enim defectum fidei  
fatis prodebat his verbis: *Sed si quid potes, adiuva nos* &c. Et dicente  
IESU: *Si potes credere, omnia possibilia sunt credenti, continuo exclamans* Marc. 9,  
*sum lacrymis aiebat: Credo Domine, adiuva incredulitatem meam.* 21. 22.



Hanc orationem si multi hodie sibi familiarem redderent, rem facerent, qua ipsis illis discipulis opus fuisset, qui dæmonem illum eiicere non potuerunt: quemadmodum *Luc. XVII. 5.* orasse leguntur: *Adauge nobis fidem.* Ubi mox sequitur similitudo de grano sinapis, sicuti apud MATTHÆUM, quando de lunatico illo agitur; IESUS autem turbæ etiam incredulitatem exprobrat: *O generatio incredula & perversa &c.* Et postea *Matth. 17,* apostolis ipsis. Hos enim MATTHÆUS accessisse ad IESUM secreto narrat, *18.* dixisseque: *Quare nos non potuimus eiicere illum? Dixit illis IESUS: Matth. 13,* *Propter incredulitatem vestram.* Quodque idem antea de Christi patrio *58.* loco Nazareth testatus fuerat: *Et non fecit ibi virtutes multas, propter incredulitatem illorum,* apud MARCUM his exprimitur verbis: *Et non poterat ibi virtutem ullam facere, nisi paucos infirmos impositis manibus curavit. Et mirabatur propter incredulitatem eorum.* Ut declaretur futurum fuisse, ut plura Christus in gratiam patriæ suæ faceret signa, nisi incredulitas obstitisset. Hæc omnia complexus uno sermone ORIGENES *T. III. opp.* in MATTHÆUM tomo X. n. 19. sic commentatur: „Deinde videre licet *466.* illud: *Non fecit ibi virtutes multas propter incredulitatem illorum.* Per illa autem docemur virtutes in credentibus factas fuisse, quandoquidem *omni, qui habet, dabitur, & abundabit:* incredulis autem non modo non egisse virtutes; sed quemadmodum scripsit MARCUS, nec potuisse agere. Animum enim adverte ad illud: *Et non poterat ibi virtutem ullam facere:* non enim dixit, nolebat, sed non poterat, tanquam in virtutem agentem adveniret adiumentum ex illius fide, in quem virtus agebat; impediretur autem ab incredulitate, quominus ageret. Nota autem quærentibus: *Quare non potuimus eiicere illum?* dixisse illum: *Propter incredulitatem vestram:* & PETRO iam iam mergi cœpto dictum esse: *T. V. Bibl.* *Modicæ fidei quare dubitasti?*“ S. ATHANASIUS in fragmentis *PP. p. 190.* Comment. in *Luc.* de lunatico illo multa ad rem præsentem pro diverso fidei statu & incrementis commode explicat: „Lunatico ait: *si credis, fiet.* Id autem Servator postulat, non quod alterius ope egeat: namque fidei quoque Dominus & largitor est; sed ne videatur personas accipere, utque putetur ipsum credentibus annuere, hominesque sine fide beneficia non accepturos, atque ex infidelitate eadem amissuros esse. Nam cum gratiam confert, vult gratiam permanere; & quando curat, curationem numquam cadere. Paralyticum ergo confirmabat dicens: *Sanus factus es; noli amplius peccare.* Ac quemadmodum si medicus, cum morbo laborantes adit, sciscitetur primum, an curari velint, ne ipso, repugnantibus ægris, medelam adhibente inutilis cura evadat; eodem prorsus ritu Dominus curandos interrogabat, ipsisque credentibus gratiam conferebat,

ut fide gratiam retinere possent.“ Prout ergo fides adest, ac manet, firma est gratia ac stabilis, aut ea deficiente iterum, deficit, quod PETRI exemplo ipse Christus Dominus declarat, cum coepisset mergi, dicens: *Modicæ fidei quare dubitasti?* Præsignabatur hic lapsus PETRI Christum negantis cæteris apostolis fugientibus: Unde Christus ipsum allocutus *Luc. XXII. 31. &c. Simon, Simon, ait, ecce satanas expetivit vos, ut cribraret sicut triticum: Ego autem rogavi pro te, ut non deficiat fides tua: & tu aliquando conversus confirma fratres tuos. Qui dixit illi: Domine, tecum paratus sum & in carcerem, & in mortem ire. At ille dixit: Dico tibi, non cantabit hodie Gallus, donec ter abneges nosse me.* Integrum volui adscribere contextum sermonis, ut eo minus de incensore infidelitatis relinquatur dubium.

Quoad fidem autem ad expugnandos, expellendosque dæmones necessariam gradus etiam notat MINUTIUS FELIX in OCTAVIO, quod est imprimis observandum circa potestatem in obseffos ab ecclesia iugiter exercitam: *Adiurati enim, inquit, per Deum verum & solum, inviti, miseri, corporibus inhorrescunt, & vel exsiliunt statim, vel evanescent gradatim, prout fides patientis adiuvat, aut gratia curantis aspirat.* Ubi vides, non solum requiri fidem utrinque ex parte energumeni & exorcistæ, verum etiam effectum pro illius conditione respondere: atque pro certo gradu aut perfectione serius aut citius adesse. Huic defectui tribuitur, si quando Christus, donec roboraretur fides, non uno statim actu integritati restitueret. *Marc. VII. 32. adducunt ei surdum & mutum, & deprecabantur eum, ut imponat illi manum. Et apprehendens eum de turba seorsum, misit digitos suos in auriculas eius: & expuens, tetigit linguam eius: & suspiciens in cælum ingemuit, & ait illi: Ephpheta, quod est adaperire. Et dum, Marc. VIII. 22. veniunt Bethsaidam, cui viro incredulitatem speciatim exprobrat Christus, adducunt ei cæcum & rogabant eum, ut illum tangeret, Et apprehensa manu cæci, eduxit eum extra vicum: & expuens in oculos eius impositis manibus suis, interrogavit eum, si quid videret. Et aspiciens ait: Video homines velut arbores ambulantes. Deinde iterum imposuit manus super oculos eius: & cæpit videre: & restitutus est, ita ut clare videret omnia.* S. Io Chrysostomus in Caput XVII. MATTHÆI hom. 57. alias 58. in patre lunatici illius varia incredulitatis signa notat: „Hunc (inquit) hominem valde in fide infirmum ostendit scriptura: id quod multis palam est; tum quod Christus dicat: *Omnia possibilia sunt credenti*; tum quod is; qui accessit dicat: *Adiuva incredulitatem meam*; imo etiam ex eo, quod Christus dæmoni præcipiat, ne ultra intret in eum; ac rursus, quod homo il-

T. II. Bibl.  
PP. p. 397.

T. VII. p.  
578.



le Christo dicat, *si potes*. Ac (inquires) si illius incredulitas in causa fuit, quod dæmon non exierit, cur accusat discipulos? Ut ostendat eos posse, etiamsi nemo adducat, per fidem ægros curare. Ut enim sæpe accedentis fides satis fuit ad postulata vel a minoribus impetranda; sic & operantis sæpe virtus fuit satis sine accedentium fide ad miracula patrandæ. Ad miracula (inquit) patrandæ, ad hæc enim ea potissimum perfectio fidei pertinet, quam Christus his verbis: *omnia possibilia sunt credenti*, declaravit: „id est (sunt S. CHRYSOSTOMI verba l. c.) tanta mea virtus est, ut & alii meo nomine possint miracula patrare. Itaque si tu credas, ut oportet credere, ipse quoque curare potes, & hunc, & alios multos. Et cum hæc dixisset, dæmoniacum liberavit.“ Eum nempe, quem liberare discipuli non poterant. „Quid igitur (pergit paullo post S. Doctor) an nondum tantam fidem habebant? Non utique habebant, neque iidem ipsi semper fuere. Quandoquidem PETRUS nunc beatus prædicatur, nunc increpatur: reliqui vero quasi insipientes arguuntur ab ipso, quod parabolam de fermento non intellexissent. Contigit autem, ut tunc discipuli imbecillitate laborarent: sic enim ante crucem, & passionem fuerant. Hic porro de signorum fide loquitur, & sinapin adhibet, ut eius ineffabilem virtutem significet: licet enim mole minima sinapis videatur esse, vim tamen habet omnium maximam. Docens igitur sinceram fidem vel minimam magna posse, sinapin commemorat; neque hic gradum sistens, montes addidit, & ultra progressus dixit, *Nihil vobis impossibile erit*. Tu vero hic illorum philosophiam mirare, & spiritus virtutem; philosophiam, quod suam impotentiam non occultaverint; Spiritus virtutem, quod eos, qui nec fidem sicut granum sinapis habebant, sic paullatim extulerit, ut fidei fontes, & flumina in illis scaturirent.“

Ne fiant novissima hominis illius peiora prioribus.

XLIV. Fuerunt hi discipuli Christi primitiæ ex paucis illis electis gentis *Iudaorum*, qui iam in eo erant, ut implentes mensuram patrum suorum irremissibile illud peccatum in Spiritum sanctum consummarent, quippe qui ad tanta per Christum facta opera non solum non resipiscerent, verum etiam horrenda blasphemia Christum non eiicere dæmonia nisi in *Beelzebub principe demoniorum* impudenter dicerent: *Ideo dico vobis*, eos alloquitur Christus: *omne peccatum & blasphemia remittetur hominibus, Spiritus autem blasphemia non remittetur. Quoniam dicebant: spiritum immundum habet*. Sequitur apud MATTHÆUM & LUCAM parabola illa de immundo spiritu, qui cum exierit ab homine, ambulat per loca arida, quarens requiem & non invenit. Tunc dicit: *Revertar*

in

*in domum meam, unde exivi. Et veniens invenit eam vacantem, scopis mundatam & ornatam. Tunc vadit, & assumit septem alios spiritus secum nequiores se, & intrantes habitant ibi: & sunt novissima hominis illius peiora prioribus. Sic erit & generationi huic pessima.* Locum hunc ita παραφράζει, ac exponit S. CHRYSOSTOMUS Hom. 43. al. 44. in MAT. T. VII. 108  
 THÆUM: „Quid igitur est, quod dicitur? Sicut dæmoniacy (inquit) cum 462.  
 liberantur ab infirmitate sua, si negligentiores fiant, graviolem sibi attrahunt phantasiā; sic etiam vos facitis. Etenim antehac a dæmone detinebamini, cum idola adoraretis, & filios vestros immolaretis dæmoniis, magnam exhibentes insaniam. Nec tamen dereliqui vos: sed per prophetas eieci dæmonem illum, & ipse rursus veni, ut vos curarem. Sed quia non vultis attendere, verum in maiorem nequitiam prorupistis: etenim multo gravius deteriusque est ipsum Dominum iugulare, quam prophetas occidere, ideo graviora prioribus patiemini.“ Et mox: „Hi vero post tot miracula peiores sunt effecti, seque innumerorum dæmonum domicilium constituerunt, & sexcentas sibi pepererunt calamitates, iure illatas. Cum enim quis a malis liberatus non resipiscit, longe graviora prioribus patietur. Ideo enim dixit: *Non invenit requiem*; ut ostendat dæmonum insidias hunc necessario correpturas esse. Nam ab his duobus ad sanam mentem reduci oportuisset, & quod passi, & quod liberati essent; imo tertium quoque adest, nempe comminatio, ne quid deterius contingat. Atamen ex nullo eorum meliores evaserunt. Hæc vero non ad illos tantum, sed etiam ad nos dicta fuisse opportune credamus; quando illuminati & a priscis erepti malis, rursus eidem nequitie hæremus: nam ob admissa post hæc peccata graviore ultione plectemur. Ideo paralytico dicebat Christus: *Ecce sanus factus es, noli amplius peccare, ne quid tibi deterius contingat.*“ Igitur fieri potuit, ut integritati suæ restitutus ab ipso Christo non solum recidivam pateretur, verum etiam deterius ei aliquid contingeret. Inter tot a Christo curatos a variis languoribus, ac dæmoniis, unus lunaticus id privilegium accepit, ut comminatus spiritui immundo Christus diceret: *exi ab eo, & amplius ne introcas in eum.* De MARIA MAGDALENA autem post primam invasionem forte relapsa septem etiam eiecerat dæmonia. Quemad- Marc. 16, 9  
 modum vero in quotidianis animæ tentationibus infestationibusque hostium nostrorum mundi, carnis & dæmonis nemo non experitur, sese continuis aggressibus obnoxium haud raro etiam succumbere, quidni idem fieri poterit in aliis maligni vexationibus corporalibus etiam hoste iterum regresso in domum suam, unde exire compulsus fuit: & veniens forte invenit eam vacantem scopis mundatam, & ornatam; aut certe



elanguescens deficientemque fidem; quandoquidem *omnia* iuxta effectum Christi *possibilia sunt credenti*; D. PETRUS autem sobrios nos esse vult & vigilare; ac *fortes* resistere *in fide*, non in præsumptione, quam ipse hic apostolorum princeps funestam esse expertus, pro quo tamen rogavit Christus, ut non deficeret fides eius. Is autem, sicuti PAULUS in epistola ad *Hebræos*, contribulibus suis in Christum iam credentibus comminatur: „Si refugientes coinquinationes mundi in cognitione Domini nostri, „& Salvatoris IESU Christi, hic rursus implicati superantur; facta sunt „eis posteriora deteriora prioribus. Melius enim erat illis non cognoscere „viam iustitiæ, quam post agnitionem, retrorsum converti ab eo, quod „illis traditum est, sancto mandato. Contingit enim eis illud veri proverbii: *Canis reversus ad suum vomitum: & sus lota in volutabro luti.*

S. AMBROSIIUS locum illum MATTHÆI XII. & LUCÆ X. de immundo spiritu in domum suam revertente de hæreticis & schismaticis perinde ac de *Iudæis* interpretatus, subdit: „In uno homine totius *iudaici* populi „comparatio est, a quo per legem spiritus immundus exierat. Sed quia „in nationibus & gentibus per fidem Christi requiem reperire non potuit „(immundis enim spiritibus Christus incendium est, qui in pectoribus „gentilium, quæ ante arida erant, postea per baptismum rore Spiritus „sancti humescebant, iacula adversarii ignita restrinxerat) ideo regressus „ad plebem est *Iudæorum*, quæ forensi & perfunctoria specie comta, animo manet interiore pollutior.

S. CYRILLUS *Alexandrinus* commentario in ISAIAM lib. IV. orat. V. in eandem Christi parabolam de *Iudæis* verba faciens „Cum (inquit) non haberent Dei timorem in seipsis, nec IESUM per fidem in se reciperent (habitat enim in cordibus nostris per fidem, sicuti scriptum est) locum illum vacare antiquus ille & impurus spiritus conspiciatus, irrupit denuo, & in illos immigravit, factaque sunt illorum novissima deteriora prioribus. Nam proditorem illum inter discipulos, talem ab hoc impietatis inventore effectum esse, non est obscurum. Scriptum namque est, post offam ingressum in eum satanam. Punita est igitur *Iudæorum* synagoga, obtenebrante illam satana, nec permittente eam animi oculis mundi lucem, id est Christum intueri. Cæterum cum ad conversionem vocati sunt, datum est poculum furoris, & calix ruinæ in manus eorum, qui eam iniuria oppresserant. Puniti sunt enim malæ & adversariæ potestates, deiiciente eas in orcum omnium Salvatore Christo, qui eas catenis tenebrosis in tartarum coniectas, tradidit in iudicium magni diei custodiendas, & cruciandas. Istæ enim dicunt *Hierusalem, Inclinare, ut transeamus.* Hæc autem subiecit

cit media terræ illis hac gradientibus, id est, seipsam substravit ac subiecit conculcare volentibus. Hoc autem faciunt malæ potestates tum, cum viderint animam remissam, quæ mentem suam ita abiicit, ut facile velit impiis eorum a Deo infestis consiliis parere atque subiacere." Add. S. AMBROSIIUS T. III. epist. 32. Classis primæ.

Nihil vero magis laborat diabolus, quam ut eundem in desperationis statum prosternat, quo ipsi omnis ad resipiscentiam est occlusus aditus, nobis autem, quamdiu in statu viæ sumus, nec peccatum illud in Spiritum sanctum consumavimus, semper per poenitentiam est aperta via, atque „armatura contra diabolum (ut cum S. CHRYSOSTOMO loquar) gladius *Hom. VIII. de Pœnit. T. II. pag. 341.* eius caput abscindens, spes salutis, desperationis profligatio. Hæc homini cœlum aperit, hæc in paradysum introducit, hæc diabolum superat; ideoque de hac re frequenter sermonem moveo, quod fiduciam „inducat ipsum prosterni." Tum postquam a desperatione, laqueo diaboli, cautos fecisset ad poenitentiae iterationem cohortatus; „Animadvertisti „(pergit) quod dico? Ordinem invertit satanas, deditque peccato confidentiam, poenitentiae pudorem. . . Duo mala facit, ad peccatum allucit, & a poenitentia arcet. . . Ne mihi rursus dicas: Peccavi multum, „quomodo potero salutem consequi? Tu non potes, Dominus potest „&c.

XLV. Hæc felix nostra, qui in Christum credimus, & confidimus, Cuius gloriæ est conditio ac beata fors, quod diabolus a nobis semper excludere liceat, neque in domum nostram eidem clausam iam pateat regressus, si sanguine agni, etenim pascha nostrum immolatus est Christus, servemus ste devicto, tinctam: Cumque viderit sanguinem in superliminari, & in utroque poste, triumphus, transcendet ostium domus, & non sinet percussorem ingredi domos vestras, *Exod. 12, 23.* & ladere. Communicavit ideo divinum Verbum filius Dei carni & sanguini iuxta apostolum *Hebr. II. 14.* &c. assumpta natura nostra, ut per mortem destrueret eum, qui habebat mortis imperium, id est, diabolus: & liberaret eos, qui timore mortis per totam vitam obnoxii erant servituti. S. PETRUS CORNELIO centurioni fidem in Christum IESUM exponens, quomodo, ait, unxit eum Deus Spiritu sancto, & virtute, qui pertransiit benefaciendo & sanando omnes oppressos a diabolo. Quod non solum de illis intelligendum est, quos a dæmonibus obsessos liberaffe legitur, sed de toto genere humano diaboli laqueis per peccatum obstricto iuxta I. IOAN. III. 8. Qui facit peccatum ex diabolo est: quoniam ab initio diabolus peccat. In hoc apparuit filius Dei, ut dissolvat opera diaboli.



Tuto ergo eum in insidiis latentem aggredimur, quidvis in nos molientem, quam fortis etiam armatus custodire atrium suum videatur: *si autem fortior eo superveniens vicerit eum, universa arma eius auferet, in quibus confidebat, & spolia eius distribuet.* Sic Christus exspolians principatus & potestates traduxit confidenter, palam triumphans illos in semetipso. Nempe ut, data potestate super omnem virtutem inimici, tutos nos ab eius insidiis, & vexationibus præstet; in acie vero & continuis velitationibus securos de victoria, non inertes & otiosos reddat contra capitalem hostem hunc, nobis ad luctam relictum & coronam. Propter quod apostolo PAULO ter Dominum roganti, ut discederet angelus fati-  
 2. Cor. 12, 9. 10. næ, dicitur: *sufficit tibi gratia mea: nam virtus in infirmitate perficitur.* Quod subdit PAULUS, quisque in suis tentationibus Christi confusus gratia dicat: *libenter igitur gloriabor in infirmitatibus meis, ut inhabitet in me virtus Christi.*

XLVI. Cavendum vero nobis summopere est, ne supra captum nostrum, intelligentiamque sensibus adstrictam, de natura rerum invisibilium ultra sobrietatem sapere gestientes, superbiamque diaboli consecrati, iterum eius laqueo capiamur, postquam a Christo erepti sumus, cum deiectionis eius invidia essemus: neve prava doctrina alios etiam in errorem abducamus, fatique consimilis nos reddamus obnoxios. *Quomodo cecidisti, dæmonum principem alloquitur propheta, de cælo lucifer, qui mane oriebaris? Corruisti in terram, qui vulnerabas gentes?*

Nihil nobis de rebus invisibilibus, spiritualique ipsius, nobis intimæ, animæ natura constat, nisi quæ Deus nobis in suo verbo patefacere ad salutem nostram, atque de invisibilibus hostibus cautos nos ac circumspectos reddere voluit. Hanc mihi tractationis huius metam constitui, omnibusque monitum illud D. PAULI hic etiam salutare fore existimo: *Tu autem fide stas, noli altum sapere, sed time.* Idem TIMOTHEUM instruens, qualem episcopum esse oporteat, *Non neophytum, inter cætera ait, ne in superbiam elatus, in iudicium incidat diaboli.* Id quidem generalius etiam dictum valet: qua loquendi ratione absterret postea, *qui divites fieri volunt, inciduntque in tentationem, & in laqueum diaboli;* secunda autem ad eundem TIMOTHEUM ep. II. 25. & 26. cum modestia corripi vult, *qui resistunt veritati: ne quando Deus det illis pœnitentiam ad cognoscendam veritatem, & resipiscant a diaboli laqueis, a quo captivi tenentur ad ipsius voluntatem.* Ad Colossenses vero II. 18. specialiter scribit: *Nemo vos seducat, volens in humilitate & religione Angelorum, quæ non vidit, ambulans, frustra inflatus sensu carnis suæ.*

Iam tunc sanam doctrinam corruerat SIMON magus, *Gnosticorum* parens, qui angelorum seu dæmonum superstitionem ex philosophia *Græcanica* Christianismo inferre allaborarunt, ut iam notavimus: constatque *Judæorum* non paucos superstitioso angelorum cultui deditos fuisse, aut etiam cum illis, seu dæmonibus commercium iactasse. Sic CERINTHUS auctoritatem conciliare voluit suæ hæresi, ab aliquibus ob assertum regnum millenarium auctor *Apocalypseos* habitus. Sed potius eum IOANNES *Apoc.* II. 9. inter eos tangit, *qui se dicunt Iudæos esse, & non sunt, sed sunt synagoga satanæ.*

Oppositis autem erroribus diabolus Christianos inde ab ecclesiæ exordiis dementavit: primum nempe deliriis *Gnosticorum, Valentinianorum &c.* nimia deinde credulitate anilibusque phantasiis ac fabulis, nostra demum ætate obstinata quadam incredulitate ea etiam fere naso suspendendo adunco, explodendoque, quæ constanti Patrum traditione, auctoritateque S. scripturæ habentur asserta, firmata monumentis liturgicis, & pia matris ecclesiæ cura contra infestationes diabolicas.

Mirum profecto religioso cuique esse debet, tam facile ac temere eos etiam hic deviare, qui studiis theologicis innutriti ecclesiasticoque adscripti canoni ignorare nequeunt, quid sacræ litteræ, earumque fidi interpretes SS. Patres & Doctores orthodoxi constanti traditione de dæmonurgia ad nos usque pertulerint, quidque sacer ferat usus in ecclesia; nihilominus videas iam eiusmodi viros, extra chorum saltantes, haud raro longius aberrare, maiusque sibi magisterium in disciplinis etiam naturalibus usurpare, quam illi, qui eas ex instituto sunt professi, atque in iis cum summa sunt versati laude. Sæpe in hac tractatione usus sum testimonio, auctoritatemque in sua sphæra secutus *Friderici HOFFMANNI* consiliarii quondam regis *Borussæ* intimi, & archiatri, professoris medicinæ primarii in academia *Halenfi*, quem in libro *de magia* medicum summum vocat *Ant. de HÆN*, S. C. R. A. M. a consiliis aulicis, archiater item ac medicinæ professor primarius in academia *Viennensi*, in qua nunc ars scientiaque medica, si uspiam alibi, cum primis floret antesignano *Cel. L. B. VAN-SWIETEN*, cuius iam vestigia premit munusque protomedici tenet suæ decus patriæ illustr. *L. B. de STÖRCK*. Triumviri hi recte quidem cum summa cautione circumspectioneque progrediendum statuunt in disquisitionibus magicis, optassemque, ut laudatus *HÆNIUS* hoc suæ *de magia* tractationis caput amplius explicasset: cum id sibi in suo opere propositum esse in præfatione significet, probare scilicet, supposita magiæ existentia, consentiente secum *SWIETENIO*, quod ad superstitionem atque credulitatem hominum diminuendam, & demum tollendam longe efficacior hæc demonstratio



*futura sit, quam unquam ab eiusdem negatione sperari potuisset. Laudatur mox P. Friderici SPEE cautio criminalis seu de processibus contra sagas liber, atque ad calcem sapientissima ESTII in lib. II. Sentent. dist. VII. §. 16. ad rem monita, VAN-ESPENII item ac Ben. BOSSUETI serm. I. & II. in Dom. I. Quadrag. postquam insignem eiusdem locum aliunde descripsisset: in quo cum ostendisset Deum angelos creando, in quantum eos sui intellectus participes fecisset, in tantum etiam eos suæ compotes fecisse potestatis, quatenus ad servandum in mundo ordinem naturæ corporeæ atque inferiores illis subiicerentur iuxta præscriptos his ab illo terminos, „Suo proinde (addit) modo mundus sensualis mundo spiritali, „atque intellectuali subiectus fuit, pactumque hoc Deus cum corporea „natura fecit, ut ad voluntatem angelorum moveretur, quantum hæc „voluntas angelorum, in hoc cum voluntate Dei conformis, eandem „ad certos effectus finesve determinaret.“*

Id cum auctoritate S. scripturæ atque exemplis probasset, perinde etiam ad quæstionem, an prævaricatoribus damnatisque angelis eandem Deus conservet quam fidelibus beatisque potestatem? ex apostolo respondet, subditque, prævaricatoribus angelis prærogativas naturales conservari in supplicium; potestatem autem illorum post lapsum hominem, qui sic in illorum mancipium redactus est, auctam potius, quam imminutam fuisse. Sicque porro explicat salutarem hanc ad cautos nos reddendos ex sacris scripturis, exemplo ipsius Christi Domini theologiam, qua se alius quisque theologus merito continere debeat, absterritus etiam exemplo apostolorum, ipsiusque principis apostolorum, quod idem BOSSUETUS expendit in meditat. LXIX. & seq. super verba Christi in coena, illa nempe: *Simon, Simon, expetivit vos satanas, ut cribraret sicut triticum*, causam vero indicat vanitatem seu ambitionem apostolorum paullo ante de principatu contentium. Eaue potior longe nobis proposita est in ipso diaboli lapsu, fastu scilicet ac superbia, cui nos etiam in eo obnoxios facere possumus, si contra apostoli monitum alte hic sapere potius quam timere volumus, diaboli imitantes superbiam. *Qui dicebas in corde tuo, ut a propheta incessitur, in cælum conscendam, supra astra Dei exaltabo solium meum, sedebo in monte testamenti, in lateribus aquilonis. Ascendam super altitudinem nubium, similis ero altissimo.* Quis vero sibi non prospiciat, caveatque ab adversario, qui contra Deum ipsum se erexit? Qui ipsum filium Dei tentare est ausus? *Tanquam leo rugiens circuit quarens, quem devoret, cui resistite fortes in fide.* Comma primum huius sententiæ principis apostolorum commonentis nos de insidiis principis tenebrarum capite primo, alterum capite hoc secundo suscepi declarandum.

XLVII. Et si vero in longum excreverit oratio, potuissent nihilomi-  
 nus multo adhuc afferri plura ex sacris scripturis, sanctisque Patribus,  
 qui quavis occasione, quæ nuspian suis in tractatibus sermonibusque ex-  
 hortatoriis deerat, fideles a diabolicis insidiis cautos reddendos, atque ab  
 eorum infestationibus tutos præstandos existimarunt, pastores præsertim  
 animarum, atque episcopi vigilantes & custodientes vigilias super gregem  
 suum, ut tum lupos hos infernales arcerent ab ovili, tum vero milites  
 ad pugnam exercitados, fortesque in fide contra hostem undique irruen-  
 tem, redhiberent: quod quidem quam strenue fecerint, ex sermonis de-  
 cursu hætenus patuit: „Parum est enim (cum S. CYPRIANI concludam  
 verbis, quæ nostræ ætati cumprimis congruunt, novissimis multo magis  
 „instantibus temporibus) quod Dei plebem classico nostræ vocis erigi-  
 „mus; nisi credentium fidem, & dicatam Deo devotamque virtutem, di-  
 „vina lectione firmemus. Quod autem potius aut maius curæ nostræ ac  
 „solicitudini congruit; quam ut commissum nobis divinitus populum, &  
 „exercitum in castris cœlestibus constitutum, adversus diaboli tela &  
 „iacula, exhortationibus assiduis præparemus? Neque enim idoneus po-  
 „test esse miles ad bellum, qui non exercitatus prius in campo fuerit.  
 „Aut qui agonisticam coronam quærit adipisci, in stadio coronabitur,  
 „nisi usum & peritiam virium ante meditetur. Adversarius vetus est, &  
 „hostis antiquus, cum quo proelium gerimus. Sex millia annorum iam  
 „pene complentur, ex quo hominem diabolus impugnat. Omnia gene-  
 „ra tentandi & artes atque insidias deiiciendi usu ipso vetustatis edidicit.  
 „Si imparatum invenerit militem Christi, si rudem, si non sollicitum ac  
 „toto corde vigilantem, circumvenit nescium, fallit incautum, decipit  
 „imperitum. Si vero quis dominica præcepta custodiens, & fortiter  
 „Christi vestigiis adhærens, contra eum steterit, vincatur necesse est:  
 „quia Christus, quem confitemur, invictus est.“

Vigilantia  
 item, cum  
 certa in  
 Christum  
 fiducia.

Luc. 2, 8.

De exhor-  
 tat. marty-  
 rii p. 117.

Cæca gentilitas epitheton *invicti* ad Deum suum Solem refert, cuius  
 rei monumentum in *Alemannia* nostra superest in lapidis *Zwifaltensis* in-  
 scriptione, quam in *Itinere Alemannico* dedi, quave *Deo invicto Soli tem-  
 plum a solo* restituisse VALERIUS VENUSTUS memoratur; Christiani autem  
 doctores recte vindicaverunt *soli invicto Domino nostro, qui de morte &  
 inferno triumphavit.* Quam in rem *Philippus* a TURRE ex antiquis  
 simi scriptoris homilia in LUCAM de nativitate S. IOANNIS *Baptistæ*, olim  
 S. CHRYSOSTOMO falso attributa hunc affert locum. „Quis utique tam  
 invictus, nisi Dominus noster, qui mortem subactam devicit. Vel quod  
 dicunt Solis esse natalem; ipse est Sol iustitiæ &c.“


Monum.  
 Antii pag.  
 228.

Ad



Serm. 21.  
pag. 17.

Ad diem Natalis Domini alludit, apud gentiles Soli invicto sacrum: quem admodum etiam S. LEO sermone II. in Nativitate Domini præclare a Sole nostro iustitiæ diabolum devictum ostendit. „Verax namque (inquit) misericordia Dei, cum ad reparandum humanum genus ineffabiliter ei multa suppeterent, hanc potissimum consulendi viam elegit, qua ad destruendum opus diaboli non virtute uteretur potentia, sed ratione iustitiæ. Nam superbia hostis antiqui non immerito sibi in omnes homines ius tyrannicum vindicabat, nec indebito dominatu premebat, quos a mandato Dei spontaneos in obsequium suæ voluntatis illexerat. Non itaque iuste amitteret originalem dedititii generis servitutem, nisi de eo, quod subegerat, vinceretur.“ Et postea: „Habentes ergo tantæ spei fiduciam, dilectissimi, in fide, qua fundati estis, stabiles permanete, ne idem ille tentator, cuius iam a vobis dominationem Christus exclusit, aliquibus vos iterum seducat insidiis; & hæc ipsa præsentis diei gaudia suæ fallaciæ arte corrumpat, illudens simplicioribus animis de quorundam persuasionem peltifera, quibus hæc dies solemnitatis nostræ, non tam de nativitate Christi quam de novi, ut dicunt, Solis ortu honorabilis videatur. . . Amplectimini Christum in nostra carne nascentem, ut eundem Deum gloriæ videre mereamini in sua maiestate regnantem: qui cum Patre & Spiritu sancto manet in unitate Deitatis in sæcula sæculorum. Amen.“



# INDEX

## LOCORUM S. SCRIPTURÆ

### IN HOC OPERE EXPOSITORUM.

- I. 26. **F**aciamus hominem ad imaginem & similitudinem nostram, & præsit piscibus maris, & volatilibus cœli. 84.
- II. 7. Formavit igitur Dominus Deus hominem de limo terræ, & inspiravit in faciem eius spiraculum vitæ. 84.

#### *Genesis*

- VIII. 19. Digitus Dei est hic. 135.
- XII. 23. Cum viderit (*Dominus percutiens*) sanguinem in superliminari, & in utroque poste, transcendet ostium domus, & non sinet percussorem ingredi domos vestras & lædere. 227.

#### *Exodi*

- XIX. 26. Non augurabimini, nec observabitis somnia. 117.
- XX. 6. Anima, quæ declinaverit ad Magos vel hariolos, & fornicata fuerit cum eis, ponam faciem meam contra eam, & interficiam illam de medio populi mei. 127.
27. Vir sive mulier, in quibus pythonicus vel divinatorius fuerit spiritus, morte moriantur. 127.

#### *Levitic*

- XXIV. 17. Videbo eum, sed non modo: intuebor illum, sed non prope: Orietur stella ex IACOB &c. 109.

#### *Deuteronomii*

- XVIII. 10. Non inveniatur in te - - qui ariolos sci- scitetur, & observet somnia atque auguria, nec sit maleficus, nec incantator, nec qui pythones consulat, nec divinos. 127.
- XXVIII. 59. Augebit Dominus plagas tuas, & plagas feminis tui, plagas magnas & perseverantes, infirmitates pessimas & perpetuas. 39.

#### *Regum I.*

- XXVIII. 9. Ecce, tu nosti, quanta fecerit SAUL, & quomodo eraserit Magos & hariolos de terra. 4. 126. 127.

#### *Regum III.*

- XXII. 19. Vidi Dominum sedentem super solium

suum, & omnem exercitum cœli aff- stentem ei a dextris & a sinistris &c. 22.

#### *Regum IV.*

- XXIII. 24. Pythones & ariolos & figuras idolorum, & immunditias & abominationes, quæ fuerant in terra *Iuda & Ierusalem*, abstulit IOSIAS. 4.

#### *Tobia*

- III. 8. Tradita fuerat (SARA) septem viris, & dæmonium nomine *Asinodans* occide- rat eos. 106.
- VI. 16. Audi me, & ostendam tibi, qui sunt, quibus prævalere potest dæmonium. Hi namque, qui coniugium ita susci- piunt, ut Deum a se & a sua mente excludant - - habet potestatem dæ- monium super eos. 106. 183.

#### *Iob*

- I. 8. Non erat similis in terra homo simplex & rectus, ac timens Deum, & rece- dens a malo. 5.
- II. 1. Factum est autem cum quadam die ve- nissent filii Dei, venisset quoque satan inter eos, & staret in conspectu eius. 22.
6. Ecce trado tibi eum, tantummodo ani- mam eius serva. 37. 40. 100. 160.
7. Egredus igitur satan a facie Domini per- cussit Iob ulcere pessimo a planta pedis usque ad verticem. 100. 125.
- XXX. 1. Nunc autem derident me iuniores tem- pore, quorum non dignabar patres po- nere cum canibus gregis mei. 16.
- XL. 10. Ecce *Behemoth*, quem feci tecum &c. 19.
- XLI. 24. Non est super terram potestas, quæ com- paretur ei, qui factus est, ut nullum timeret. 15.

#### *Psalmodum*

- XIX. 8. Hi in curribus & hi in equis, nos au- tem in nomine Domini Dei nostri in- vocabimus. 162.
- XL. 5. Ego dixi: Domine miserere mei, sana animam meam, quia peccavi tibi. 171.
- LI. 11. Expectabo nomen tuum, quoniam bo- num est in conspectu Sanctorum tuo- rum. 159.


G g

LXIV. 8.



*Serm. 21.  
pag. 17.*

Ad diem Natalis Domini alludit, apud gentiles Soli invicto sacrum: quem admodum etiam S. LEO sermone II. in Nativitate Domini præclare a Sole nostro iustitiæ diabolum devictum ostendit. „Verax namque (inquit) misericordia Dei, cum ad reparandum humanum genus ineffabiliter ei multa suppeterent, hanc potissimum consulendi viam elegit, qua ad destruendum opus diaboli non virtute uteretur potentia, sed ratione iustitiæ. Nam superbia hostis antiqui non immerito sibi in omnes homines ius tyrannicum vindicabat, nec indebito dominatu premebat, quos a mandato Dei spontaneos in obsequium suæ voluntatis illexerat. Non itaque iuste amitteret originalem dedititii generis servitutem, nisi de eo, quod subegerat, vinceretur.“ Et postea: „Habentes ergo tantæ spei fiduciam, dilectissimi, in fide, qua fundati estis, stabiles permanete, ne idem ille tentator, cuius iam a vobis dominationem Christus exclusit, aliquibus vos iterum seducat insidiis; & hæc ipsa præsentis diei gaudia suæ fallaciæ arte corrumpat, illudens simplicioribus animis de quorundam persuasione pestifera, quibus hæc dies solemnitatis nostræ, non tam de nativitate Christi quam de novi, ut dicunt, Solis ortu honorabilis videatur. . . Amplectimini Christum in nostra carne nascentem, ut eundem Deum gloriæ videre mereamini in sua maiestate regnantem: qui cum Patre & Spiritu sancto manet in unitate Deitatis in sæcula sæculorum. Amen.“



# INDEX

## LOCORUM S. SCRIPTURÆ

### IN HOC OPERE EXPOSITORUM.

- I. 26. **F**aciamus hominem ad imaginem & similitudinem nostram, & præsit piscibus maris, & volatilibus cœli. 84.
- II. 7. Formavit igitur Dominus Deus hominem de limo terræ, & inspiravit in faciem eius spiraculum vitæ. 84.

#### Exodi

- VIII. 19. Digitus Dei est hic. 135.
- XII. 23. Cum viderit (*Dominus percutiens*) sanguinem in superliminari, & in utroque poste, transcendet ostium domus, & non finet percussorem ingredi domos vestras & lædere. 227.

#### Leviticæ

- XIX. 26. Non augurabimini, nec observabitis somnia. 117.
- XX. 6. Anima, quæ declinaverit ad Magos vel hariolos, & fornicata fuerit cum eis, ponam faciem meam contra eam, & interficiam illam de medio populi mei. 127.
27. Vir sive mulier, in quibus pythonicus vel divinatorius fuerit spiritus, morte moriantur. 127.

#### Numerorum

- XXIV. 17. Videbo eum, sed non modo: intuebor illum, sed non prope: Orietur stella ex IACOB &c. 109.

#### Deuteronomii

- XVIII. 10. Non inveniatur in te - qui ariolos sci- scitetur, & observet somnia atque auguria, nec sit maleficus, nec incantator, nec qui pythones consulat, nec divinos. 127.
- XXVIII. 59. Augebit Dominus plagas tuas, & plagas feminis tui, plagas magnas & perseverantes, infirmitates pessimas & perpetuas. 39.

#### Regum I.

- XXVIII. 9. Ecce, tu nosti, quanta fecerit SAUL, & quomodo eraserit Magos & hariolos de terra. 4. 126. 127.

#### Regum III.

- XXII. 19. Vidi Dominum sedentem super solium

suum, & omnem exercitum cœli assistentem ei a dextris & a sinistris &c. 22.

#### Regum IV.

- XXIII. 24. Pythones & ariolos & figuras idolorum, & immunditias & abominationes, quæ fuerant in terra *Iuda & Ierusalem*, abstulit IOSIAS. 4.

#### Tobia

- III. 8. Tradita fuerat (SARA) septem viris, & dæmonium nomine *Asmodæus* occide- rat eos. 106.
- VI. 16. Audi me, & ostendam tibi, qui sunt, quibus prævalere potest dæmonium. Hi namque, qui coniugium ita susci- piunt, ut Deum a se & a sua mente excludant - - - habet potestatem dæ- monium super eos. 106. 183.

#### Iob

- I. 8. Non erat similis in terra homo simplex & rectus, ac timens Deum, & recedens a malo. 5.
- II. 1. Factum est autem cum quadam die venissent filii Dei, venisset quoque satan inter eos, & staret in conspectu eius. 22.
6. Ecce trado tibi eum, tantummodo animam eius serva. 37. 40. 100. 160.
7. Egressus igitur satan a facie Domini percussit IOB ulcere pessimo a planta pedis usque ad verticem. 100. 125.
- XXX. 1. Nunc autem derident me iuniores tem- pore, quorum non dignabar patres po- nere cum canibus gregis mei. 16.
- XL. 10. Ecce *Bebemoth*, quem feci tecum &c. 19.
- XLI. 24. Non est super terram potestas, quæ com- paretur ei, qui factus est, ut nullum timeret. 15.

#### Psalmorum

- XIX. 8. Hi in curribus & hi in equis, nos au- tem in nomine Domini Dei nostri in- vocabimus. 162.
- XL. 5. Ego dixi: Domine miserere mei, sana animam meam, quia peccavi tibi. 171.
- LI. 11. Expectabo nomen tuum, quoniam bo- num est in conspectu Sanctorum tuo- rum. 159.

G g

LXIV. 8.



# INDEX LOCORUM

- LXIV. 8. Qui conturbas profundum maris. 143.  
 XC. 13. Super aspidem & basiliscum ambulabis, & conculcabis leonem & draconem. 28. 69.  
 III. 26. Draco iste, quem formasti ad illudendum ei. 32.  
*Proverbiorum*  
 XXVI. 11. Sicut canis, qui revertitur ad vomitum suum, sic imprudens, qui iterat stultitiam suam. 226.  
*Ecclesiastici*  
 III. 15. Multas curas sequuntur somnia. 117.  
 XXI. 2. Quasi a facie colubri fuge peccatum. 217.  
 XXXIV. 7. Multos errare fecerunt somnia, & exciderunt sperantes in illis. 117.  
*Sapientia*  
 V. 18. Accipiet armaturam zelus illius - induet pro thorace iustitiam, & accipiet pro galea iudicium certum. 218.  
*Ecclesiastici*  
 XVIII. 21. In tempore infirmitatis ostende conversationem tuam: non impediaris orare semper, & ne verearis usque ad mortem iustificari. 172.  
*Isaia*  
 XIV. 12. Quomodo cecidisti de coelo Lucifer, qui mane oriebaris? corruisti in terram qui vulnerabas gentes? qui dicebas in corde tuo, in coelum conscendam, super astra Dei exaltabo folium meum - ascendam super altitudinem nubium, similis ero Altissimo. 1. 51. 228. 230.  
 XLIV. 25. Ego sum Dominus faciens omnia: extendens coelos solus: stabiliens terram, & nullus mecum: irrita faciens signa divinorum, & hariosos in furorem vertens. 110.  
 LVI. 2. Ad quem respiciam nisi ad pauperculum, & contritum spiritu, & trementem sermones meos. 51.  
*Danielis*  
 XIV. 35. Apprehendit eum (HABACUC) Angelus Domini in vertice eius, & portavit eum capillo capitis sui. 6.  
*Matthai*  
 I. 21. Vocabis nomen eius IESUM, ipse enim salvum faciet populum suum a peccatis eorum. 159.  
 IV. 1. Ductus est IESUS a Spiritu in desertum, ut tentaretur a diabolo. 5. 212.  
 9. Hæc omnia tibi dabo, si cadens adoreris me. 114.  
 10. Tunc dicit ei IESUS: Vade satana, scriptum est enim: Dominum Deum tuum adorabis, & illi soli servies. 118.  
 V. 6. Nolite dare Sanctum canibus. 152.  
 VI. 13. Ne nos inducas in tentationem, sed libera nos a malo. 12. 45. 46. 209.  
 21. Ubi thesaurus vester est, ibi & cor vestrum erit. 208.  
 14. Quam angusta porta, & arcta via est, quæ ducit ad vitam. 20.  
 VII. 22. Multi dicent mihi in die illa: Domine, Domine, nonne - in nomine tuo dæmonia eiecimus, & in nomine tuo virtutes multas fecimus? 205.  
 VIII. 16. Et eiciebat spiritus verbo. 156. 192.  
 28. Occurrerunt ei duo habentes dæmonia, de monumentis exeuntes, sævi nimis &c. 79.  
 31. Rogabant Dominum dicentes: sine nos in porcos abire. 213.  
 X. 1. Convocatis duodecim discipulis dedit illis potestatem spirituum immundorum, ut eicerent eos, & curarent omnem languorem, & omnem infirmitatem. 85. 137.  
 XII. 27. Si ego in Beelzebub eiicio dæmonia, filii vestri in quo eiiciunt? 14. 136. 224.  
 29. Quomodo potest quisquam intrare in domum fortis, & vasa eius diripere, nisi alligaverit fortem? 13. 14.  
 31. Omne peccatum & blasphemia remittetur hominibus, Spiritus autem blasphemia non remittetur. 224.  
 43. Cum autem immundus spiritus exierit ab homine, ambulat per loca arida, quærens requiem, & non invenit. Tunc dicit: revertar in domum meam, unde exivi, & veniens invenit eam vacantem, scopis mundatam, & ornata. Tunc vadit, & assumit septem alios spiritus secum nequiores se, & intrantes habitant ibi: & fiunt novissima hominis illius peiora prioribus. 224. 226.  
 XIII. 39. Inimicus autem, qui seminavit ea, diabolus est. 18. 25. 50.  
 58. Et non fecit ibi virtutes multas propter incredulitatem eorum. 222.  
 XIV. 31. Modicæ fidei, quare dubitasti? 223.  
 XVI. 22. Qui conversus dixit PETRO: Vade post me satana, scandalum es mihi. 68.  
 XVII. 1. Post dies sex assumit IESUS PETRUM - & ducit illos in montem. 6.

# S A C R Æ S C R I P T U R Æ.

14. Increpavit illum IESUS, & exiit ab eo dæmonium, & curatus est puer ex illa hora. 79. 101. 102.
18. Tunc accefferunt discipuli ad IESUM secreto, & dixerunt: quare nos non potuimus eiicere illum? dixit illis IESUS: propter incredulitatem vestram -- hoc autem genus non eiicitur nisi in ieiunio & oratione. 209. 211. 222. 223.
19. Si habueritis fidem -- nihil vobis impossibile erit. 224.
- XVIII. 10. Angeli eorum in cœlis semper vident faciem Patris mei, qui in cœlis est. 21.
- XXIII. 5. Dilatant phylacteria sua, & magnificant fimbrias. 206.

## Marci

- I. 23. Et erat in synagoga eorum homo in spiritu immundo, & exclamavit dicens: quid nobis & tibi IESU Nazarene? venisti perdere nos, scio, qui sis, Sanctus Dei. 159. 187.
34. Dæmonia multa eiiciebat, & non sinebat ea loqui, quoniam sciebant eum. 138. 187.
- III. 22. Omnia possibilia sunt credenti. 224.
- IV. 15. Cum audierint, confestim venit satanas, & aufert verbum. 25. 50.
- V. 2. Occurrit de monumentis homo in spiritu immundo, qui domicilium habebat in monumentis, & neque catenis iam poterat quisquam eum ligare &c. 79.
18. Cœpit illum deprecari, qui a dæmonio vexatus fuerat, ut esset cum illo: & non admisit eum, sed ait illi: vade in domum tuam ad tuos, & annuntia illis, quanta tibi Dominus fecerit & miseratus sit tui. 136.
- VI. 5. Et non poterat ibi virtutem ullam facere, nisi paucos infirmos impositis manibus curavit: & mirabatur propter incredulitatem eorum. 222.
- VII. 32. Adducunt ei surdum & mutum, & deprecabantur eum, ut imponat illi manum. Et apprehendens eum de turba seorsum misit digitos suos in auriculas eius: & exspuens tetigit linguam eius: & suspiciens in cœlum ingemuit, & ait illi: *Ephpheta*, quod est adaperire. 223.
- VIII. 22. Adducunt ei cæcum, & rogabant, ut illum tangeret. Et apprehensa manu cæci, eduxit eum extra vicum: & ex-

spuens in oculos eius impositis manibus suis, interrogavit eum: si quid videret? Et aspiciens ait: video homines velut arbores ambulantes. Deinde iterum imposuit manus super oculos eius, & cœpit videre: & restitutus est, ita ut clare videret omnia. 223.

- IX. 16. Magister attuli filium meum ad te habentem spiritum mutum: qui ubicunque eum apprehenderit, allidit illum, & spumat, & stridet dentibus, & arefcit -- -- -- Exclamans & multum discerpens eum exiit ab eo, & factus est sicut mortuus. 79. 101. 102. 187.
22. Omnia possibilia sunt credenti. 224.
23. Continuo exclamans pater pueri cum lacrimis aiebat: Credo Domine, adiuva incredulitatem meam. 160. 221.
27. Discipuli eius secreto interrogabant eum: quare nos non potuimus eiicere eum? & dixit illis: hoc genus in nullo potest exire, nisi in oratione & ieiunio. 207. 209. 210. 211.
37. Respondit illi IOANNES dicens: Magister vidimus quemdam in nomine tuo eiicientem dæmonia, qui non sequitur nos, & prohibuimus eum. 138.
38. IESUS autem ait: Nolite prohibere eum: nemo est enim, qui faciat virtutem in nomine meo, & possit cito male loqui de me: qui enim non est adversum vos, pro vobis est. 138.
- XVI. 9. Apparuit primo MARIE MAGDALENÆ, de qua eiecerat septem dæmonia. 225.
17. In nomine meo dæmonia eiicient. 137. 146. 156.

## Lucæ

- II. 8. Pastores erant in eadem regione vigilantes, & custodientes vigilias noctis super gregem. 231.
- IV. 6. Tibi dabo potestatem hanc universam, & gloriam illorum: quia mihi tradita sunt, & cui volo, do illa. Tu ergo si adoraveris coram me, erunt tua omnia. 114. 129. 130.
33. In synagoga erat homo habens dæmonium immundum, & exclamavit voce magna dicens: sine, quid nobis, & tibi, IESU Nazarene? venisti perdere nos? scio te, quis sis, Sanctus Dei. 159. 160.



# INDEX LOCORUM

41. Exhibant autem dæmonia a multis clamantia, & dicentia: quia tu es filius Dei, & increpans, non sinebat ea loqui, quia sciebant ipsum esse Christum. 138. 187.
- VI. 13. Infirmos curate, mortuos resuscitate, leprosos mundate, dæmones eiicite. 85.
- VIII. 12. Qui autem secus viam, hi sunt, qui audiunt: deinde venit diabolus, & tollit verbum de corde eorum. 18. 25. 50.
27. Cum egressus esset ad terram, occurrit illi vir quidam, qui habebat dæmonium iam temporibus multis, & vestimento non induebatur &c. 79.
30. Interrogavit autem illum IESUS dicens: quod tibi nomen est? at ille dixit: Legio: quia intraverant dæmonia multa in eum. 180.
38. Et rogabat illum vir, a quo dæmonia exierant, ut cum eo esset; dimisit autem eum IESUS dicens: Redi in domum tuam, & narra, quanta tibi fecit Deus. 136.
- IX. 28. Et assumpsit PETRUM &c. & ascendit in montem. 6.
39. Ecce spiritus apprehendit eum, & subito clamat, & dissipat eum cum spuma, & vix discedit dilanians eum. 79. 101. 102. 187.
- X. 17. Reversi sunt septuaginta duo cum gaudio dicentes: Domine etiam dæmonia subiiciuntur nobis in nomine tuo. 138. 156.
18. Videbam satanam sicut fulgur de cælo cadentem. 110. 142. 209.
19. Ecce dedi vobis potestatem calcandi super serpentes & scorpiones. 9. 110.
20. Nolite gaudere, quia spiritus vobis subiiciuntur. 141. 146.
- XI. 22. Si fortior eo superveniens vicerit eum, universa arma eius auferet, in quibus confidebat, & spolia eius distribuet. 228.
24. Cum immundus spiritus exierit de homine, ambulat per loca inaquosa, quærens requiem & non inveniens dicit: Revertar in domum meam, unde exivi, & cum venerit, invenit eam scopis mundatam & ornatam, tunc vadit, & assumit septem alios spiritus secum nequiores se, & ingressi habitant ibi. Et fiunt novissima hominis illius peiora prioribus. 224. 226.
- XIII. 11. Et ecce mulier, quæ habebat spiritum infirmitatis annis decem & octo: & erat inclinata, nec omnino poterat sursum respicere &c. 104.
- XXII. 31. SIMON, SIMON, ecce satanas expetivit vos, ut cribraret sicut triticum. 8. 26. 123.
- Ioannis*
- I. 12. Quotquot autem receperunt eum, dedit eis potestatem filios Dei fieri. 9. 188.
- III. 8. Qui facit peccatum, ex diabolo est, quoniam ab initio diabolus peccat. In hoc apparuit filius Dei, ut dissolvat opera diaboli. 227.
- V. 4. Ecce sanus factus es, noli amplius peccare, ne quid tibi deterius contingat. 225.
- VI. 71. Nonne ego vos duodecim elegi, & ex vobis unus diabolus est? 59.
- VIII. 44. Vos ex patre diabolo estis. - ille homicida erat ab initio, & in veritate non stetit: quia non est veritas in eo. 59. 129.
- XII. 31. Nunc iudicium est mundi: nunc princeps huius mundi eiicietur foras. 11.
- XIII. 2. Cum diabolus iam misisset in cor eius ut traderet eum &c. Et v. 27. Post buccellam introivit in eum satanas. 24.
- XIV. 30. Venit princeps mundi huius, & in me non habet quidquam. 7.
- XV. 4. Palmes non potest ferre fructum a semetipso, nisi manserit in vite. 50.
- Actuum Apostolorum*
- IV. 10. Notum sit omnibus vobis & omni plebi *Israel*: quia in nomine Domini nostri IESU Christi, quem vos crucifixistis, quem Deus suscitavit a mortuis, in hoc iste adstat coram vobis sanus. 159.
- V. 3. Cur tentavit satanas cor tuum, mentiri te Spiritui sancto? 24.
- X. 38. Vos scitis - - - quomodo unxit eum Deus Spiritu sancto, & virtute; qui pertransiit benefaciendo & sanando omnes oppressos a diabolo. 227.
- XVI. 17. Isti homines servi Dei excelsi sunt, qui annuntiant vobis viam salutis: - - - Dolens autem PAULUS, & conversus spiritui dixit: Præcipio tibi in nomine IESU Christi exire ab ea, & exiit eadem hora. 132. 154. 159. 188.
- XIX. 13. Tentaverunt quidam & de circumeuntibus *Iudæis* exorcistis invocare super eos, qui habebant spiritus malos, nomen

# S A C R Æ S C R I P T U R Æ.

- men Domini. Respondens spiritus nequam dixit eis: IESUM novi, & PAULUM scio, vos autem qui estis? 138. 146. 159.
16. Infiltrans in eos homo, in quo erat dæmonium pessimum & dominatus amborum invaluit contra eos &c. 104. 132.
- XXIII. 8. Sadducei dicunt non esse resurrectionem, neque Angelum, neque spiritum: Pharisei autem utraque confitentur. 133.
- XXVI. 18. Apparui tibi, ut constituam te ministrum - - - aperire oculos eorum, ut convertantur a tenebris ad lucem, & de potestate satanæ ad Deum. 24.
- Ep. ad Romanos*
- XI. 20. Tu autem fide stas. Noli altum sapere, sed time. 228.
- XVI. 20. Deus autem pacis conteret satanam sub pedibus vestris brevi. 47. 138. 50.
- I. ad Corinthios*
- I. 23. Prædicamus Christum crucifixum, Iudeis quidem scandalum, gentibus autem stultitiam. 165.
- V. 5. Iam iudicavi - - tradere huiusmodi satanæ in interitum carnis, ut spiritus salvus sit. 36. 100. 104. 160.
- X. 13. Fidelis Deus est, qui non patietur vos tentari supra id, quod potestis. 19. 42. 59.
19. Quid ergo? dico, quod idolis immolatum sit aliquid? sed quæ immolant gentes, idolis immolant, & non Deo. Nolo autem vos socios fieri dæmoniorum. 113.
- XII. 28. Quosdam quidem posuit Deus in ecclesia primum Apostolos, secundo Prophetas, tertio Doctores, deinde virtutes, exinde gratias curationum. 107.
- II. ad Corinthios*
- II. 11. Non circumveniamur a satana: non enim ignoramus cogitationes eius. 52.
- XI. 13. Eiusmodi pseudo-apostoli sunt operarii subdoli, transfigurantes se in apostolos Christi. 94.
14. Ipse enim satanas transfigurat se in Angelum lucis. 92.
- XII. 3. Timeo autem, ne sicut serpens HEVAM seduxit astutia sua, ita corrumpantur sensus vestri, & excidant a simplicitate, quæ est in Christo. 2.
9. Et dixit mihi: Sufficit tibi gratia mea; nam virtus in infirmitate perficitur. Libenter igitur gloriabor in infirmitatibus meis, ut inhabitet in me virtus Christi. 228.
- Ep. ad Galatas*
- V. 15. Quodsi invicem mordetis, videte ne ab invicem consumamini. 219.
17. Caro concupiscit adversus spiritum, & spiritus adversus carnem. 59.
- Ep. ad Ephesios*
- IV. 27. Nolite locum dare diabolo. 7. 28. 175.
- VI. 11. Induite vos armaturam Dei, ut possitis stare adversus insidias diaboli. 10. 45. 215. 218.
12. Non est nobis colluctatio adversus carnem & sanguinem, sed adversus principatus & potestates, adversus mundi rectores tenebrarum harum. 7. 25. 31. 39. 58. 175. 219.
14. State ergo succincti lumbos vestros in veritate, & induti lorica iustitiæ - - in omnibus sumentes scutum fidei, in quo possitis omnia tela nequissimi ignea extinguere. 218.
- Ad Philippenses*
- II. 8. Humiliavit semetipsum factus obediens usque ad mortem, mortem autem crucis &c. 165.
- Ad Colossenses*
- I. 12. Gratias agentes Deo Patri - - qui eripuit nos de potestate tenebrarum. 10.
- II. 15. Et exspolians principatus & potestates traduxit confidenter palam triumphans illos in semetipso 108. 134. 228.
18. Nemo vos seducat volens in humilitate & religione angelorum, quæ non vidit, ambulans, frustra inflatus sensu carnis suæ. 228.
- I. ad Thessalonic.*
- II. 18. Voluimus venire ad vos - - sed impedit nos satanas. 39.
- V. 8. Nos autem, qui diei sumus, sobrii sumus, induti lorica fidei, & charitatis, & galeam spem salutis. 218.
- I. ad Timotheum*
- III. 6. Oportet episcopum esse - - non neophytum, ne in superbiam elatus in iudicium incidat diaboli. 94. 228.
- IV. 1. Spiritus autem manifeste dicit, quia in novissimis temporibus discedent quidam a fide, attendentes spiritibus, & doctrinis dæmoniorum. 94.



## INDEX LOCORUM S. SCRIPTURÆ.

- VI. 9. Qui divites fieri volunt, incidunt in tentationem & in laqueum diaboli. 228.
10. Radix enim omnium malorum cupiditas, quam quidam appetentes a fide erraverunt, & inferuerunt se doloribus multis. 50.
- II. ad Timotheum*
- II. 24. Servum Domini non oportet litigare, sed mansuetum esse ad omnes, docibilem, patientem, cum modestia corripientem eos, qui resistunt veritati, ne quando Deus det illis poenitentiam ad cognoscendam veritatem, & resipiscant a diaboli laqueis, a quo captivi tenentur ad ipsius voluntatem. 228.
- Ad Hebraeos*
- I. 24. Omnes sunt administratorii spiritus in ministerium missi propter eos, qui hæreditatem capiunt salutis. 21.
- II. 14. Ipse similiter participavit eisdem, ut per mortem destrueret eum, qui habebat mortis imperium, id est, diabolum. 227.
- VII. 4. Nondum usque ad sanguinem restitistis. 174.
- Ep. S. Iacobi*
- II. 19. Tu credis, quoniam unus est Deus: bene facis: & dæmones credunt, & contremiscunt. 50.
- IV. 7. Subditi estote Deo: resistite autem diabolo, & fugiet a vobis. 28.
- I. B. Petri*
- III. 22. Qui est in dextera Dei - - profectus in cælum, subiectis sibi angelis, & potestatibus, & virtutibus. 108.
- V. 8. Sobrii estote & vigilate, quia adversarius vester diabolus tamquam leo rugiens circuit, quærens, quem devoret, cui resistite fortes in fide. 26. 28. 72. 203. 219. 220.
- II. B. Petri*
9. Novit Dominus pios de tentatione eripere. 15.
- II. 20. Si refugientes coinquinationes mundi in cognitione Domini nostri, & salvatoris IESU Christi his rursus implicati superantur: facta sunt eis posteriora deteriora prioribus. 226.
- I. S. Ioannis*
- III. 8. Qui facit peccatum, ex diabolo est: quoniam ab initio diabolus peccat. In hoc apparuit filius Dei, ut dissolvat opera diaboli. 10. 23.
10. In hoc manifesti sunt filii Dei, & filii diaboli. Omnis, qui non est iustus, non est ex Deo. 23.
- V. 19. Mundus totus in maligno positus est. 20.
- Apocalypsis*
- II. 9. Blasphemaris ab his, qui se dicunt Iudeos esse, & non sunt, sed sunt synagoga satanæ. 229.
- XII. 9. Proiectus est draco ille magnus, serpens antiquus, qui vocatur diabolus, & satanas. 10.
12. Væ terræ & mari, quia descendit diabolus ad vos, habens iram magnam, sciens, quod modicum tempus habet. 17.
- XX. 3. Misit eum (*draconem*) in abyssum, & clausit, & signavit super illum, ut non seducat amplius gentes. 15.



# INDEX

## RERUM MEMORABILIUM.

### A.

**A**erem a diaboli insidiis purgavit mors Christi. 142.  
 Angeli Custodes invocandi ad fugandos dæmones. 203.  
 ANTONIUS (S.) verberibus fugat dæmones. 186.  
 Aqua ad exorcizandum adhibita. 177.  
 Armis quibus oppugnetur dæmon? 30. 31. *seqq.*  
 Arreptorum a dæmone descriptio. 80.

### B.

**B**ENEDICTUS (S.) verberibus fugavit dæmones. 186.  
 BERNARDI (S.) reliquiis dæmon fugatus. 201.

### C.

**C**ampanas benedicendi antiqua consuetudo. 183.  
 Cereus paschalis ad fugandos dæmones adhibitus. 185.  
 Certamen adversus dæmones continuum. 33.  
 Christianorum in dæmones potestas. 139.  
 CHRISTOPHORI (S.) superstitiosus cultus unde? 130.  
 Christus cur a diabolo voluerit tentari? 5. nec omnino huius extinxerit potestatem? 7. 231.  
 CHRYSOSTOMI (S.) insignis locus de dæmonum potestate. 143. Eius orationes super energumēnos. 150.  
 Cogitationes malæ unde proveniant? 60.  
 Cordis custodia firmissimum adversus dæmones præsidium. 6. *seqq.*  
 Crucis virtus adversus dæmones. 110. 163.  
 Cultores Dei a dæmonibus formidantur. 188.  
 CYPRIANI (S.) insignis de dæmonurgia locus. 220.

### D.

**Δαίμων, δαιμόνιον** voces antiquis Philosophis vagæ, 3.  
 Dæmon auctor persecutionum ecclesiæ, 17. schismatum ac sectarum pater, 18. Orationis inimicus, 54. 208. adveniente Christo amisit dominatum. 4. Quo sensu a SS. PP. dictus sit salu-

tis auctor? 22. 37. & a Christo princeps huius mundi nuncupetur? 8. 9. Homines ad peccatum allicit diversimode, 2. 4. 12. 52. 65. & secundum uniuscuiusque temperamenti qualitatem, 19. homines in desperationem conicere studet. 227. morituris præcipue infestus. 58. Deo id permitte. 36. 39. 40. *seqq. it.* 46. Cur Christum tentaverit? 5. quomodo terram circuire dicatur? 4. *seqq.* quare non formidandus, 13. 15. 33. sed despiciendus? 29. & quomodo vincendus? 30. 31. *seqq.* 66.

- Eius arma quæ? 27. & potestas in corpus humanum 36. per peccatum acquisita. 137. cur concessa a Deo? 36. & qualis? 10. cur non omnino per Christum extincta? 7. 20.
  - Eius colloquium cum Deo quomodo exponant SS. PP. 5.
  - Eius technæ variæ. 39. *seqq.* simulque implacabilis nocendi cupido. 42. 43.
  - Eidem diversa a SS. PP. attribuuntur nomina. 67. 70.
  - Illo eiecto curandum, ne revertatur. 225.
- Dæmones metuunt cultores Dei. 188. diversimode eorum virtus infringitur. 137. per integrum Caput II. Eorum quis ortus iuxta veteres? 2. & quænam eorum operationes? 3.

### E.

**E**cclesiæ summa in dæmones potestas. 137. per integr. Caput II.  
 Electi per dæmonum insultus probantur. 22.  
 Energumeni 71. quomodo antiquitus nuncupati? 74 *seqq.* ad Eucharistiam admissi. 151. & hæc eorum capitibus fuit imposita. 153. Eisdem dignoscendi criteria. 75. *seqq.*  
 Exorcismi varii. 154. 183.  
 Exorcistarum functiones. 148. & cautelæ ab iisdem observandæ. 212. *seqq.*  
 Exorcizo vocis huius varii significatus. 145.

### F.

**F**ides firmissimum adversus dæmones præsidium, 216. requiritur tam in exorcista, quam in energumeno ad expellendos dæmones. 223.

### G.

**G**enius bonus & malus quomodo inter se dignoscantur? 22. 23.

GREGO.



# INDEX RERUM MEMORAB.

GREGORIUS *Thaum.* (S.) solo anhelitu dæmones expulit, 186. & per epistolam. 196.

## H.

**H**omo quomodo satanas nuncupetur? 69. cur a spiritibus immundis infestetur? 77. *seqq.*  
Homo malus vas dæmonis. 14.

## I.

**I**eunium rigidissimum dæmoniacis præscribitur, 212. quo sæpius eiekti sunt dæmones. 210.  
Incredulitate impeditur eiectio dæmonum. 222.  
Insidiæ dæmonis. 36.  
Iumenta hominum causa a diabolo corripiuntur. 191.

## M.

**M**ala physica unde suum ortum habeant? 98.  
Manus impositione dæmones expulsi. 195.  
MARIE V. (S.) adversus dæmones tutela. 204.  
MARTINI (S.) in dæmones potestas. 193.  
Meditatione divini verbi eiicitur dæmon. 214.  
Mœrore superantur, quoscunque superat dæmon. 215.

## N.

**N**atura dæmonum quæ sit iuxta Veteres. 96.

## O.

**O**lei usus ad exorcismos. 181.  
Oratio præsidium adversus dæmones. 207.  
Orationes super energumenos. 150.  
ORIGENIS error circa statum animæ ante nativitatem. 76.

## P.

**P**eccata nos subdunt potestati dæmonis. 46.  
Persecutionum ecclesiæ auctor diabolus. 17.  
Phantasiæ vires. 167.  
Præstigia magica adducuntur. 169.  
Princeps huius mundi, quo sensu dicatur dæmon? 8. 9.  
Pulvis ad exorcizandum adhibitus. 180.

## R.

**R**emedium declinandi distractiones sub oratione a dæmone immixtas. 54.  
Reliquis Sanctorum dæmones expulsi. 198.

## S.

**S**alis usus ad exorcismos. 179.  
Sancti etiam tentantur a dæmone. 51. 56.  
Schismatum ac sectarum pater diabolus. 18.  
Spiritus carnis, mundi, ac inferni quomodo cognoscantur? 25. *seqq.*  
Somnia unde oriantur? 25. *seqq.*  
Superstitio caute fugienda in rebus externis adhibendis contra dæmones. 206.

## T.

**T**entationes ac insultus dæmonis crucis signo fugantur, 175. utiles persæpe. 38. 39.  
THECLA (S.) signo crucis munita insiliit in rogam. 174.

## V.

**V**eterum opiniones de natura dæmonum. 96.

F I N I S.







# INDEX RERUM MEMORAB.

GREGORIUS *Thaumat.* (S.) solo anhelitu dæmones expulit, 186. & per epistolam. 196.

## H.

**H**omo quomodo satanas nuncupetur? 69. cur a spiritibus immundis infestetur? 77. *seqq.*  
Homo malus vas dæmonis. 14.

## I.

**I**eunium rigidissimum dæmoniacis præscribitur, 212. quo sapius eiectioni sunt dæmones. 210.  
Incredulitate impeditur eiectioni dæmonum. 222.  
Insidiæ dæmonis. 36.  
Iumenta hominum causa a diabolo corripiuntur. 191.

## M.

**M**ala physica unde suum ortum habeant? 98.  
Manus impositione dæmones expulsi. 195.  
MARIE V. (S.) adversus dæmones tutela. 204.  
MARTINI (S.) in dæmones potestas. 193.  
Meditatione divini verbi eiicitur dæmon. 214.  
Mœrore superantur, quoscunque superat dæmon. 215.

## N.

**N**atura dæmonum quæ sit iuxta Veteres. 96.

## O.

**O**lei usus ad exorcismos. 181.  
Oratio præsidium adversus dæmones. 207.  
Orationes super energumenos. 150.  
ORIGENIS error circa statum animæ ante nativitatem. 76.

## P.

**P**eccata nos subdunt potestati dæmonis. 46.  
Persecutionum ecclesiæ auctor diabolus. 17.  
Phantasiæ vires. 167.  
Præstigia magica adducuntur. 169.  
Princeps huius mundi, quo sensu dicatur dæmon? 8. 9.  
Pulvis ad exorcizandum adhibitus. 180.

## R.

**R**emedium declinandi distractiones sub oratione a dæmone immixtas. 54.  
Reliquiis Sanctorum dæmones expulsi. 198.

## S.

**S**alis usus ad exorcismos. 179.  
Sancti etiam tentantur a dæmone. 51. 56.  
Schismatum ac sectarum pater diabolus. 18.  
Spiritus carnis, mundi, ac inferni quomodo cognoscantur? 25. *seqq.*  
Somnia unde oriantur? 25. *seqq.*  
Superstitio caute fugienda in rebus externis adhibendis contra dæmones. 206.

## T.

**T**entationes ac insultus dæmonis crucis signo fugantur, 175. utiles persæpe. 38. 39.  
THECLA (S.) signo crucis munita insiliit in rogam. 174.

## V.

**V**eterum opiniones de natura dæmonum. 96.

F I N I S.



